

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books


<https://books.google.com>





78. Bb. 41.

MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

78. Bb. 41

601

IZTINE VERE

V U

RAZLAGANYIH Y RAZGOVORIH

POLEG

VU CZESZARZKO-KRALYEVZKIH DERSAVAH

PREPISZANOGA

KATEKISMUSHA

V U

Cheterdeszetih Návukih y Chetireh

Ponavlyanyih iztoga Návuka razdélene,

za podvuchanye Kerztchanstva, z-pridanemi
na krépoztno dersánye zpadajúchemi Návuki
szlósene,

y poleg nemskoga popiszane

P O

FERENCZU KAR. SCHLOISSNIGG,

ztolne Czirkve Zagrebechke Präbendaru.

ZTRAN III.

OD SZ. SHAKRAMENTOV.

Vu ZAGREBU,

stampano vu Szlovarniczi Franye Suppan.

1840.



Zàvjetek trejte Ztrani.

Poglavje IV. OD SZV. SHAKRAMENTOV.

Nàvuk 23.

Od Shakramentov vu obchinskem.

		Ztran
<i>Pitanye</i> 1. Kaj je Shakrament?		1
— 2. Kak nasz poszvetchuju sz. Shakramenti? .		7
I. <i>Dokànychanye Nàvuka.</i> Shakramenti ztaroga Zakona bili		
szu kip Shakramentov novoga		
Zakona		12
II. — — Jesush ochituje szebe Szama-		
ritanki kakti zviralische vsze-		
ga dobra		14
III. — — Velikocha lyubavi Jesusha pri		
poztavlyanyu sz. Shakramentov		16

Nàvuk 24.

Od Shakramenia Kerzta.

<i>Pitanye</i> 1. Kaj je Kerzt?		17
— 2. Kaj zvershava Shakrament Kerzta? . . .		22
— 3. Gdo mqre kerztiti?		30
I. <i>Dokànychanye Navuka.</i> Naaman szedemkrat kupal sze		
je vu potoku Jordanu, y od		
gube ochiztcheñ je bil . . .		32
II. — — Filip kerzti Komornika harap-		
zke Kralyicze Kandaczie . .		34
III. — — Szveti Obichàji (Ceremoniae)		
„Kerzta jeszu puni navuka .		36

Nàvuk 25.

Od Shakramenta Bermanya.

	<i>Ztran</i>
<i>Pitanye</i> 1. Kaj je Bermanye?	39
— 2. Kaj chini vu nami Bermanye?	45
— 3. Kaj je potrebno na vredno prijemanye Bermanya?	50
I. <i>Dokànychanye Navuka.</i> Oni tri mladenózi vu ognjeni pèchi vu Babylonu jeszu pel-da ztalanózi vu veri	54
II. — — Apostoli veszelili szu sze, da vredni bili jeszu zbog Jesusha odurjavanye y pregone terpeti	56
III. — — Dusnozti Bermaneh	57

Nàvuk 26.

Od Shakramenta preszvetoga Téla Kristushevoga.

<i>Pitanye</i> 1. Kaj je Shakrament preszvetoga Téla Kriztushevoga?	60
— 2. Kak je nazochi Telo y Kerv Kriztusha Jesusha vu presz. oltarzkom Shakramentu?	67
— 3. Jeszmoli dusni prijemati preszv. oltarzkoga Shakramenta?	72
I. <i>Dokànychanye Navuka.</i> Manna Izraelczev vu puztchini je kip preszvetoga oltarzkoga Shakramenta	75
II. — — Oni dva Vucheniki od Emmausz zpoznaju Jesusha vu lamanyu kruha	76
III. — — Zroki, zakaj preszvetoga oltarzkoga Shakramenta vu pogibelyi szmertí prijeti imamo	79

Nàvuk 27.

*Od oneh, koja pri iztom prijemanyu press. oltarskoga
Shakramenta jeszu potrebna*

Ztran

<i>Pitanye</i>	1.	Kaj je potrebno na vredno prijemanye oltarskoga Shakramenta?	81
—	2.	Kaj je chiniti, kada sje pred Pricheztchanyem obchinzka zповед moli?	90
—	3.	Kaj je chiniti po szvetom Pricheztchanyu?	92
I.	<i>Dokànychye Navuka.</i> Navade Izraelczov pri jedyenyu vuzmenoga Janchezja		96
II.	—	Ztotnik vu Kafarnaumu dersi sje nevrednoga, da Jesusha vu hisu szvoju prime	98
III.	—	Zroki tulikeh falingaztéh pricheztih	99

Nàvuk 28.

Od Shakramenta Pokore vu obchinzkom, y od zpitavanya dushnoga szpoznanya vu oszebnom.

<i>Pitanye</i>	1.	Kaj je Shakrament Pokore?	161
—	2.	Kaj je chiniti pri zpitavanyu dushnoga szpoznanya?	110
I.	<i>Dokànychye Navuka.</i> David po Nathanu Proroku k-zpoznanyu szvojih grehov dopelyan bil je		115
II.	—	Jesush zbudi mertvoga Lazara na novo sivlenye	117
III.	—	Zpitavanye dushnoga szpoznanya z-vszum marlyivoztjum y pazlyivoztjum vchiniti sje mora	119

Nàvuk 29.

Od Posaluvanya.

<i>Pitanye</i>	1.	Kakvo mora bitì Posaluvanye?	121
—	2.	Kuliko verzti je Posaluvanye zverhunaravzko?	129

I. Dokànychanye Navuka.	Antiokush iz ztraha vremeniteh kastig saluje sze za szvoje grehe, y ne dobiva miloztchu	136
II.	— — — Peter po miloztivnom pogledu Jesusha na posaluvanye gene sze	138
III.	— — — Posaluvanye mora iz szerdoza, y zbog Boga vchiniti sze	140

N à v u k 30.

Od iztinzkoga Obechànya.

Pitanye 1.	Kaj je iztinzko obechanye?	141
— 2.	Kak mora biti z-nutra zpravlyen on, koj tverdnu velyu ima pobqlyshati sze?	147
I. Dokànychanye Navuka.	Szaul zbog szvoje nepokor- noztì od Boga zahitava sze	152
II.	— — — Shavel obracha sze, y poztaje marlyivi Apostol Jesusha Kri- ztusha	155
III.	— — — Nachini, vchinyeno Obechanye véno obdersavati	157

N à v u k 31.

O d Z p ò v e d i.

Pitanye 1.	Kak je Zpòved czèla?	159
— 2.	Kaj mora chiniti gréshnik, koj na zpòvedi ve- likoga greha hotoncze, ali iz greshne ne- marnozti je zatajil?	168
I. Dokànychanye Navuka.	Adam krivnyu pervoga greha hita na Evu, Eva pako na kachu	172

II.	Dokànychye Navuka.	Jesush òchizti gubavoga, y po- shilya nyega k-Alčovnikom .	175
III.	—	Laztovitozti valyane Zpovedi .	177

N à v u k 32.

Od Zadovolyschine y Proztchenya.

Pitanye 1.	Kaj sze razmeva po Zadovolyschini, koja k- Shakramentu pokore je potrebna? . . .	179
—	2. Kaj je Proztchenye?	187
I.	Dokànychye Navuka. Jonash prodekuje, y Ninivitan- czi chiniju pokoru	193
II.	— Pavel podelyuje Rodogreshniku od Korinta odpuztchenye za- szluseñe kastige	198
III.	— Zadovolyschina naj bude pri- merna velikochi, y kakvochi grehov	200

N à v u k 33.

Od Shakramenta Krizmany, ili ti poszlednyega Mazanya.

Pitanye 1.	Kaj je Krizmany?	202
—	2. Kaj zrokuje Krizmany?	206
—	3. Kak sze mora betesnik pripraviti za prijeti Krizmany?	215
I.	Dokànychye Navuka. Noë iz Barke poshilya jedno- gà goluba, koj z-zelenum gra- num olikovum povratcha sze	218
II.	— Jesush poti sze na gori Oli- vetanzki z-kervavem potom, y od Angela objachuje sze	219
III.	— Szveti Obichaji poszlednyega Mazanya raztolnachiju sze	221

Nàvuk 34.

Od Shakramentov szvétoga Rèda, y hisnoga Zákona.

Ztran

<i>Pitanye</i>	1. Kaj je Shakrament szvétoga Rèda? . . .	224
	— 2. Kaj je Shakrament hisnoga Zákona? . . .	230
I.	<i>Dokànychye Navuka.</i> Tobiasz y Szara jeszu pelda dobrih zakonzkih lyudih . . .	236
II.	— — Pavel y Barnabash zvrachili szû shantavoga, y blii szû za Boge zkrichani . . .	238
III.	— — Dusnozti Zakonzkéh proti szvo- joj detczy . . .	240



POGLAVJE IV.

Od szvéteh Shakramentov.

NÀVUK 23.

Od shakramentov vu obchinzkom.

PITANYE 1.

Kaj je Shakrament?

Shakrament je vidlyivo znamènye, nevidlyivo iliti zkrovne miloztche od Kriztusha Gozpona náshega za nashe poszvetchenye postàvlyeno, y odlìcheno.

Razláganye.

Jedno znamènye ono imenùjesze, kaj ^{1.}Shakrament nekaj pokasùje, v. p. dim, izhadyanye szùn-^{je jedno znamènye.} cza, mràchno nèbo, jeszu znamènya, kajti dim ògnya, izhadyajùche szuncze dana, mràchno nèbo desdya pokasùje. Nekoja znamènya nezrokuju ono, kaj pokasùju; y ovo jeszu znamènya prez mochi, prez jakozti; v. p. dim pokasuje ognya, ali néje vendar zrok ognya, on ne vchini ognya; dim anda je znamènye prez mochi, prez jakozti. Ali szuncze pokasuje dana, y ovoga zrokùje, je anda zrok da dan postaje. Szuncze je anda je-

Schloissnigg Iztine Vère Del III;

1

dno znamènye, koje moç y jakozi ima. Nut shakramenti pokasùju miloziçu Bosju, oni jeszu anda znamènya — oni zrokuju takaj miloziçu Bosju; oni jeszu anda moçna y jàkozi puna znamènya. Ovo odperteshe videli budete, kada vszakoga Shakramenta vu o-szebnom raztolnachil budem.

2.
*Shakrament
je vidlyivo
znamènye
nevidyene
miloziçe.*

Pri vszakom Shakramentu je nekaj videti. Pri Kerztu vidisze vòda; pri Bermanyu olje; pri oltarzkom shakramentu vidisze krùh y vino; pri pokori vidijusze zvùnzka znamènya salozti, y da lyudi iz szvojih grehov zpo-vedajusze; pri Krizmanye vidisze màzanye betesneh z-szvetem oljem; pri szvetem Redu vidisze kak Biskup ruke na Meshnike poztàvlya; pri hisnem zàkonu vidisze, da szì rùke davaju, y zakonzi sivetì obechùju. Pri vszakem shakramentu Biskup ali Redovnik rechi Bosje izgovarja, y po tom ova vidlyiva dugovanya Shakramenti poztaju. Vsaki Shakrament biva iz jednoga vidlyivoga dugovanya, y iz rechi Bosjih, anda je vsaki Shakrament jedno vidlyivo znamènye. Metemto-ga miloziçu Bosju videti nemremo, kajti o-va vu dushi je; y zato velisze: *Shakrament je jedno vidlyivo znamènye nevidyene mi-loziçe.*

3.
*Shakrament
poztavljen
je od Kri-
ztusha Go-
zpona.*

Nijeden chlovek z-miloziçhum Bosjum làdati, y gozpoduvati nemrê. Nijeden chlovek anda Shakramente poztaviti nemrê. Y Apostoli, kajti lyudi bili jeszu, Shakramente poztaviti neszù mogli, y zato szebe szamo *raz-delitele zkrovnoztih Bosjih* ozivali jeszu; kak sz. Pavel veli: (1 Cor. 4.) *Tak nasz vszaki naj dersi za szlusbenike Kriztusha, y za ra-*

zdelitele zkrovnoztih Bosjeh. Ali Jesush Kri-
ztush je Bog y chlovek zkupa: on je pochet-
nik miloztche; on more Shakramente poztavi-
viti. On nam y je miloztchu po szvoji szmerti
prizkerbel; on poztavil je jednu novu zapo-
ved miloztche, vu koji navuk od Shakramen-
tov zadersavasze. *Shakrament je anda od
Kriztusha Gozpona poztavlyen.*

Vezda vre számi szuditi morete, Dragi! ^{4.} *Shakramen-
ti imaju szvoju móch od Jesusha
Kriztusha.* odkud Shakramenti szvoju móch imaju. Je-
sush Kriztush poztavil je Shakramente; on
z-potrebuvanyem oveh zjedinil je miloztche.
Shakramenti anda szvoju móch y jakozt ima-
ju od szvojega pochetnika Jesusha Kriztusha.

Gledech na zaszlusbe, y poztavlyane sha- ^{5.} *Shakramen-
ti nedvojenu móch y ja-
kozt imaju, ako szé k-
prijemanyu oveh dobro
pripravimo.* kramentov po Jesushu Kriztushu, takaj y Duh
szveti szvoju miloztchu potrebujuchem ove
Shakramente podeluje. Shakramenti nedvoje-
no móch y jakozt imaju, kajti ovo Jesush K.
rekel y obechal je. Metemtoga, kagoder o-
geny nevusise, ako dervo zeleno, mokro y
zlo-priredjeno je, ovak y Shakramenti móch
némaju, ako dusha priredjena néje. Jeli je
pako ogeny zrok, ako mokro drevo negori?
Ovak ravno y Shakramenti nészu zrok, ako
nikakvu móch némaju, nego zrok je zlá pri-
prava oneh, koji ove prijemlyeju. Da anda
Shakramenti szvoju móch y jakozt imaju,
tak potrebno je, da sze dobro k-prijemanyu
oveh pripravimo.

Iz rechi Bosje znamo, da Kriztush szè- ^{6.} *Szédem je
Shakramen-
tov.* dem vidlyiva znamenya miloztche, anda szè-
dem Shakramente poztavil je; y ovi jeszu:
1. Kerzt, 2. Bermanye. 3. Szveto Telo Kri-
ztushevo. 4. Pokora. 5. Krizmanye. 6. Szve-

ti Red. 7. Hisni zakon. Kriztush za nashe posvetchenye poztavil je vidlyiva znamenya, kajti y mi vidlyivi lyudi jeshmo, koji iz tela y dushe szloseni jeshmo, y kajti Czirkva jedno vidlyivo drustvo pravoverneh kerztchennikov je. Ova vidlyiva znamenya miloztche takaj Shakramenti ali zkrovnoztì ozivajusze, kajti nyihovo zrokuvanye, najmre nyihova miloztcha ochjam y razumu nashemu chizto otajna y zkrovna je.

7.
*Druga blagoslovlena
dugovanya
nemreju sze
Shakramen-
ti ozivati.*

Nahadyajusze josche vnoge druge vidlyive ztvari vu Czirkvi navadne, kakti sz. voda, pepel, szvetche, y zpodobna. Ali ova nemoramo med Shakramente brojiti, pokedob ovem niti sz. Piszmo, niti predyih navuk kakvu nefalenu mòch miloztche pripishuje. Ova takaj niti od Kriztusha poztavlyena neshu, nego szamo od Czirkve, y jeszu zato szamo szveti czirkveni obichaji.

Razgovor.

1.

*Zakaj zove-
ju sze Sha-
kramenti
znamenya?*

Kaj je Shakrament? — Kaj je znamenye? — Kaj pokasuje dim? Je dim jedno znamenye? — Zakaj? — Kaj je anda jedno znamenye? — Je pako vszako znamenye, jedno mòchi y jakozti puno znamenye? — Je dim takaj zrok ognya? — Je dim jedno mòchi puno znamenye? — Zakaj né? — Je anda vszako znamenye jedno mòchi y jakozti puno znamenye? — Kaj pokasuje Shakrament? — Zakaj je anda Shakrament jedno znamenye? — Je ali Shakrament y je-

dno mòchi y jakozi puno znamenye? — Zakaj? — Jeli zrokuje Shakrament miloztchu koju pokasuje? —

2.

Jelisz pri vszakem Shakramentu kaj vi-^{Zakaj zove-}
di? — kaj sze vidi pri kerztu? — Zchem szej^{ju sze Sha-}
chlovek ochiztchava? — Kaj sze vidi pri Ber-^{kramenti}
manyu? — Zchem sze chlovek namase? — ^{znamenya}
Kaj sze vidi pri sz. Oltarzkiem Shagr.? — Ko-
je zpodobe? — Kaj sze vidi pri Shakramen-
tu pokore? — Kaj vu ovem chiniju lyudi?
Kakva znamenya davaju? — Kajsze vidi pri
Shakramentu poszlednoga mazanya? — Z-
chem sze betesnik namase? — Kaj sze vidi pri
Shakramentu sz. Reda? Kaj poztavlya Bi-
skup na Glavu Redovnika? — Kaj sze vidi
pri Shakramentu hšnoga zakona? — Jeli szî
zarùcheni ne podavaju ruke? — Y kaj szî o-
vi obechùju? — Jeli je anda pri vszakem
Shakramentu jedno vidlyivo dugovanye? —
Kakva sze rech pridava k-ovomu vidlyivomu
dugovanyu? — Vu chem ztoji anda Shakra-
ment? — Zakaj je Shakrament jedno vidlyi-
vo znamenye? — Jeli je miloztcha Bosja ta-
kaj vidlyiva? — Zakaj né? — Jeli je ova
miloztcha vu telu, ali vu dushi? —

3.

Jeli chlovek z-miloztchum Bosjum go-^{Gdo je po-}
zpoduvati more? — Moreli chlovek Shakra-^{ztavil Sha-}
mente poztavlyati? — Zakaj né? — Jeli sze
Apostoli imenuju pochetnike ali számo razde-
litele zkrovnoztih Bosjih? — Jeli szû Apostoli
Shakramente poztavili? — Zakaj nè? — Je-
li je Jesush K. takaj szamo chlovek bil? —

Jeli je Jesush Skakramente poztaviti mogel? Zakaj? — Po chém nam je Jesush miloztchu zaszlusil? — Gdo je pochetnik nove zapovedi, novoga zakona Miloztche? — Od koga je anda Skakrament poztavlyen? — Zakaj od Kriztusha Gozpona?

4.

Odkud imaju Shakramenti szvoju moch y krepozt?

Imajuli Shakramenti szvoju mòch od sze-be szaméh? — Gdo je Shakramente poztavil? — Gdo je z-potrebuwanyem Shakramentov miloztchu zjedinił? — Od koga imaju anda Shakramenti szvoju mòch y jákozt? —

5.

Kak imaju Shakramenti szvoju moch y jákozt?

Imajuli Shakramenti nedvojenu y nefalenu mòch y jákozt? — Moreli Kriztush vu szvojem obechanyu faleti? — Gdo je Shakramentom moch y jákozt obechal? — Jeli vszi lyudi Shakramente z-hasznum prijemlyeju? — Morejuli Shakramenti mòch y jákozt imati, ako sze k-prijémanyu oveh zlo pripravimo? — Kada imaju Shakramenti nefalénu mòch y jákozt? — Kak sze anda k-prijémanyu sz. Shakramentov pripraviti moramo? —

6.

Kuliko je Shakramentov, y kak sze imenuju?

Kuliko je vidlyiveh znameny miloztche Kriztush poztavil? — Kuliko je anda Shakramentov? — Kaksze imenuju? — Zakaj je Kriztush vidlyiva znamenya za nashe poszvetchénýe poztavil? — Jeli mi vidimo miloztchu, koju Shakramenti vu nami zrokuju? Zakaj imenujemo mi ova vidlyiva znamenya miloztche *zkrovnoztí* ali *Shakramente*?

7.

Jeli je sz. voda takaj Shakrament? — Jeszu druge blagoge szlovlyene
Jeli szî kaj chul od blagoszlavlanya pepela, szvech &c.? — Zakaj nészu ova du-xtvari takaj
govanya Shakramenti? — Jelisze nyim vu sz. Szakramen-
pizmu kakva nedvojena môch miloztche pri-
pishuje? — Od kôga vpelansizû ovi obichaji?
— Od Kriztusha, ali od Czirkve? — Kak sze
anda imenuju obichaji ovakvih dugovany? —

PITANYE 2.

Kak nasz poszvetchuju szveti Shakramenti?

*Szveti Shakramenti nasz poszvetchuju, na kuliko
nekoji iz szvojega naredyenia miloztchu poszvet-
chujuchu, y pravichnost nam davaju, drugi pako
ovu miloztchu vu nami povekshavaju.*

Razláganye.

Szudim, da sze josche zmishlyavate, kaj
vam od miloztche Bosje (Nàvuk II y VIII) ^{1.} Ponovlenye
povedal jsem. Miloztcha Bosja je jedna Navuka od
nuternya zverhunaravzka pomoch, da za ve- miloztche.
kivechno sivlenye kaj dobroga vchiniti mo-
remo. Ova miloztcha je dvojverztna; naj-
mre: poszlujucha y poszvetchujucha. Poszlu-
jucha je nam na pomoch k- vszakomu dobro-
mu delu, y z-ovem preztaje. Poszvetchu-
jucha pako vu nami oztaje, y vchini nasz do-
bre y szvete.

Kakgoder lyubav y zhantuvanye zkupa ^{2.} Zrokuanya
neszlasejusze, ovak takaj miloztcha poszvet- miloztche

poszvetchujucha. chujucha y greh zkupa ztati nemrêju. Greh iz dushe miloztchu pretirava; miloztcha pako iz dusche greha zbrishuje, nyu opravichi, ter nasz chini szine Bosje. Y kajti Bog detczy szvoji odvechtvo vekivechnoga blasenzstva vu nebu obechuje, tak poztajemo mi po miloztchi poszvetchujuchi odvetki vekivechnoga blasenzstva. Od ovud vidite Dragi! vsza zrokovanya miloztche poszvetchujuche, najmre: Ona nasz opravichi y poszvetchuje, ona nasz chini szine Bosje, y odvetke vekivechnoga blasenzstva.

8.

Miloztcha poszvetchujucha je duhovno siljenje dushe nashe.

Kakgoder telovno sivlenye vu zjedinenyyu dushe z-telom ztoji, ovak takaj duhovno siljenje poztavleno je vu zjedinenyyu dushe z-Bogom. Greh je szmert dushe; ar greh oddrusuje dushu od Boga. Ali miloztcha poszvetchujucha dushu z-Bogom zjedini, ar *Bog je lyubav, y koj vu lyubavi oztaje, on vu Bogu oztaje, y Bog vu nyim* (1 Joann. 4.) Miloztcha poszvetchujucha je anda duhovno siljenje dushe.

4.

Nachin, na koj nasz Shakramenti poszvetchuju.

Kada anda prez miloztche poszvetchujuche dusha nasha poszvettisze nemre, tak y Shakra-menti nasz szamo na tuliko poszvettiti moreju, na kuliko ovi miloztchu poszvetchujuchu zrokuju. Vszi Shakramenti imaju obchinzku mòch y krepozt, da chloveka, koj nye vredno prijemlye, poszvetchuju, pokehdob nyemu miloztchu poszvetchujuchu davaju; ali ne na jednaki nachin: nekoji najmre nam narednom nachinom miloztchu poszvetchujuchu y pravichnozt davaju, drugi pako ovu miloztchu vu nami povekshavaju.

Onomu sze kaj podeluje, kaj josche ni-
kaj néma. Veliki greshniki némaju nikaj od
miloztčne poszvetchujuche. Kerzt y pokora
narednom nachinom za velike greshnike po-
ztavlyeni jeszu; po Shakramentu kerzta y po-
kore anda nam narednem nachinom milozt-
cha poszvetchujucha y pravichnozt podelujusze;

5.
*Miloztcha
poszvetchu-
jucha podelu-
jesze nam
po Kerztu y
pokori.*

Onomu pako sze ono povekshava, koj
predi vre kaj imal je. Pravichni vre imaju
miloztchu poszvetchujuchu. Shakramenti: Ber-
mánya, Oltara, poszlednoga mazanya, sz.
Reda, y hisnoga zakona, jeszu za pravichne
poztavlyeni. Po oveh Shakramentih anda mi-
loztcha poszvetchujucha vu nami povekshavasze.

6.
*Po drugéh
Shakramen-
tih povek-
shavasze.*

Od ovud vre lahko vidisze, da Shakra-
menti mertveh y siveh nahadyajusze. Gre-
shniki duhovnem nachinom jeszu mertvi, kajti
sivlenye dushe, tojézt miloztchu poszvetchu-
juchu zgubili jeszu. Kerzt y pokora jeszu za
greshnike; kerzt y pokora jeszu anda Shakra-
menti mertveh.

7.
*Shakramen-
ti mertveh.*

Ali pravichni jeszu duhovnem nachinom
sivi, kajti oni miloztchu poszvetchujuchu vu
szebi imaju. Bermanye, Oltarzki Shakra-
ment, Krizmanye, sz. Red, y hisni zakon
jeszu za pravichne; ovi anda jeszu Shakra-
menti siveh.

8.
*Shakramen-
ti siveh.*

R a z g o v o r i.

1.

Kaj je miloztcha Bosja? — Kakva pomoch?
— Kulikoverzt na je nuternya miloztcha? — Jeli
nam poszlujucha pomase k- vszakomu dobro-
mu delu? — Jeli ova oztaje, kada dober chin

*Kuliko ver-
zti je nuter-
nya milozt-
cha?*

zvershen je? — Jeli miloztcha poszvetchujucha preztaje, kada dobro delo doversheno je? — Po kakvi miloztchi anda mi poszvetchujemosze? — Zakaj po poszvetchujuchi? —

2.

*Kaj chini
miloztcha
poszvetchu-
jucha vu
dushi?*

Jeli more lyubav z-zbantuvanyem szlagatisze? — Moreli miloztcha poszvetchujucha z-grehom ztati? — Ako greh vu dushu ztupi, moreli miloztcha poszvetchujucha oztati? — Ako pak miloztcha poszvetchujucha vu dushu ztupi, more onda greh vu nyi oztati? — Jeli anda mi po miloztchi poszvet. opravicheni poztanemo? — Zakaj? — Kakti opravicheni chiya szmô detcza? — Kakvo odvechtvo je Bog detczy szvoji obechal? — Kakve odvetke anda nasz chini miloztcha poszvetchujucha? — Kaj anda chini miloztcha poszvetchujucha vu nami? —

3.

*Koje je du-
hovno sivo-
lne dushe?*

Jeli chlovek sive telovnem nachinom, ako szc dusha od tela oddrusi? — Vu chém ztoji telovno sivlenye chloveka? — Vu kakvem zjedinenyu? — Siveli pako dusha, ako od Boga oddrusisze? — Jeli nasz greh od Boga oddrusi? — Jeli je greh szmert dushe? — Zakaj? — Zkem nasz miloztcha poszvetchujucha zjedini? — Vu chém ztoji anda duhovno sivlenye dushe? —

4.

*Kak sze mi
po sz. Sha-
kramentih
poszvetchu-
jemo?*

Moreli dusha prez miloztche poszvet. poszvetitisze? — Ako anda Shakramenti nasz poszvetchuju, kaj moraju ovi pri nami zrokovati? — Zakaj je Shakrament poztavlyen? — Kaj je anda Shakrament? — Jeli vszi Shakramenti miloztchu poszvetchujuchu zrokuju? —

Vszi na jednaki nachin? — Kak sze anda po Shakramentih poszvetchujemo? —

5.

Komu sze kaj podelyuje? — Onomu, koj *Po kojeh Shakramentih podelyi-va sze nam miloztcha poszvetchujucha?* vre predi kaj imal je? — Imaju veliki greshniki miloztchu poszvetchujuchu? — Za koga jeszu Shakramenti kerzta y pokore poztavlyeni? Za pravichne? — Po kakvih Shakramentih anda narednem nachinom miloztcha poszvetchujucha podelujesze? —

6.

Komu pako kaj povekshavasze? — Onomu, koj josh nikaj nema? — Ima pravichni *Po kojeh Shakramentih povekshavasze miloztcha poszvetchujucha vu nami?* vre miloztchu poszvetchujuchu? — Za koga je Bermanye, oltarzki Shakrament, Krizma, sz. Red, y hisni zakon poztavlyen? — Za greshnike? — Po kakvih Shakramentih anda miloztcha poszvetchujucha povekshavasze? —

7.

Koje je duhovno sivlenye dushe? — Imaju *Koji szu Shakramenti mertveh?* greshniki miloztchu poszvetchujuchu? — Je dusha greshnika duhovnem nachinom siva? — Zakaj né? — Za koga jeszu anda Shakramenti kerzta y pokore? — Kak sze zato Shakramenti kerzta y pokore imenuju? — Zakaj sze zoveju Shakramenti mertveh? —

8.

Jeszu y pravichni duhovnem nachinom *Koji szu Shakramenti siveh?* mertvi? — Zakaj ne? — Jeli nemaju oni miloztchu poszvetchujuchu? — Za koga je Bermanye, Shakrament oltarzki, poszledno mazanye, sz. Red, y hisni zakon? — Koji szu anda Shakramenti siveh? — Y zakaj sze zoveju ovi Shakramenti siveh? — Kak nasz poszvetchuju anda Shakramenti? —

I. Dokànchanye Nàvuka.

*Shakramenti staroga zakona biliszu kip
Shakramentov novoga zakona.*

Kak velika y neizbrojena jeszu dobrochinztva, Dragi! koja najmiloszerdneshi G. Bog greshnomu chlovechanztvu vsako vreme izkazal je! komaj je Adam zagreshil, komaj zgubil je bil pervu chiztochu y nedusnozt, komaj je prepovedanoga szàda pokushal, ter tak szebe y vsze szvoje odvetke vekivechne szmerti krivcze vchinil, tak Bog vre obechuje za oszlobodyenye chlovechanztva Odkupitelya, koj nye od vekivechne szmerti oszlobodil bude. Vu ovoga od Boga obechanoga Odkupitelya poztavili szû vszi odvetki Adamovi vszu szvoju zaufanozt, oni zdihaualiszû, oni seleliszû, da szamo na zkorom bi doshel, y nye odkupil. Metemtoga do dosheztka ovoga Odkupitelya bil nyim je Bog na pomoch z-nachini y z-zverhunaravzkemi miloztchami, on dal nyim je ztanovita vidlyiva znamenya, koja iz previdyenih zaszlusnih muke y szmerti dojdu-shega Odkupitelya môch nye ochiztiti imala jeszu.

Ovakvo znamenye pred vszemi drugemi bilo je obrezavanye, koje Bog Patriarku Abrahamu z-szobum y z-czelem szvojem odvechtvom zvershavati zapovedal je, y po chem on szebi jèdno laztoivito lyudztvo zmed drugih izebral je, iz kojega buduchi Mesziash rodilsze bude. — Ovakvo znamenye bil je vuzmeni janchech y nekvaszni kruh, kojega Bog po Mojseshu y Aaronu vsako leto jèzti je zapovedal, y po chém ne-szamo aldov pomirènya na zpomenek prehadyanya Go-zpona vu Aegyptush od lyudztva izraelzkoga obver-shavan, nego y kervni krisa aldov, y Shakrament tela y kervi buduchega Odkupitelya szvèta pelduvan je bil. — Ovakvo znamenye bila je oprava y poszvetchenye Aldovnikov, koje Bog za Aarona y szine nyegve odperto

prepiszal je, y po chém oni neszamo vrèdni poztaliszû, da vu zakonu zapovedane Aldove zvershavaju, nego da y iztoga onoga pelduju, koj kakti najvekshi Aldovnik szebe szàmoga Otczu nebèzkomu na krisu alduval bude. Kaj zadnich rekel budem od oneh vszakojachkih ochiztchavanyih, od prelevanya kervi ztanovite sivine, y od blagoszlavlanyih, po kojih lyudztvo izraelzko od szvojih grehov ochiztcheno, y gozponu poszvetcheno bilo je? Szami pokazi, Dragi! da vre vu ztarem zakonu vidlyivi nachini pomenkali nészu.

Ali kak szlabi, kak nemochni biliszû ovi, ako nye onem prizpodobimo, koje peldovali jeszu! Oni nészu iz szebe imali mòch ochiztiti y poszvetiti, oni imali szû moch szamo na tuliko, na kuliko oni jednu zvershenu veru vu buduchega odkupitelya zbudili jeszu; y szamo ova vera, ali vnogo bolye bosanzki Odkupitely, vu kojega Izraelczy verovali jeszu, je nye ochiztil, y poszvetil. O! od kakve plemenite jakozti jeszu Shakramenti novoga zakona! Ovi nészu vishe kipi dosheztka Jesusha Krizt., nego oni jeszu jakozti puna zname-nya, z-kojemi on szvoju zaszlusbu y vrednozt vsze szvoje kervi zjedinil, y po tom nye tak jake y mogu-che vchinil je, da oni iz szebe szameh vsze lyudi poszvetchuju, koji sze doztojno k-nyimi pripravlyaju.

O zahvalimo anda dobrotivnomu Odkupitelyu, koj nezadovolyen, da on jedenput vu szvét doshel je, da nasz odkupi, y blasene vchini, nasz takaj po szvetih Shakramentih, koje on poztavil je, poszvetiti hoche; y pripravimo nasz k-prijèmanyu oveh vszigdar vredno, da mi takaj po Jesushu pochetniku Shakramentov szvéti poztanemo. Amen.

II Dokànychanye Nàvuka.

*Jesush ochituje szebe Szamaritanki kakti
sviralische vszega dobra.*

Poklamkam lyubljeni Zvelichitely z-szvojemi Vucheniki iz Jeruzalema vu Galilaeu bisze povrachal, tak doshel je okolo poldneva k-jednomu szamaritanzkomu varashu, koj Szikar zval sze je. Jesush poszlal je szvoje vuchenike vu varash, da nekaj za jèzti kupiju; on szam pako oztal je zvun varasha pri jednem zdenczu poleg puta, iz kojega ztanovniki Szikar vodu noszili jeszu. Pri ovem zdenczu truden od putuvanya szel szì je, da Vuchenike povratchajuche pocheka. Vu iztem vremenu dojde sena jedna z-poszùdum iz varasha po vodu.

Ona nagrabi, y hoche z-vodum vre vu varash povernuti sze, kada Jesush k-nyoj pregovori, y veli: *daj meni, da sze napijem!* — Sena chudilasze je nad potrebuваньem ovem, y odgovori: *ti jeszi sidov, kak moresh anda od mene napitka potrebuвати, kada ja Szamaritanka jeszem, z-kojum sidov nikakvo obchinzto imati neszme?* — O dabi ti znala, odgovori Jesush, gdo ja jeszem! da bi ti zpoznala miloztchu Bosju, koju tebi vezda on ponudya, koj z-tobum govori! ti bi nyemu povdanesha bila; *ti bi bila nyega proszila, y on bi bil tebi vodu stuljenja prizkerbel.* — Gozpone, odgovori sena: tq je chudnovito, ti némash nikakvoga zajimacha, kak hochesh anda prez ovoga meni vodu iz ovoga glibokoga zdencza zvlechi? *Ti némash poszudu za grabiti, ter zdenecz je glibok; odkud bi ti anda vodu sivu vzel? Jeszi ti vekshi, kak nash Otecz Jakob, koj nam zdencza ovoga zkopal je? On szam pil je iz ovoga, y nyegvi szini, y vsza nyegva marha?*

Jesush metemtoga terszilsze je pazlyivozt ove sene josche bolye zbuditi. Voda, veli on nadalye, koju ja dam,

je vishe, dapache neizmerno vishe vredna, kak ova iz zdencza Jakobovoga; *koj od ove vode ovde pije, on y zopet sedyal bude; koj pako od one vode pil bude, koju ja nyemu dal budem, on na vsze veke sedyal nebude. Ar voda, koju ja nyemu dal budem, vu nyim jedno zviralsche poztane, koje na vekivechno sivlenye zviralo bude. O Gozpone! daj mî ovu vodu, veli Szamaritanka, da vishe nesejyam, y vishe szim doйти nemoram, da grabim. Dobro! veli Jesush, ja tebi ovu vodu dam, ali hodi predi y dozovi tvojega musa, ter z-nyim doйти. Ja nemam musa, odgovori sena: pravo imash, veli zopet Jesush: da velish, nemam musa, ar ti imala szî pet musev, y kojega vezda imash, on ne tvoj mus.*

Iz ovoga govorenja raztolnachilaszi je sena, da Jesush Prorok biti mora, koj vsze zna; dapache ona izpelyala je, da on szam obechani y dugo chakani Mesziash biti mora. Zato hitrila je vu varash, y rekla poznanem szvojem: Hodte y vidite jednoga chloveka, koj meni vsze povedal je, koja ja vchinila jeszem; hodte y vidite, jeli on Mesziash szam néje. (Joan. 4.)

Dragi! pretergnimo pripovezt ovu, y zpoznajmo iz ove Jesusha kakti zviralsche vszega dobra. — Tak je! Jesush je pravi Mesziash, on ckakani Odkupitely szvêta, ono sivo zviralsche miloztchih. On je ona voda, koja sze vu vszeh oneh, koji nyu piju, na jedno zviralsche obracha, koje na vekivechno sivlenye zviralo. Zazito! Kaj szû oni vu Czirkvi od Jesusha poztavlyeni y oztavlyeni Shakramenti drugo, kak zviralscha, po kojéh nam nyegva miloztcha, szvetozt y pravichnozt podelyivajusze? O da bi szamo vishe puti iz ovoga zdencza miloztchih grabili, y ove bosanzke nachine zvlichenya marlyivo potrebuvali, ter po potrebuvanju oveh nasz poszvetili, y opravichili! — Amen.

III Dokànychye Nàvuka.

Velikocha lyubavi Jesusha pri postavlanyu sz. Shakramentov.

Gdo sze nebude oszupnul, Dragi! ako velikochu one lyubavi premiszli, z-kojum Jesush Krizt. Czirkvu szvoju lyubil je!? *Jesush Krizt.*, veli sz. Pavel: *je szvoju Czirkvu lyubil, y szebe szamoga za nyu szmerti povdal, da ovu pcszveti, y vu kerztu vode po rechi sivlenya ochizti.* (Ephes. 5.) Kaj narodov navuchitely ovde od sz. Kerzta govori, to izto od drugeh Shakramentov takaj razmetisze mora, koji, da nasz poszvetiju, od Jesusha Kriztusha mòch y jakozt dobivaju; ako taki z-vszum biztrochum pameti nashe nachina, na koj ovi miloztchu poszvetchujuchu vu nami zrokuju, preszèchi nemremo, nego szamo nad nyim chuditisze moremo. Premiszlimo zvun toga ono vszakomu Shakramentu lazto vito zrokovanye, tak nashli budemo ravno tulike pokaze lyubavi Jesusha; Kerzt nasz prepordya, y nam daje jedno novo sivlenye; Bermanye napunuje nasz z-jakoztjum y z-ztalnoztjum: Sz. Shakrament Oltara nasz krepì; pokora vchini, da mi sivlenye, koje nam greh vzel je, nazad dobivamo; poszledno mazanye iliti Krizma dovershuje nashe ochiztchavanye, da pred Boga ztupiti moremo: sz. Red poszvetchuje Szlusbenike Czirkve, y hisni zakon poszvetchuje zjedinenye musa y sene.

Metemtoga gde szû kerztcheniki vezdashno vreme, koji Odkupitelju za ovu velikochu nyegve lyubavi, koju vu postavlanyu sz. Shakramentov ochituval je, dusno bi zahvalili?! Kuliki ovde nahadyajusze, koji na to morebiti josche nigdar miszlili nészu! y iz druge ztrani, kuliki, koji nezahvalno sz. Shakramente ali ozkrunili, zlo potrebuvali, ali od nyih zlo govorili jeszu? O chuvajmosze, Dragi! chuvajmosze ove tak mó-

chi y jakozti pune zvelichenya nachine ozkruniti; zpoznamo vnogo bolye, kak velika lyubav Jesusha proti nam bila je, kada on, da nasz poszveti, sz. Shakramente poztavil, y ove doztojno potrebuвати zapovedal je, ter po jedni priztojni pripravi Shakramentov miloztchih nasz vszigdar vredne vchinimo! Amen.

NÀVUK 24.

Od Shakramenta Kerzta.

PITANYE 1.

Kaj je Kerzt?

Kerzt je prvi, y najpotrebneshi Shakrament, vu kojem chlovek po vodi, y rechi Bosje od greha iztochnoga, y drugéh grehov oszebnih, ako koje pred Kerztom je vchinil, ochiztchujesze, y vu Kriztushu kakti novo ztvorenyie na sitek vekivechni preporadyasze, y poszvetchujesze.

Razláganye.

Malo predi nego Jesush Kriztush vu nebo bi bil zasztupil, rekel je on Vuchenikom szvojem: *Hodte, vuchite vsze narode, y kerzti te nye vu ime Otcza, y Szina, y Duha szvetoga.* (Matth. 28.) Ovde poztavlanye Kertzta odperto vidisze. Kriztush zapoveda Kerzta pred vszemi drugemi Shakramenti podeliti; mi anda najpervich kerztitisze moramo,

1.
Kerzt je prvi Shakrament.

Schloissnigg Iztine Vere Del. III.

2

predi kak drugi koj Shakrament prijemlyemo. Kerzt je anda pervi Shakrament.

2.

Kerzt je najpotrebneshi Shakrament.

Kak potreben pako Kerzt k- zvelichenyu je, raztolnachuje Kriztush, kada Nikodemushu veli: *Ztanovito, ztanovito velim tebi; ako gdo nebude preporodyen iz vode, y Duha szvetoga, nemore dojtj vu kralyeztvo Bosje.* (Joann. 3.) Po preporodyenyu iz vode y Duha sz., Kerzt razmevasze. Veli pako Kriztush odperto, da prez ovoga preporodyenya nigdo, anda niti odhraztcheni chlovek, niti dete vu kralyeztvo Bosje ztupiti, iliti zvelichitisze nemre. Kerzt je anda najpotrebneshi Shakrament.

3.

Kerzt ztoji vu opranyu z-vodum, y vu rechi Bosji.

Kerztiti znamenuje tuliko, kak oprati. K-opranyu vzmlyesze obchinzki voda haravzka najmre: zdenca, potoka. Kriztush takaj odperto, kak iz gorechujenoga zpomenka z-Nikodemushem razmeli jezte, vodu za kerzt odluchil je. Opranye anda pri Kerztu z-naravzkum vodum bivati mora. Nikaj né obchinzkeshega, nikaj né lese najti, kak vodu; y kajti Kerzt jeden tak potreben Shakrament je, zato y Kriztush k- ovomu jednu tak obchinzku y lehku ztvar prepiszal je. Ali on prepiszal je takaj rech Bosju k- ovomu, on zapovedal je kerztiti; *Vu ine Otcza, y Szina, y Duha szvetoga.* Kerzt anda ztoji vu opranyu z-vodum, y vu rechi Bosje.

4.

Shakrament Kerzta z- czily ima pervich oproztchene grehov.

Mi navadno neperemo ono, kaj chizto je, nego kaj nechizto y zamazano je; y ovo peresze zato, da chizto poztane. Jesush Kriztush je Zvelichitel dushe nashe; kada anda on Kerzta za vsze nasz potrebnoga ochituje, tak on dushu chloveka nechiztu znajti je mo-

ral. Dusha chloveka po grehu zamasesze; Greh dvojverztni je: iztochni iliti izhodni, y lazto-
viti. Z-izhodnem vszi lyudi zamazani jeszu;
(V. navuk, 3. pitanye.) Z-laztovitem pako
odhraztcheni; Kriztush anda Kerzta pozta-
vil je, pervich: da chlovek od greha izhodno-
ga, y od vszeh grehov pred kerztom vchinye-
neh operesze, tojezt oproztchenye zadobi.

Medtemtoga Kriztush vu razgovoru z-Ni-
kodemushem Kerzta imenuje *preporodyenye*; 5.
*Drugoch
zvelichenye.*
vi ali vre szami prevideti morete, da chlo-
vek vu Kerztu telovnem nachinom preporo-
ditisze nemre; Kriztush anda po Kerztu je-
dno preporodyenye dushe razmeti mora. Du-
hovno sivlenye dushe je miloztcha poszvet-
chujucha; ovu dusha pred Kerztom néma,
kajti josche z-izhodnem grehom obtershena
je; ali vu Kerztu ovu miloztchu zadobiva,
kajti Kerzt, poleg izrechka Jesusha Kriztusha,
jedno preporodyenye po vodi y Duhu sz. je.
Kak berse dusha novo duhovno sivlenye mi-
loztche poszvetchujuche ima, tak ova poztaje
jedno novo ztvorenye, y z-ovum miloztchum
vekivechno sivlenye ufatisze more, ona anda
vu Kerztu kakti novo ztvorenye preporadya-
sze, y poszvetchujesze. Nut, Dragi! ovo je
drugi czily y konecz, zakaj Kriztush Kerzta
poztavil je, najmre: da chlovek kakti novo
ztvorenye preporadyasze y poszvetchujesze.

R a z g o v o r i .

1.

Koj je prvi Shakrament? — Zakaj sze *Koj je per-
vi Shakra-
ment?*
zove Kerzt prvi Shakrament? — Moramo-

2*

lisze najpervich kerztiti, nego koj drugi Shakrament prijemlyemo? — Komu je rekel Jesus: *Hoďte, y vuchite vsze narode etc.*? — Y kaj Apostoli podvuchenem narodom naj chiniju? — Kojega Shakramenta zapoveda anda Kriztush pred vszemi drugemi podeliti? — Zakaj moramo anda najpervich kerztisze, nego drugoga kojega Shakramenta prijeti mremo? —

2.

*Koj je naj-
potrebneshi
Shakra-
ment?*

Koj je najpotrebneshi Shakrament? — Zakaj sze zove Kerzt najpotrebneshi Shakrament? — Jeli anda prez Kerzta nigdo, niti izto malo dete Zvelichitisze nemore? — Zakaj né? — Kaj je rekel Kriztush Nikodemushu? —

3.

*Vu chem
ztoji Kerzt?*

Kaj znamenuje kerztiti? — Kaj potrebujemo navadno za opranye? — Y kaj je Kriztush odperto za Kerzt odluchil? — Zchem anda pri Kerztu opranye bivati mora? — Zakaj z-vodum? — Zakaj je Kriztush ravno vodu za Kerzt odluchil? — Vu chijem imenu je Kriztush zapovedal kerztiti? — Jeli je Kriztush pri Kerztu takaj rech Bosju prepiszal? — Vu chem ztoji anda Kerzt? — Szamo vu opranyu z-vodum? —

4.

*Je Kriztush
poztavil
Kerzta da
nasz od gre-
hov ochizti?*

Kaj navadno peremo? — Ono kaj chizto y nezmazano je? — Zakaj sze ono, kaj nechizto je, oprati mora? — Gdo je Zvelichitely dushe nashe? — Je Kriztush doshel nasha tela ochiztiti? — Zakaj né? — Gdo je Kerzta za vsze lyudi kakti potrebnoga ochituval? —

Kakvu je anda Kriztush dushu chloveka znajti moral? — Morebiti chiztu? Zakaj zamazanu? — Z-chem sze dusha mase? — Kulikoverzti je grèh? — Gdo je z-izhodnem grehom zamazan? — Szamo odhratzcheni lyudi? — Gdo je pako z-lasztovitemi grèhi zamazan? — Jeli je Kriztush dushu szamo od iztochnoga greha ochiztiti hotel? — Zakaj je anda Kriztush pervich Kerzta poztavil? —

5.

Kak imenuje Kriztush vu szvojem razgovoru z-Nikodemushem Kerzta? — Jeli né *Je Kriztush poztavil Kerzta da nasz poszveti?* preporodyenye? — Jeli chlovek dvakrat na szvet dohadya? — Jeli chlovek telovnem nachinom preporadyasze? — Kakvo preporadyanye anda Kriztush po Kerztu razmeva? — Zakaj dushe? — Imali chlovek pred kerztom miloztchu poszvetchujuchu? — Zakaj né? — Z-kakvem grehom je obtershen? Dobívali chlovek vu Kerztu miloztchu poszvetchujuchu? — Zakaj? — Jeli dusha onda ono ztaro Ztvorenye oztaje? — Kaj dusha z-miloztchum poszvetchujuchum ufatisze more? — K-chemu je miloztcha poszvetchujucha? — Jeli je Kriztush hotel vu Kerztu dushu na sitek vekivechni poszvetititi? — Zakaj je anda Kriztush drugoch Kerzta poztavil? — Szamo da dushu od grehov ochizti? — Povech anda, kaj je Kerzt? — Zakaj je Kriztush kerzta poztavil? —

PITANYE 3.

Kaj zvershava Shakrament Kerzta ?

Shakrament Kerzta zvershava 1. Oproztchenye grèha izhodnoga, y vszeh grehov pred Kerztom vchinyenéh, dapàche y kastig tak vekivechnéh kak vremenitéh. 2. Vu nyém zadobiva dusha milostchu Bosju, po koji postajemo pravichni, y zajedno Szini Bosji, y odvetniki sielnya vekivechnoga. 3. Okerztcheni vlezneju vu Czirkvu, y pozlatlyajusze vu broj drugéh kotrigov Czirkve. 4. Dusha na Kerztu zaznamenujesze z-neizbrislyivem znamenjem, y zato sz. Kerzt vech, kak szamo jendenput prez smertnoga grèha prijetisze nemore.

Razlåganye.

1. Sz. Kerzt zvershava pervich: oproztchenye vszeh grehov, y kastig.

Vre iz perveshéh, Dragi! znati morete, kaj vu nami Shakrament sz. Kerzta zvershava, ali ja ovo iz sz. Pavla josche bolye raztolnachiti hòchu, ar ov zrokovanya Kerzta vu listu na Rimlyane VIII ovak izpishuje. *Nikaj né od zkvarjenja vu oneh, koji po Kerztu vu Jesushu Kriztushu jeszu.* Ako pako vu kerztchenih nikaj vishe od zkvarjenja néje, tak vu nyimi nikakov izhodni, nikakov laztovitè grèh, nikakva vremenita niti vekivechna kàstiga biti nemore; ar vsze ovo bi bilo zkvarjenje. Shakrament sz. Kerzta zrokuje anda pervich oproztchenye grèha izhòdnoga, y vszeh grehov pred Kerztom vchinyenéh, kak takaj vszeh vremenitèh y vekivechnèh kastig. Rekel szêm: y vszeh grèhov pred kerztom vchinyenéh — ar po Kerztu vchinyeni grèhi po Shakramentu pokore opraztchajusze.

Kada vu Kerztu grèhi opraztchajusze, tak dùshi podelyivasze miloztcha Bòsja, y vi vre iz zàdnyega razlàganya znàte, koja vsza miloztcha Bòsja vu namì chini; da najmre: pravichni, szini Bòsji y Odvetniki vekivechnoga blàsenzta poztajemo. Ovo josche bolje raztolnachuje sz. Pavel (1 Cor 6.) kada veli: *Vi oprani jezte; vi pravichni jezte vchinyeni vu imenu Gozpona nashega Jesusha Kriztusha.* Kerzt anda podelyiva drugoch: miloztchu Bòsju.

2.
Drugoch: podelyivanye miloztche Bosje.

Kerzt je pèrvi Shakrament vu Czirkvi kerztchanski; koj sze anda kerzti, on pridrusisze k- Czirkvi kerztchanski; y kajti Czirkva nyèga kerzti, tak ona nyèga vu bròj kotrigov szvojih prijemlye, y vchini nyega delnika duhovnih dobrih szvojih. Ovo podtverdyava sz. Pavel, (1 Cor. 13.) govorechi: *Mi vszi po jednom Duhu k-jednomu telu kerztcheni jeszmo.* Vi vre iz 9^a kotriga vère znàte, da po duhovnem telu Kriztusha Czirkva razmevasze; sz. Pavel anda tuliko rechi hoche: po Kerztu vszi ztupiliszmò vu Czirkvu, y zpadamo k-nyoj kakti kotrigi. Trejtich, anda zrokuje Kerzt, da oni, koji kerztcheni jeszu, vu Czirkvu vlezneju, y kotrigi ove poztaju.

3.
Trejtich: rchini nasz ztupiti vu Czirkvu, y vu broj kotrigov ne-nyih.

Zadnich dusha vu Kerztu zaznamenujesze z-znamenym neizbrizlyivem. Ovo né telovno znamènye kakvo, koje videti ali chutiti moremo, nego jedno dùhovno znamènye, po kojem kerztcheni od vszeh nekerztcheneh razluchavasze; y zato kerzt vishe kak jedenkrat prez szmertnoga greha prijetisze nemore. Ovo anda je cheterto zrokovanye kerzta.

4.
Chetertich: Kerzt zaznamenuje dushu z-neizbrizlyivem znamenym.

5.

**Kerzt zro-
kuje takaj
zaveze zbog
vchinyenih
obechanyih
na nyim.**

Zvun toga Kerzt takaj ztanovite zaveze y dusnoztii zrokuje, koje iz nashega laztovii toga obechanya dohadajaju, koje mi pri Kerztu vchinili jeszmo. Ova obechanya zoveju-sze kerztii zavezi. Y vi, Dragi! na Kerztu ove zaveze vchinili jezte; morebiti pako nikaj od nyih neznate, y zato ove vam raztolna-chiti hòchu, da ove bolye obdèrsavati budete mogli; ar vszako obechanye zpunitisze mòra.

6.

**Pervo
obechanye
na Kerztu
je: Vràgu
odrechi.**

Kerztii obechànya jeszu od negda nàva-dna vu Czirkvi; ar poleg prepisza Jesusha Kriztusha moraliszù Apostoli pervich navu-chati, onda kerztiti. Koj obechal je, da na-vuka Jesusha Krizt. obdèrsaval bude, onoga kerztii jeszu; koj pako brànilsze je, nyega kerztii nészu. Kakgoder anda selni kerztitisze vre vu vrèmenih Apostolov Kriztushu obe-chanya vchiniti jeszu morali, ovak ovo y vezda vchiniti moraju. Kriztush y Duh pe-klenzki zkupa nigdar ztati nemreju; ar Kriztush je pochetnik miloztche y krepozti, vrág pako je pochetnik grèha. Koj vràgu neodre-che, on Jesushu Kriztushu obechatisze nemré. Vi takaj na Kerztu obechali jezte vràgu odrèchi; ar kada vasz Redovnik pital je: *Odgovarjashlisze vràgu?* tak odgovorili jezte: *Odgovarjam.* Pervo obechanye na Kerztu je anda, vràgu odrèchi; tojezt nyègva zlochè-zta vkanlyiva nadehnènya vishe neposzlusha-ti, ova neszedùvati.

7.

**Drugo
Obechanye
je: Odrèchi
zlem dèlam
vràga.**

Vsza, koja Kriztush rechjum vuchil je, ona y z-szvojum peldum podtverdil je. Koj navuku Jesusha Krizt. obechal sze je, on takaj obechati je moral, da nyegvem peldam szledoval bude. Pervi Kerztcheniki ovo na

kerztu vchinili jeszu; ar sz. Pavel veli: (Galat. 3.) *Vszi, koji vu Kriztushu kerztcheni jezte, Kriztusha oblekli jezte*; tojezt; nyegvo szveto sivlenye, nyegve krepozti. Pelde iliti chini Jesusha Kriztusha neszlasejusze zopet z-chini duha peklenzkoga; ar chini duha peklenzkoga jeszu grehi. Mi anda poleg obechanya nashega na Kerztu vchinyenoga chinom duha peklenzkoga odrechisze moramo. Ovo na Kerztu obechali jezte; ar kada vasz Redovnik pital je: *Odgovarjashlisze delom Vraga?* tak odgovorili jezte: *Odgovarjam.* Drugo obechanye anda na Kerztu je, delom vraga odrechi; tojezt nikaj zloga, ali greshnoga vchiniti nehoteti.

Kuliku pokoru y vmarjanye tela Jesush Kriztush na szê vzêl je, vre iz izpisza muke nyegve znamo. *Mi nemremo delniki nyegvoga goreztajanya poztati, ako delniki nyegve muke nészmo.* (2 Cor. 1.) Mi anda na Kerztu pokoru y vmarjanye tela nashega obechati moramo. Duh peklenzki je oholen y gizdav, ne pako ponizen y krotek. Oholnozt Vraga neszlasesze z-vmarjanyem Jesusha Kriztusha, mi anda na Kerztu gizdoztam vraga odrechi moramo. Ovo takaj na Kerztu obechali jezmo. Ar kada vasz Redovnik pital je. *Odgovarjashlisze vszem gizdoztjam vraga?* tak odgovorilîztê: *Odgovarjam.* Trejto obechanye anda je: gizdoztjam Duha peklenzkoga odrechi. Duh peklenzki szvoju gizdozt pokasuje vu prekorednih dobrih ovoga szvêta; gizdoztjam vraga odrêchi anda znamenuje, prekoredna dobra szvêta ovoga neizkati, y szerdcze szvoje ovem ne alduvati.

8.
Trejto obechanye je:
odrechi gizdoztjam
Vraga.

9.
Dnevi, kada
obechanye
na Kerztu
vchinyeno
ponovitisze
mora.

Znate vezda kakva obechanya na Kerztu vchinili jezte; vi ztê najmre obechali: da vragu, nyegvem delom, y nyegvem gizdozt-jam odrechete. Potrebno szamo je, da ova obechanya marlyivo obdersavate, y visheput, oszebito na dan vashega narodyenya, kak y po vekshih szvêtkih, y po dnêvih pricheztchanya ponovite.

10.
Dusnozt
Kumov.

Ali vi szî morebiti miszlite: to né iztina, da ja na Kerztu kaj obechal jeszem; ar ja onda josche nikaj razmel, niti govoriti znal nészem. — Puztite, da vam to raztolnachim. Po vami szamemi iztina je nikaj obechali nézte, nego po vashih Kûmih. Kûm je on, koj vu imenu deteta pri kerztu govori, y dete dersi. On dobro ztoji za kerztchanzko odhranjenje deteta, on takaj dusen je szvojega kumicha vu pofalenyu ali nemarnozti Roditelyih vu veri kerztchanzki podvuchiti. Kada anda Kumj za vashe kerztchanzko odhranjenje dobro ztali jeszu, tak na meztu vasz, takaj obechanye vchiniti jeszu mogli; y vi vendar vezda vre velikochu czene y vrednoztzi Kerzta prevideli jezte, tak obechanye vashih Kumov nazad vzialali nebudete, nego ovo vnogo bolye podtverdili, y vashem Kumom zahvalili, da oni za onda mezto vasz ovo obechanye vchinili jeszu.

Razgovor.

1.

Kaj zrokuje
Shakrament
kerzta per-
vich.

Kaj zvershava Shakrament sz Kerzta pervich? — Odkud moresh ti pokazati, da po kerztu vszi grehi y kastige opraztchajusze? —

kaj veli Pavel (Rom. 8.)? Je kaj od zkvarjenja vu onéh kojisze kerztiju? — Koji láztoviti gréhi po kerztu odpuztchaju sze? — Ako gdo potlam kerzta gréshi, po chém sze ovi gréhi odpuztchaju? —

2.

Jeli sz. Pavel szamo od Korintianczev *Drugoch?* veli: *vi oprani jeste?* Kaj dúshi po Kerztu podelyivasze? — Zakaj velish ti, da po Kerztu miloztcha poszvetchujucha podelyivasze? Kaj poztajemo mi po miloztchi poszvetchujuchi? — Kaj anda zvershava sz. Kerzt *dru-goch?* —

3.

Koj je pervi Shakrament vu Cziríkvi *Trejtich?* kerztchanzki? Po kojem Shakramentu ztupimo mi vu Cziríkvu? Y koje je duhovno telo Jesusha Kriztusha? — Kada anda sz. Pavel veli: *mi szmó k-jednomu telu kerztcheni*, kaj on po *telu* razmeva? — Jeszmo mi vszi k-jednomu telu kerztcheni? Chiji kotrigi anda poztajemo po kerztu? — Zakaj kotrigi Cziríkve? — Kaj zvershava anda Kerzt *trejtich?*

4.

Jeli zaznamenuje takaj Kerzt? — Gde *Chetertich?* zaznamenuje Kerzt? — Jeli na telu? Ako pako greshimo, jeli onda ovo znamenye zbri-she-sze? — Z-kakvem znamenjem anda zaznamenuje nasz Kerzt? — Jeli sze moremo vishe, kak jedenput kerztiti? — Zakaj ne? Kaj anda zvershava Kerzt *chetertich?*

5.

Jeli zrokuje Kerzt kakve zaveze? — Je- *Kaj szú ker-* li szmó na Kerztu kaj obechali? — Kak sze *zni zavezi?*

zoveju obechànya na Kerztu vchinyena? —
Kaj szû anda zavèzi? —

6.

*Koj je prvi
kerztni za-
vez?*

Jeszu ova obechanya vezda ztoprav vpe-
lana? Jeli szû Apostoli predi kerztiti ali na-
vuchati morali? — Ako gdo navuka Jesusa
Kriztusha dersati né hotel, jeli bil kerzt-
chen? — Kaj szû morali anda oni obechàti,
koji kerztitisze jeszu hoteli? — Gdo je po-
chetnik miloztche? — Gdo je pako pochet-
nik greha? — Jeli sze navuk Jesusa Krizt.
z-navukom duha peklenzkoga szlase? — Ko-
mu anda moramo sze pri Kerztu odrechi? —
Jeszmó y mi Vragu pri Kerztu odrekli? —
Kaj szmó Redovniku pitajuchemu na kerztu
odgovorili? — Koje je anda *pervo* obecha-
nye? —

7.

*Koj je drugi
kerztni za-
vez?*

Jeszuli sze pelde Jesusa Kriztusha nye-
gvomu navuku szuprotztavile? — Kada anda
k-navuku Jesusa Kriztusha sze podajemo,
koga obechujemo szleduvati? Jeli sze pelde
Jesusa Kriztusha z-chini vraga szlaseju? —
Kojem chinom anda na Kerztu odrechi mo-
ramo? Jeszmó y mi to obechali? — Kaj
szmó Redovniku pitajuchemu: *Odgovarjash-*
lisze delom vraga? odgovorili? — Koje je
anda *drugo* obechanye?

8.

*Koj je trejti
kerztni za-
vez?*

Kakvo sívlenye je vodil Jesush Kriztush?
Je on delnik mûke Jesusa, koj telo szvoje
ne vmarja? Jeli Vrag lyubi poniznozt y vmar-
janye? Kak sze bil zgizdal vrag? Komu ho-
tel je on jednak biti? — Jeszmó mi obechali

gizdoztjam vraga odrechi? Kaj szmô Redo-
vniku pitajuchemu. na sz. Kerztu obechali? —
Koje je anda *trejto* obechanye? Vu kakvih
dobrih pokasuje vrag szvoju gizdozt? Jeli
szmemo mi za vremenitemi hlépeti? — Kaj
anda to znamenuje: gizdoztjam Vraga od-
rechi?

9.

Jeli anda znash, koja vsza na sz. Kerztu
obechal jeszi? Moramoli obechanye dersati?
Kada obechanye ovo ponoviti morama?

*Moramoli
obechanya
na kerztu
vchinyena
dersati, y
kada pono-
viti?*

10.

Jeli szî ti na sz. Kerztu vre govoriti mo-
gel? Kak szî anda kaj obechati mogel? —
Po kém? — Gdo je Kùm? — Zakaj ztojiju
kùmî na Kerztu? — Kada mora Kùm za
kerztchanzko odhranjenje deteta zkerbeti sze?
Koje szû anda dùsnoztî kumov? — Jeli tebi
sâl, da je Kùm mezto tebe obechanya vchi-
nil? — Zakaj ne? — Jeli ti previdish czenu
y vrédnozt Kerzta? — Jeszu obechanya ova
na tvoju skodu?

*Kaj szû, y
kakve dù-
snoztî imaju
kumi?*

PITANYE 3.

Gdo more kerztiti?

Vu, potrebochi more vszaki kerztiti; zvan potreboche pako imaju szamo Biskupi y Plebànushi oblázt kerztiti, z-dopuztchenyem pako oveh mogû takaj drugi Meshniki, y Diakonushi, iliti shextoga reda imajuchi kerztiti.

Razláganye.

1.
Narednem nachinom i-maju szami Biskupi y Plebànushi oblázt kerztiti, vu potrebochi more vszaki kerztiti.

Nárednem náchinom moreju szamo Biskupi y Plebànushi kerztiti; ar szamo szvojem Apostolom je Kriztush rekel: *Kerztite vsze narode.* Kajti pako Kerzt najpotrebneshi Shakrament je, tak more vu potrebochi, gde Biskup ali Plebànush imati sze nemre, vszaki chlovek kerztiti. Ako y on, koj nashe vere néje, kerzti, ako szamo pravo kerzti, tak kerzt valya; ar Czirkva ovo je potverdila.

2.
Potrebna za Kerzt; pervich.

Koj pravo kerztiti hoche, mora *pervich* volyu y nakanenye imati poleg naredyenya Kriztusha Jesusha, ne pako iz spota ali shále kerztiti. Ovak v. p. Ako dete jedno drugo vu igri iz shale bi kerztilo, tak kerzt nebi valyal, kajti ovo nakanenye nebi imalo poleg naredyenya Jesusha Kriztusha kerztiti,

Drugoch.

Drugoch mora on Pershonu, koju kerztiti hoche z-obchinzkum vodum iz zdencza, potoka &c. polevati. Plemenitesha ztranka pri telu chloveka je gláva, ako anda mogûche je, tak ovu ztranku pri detetu polevati mo-

ramo. Vu ztarinzkih vremenih czelo telo pri kerztchenyu puztilo sže je vu vodu, potlam pako zbog zdravja y priztojnozti szamo ova ztranka z-vodum polèvasze.

Trejtich polevajuch mora zgovarjati rechi: *Ja té kerztim vu ime Otcza, y Szina y Duha szvétoga*. Ar vu ovem imenu je Kriztush kerztiti zapovedal; vu kojeh rechih nikaj premenitisze, nikaj izpuztitisze neszme. Y on, koj kerzti, taki na pochetku polevanya govoriti mora rechi ove, niti je szlobo-dno, da jeden poleva, drugi pako réchi zgovarja, nego on, koj poleva govoriti mora, ar drugach z-iztinum nebi rekel: *Ja té kerztim*.

Trejtich.

Razgovori.

1.

Komu je Kriztush rekel: *kerztite vsze narode?* Koji szû namezniki Apostolov? — *Gdo anda narednom nachinom kerztiti more?* — *Gdo more vu potrebochi kerztiti?* — *Koj je najpotrebneshi Shakrament?* — *Zakaj anda vu potrebochi vszaki kerztiti more?* *Gdo anda kerztiti more?* —

Gdo more kerztiti?

2.

Kaj mora on *pervich* vchiniti, koj kerztiti hoche? — Ako detcza iz shale vu igri jedno drugo kerztiju, jeli kerzt valya? — *Zakaj ne?* — Jeli bi imala nakanenye poleg naredyenia Jesusha Kriztusha kerztiti? —

Kaj mora chiniti, koj hoche pravo kerztiti?

Kaj mora ov *drugoch* vchiniti, koj kerzti? — Koj je prestimanisha ztranka téla

chloveka? — Koju ztran tela anda z-vodum polevati mora? — Jelisze je y vu ztarinzkih vremenih glava. polevala? — Kaj anda? — Vu chijem imenu je Kriztush zapovedal kerziti? — Koje rechi mora zgovarjati on, koj kerzti? — Kada mora ove rechi zgovarjati? Predi ali po polevanyu? — Gdo mora rechi ove izgovarjati, jeli on koj poleva, ali drugi? Kaj mora anda on chiniti, koj kerzti? —

I. Dokànchanye Nàvuka.

Naaman szédemkrat kupalsze je vu potoku Jordanu, y od Gube ochistchen je bil.

Naaman bil je vodya sherega Kralya Szyrie, jeden zpametni y gyegyerni vojnìk, y zbog toga od Kralya prestimavan. On bil je gubav, z-jednem tak odurnem betegom obtershen, da nigdo nyemu pomochi, y nijedna voda nyega ochiztiti nè mogla. Naamanova senna imala je jednu izraelzku szluskinyu, koju Szyrjanczi vlovili, y nyoj prodali jeszu. Pòklamkam ova bi bila videla, da nyén Gozpon od gube nikak oszloboditisze nemré, tak rekla je ona szvoji Gozpé: Da bi szamo moj Gozpon pri onom Proroku bil, koj vu Szamarii nahadyasze, tak on nyega zaizto bi zvrachil. (4 Reg. 5.) Ovo chujuchi Naaman od szvoje sene, taki odishel je k-Kralyu, y pròszil dopuztchenye, da vu Szamariu iti bude szmel. Benadad Kraly ovo nyemu. dopuztcha, dapache Lizta na Kralya Izraela dá; vu kojem on obznanuje, da on Naamana szvojega vodyu gubavoga k-nyemu poshilya, da gá naj zvrachi; od Proroka pako nikaj nè piszal. Kraly Izraela, poklamkam Lizta bi bil prechtel, tak sze je bil razszerdil, da rekel je: Jeli

szêm ja Bog, da ja lyudi vumoriti, y nazad sive vchiniti morem, da on k-meni poshilya, da ja ovoga chloveka od gube zvrachim? zaizto, ja vidim, da sze on zmenum poszvaditi seli.

Poklamkam ovò Prorok Elizaeush bi bil chul, tak poszlal je on k-Krályu, y rekel mû, da sze naj neszerdi, nego da gubavomu naj zapově k-nyemu dolyedojti. Naaman doshel je pred hisu Elizaeusha; y ov Prorok, da nyemu pokase, kak lehko Bog pomore onde, gde chlovechanka pomoch vishe nikaj ne premore, dal je nyemu pred hisum ztojechemu poruchiti, da szamo naj odide, da sze vu Jordanu szedemkrat naj pere, y da onda zdrav y ochiztchen bude. Naaman zbantuvan, da Elizaeush szâm k-nyemu van izishel nêje, zametavajuch dobroga tolnacha, hotel je vre domom povernutisze; ali szlugi nyegvi, vtasili szû nyega, y nagovorili gâ, da ovo vrachtvo naj potrebuje; kaj Naaman y vchinil je, on opralsze je szedemkrat y postal chizt, y zdrav. Oszupnyen y obshanyen povernul sze je k-Proroku, y rekel: Vezda vidim iztinito, da na czeli zemlyi nijednoga drugoga Boga nêje, kak ov szam vu Izraelu. Ja hochu ovoga dobroga Boga chez czelo sivlenye moje postuvati, za ovo dobrochinztvo, koje meni Bog, po tebi o chlovek Bosji! izkazal je, chez czelo sivlenye moje pozabiti nechû; ja ovo vszem mojem domorodczem nazveztchal budem, da ovak y oni szvoje krive Boge oztaviju, y k-pravomu Bogu Izraela obernejusze.

Dragi! gdo zmed vasz vu ovem chudnovitem pripectchenyu nevidi kipa nashega Kerzta? Ar kaj je guba drugo, nego kip greha onoga, z-kojem na szvet doshli jeszmo? Greh, kojega Adam vu Paradisumu vchinil je, y mi vszi od nyega zadobili jeszmo, je ona odurnaguba, od koje nasz szamo kupely preporadyanya, tojezt on od Jesusha Kriztusha prepiszani Kerzt oszloboditi

Schlottsnigg Iztine Vère Del. III.

more, y zaizto oszlobodil je. O y mi po zadoblenem ovem velikem dobrochinztvu z-Naamanom jednakoga mishlenya budimo, ter Bogu, koj nasz po szvojem Redovniku vu Kerztu od ovoga greha opral je, chez czelo sívlenye nashe nasz zahvalne izkasimo, iz ovoga dobrochinztva nigdar sze nezapozabimo y vsze lyudi na hvalu vszamoguchega Boga pozivajmo! Amen.

II. Dokànychanye Nàvuka.

Filipp kerzti Komornika harapske Kralyicze Kandaczie.

Szlushajte, Dragi! na konczu danashnyega podvuchanya jedno lepo pripetchenye. Jeden, dan doshel je Angel k-Filippu Diakonu y rekel je nyemu: hodi taki na put, koj iz Jeruzalema vu Gazu pelya; y on odishel je. Nut vidi on jedna kola, v-kojeh Komornik harapske Kralyicze Kandaczie szedel je, y koj za vreme vu Jeruzalem putuval je bil. Ov chlovek vezda povratchal sze je domom, y chtel knigu Proroka Izaiasha vu sz. Pizmu. Filipp prisztupil je kolom, y rekel: Verujeshli da razmesh ona, koja chtejesh? Y ov odgovori nyemu kak bi mogel ja to razmeti, ako mî gdo raztolnachil ne bude? ti ovo razmeti moresh, kajti Izraeleczech jeszi; szediszi anda poleg mene, y raztolnachi mî ova. — Szedechi zkupa, Komornik josche jedenput chtel je rechi Izaiasha proroka: *kakti Ovcza*, ove bile szu rechi: *vodyen je na pogublenye, y kak janchech pred onem mùchi, koj nyega strise, tak y on ne odperl vuzta szvoja*. — Povech mî vezda proszim tê, od koga govori ovde Prorok, jeli od szebe szamoga, ali od koga drugoga? raztolnachi mî to! Y Filipp odgovori: Ovo je jedno zméd oszebujneshih prorochanztvih, y ovo ne zda-

vna vu Jesushu kakti pravem Mesziashu, koj vezda vu Nebu je, y kojega szlusbenik y szvedok ja. Jeszem, na najchudnoviteshi nachin zpunilosze je. Ov bil je najnedusneshi y najszveteshi chlovek, ali iz jala y hmanyochie bil je on pred szûdom sidovzkem y Pilatushem obtusen, y na szmert obszudyen; on terpel je, y muchal je k-vszemu; on bil je razpet y pokopan. Na trejti dan ztal sze je iz groba, zasztupil vu nebo; vishe jezera lyudih pocheliszû nyegvomu navuku veruvati, y jedno vekivechno sivlenye ufatisze. — Doklam Filipp czelo pripetchenye z-Jesushem pripovedal je, tak raszla je vu Komorniku selya vuchenik ovoga Odkupitelya pozitati. Dojduchi k-jednomu potoku, koj poleg puta bil je, rekel je Komornik Filippu: glej ovde vodu! kaj more prechiti, da sze kerztim? y Filipp reche: ti moreshsze kerztiti, ako iz czeloga szercza verujesh? y Komornik odgovori: Ja verujem, da Jesush Kriztush szin Bosji je; ovde zapovedal je ztati, y Filipp kerztil je nyega, y zniknul. Komornik zpoznał je z-zahválnem szerdczem da ova najszrechnesha vura sivlenya nyegvoga je, y z-veszeljem domom povernul sze.

Néli, Dragi! ovo je jedno chudnovito pripetchenye? Metemtoga kaj sze od ovud vuchiti imamo? Jeli bi bil Bog Angela k-Filippu poszlal bil, koj nyemu na put iti bi bil zapovedal, da ovoga Komornika za Kerzt pripravi, ako Kerzt vszem, takaj najpobosneshem lyudem, potreben nebi bil? Y nut kulika miloztcha pripetilasze je Komorniku? Bog ovu miloztchu né nyemu dûsen bil, nego on ovu nyemu izkâzal je iz szâme dobrote, y dareslyivozti. Y vam, y neizbrojenem drugem vchinil je Bog miloztchu ovu: o dersitesze anda za szrechné, y hvalite Bogu vszaki dan chez czelo sivlenye vashe! zpoznajte da dan vu kojem vi po vodi prepordyenia od greha izhodnoga oprani jezte, najszrechneshi vashega czeloga sivlenya je, da on pochetek vashe-

ga blasenztva, temely vszèga vashèga ufanya, y dichno veszelje miloztche vashèga Odkupitelya Jesusha Kriztusha je. Amen.

III. Dokànychanye Nàvuka.

Szvèti obichaji (Ceremoniae) Kerzta jeszu puni navuka.

Dète donesheno na Kerzt pred vràti Czîrkvenemi oztàje, y to zato, da sze pokase, da Kerzt vu Czîrkvu Bosju vrata je, y da prez Kerzta vu Czîrkvu ne-zpadamo. Onda podelyitely Shakramenta pita Kùme, kak dete, koje na Kerzt doneszli jeszu, zvalo sze bude? Kùmi dàju detetu ime jednoga Szvetcza, kojega oszebito prestimavati, zazavati y naszleduvati mora, y kojega obrambi dete oszebito preporuchasze. Po doblenom imenu pitasze ovo zverhu poglavitesheh kotrigov vere vu veruvanyu Apostolzkem poztavlenih, na koja pitanja Kùmi mezto deteta odgovarjati moraju. Za tém Redovnik trikrat hukne vu obraz deteta, da duha, ne-chiztoga z-mochjum duha szvetoga pretira; y zaznamenjuje dete z-znamenjem sz. Krisa na chelu, na vuztah y na szerdczu, da po tom pokase, da ovo dete szamo po szmertí Krisa Jesusha Kriztusha z-Bogom pomirisze, da ovo Jesusha Kriztusha zpoznati, vu nyega veruvati, nyega z-vuztmi valuvati y vu szerdczu lyubiti, dapache da ovo vezda nyegov Kriis na sze vzeti, y nyega szleduvati mora. — Nadalye poztavlya Redovnik ruke na glavu deteta, da pokase, da ovo pod obrambum Bosjum je. — On daje detetu nekuliko od blagoszlovlene szoli vu vuzta, y proszi Boga, da kagoder szòl tèka jeztvina daje, ovak y dete tèka y veszelje vu duhovnéh y bosanzkih ztvarih naj nahadya. Za tém vu

imenu preszvetoga Trojztva, y po mòchi krisa Jesushe-
voga odpravlyasze od deteta duh nechizti, y Redovnik
poztavlyajuch Nadrameniczu (stolu) na dete, ovo vu
Czírkvu zapelya, da delnik z-Kriztushem na sitek ve-
kivechni poztane.

Je dete vu Czírkvì, tak moraju Kùmi *veruvanye*
Apostolzko y Otecz nash, na meztu deteta na glasz mo-
liti, da ovak pokasuju; da szamo vere y zaufanozt-
puna molitva miloztchu Kerzta zaszlusiti more. Za
tem po odvratchanyu josche jedenput duha nechiztoga
od deteta, duhu szvetomu mezto davasze, onda z-szli-
num y z-prahom dotikavasze vuh y nòsza, kak negda
Zvelichitely nemoga y gluhoga chloveka zvrachil je, da
po tom pokase, da dete vuha szvoja iztini odpreti, y
szlatkochu ove naj pochuti. Taki za tém pita Redovnik
dete, jeli sze vrugu — vszem nyegvem zlem delam —
vszem nyegvem gizdoztjam odgovarja? y po zadoblenom
od Kumih mezto deteta odgovora, ovo z-szvetem ol-
jem na perszih y med ràmeni namàse, da pokase, da
kakgoder negda vojnikì, koji k-boju pripravilisze je-
szu, z-oljem namazalisze jeszu, ovak y ovo dete na-
masesze, da proti hmanyomu duhu, proti szvetu y pro-
ti telu vojuvati mora. Redovnik onda po ponovlenom
veruvanyu Apostolzkòm pita: *hocheshlisze kerztiti?* y
daje po tom za razmeti, da Bog nikoga neprimora,
nego da vszakomu na volyu zpuztcha kerztitisze. Za
tém vzmshi za kerzt od Czírkvì priredyenu vodu, de-
te na glavi polevajuch veli: Ja té kerztim vu ime † Ot-
cza, y † Szina, y † Duba szvetoga. Amen.

Takì po kerztu namasesze dete z-szvetum krizmum
na glavi, na znamenye, da ovo po kerztu zkupa kraly
y Aldovnik poztalo je; Aldovnik, kajti ovo od vezda
szebe szamo kakti sivi, szveti y dopadni aldov Bogu
naj podaju; Kraly, kajti od vezda vszu praviczu na
kralyeztvo nebezko dobilo je. Potlam mazanya na

kerztchenoga bela szvita postavlyasze na znamenye, da ovo vezda na szvoji dushi od vszega greha ochiztcheno y oprano je. Y zovesze oprava nedusnohti. Najzadnich daje Redovnik goruchu szvetchu vu ruku, y opominya dete, da naj tak sive, da vszem lyudem po szvojem sívlenyu kakti szvetlozt szvétí, y odpuztcha ovak vu miru y blagoszlovu kerztchenoga.

Nut Dragi! ovo vu kratkem jeszu sz. Obichaji pri podelyivanyu szvetoga Kerzta, y ovo je nyegvò navuka puno znamenuvanye. O da szamo nigdar na ova nebi pozabili! da mi nigdar pri podelyivanyu ovoga pervoga y najpotrebneshega Shakramenta nebi nazochni bili, prez da veliku miloztchu ovoga nebi premislili, prez da obechanya nasha na kerztu vchinyena nebi ponovili! dapache, da nigdar kerztiti nebi videli, prez da tverdno szí nebi napervovzeli, da na kerztu vchinyene zaveze verno obdersavati hochemo. Amen.

NÀVUK 25.

Od Shakramenta Bermanya.

PITANYE 1.

Kaj je Bermanye?

Bermanye je Shakrament, vu kojem okerztcheni chlovek po sz. olju y rechih Bosanzkih od Duha szvétoga vu miloztcki Bosji objachujesze, da veru szvoju ztálno valuje, y poleg nye sive.

Razláganye.

Shakrament Bermanya je Shakrament jakozti, y punoche Duha szvetoga. Vi dobro znate da jedno dete potlam narodyenya josche szlabo je. Ovo, iztina je, sivlenye ima, ali jakozt nyemu josche pomenka. Kerzt je nashe duhovno preporodyenye, mi na ovom dobivamo duhovno sívlenye, ali onða jeszmo mi kakti ztoprav na szvét porodyena detcza (1 Petr. 2.) anda josche chizto szlabi.

1.
*Mi jeszmo
potlam Ker-
zta josche
szlabi.*

Ali dusnozti, koje na sz. Kerztu na nasz vzeli jeszmo, jeszu teske. Mi na Kerztu zavezali szmô sze, da navuka Jesusha Krizt. obdersavati hochemo; y ov navuk potrebuje od nasz, da mi veru ztálno valujemo, y poleg ove sivemo. (1 Navuk, pitanye 2.) Kak dugo nam valuvanye vere na diku y haszen

2.
*Vishe puti
je tesko ve-
ru valovati.*

szlusi, tak dugo nam je lahko veru valuvati. Mi vu nashi dersavi lahko nasz kerztchenike Katholike valujemo, kajti nam ovo valuvanye ovde diku y haszen donasha. Ako pako ime kerztchanzko odurjvasze, ako mi poleg ovo-ga pregone bi podnashati morali, tak nam zaizto nebi tak lahko bilo veru valuvati. Y nut kulike pregone podnashali szû vnogi zhog vere! chtejmo szamo izpisza sivlenya Szvet-czev; y vu ovem nashli budemo, koja vsza szveti Mucheniki zhog vere kerztchanzke pod-nashati jeszu morali, Vnogikrat anda je tesko veru valuvati.

3.
*Vnogikrat
je tesko po-
leg vere si-
veti,*

Y ravno ovak vnogiput je tesko poleg vere siveti. Kada nam Bog szrechu y blago-slova dà, onda povdanozt vu volyu Bosju nam lehka vidisze; kada on pako szinomastvo y neszrechu na nasz poshilya, onda povda-tisze vu volyu Bosju nam tesko vidisze. Vi-sheputi pripetchasze, da nasz nijeden chlovek ne zbantuje, onda nam lahko vidisze vsze lyudi lyubiti: visheputi szamo jeden nâsz naj zbantuje, tak nam vre tesko vidisze nepria-telya lyubiti. Vnogiput vidite, da vsza det-cza marlyivo k-kerztchanzkomu navuku do-hadyaju, onda y vi radi hodite; vnogiput vidite, da druga detcza mezto kerztchanzkoga navuka igrajusze, y okolo hodiju, onda y vam tesko sze vidi szim dohadyati. Moji Dra-gi! ako nikakva zkushavanya nebi sze naha-dyala, tak lahko bi bilo poleg vere siveti, ali ovak visheputi zkushavamosze od szveta, od nashega tela, y od vraga (Nâvuk 13 pi-tanye 2.) y zato je tesko poleg vere siveti.

Za tèska y smèhka dušovanya potrebna je mocht y jákozt; y zato poztavil je Jesush Kriztush Shakrament Bermanya, da mi vu miloxttchi objachimosze, y veru ztavno obdersati, y poleg ove siveti moremo. Mi, iztina je, vu sz. Evangeliumu nikaj nechtejemo od Bermanya, ali iz izpisza chinih Apostolov y iz vuztnoga predavanya od Shakramenta Bermanya zversheno vputitisze moremo.

4.
Czily Ber-
mánya.

Mi chtejemo vu izpiszu chinih Apostol-
zkih, (Actor. 8.) *Kada pako Apostoli, koji vu Jeruzalemu biliszu chùli jeszu, da Szamaria rech Bosju prijela je, tak poszlali szù Petra y Janusha k-nyim; ovi, kada k-nyim doshli bi bili, molili szù za nye, da Duha szvetoga bi dobili; ar ov josche zverhu ntjednoga zmed nyih né bil doshel, nego oni szamo vu Imenu Jesusha Gozpona bili szù kerztcheni, onda poztavili szù na nye ruke, y oni prijeli szù Duha szvetoga.*

5.
Izpisz Ber-
mánya.

Duha szvetoga prijeti, znamenuje nye-
gvu miloxttchu zadobiti: szamo jeden je Duh szveti, ali dàri nyegvi jeszu vnogoverztne, y chini nyegvi vu nami jeszu razluchni. Vezda je on Duh preporodyenya, kada on dushi nashi pervo znamenye miloxttche po szvetchujuche podeluje; vezda Duh jakozti, kada on dushu objachuje, vezda Duh batrivozti, kada on dushu ohatrive. — Mi anda na vnogoverztne nachine Duha szvetoga prijeti moremo.

6.
Duha szve-
toga na
vnogover-
ztne nachi-
ne prijeti
moremo.

Peter y Janush poszlani szù bili vu Szamariu, da ovem Duha szvetoga podeliju. Ovi vre imali szù Duha preporodyenya, ar vre kerztcheni bili jeszu. Ali josche Duh jakozti

7.
Narednem
nachinom
imaju szam
Biskupi o-

blazt bermati.

zverhu nijednoga zmed nyih né bil doshel. Peter y Janushi podelili szû nyim ovoga Duha jakozti, ovi anda nye bermali jeszu; metemtoga Peter y Janush bili szû Biskupi; narednem nachinom anda szamo Biskupi bermati moreju.

8.
Bermanye je shakrament.

Kada Peter y Janush vu Szamariu doshli jeszu, da ove bermaju, tak molili szû zverhu nyih; pri Bermanyu je anda rech Bosja. Onda poztavilisû ruke na nye, y kak nam vuztno predavanye poveda, tak bermani namazali ezû sze takaj z-szvetum Krizmum; vidlyivo znamenye Bermanya je anda poztavlenye ruk, y namazanye z-szvetum Krizmum. Na to prijeli szû ovi Duha szvetoga; vidlyivo znamenye Bermanya ima anda môch y krepot dati Duha szvetoga; Bermanye je anda Shakrament. Metemtoga Peter y Janush bermali szû szamo one, koji predi kerztcheni bili jeszu; tak anda szamo kerztcheni bermatisze moreju.

R a z g o v o r i.

1.

Jeszmomi potlam kerzta taki jakiki?

Kaj je Shakrament Bermanya? — Jeli je dete potlam narodyenya taki jako, ako szamo sívlenye ima? — Koj shakrament je nashe duhovno preporodyenye? — Gde zadobivamo mi duhovno sívlenye?

2.

Jeli je vsizgdar lehko

Jeszuli dusnozti lehke, koje na sz. Kerztu na, nasz vzeli jeszmó? Chijega navuka na

kerztu obdersavati obechali jeszmo? — Mo-
ramoli mi veru Jesusha Kriztusha valuvati, y
poleg ove siveti? — Jeli je vszigdar lehko
veru valuvati? — Jeli je tebi tesko rèchi, da
kerztchenik jeszi? — Zakaj ne? — Jeli zato
pregonov bojatisze imash? — Jeli bi bilo leh-
ko veru valuvati, ako nasz gdo bi preganyal
zbog tòga? — Zbog chesza szu szveti Muche-
niki najvishe terpeli? — Jeli ovakvi pregoni
guztoputi pripetchajusze? — Zakaj né lehko
vszigdar veru valuvati? —

veru valuvati.

3.

Jeli je vszigdar lehko poleg vere siveti?
— V. p. Bog poshle na nasz neszrechu; jeli
je onda povdanost vu volyu Bosju lehka? —
Jeli je lehko nepriatelye lyubiti? — Jeli na-
hadyajusze vnoga zkushavanya? — Od koga
zkushavamosze? — Zakaj né vszigdar lehko
poleg vere siveti? —

*Jeli je vszi-
gdar lehko
poleg vere
siveti?*

4.

K-kakvem dugovanyam potrebujemo mi
moch y jakozt? — K-teskem ali k-lehkem?
— Jeli je vszigdar lehko veru ztalno valuva-
ti, y poleg nye siveti? — Kaj je anda k-
tomu potrebno? — Jeli je Jesush koj Sha-
krament poztavil za nasz objachiti? — Koje-
ga? — Jeli chtejemo kaj vu sz. Evangeliumu
od Bermanya? — Odkud anda znash da Sha-
krament Bermanya nahadyasze? — Jeli zvun
Evangeliuma y druge knige novoga zakona
nahadyajusze? — Je izpisz chinih Apostol-
zkich kniga novoga zakona? — Jeli je y vu-
ztno predavanye jedna rech Bosanzka? —
Kaj razmevasze po vuztnem predavanyu? —

*Odkud zna-
mo da Sha-
krament
Bermanya
nahadya-
sze?*

Odkud znash anda, da Bermanye jeden Shakrament je? —

5.

*Kaj chtejemo
vu Chinich
apostol-
zkih oš Ber-
mánya?*

Kaj chtejemo vu chinich Apostolzkich, koga szû Apostoli vu Szamariu poszlali? — Kaj szû Peter y Janush tam delali? — Jeli je Duh szveti vre bil doshel vu Szamaritancze? — Vu chije ime bili szû szamo kerztcheni? — Kaj szû ovi poszlani Apostoli na nye poztavili? — Y kaj szû dobili? —

6.

*Moremoli
na vishe na-
chine Duha
sz. prijemati?*

Jeli né Duh szveti prez toga vszigdé nazochen? — Jeli je anda potrebno Duha szvetoga ztoprav prijeti? — Kak je Duh szveti vszigde nazochen? — Z-szvojem Bosantzvom, ali z-szvojum miloztchum? — Jeli je Duh szveti vu vszakem chloveku z-szvojum miloztchum? — Takaj vu greshniku? — Kaj je anda nam potrebno od Duha szvetoga prijeti? — Kaj anda to znamenuje: Duha szvetoga prijeti? — Jeli je vishe kak jeden Duh szveti? — Jeli szû takaj dari Duha szvetoga jednoverztni? — Moremoli na vishe nachine Duha sz. prijeti? — Zakaj? —

7.

*Zakaj bili-
szû Peter y
Janush vu
Szamariu
poszlani?*

Vu kojem Shakramentu prijemlyemo mi Duha preporodyenya? — Vu kojem Shakramentu preporadyamosze mi na sivlenye vekivechno? — Jeszuli Szamaritanczi vre kerztcheni bili? — Jeszuli anda Duha preporodyenya vre imali? — Zakaj? — Jeszuli takaj Duha jakozti imali? — Kakvoga Duha anda josche imali szû za dobiti? — Gdo je nyim ovoga dal? — Odkoga szû anda bermani? —

Jeszuli ovo szamo Redowniki bili? — Gdo anda narednem nachinom bermati more? — Zakaj szamo Biskupi? —

8.

Peter y Janush dojduchi vu Szamariu kaj szu vchinili? — Zverhu koga szû molili? — Je anda pri Bermanyu rech Bosja? — Kaj szû ovi na Szamaritancze postavili? — Jeli szû nye y namazali? — Odkud to znamo? — Koje je anda vidlyivo znamenye Bermanya? — Kaj szû po Bermanyu zadobili? — Kakvu moch ima anda vidlyivo znamenye Bermanya? — Je anda Bermanye Shakrament? — Zakaj? — Gdo sze more bermati? — Kaj je anda Bermanye? —

Je Bermanye jeden Shakrament?

PITANYE 8.

Kaj chini vu nami Bermanye?

Bermanye chini vu nami povekshavanye milosttche posvetchujuche, y daje ovu oszebujnu, da chlovek kerztcheni veru ztarno valuje, y poleg nye sive; z-znamenuje takaj dushu z-znamenjem neizbrizslyivem, y xbog toga vech, kak jedenkrat prijetisze nemore.

Razlaganye.

Biskup, iztina je, namase z-szvetum Krizmum iz vana szamo chelo; Bog ali namase iz nutra dushu z-milosttchum posvetchujuchum. Ovo vuchi nasz sz. Pavel (2 Corinth. 1.) govorechi: *Bog je, koj nasz z-vami vu Kriztushu objachil, koj nasz namazal je.*

1.
Bermanye chini vu nami milosttchu posvetchujuchu.

Koj nasz takaj zaznamenuval, y vu nasheh szerdczah zalog Duha dal je. Bog nasz pri kerztu josche neobjachuje, ar onda je nashe duhovno sivlenye josche szlabo; sz. Pavel govori anda ovde od Bermanya, y on veli, da nam Bog pri nyim zalog Duha daje. Ov zalog Duha je miloxtcha poszvetchujucha; ar jeden zalog oztati, y chuvatisze mora. Szamo miloxtcha poszvetchujucha oztaje vu nami, mi dobivamo anda pri bermanyu, kada nam Bog zaloga Duha podaje, miloxtchu poszvetchujuchu.

2.

Miloxtcha poszvetchujucha po Bermanyu szamo povekshavatsze.

Ali od Apostolih szamo kerztcheni Szamaritanczi bermani biliszû, anda pred Bermanyem vre miloxtcha poszvetchujucha imatisze mora. Kaj gdo vre ima, ono nemresze nyemu ztoprav podelyiti, nego szamo povekshavati, kada anda pred Bermanyem miloxtchu poszvetchujuchu vre imati moramo, tak ova po Bermanyu szamo pokveshavatisze more.

3.

Bermanye daje ovu oszebujnu miloxtchu, da chlovek veru ztalno valuje, y poleg nye sivet.

Metemtoga Bermanye podeluje nam y jednu oszebujnu miloxtchu. Ar mi po Bermanyu dobivamo Duha sz. ravno iz toga czilya, iz kojega nyega Apostoli dobili jeszu. Ali k-chemu dobili szû Apostoli Duha szvetoga? *Vi dobili budete jakozt Duha sz. rekel je Kriztush: — y vi budete meni — do koncza szveta szvedochili.* (Actor. 1.) Szvedok govoriti mora, y poleg szvojih rechih chiniti, kada Apostoli szvedoki Jesusha Krizt. biti jeszu morali, tak morali szû oni veru nyegvu valuvati, y poleg ove sivet; zato anda dobilisizû Duha sz. Duh sz. takaj zrokuval je ovu miloxtchu vu nyimi; ar taki na Trojake, kada zverhu nye doshel je, pocheli

szû oni veru Jesusha Krizt. valuvati, valuvali
szû ovu vszigdar, y sively szû poleg ove. Ka-
da anda mi na Bermanyu iz ovoga iztoga czi-
lya Duha szvetoga, kak y Apostoli, dobili
jeszmo, tak podeluje nam Bermanye ovu o-
szebujnu miloztchu, da veru ztalno valujemo,
y poleg nye sivemo.

Oszebujna miloztcha jakozti y ztalnoztu
vu vszeh chinih iliti obichajih Bermanya ochi-
tujeszze. Biskup zverhu bermanéh ruke po-
ztavlya; ovo znamenuje mochnu obrambu
proti vszem nepriatelyom. Biskup mase z-sz.
Krizmum; ovo znamenuje jakozt, ar Krizma
napravlyena je iz Olja y Balzama, Balzam
ima jaku duhu, Olje pako kotrige jachi. Zato
y Vojniki pri poganiñih na czelem tèlu z-ol-
jem mazali sze jeszu. — Biskup zaznamenuje
z-perztom vu sz. Olju zamochenem chelo z-
znamenym sz. Krisa, po tom mi opominya-
mosze, da mi znamenye Krisa Kriztusha Je-
susha, na kojem mi odkupleni jeszmo, ochi-
vezto noszimo, y zaradi nyega nigdar neszra-
mujemosze. Dobiva takaj Bermani od Bisku-
pa malu plyuzku, po tom dajesze razmeti,
da mi pripravni budimo za volyu Jesusha
vsze spote y pregone dragovolyno, terplyivno
y ztalno podnashati.

4.
*Chini iliti
obichaji prt
Bermanyu
pokasuju o-
szebujne mi-
loztche?*

Zadnich zaznamenuje Bermanye dushu
nashu z-neizbrizslyivem znamenym, po ko-
jem Bermani od nebermanih kerztchenikov
razluchavajusze. Bermani anda dvoja neiz-
brizslyiva znamenya na dushi ima, jedno po
kerztu, po kojem od vszeh nekerztchenih ra-
zluchavasze, drugo po Bermanyu, po kojem
od nebermanih razluchavasze. Kakgoder an-

5.
*Bermanye
zaznamenu-
je dushu z-
neizbri-
szlytoem
znamenym.*

da szamo jedenput kerztitisze moremo, ovak takaj szamo jedenkrat bermatisze szmèmo; ar z-neizbriszlyivem znamenym zaznamenuvanoga, né potrebno vishe z-ovem iztem znamenym zaznamenuvati. — Bermanye chini anda vu nami &c. kak zgora. —

Razgovori.

1.

*Kaj chini
vu nami
Bermanye
pervich?*

Gde mase nasz Biskup na Bermanyu? — Gde pako Bog? — Kaj veli sz. Pavel: gdo je on, koj nasz vu Kriztushu namazal je? — Y gdo je on, koj nasz objachil, y zazpamenuval je? — Jeli na Kerztu vre jaki poztajemo? — Vu kojem Shakramentu objachujemosze mi, da veru ztarno valujemo, y poleg nye sive-mo? — Od kojega Shakramenta govori anda Pavel? — Gdo nam zàlog Duha sz. daje vu szerdcza nasha? — Kaj veli Pavel? — Morali zàlog pri nami oztati, ali szmemo ovoga od nasz dati? — Koja miloztcha vu nami oztaje? — Poszlujucha, ali poszvetchujucha? — Kaj razmeva anda Pavel po zàlogu Duha sz.? — Jeli anda Shakrament Bermanya chini vu nami miloztchu poszvetchujuchu? — Zakaj? —

2.

*Jeli Berma-
nye milozt-
chu poszvet-
chujuchu
xrokuje, ali
ovu szamo
povekshava?*

Jeli szû Szamaritanczi pred kerztom od Apostolov bermani bili? — Jeli moramo pred Bermanyem vre miloztchu poszvetchujuchu imati? — Zakaj? — Kaj vre imamo, jeli ono nam ztoprav datisze more? — Moralisze pako ono povekshavati, kaj vre ima-

mo? — Jeli anda Shakrament Bermanya nam miloztchu poszvetchujuchu podeluje? — Ali vu nami povekshava? — Zakaj povekshava? —

3.

Jeli podeluje Shakrament Bermanya takaj koju oszebujnu miloztchu? — Kaj veli Kriztush? — Komu Apostoli naj szvedochiju? — Y chiju moch k- tomu naj dobiju? — Szmèli jeden szvedok muchati? — Ali szmèli szvedok drugach govoriti, drugach chiniti? — Chiju veru morali szû Apostoli valuvati? — Y poleg chesza morali szû oni siveti? — Jezuli to vchinili? — Kada szû oni pocheli veru valuvati? — Pred dosheztkom Duha sz. — Koj dan je Duh sz. zverhu Apostolov doshel? — Jeszuli Apostoli y kada prestali veru valuvati, y poleg ove siveti? — *Koju oszebujnu miloztchu podelyiva Bermanye?* — Koju oszebujnu miloztchu je anda nyim Duh sz. podelil? — Koju oszebujnu miloztchu anda podeluje nam sz. Bermanye? —

4.

Jeli Biskup ruke poztavlya zverhu oneh, kojisze bermati seliju? — Kaj to znamenuje? — Chiju obrambu? — Z- chém namàse Biskup pri Bèrmanyu? — Kakvu moch ima olje? — Kaj znash od Balzama? — Zakaj szû sze poganinzki Vojniki mazali z-oljem? — Kaj znamenuje anda Krizma? — Koju ztranku tela mase Biskup? — Kakvo znamenye poztavlya na chèlo? — Kaj ovo znamenye znamenuje? — Jeli sze szram ali szerdchenozt videti more na chèlu? — Kaj anda znamenuje zaznamenuvanye z- krisem na chèlu?

Na koju oszebujnu miloztchu czilyaju vszi chini Bermanya?

— Kam Biskup vudri bermanoga potlam mazanya z-sz. Oljem? — Kaj znamenuje ova plyuzka? — Jeli dersish onoga za szerdchenoga, koj sze neboji vudarcze podnashati? — Kak anda spote y pregone za veru podnashati moramo? — Kaj pelduju anda vszi chini iliti obichaji pri Bermanyu? —

5.

Z-chem zaznamenuje Bermanye dushu nashu?

Jeli Bermanye zaznamenuje takaj z-neizbriszlyivem znamenyem? — Jeli sze vi-sheputi bermati moremo? — Zakaj ne? — Kada ti anda berman jeszi, kuliko imash neizbriszlyiveh znameny vu tvoji dushi? — Jeli sze ti pred Kerztom bermash? — Jeszili y na Kerztu koje neizbriszlyivo znamenye zadobil? — Kuliko anda imash neizbriszlyiveh znameny? — Kaj chini anda vu nami Bermanye? —

PITANYE 3.

Kaj je potrebno na vredno prijemanye szveloga Bermanya?

Na vredno prijemanye sz. Bermanya potrebno je, da chlovek verzten vu veri, y vu oneh, koja sze dotichu ovoga Shakramenta, dobro je zvuchen, ter vu mилоtchi Bosji postavlyen; zverhu toga potrebno je, da sze po molitvah, y drugéh dobréh chinih k-nyemu pripravi.

Razláganye.

1.
Kastige vredno je

Bermanye, iztina je, né zevszema na Zvelichenye potreben Shakrament, kak Kerzt;

ar Kriztush veli: *koj veruje, y kerztchen bude, on zvelichil sze bude.* (Marc. 16.) Metemtoga vendar kastige vredna nemarnozt bi bila, ako gdo Shakramenta ovoga nebi prijeti hotel. Jeli nebi bil on kastige vreden, koj chez pogibelnu lòzu putuvati bi moral, ter najbolshe nachine szegurnozti bi zahitil? Bermanye je najbolshi nachin proti nepriatelyom vere; kak kastige vredno anda bi bilo, ovo zamuditi!?

Bermanye zamuditi.

Iztina je, da za prijeti ov Shakrament ztanovita doba odluchena né, da sze anda vu vszaki dobi prijeti more; metemtoga vendar vre od zdavna vu Czirkvi navada je vpelana, da szamo ona detcza bermatisze puztchaju, koja k-letam razluchavanya, y k-sivanyu razuma jeszu doshla. Odhrasztcheni lyudi pako znati moraju, kaj prijemlyeju, oni anda vu oneh, koja na Shakrament ov zpadaju, dobro podvucheni biti moraju. Zverhu toga, néje moguche, da mi veru ztalno valujemo, y poleg ove sivemo, ako vu veri podvucheni nészmo; kada anda po Bermanyu ovu oszebujnu miloztchu zadobiti selimo, da veru ztalno valuvati, y poleg ove siveti moremo, tak najpervich vu veri podvucheni biti moramo.

2.
K- prijemanyu sz. Bermanya pervich potrebno je, da chlovek verzten vu veri podvuchen je.

Nadalye, po Shakramentu Bermanya nepodelyivasze miloztcha poszvetchujucha, nego szamo povekshavasze: chlovek anda pred Bermanyem vu ztalishu miloztche biti mora. Ako potlam kerzta zagreshili jeszmo, tak po Shakramentu pokore nasz vu ztalish miloztche poztavlyamo. Vi vszi vre kerztcheni jekte, vi po novem kerztu vasz vu ztalish miloztche poztaviti nemrete, vi anda pred Ber-

3.
Drugoch potrebno je, da chlovek vu miloztchi Bosji poztavlyen je.

manyem Shakrament pokore prijeti morate, da vu ztalish miloztche, iz kojega po grehih potlam kerzta vchinyenih izishli jèzte, nazad ztupite.

4.

Trejtich potrebno je, da po molitvi y dobréh chinih sze pripravi.

Zadnich pripravili szû sze Apostoli k-dosheztu Duha sz. po molitvi, y dobréh chinih. (Actor. 1.) Vi, moji Dragi! pri Bermanyu takaj dobivate Duha sz., vi anda po molitvi y dobréh chinih vasz pripraviti morate. Zverhu toga potrebno je, da pri iztom podelyivanyu ovoga Shakramenta pobosno, mirno y chedno zadersavate sze, ter z-dobrem nakanyenem ovoga primete.

5.

Pri Bermanyu potreben je takaj Kum.

Takaj potrebno je, da pri Bermanyu Kuma imamo; y ove je sz. mati Czirkva odredila, ne szamo zato, da szvedoki od Bermanya jeszu, nego y zato, da oni, oszebity vu pri-petchenyu potreboche, ove vu nyihovéh dusnoztih, y vu pravem navuku Evangeliuma podvuchiju.)

R a z g o v o r i.

1.

Je Bermanye na zvelichenye zeshema potrebno?

Jeli je Barmanye takaj tak potrebno k-zvelichenyu kak y kerzt? — Zakaj ne? — Kaj veli Kriztush, gdo sze bude zvelichil? — Jeli ali zato Barmanye zamuditi szmèmo? — Jeli zpametno chini on putnik, koj chez neszegurnu lozu hodi, ter nachine szegurnozti bi zahitil? — Koj je najholshi nachin proti nepriatelyom vere? — Jeli anda nebi bilo kastige vredno Barmanye zamuditi? — Zakaj? —

2.

Gdo sze berma? — Detcza mala? — Morajuli odhratzcheni lyudi znati kaj prijemlyeju kada sze bermaja? — Morajuli anda dobro podvucheni biti? — Moramoli veru ztalno valuvati, ako vu ovi podvucheni nészmo? — Koju oszebujnu miloztchu zadobiti hochemo po Bermanyu? — Vu chem anda podvucheni biti moramo? —

Vu chem moramo pred Bermanyem podvucheni biti?

3.

Jeli sze po Bermanyu miloztcha poszvetchujucha podeluje, ali povekshava? — Moramoli pred Bermanyem vu ztalishu miloztche nahadyatisze? — Zakaj? — Po chem pozta-vlyamosze vu ztalish miloztche? — Ako pako potlam Kerzta zagreshili jeszmo? — Jeszi ti vré kerztchen? — Po chem anda ti vu ztalish miloztche dozpeti moresh? — Kaj anda pred Bermanyem prijeti morash? —

Vu kakvem ztalishu moramo pred Bermanyem nahadyati sze?

4.

Po chem szû szé Apostoli k-dosheztku Duha sz. pripravili? — Jeli neprijemlyemo y mi pri Bermanyu Duha sz.? — Po chem anda nasz pripraviti moramo? — Kakvo nakanenye moramo imati pri prijemanyu ovoga Shakramenta? — Kaj, da primemo? Kak anda pripravni biti moramo, da Shakrament sz. Bermanya vredno primemo? —

Po chem moramo sze k-Bermanyu pripraviti?

5.

Jeli sze takaj k-Bermanyu kùm potrebuje? — Zakaj? — Jeli da szamo szvedok hude? — Chija je dusnozt vu pomenkanyu Roditelyih detczu vu dusnoztih y navuku vere podvuchiti? —

Jeli 'sze takaj k-Bermanyu kumi potrebuju?

I. Dokànychye Nàvuka.

Oni tri mladenczi vu ognjeni pèchi vu Babylonu jessu pelda stalnosti vu veri.

(Daniel 3.)

Nabukodonor, jeden poganizki kraly vu Babylonu dal je jednoga bolvana na polyu Dura podignuti, y zapovedal je, da vsi prez razluku ztlisha y chàzti k-blagoszlovenyu ovoga doiti moraju, kaj y vchinyeno je. Onda jeden Nazveztnik krichal je glaszom velikem: o vi puki y narodi, kakvem goder jezikom govorete, vam ztem obznanyeno naj bude, da kak berse glasz trumbete, pischala, czitare, czimbale, y szlono popevanye chuli budete, tak hititesze na kolena, y vklanyajtesze kipu, kojèga kraly Nabukodonor podichi je dal. Koj nebude hitil sze na kolena, y ovomu sze vklanyal, on hip hitil sze bude vu ognieny pèch. Kada anda glasz gorirechene musike bisze bil chul, tak hitili szû sze vsi narodi y puki na zemlyu, y vklanyali szû sze ovomu zlatomu bolvanu. Szamo tri izraelzki mladenczi Szidrak, Mizak y Abdenago, koji vu kraljevzkem dvoru Komorniki bili jessu, oztali szu ztalni vu szvoji veri, ar ovi postuvali y molili szû szamo pravoga Boga izraela Boga Otczev szvojèh, y drugoga nijednoga.

Metemtoga chin mladenczov né bil zamuchan; doshli szû najmre taki nekoji k-kralyu, y ove zbog nepokornosti obtusili szû. Kraly szerdit taki zapovedal je ove tri obtusene dopelyati, y rékel nyim, da josche jedenput glasz musike chuli budû, y ako onda na zemlyu padali, y rechenemu kipu vklanyali sze nebudû, da on hip vu ognieny pèch hitcheni budeju: *Ar gdo je on Bog, koj vasz iz ruk mojèh oszloboditi bude mogel!* — Mi nepotrebuemo, da duse odvlachish,

odgovoriliszu ovi tri mladenczi Kralyu, daj nasz szamo vu ognyenu pèch hititi : on Bog, kojega mi postujemo, nasz iz ognylene pèchi, y iz tvojih ruk o Kraly! oszloboditi more; y ako taki on ovo nebi vchinil, tak vendar tebi vu oveh nebudemo pokorni, nego mi szamo jednomu pravomu Bogu vklanyali sze budemo. Komaj da to bi bili izgovorili, tak razszerdyen Kraly zapovedal je, da pèch szedemkrat jakshe sze naj zakuri kak druga: onda da sze ovem trem noge naj zveseju, y od najjakshih lyudih vojkze nyegve vu pèch naj hitiju. Ali nut! kaj sze je pripetilo? Vojniki, koji zapoved Kralya izpuniti jeszu imali, popadyeni od plamena ognya zgoreli szu, tri ovi zvezani mladenczi pako oztali szu nevràseni, ter zpevajuchi hvalu Bogu proszili szu za jakozt y ztalnozt vu veri.

O Dragi! zmiszlimosze vishekrat iz pripetchenya ovoga, y vuchimosze od oveh treh izraelzkéh mladenczov ztalnozt vu veri, da ovak y mi pripravni budemo, rajshi vsze pregone y iztu szmert podnezti, kak veri nashi odrechi! Iztina je, vu vezdashnih vremenih nenahadyajusze vishe Nabukodonzori, koji nami z- ognye-num pèchjum bi sze grozili, ako pred bolvani na kolena padali y ovem sze oklanyali nebudemo; metemto-ga ne pomenkaju vendar otajni pregonitelyi vere nashe, ne pomenkaju takvi, koji, vre szami veru zgubili jeszu, y nasz po zlocheztih naputchenyih y navukih ove mentuvati hocheju. Proti ovem budimo ztalni vu veri; o-veh oszmehavanya zametavajmo, proti ovem proszimo y molimo Boga za jakozt y ztalnozt vu veri. Amen.

III. Dokànychanye Nàvuka.

Apostoli veszelili szû sze, da vredni bili jeszu zbog Jesusha odurjavanye y pregone terpeti.

Kakvu chudnovitu premenbu zrokuval je dosheztek Duha sz. pri Apostolih! Premiszlimo kak szlabi y bojazlyivi lyudi bili szû vu vremenu, kada muke Mestra nyihovoga pochele sze jeszu! Komaj bil je on od nepriatelzkoga Sherega obkolyen, tak pobegli szû vszi od nyega. Peter, koj malo predi szvojemu Navuchitelyu obechal je, da z-nyim vu vuzu y na szmert iti hoche, malo potlam. niti tuliku szerdchenozt imal néje, da pred jednum szluskinyum bi bil valuval, da on Vuchenik Jesushev je; dapache iz ztraha, da y nyega morebiti na szûd bi povlekli, priszigava on, da Jesusha niti nepozna. Premiszlimo ali nyega vezda, poklamkam na Trojake Duh sz. zverhu nyega doshel je; o Bose kulika razluka! kak bojazlyiv predi bil je, tak szerdcheno nazveztcha on odperto Jesusha Nazarenzkoga, pochetnika sivlenya, vu chijega kervi sidovi ruke szvoje prali, kojega oni vumorili jeszu, y koj na trejti dan zopet od szmertí prebudil sze je.

Peldu Petra szledili szû takaj oztali Apostoli. Vezda po dosheztku Duha sz. nebojiju sze nikakve pogibelyi, nebesiju nikakvu nepriliku, y ne vugiblyeju sze nikakvi muki. Oni razhadyajusze po czelem szvetu, y nazveztchaju Evangeliuma vszem narodom. Premoguchi szveta ovoga podigavajusze proti nyim, y zapovedaju nyim mûchatí, metemtoga oni nepreztaju Jesusha nazveztchati, nyegvoga navuka prodekuvati, nyegvoga Evangeliuma razshiriti. O kuliko veszelje je to za nye bilo, da oni za ime Jesusha oszmehavanye, spotata, pregone, muke, dapache najspotlyiveshu szmert

terpeti jeszu mogli! Chujmo jednoga Petra y Pavla pod vusinczi y mèchom kervolochnoga Nerona; chujmo jednoga Janusha vu kupelyi razczvertoga olova y kipuchega Olja; chujmo jednoga Barthola pod rukami nemiloszernéh haharov, koji iz nyega kosu szlachiju; chujmo jednoga Thomasha pod vnosinum ztrelicz; jednoga Jakoba pod mèchom Herodesha; chujmo jednoga Andrasa na krisu, na kojem pribit je, kaj oni govoriu? Vszi szlosno y szerdcheno krichiu: O preselni dan! O szrechno vreme! da mi vredni poztajemo za Jesusha muke terpeti, y vumreti! O chudnovita szerdchenozt! O szrechna prememba! —

Dragi! Kakvu kaszen szî iz oveh peldih Apostolov vzeli budemo? Jeli nészmo y mi vszi, ali vendar veksha ztran, Duha sz. vu Shakramentu Bermanya prijeti? Jeli ov Duh jakozti nebi moral y pri nami zpodobna zrokuvati, y jeli nészmo pri prijemanyu ovoga Duha nasz zavezali, da veru Jesusha vszigdar ztalno valuvati, y poleg ove siveti hochemo? Kada budemo anda jedenput pocheli, ovu dusnozt obvershavati? Kada budemo pocheli, czelomu szvetu po nashem govorenju, y po nashih chinih pokazati, da mi nasz za szrechne dersimo, da od nepriatelyov vere oszmehavanya terpeti moremo? — Budimo anda jaki y ztalni vu veri, pokasimo po govorenju y po chinih, da mi vredni Vuchcniki Jesusha, y verni naszledniki Apostolov jeszmo. Amen.

III. Dokànychanye Nàvuka.

Dùsnoztì Bermanéh.

Veru szvoju ztalno valuvati, y poleg ove siveti, ovo Dragi! jeszu dusnoztì, koje sz. Shakrament Bermanya nam nalase, y k-kojeh zpunavanyu Bog osze-

bujnu miloztchu vu ovem podeluje. *Koj mene pred lyudmi valuval bude, veli szam Jesush K. vu Evang. nyega y ja pred Otczem mojem vuluval budem; koj pako mené pred lyudmi zatajil bude, onoga y ja pred Otczem mojem zatajil budem.* (Matth. 10.) Moreli sze nam dusnozt ova, da veru ztalno valujemo, z-razlo-sneshemi rechmi napervoztaviti? Ove rechi genule szû perve kerztchenike, da oni z- vszum szerdchenoztjum vu szredini poganinov odperto pred nyimi veru Jesusha Kriztusha valuvali, szvôgâ imêtkâ y szloboschinu, da-pache izto sivlenye rajshi zgubili jeszu, kak da veri bi bili odrekli. Vsze muke, koje szamo kervolochnozt zmiszliti more, nészû bile vu ztalishu, nye vu veri o-szlabeti. O szrechna vremena kam szû zniknula!? Koji negda veru Jesusha Krizt. ztalno valuvali jezte, gde ztê vezda?! O szramota za nashe ztoletje! néje vishé pregonov, ter vendar je tuliko bojazlyiveh, koji, tak rekuch, sze kerztchenike valuvati szramuju; ar kuliko je nyih, koji sze szramuju vu izti hisi Bosji znamenye sz. Krisa na sze poztaviti, — iz knyige ali sz. chiszlo moliti, — pod podiganyem szvoja kolena prignuti, — rech Bosju pazlyivo poszlushati, — y sz. Shakramente prijemati? — O zaizto! Jesush Kriztush nye jednoch pred otczem szvojem nebezkom zatajil bude, kak goder oni nyega pred lyudmi zatajili jeszu. —

Poleg szvoje vére siveti, ovo je druga dusnozt ber-manoga; ar kaj bi hasznilo, Dragi! véru imati, ako po-leg ove nebi siveli? *Kakgoder télo, veli Jakob Apostol, prez Duha mertvo je, ovak y véra prez chinov mertva je.* (Jacob. 2.) Dobri kerztchanki chini jeszu anda po-trebni, ar ovi jeszu nashoj véri to, kaj duh télu je; najmre: sivlenye. Ali jeli sivemo mi poleg vére? Jeli chinimo mi ono, kaj véra od nasz potrebuje? Kaj chi-nimo, kaj terpimo mi Bogu za volyu, za lyubav? Mi, koje najmensha teskocha od szlusbe Bosje odvracha, y

na morguvanya, blaznozi y kletve giblye? — Kaj chinimo mi blisnyemu nashemu za lyubav? Mi, koji na meztu da nyemu vu nyegvih potrebochah pomorem, nyega oztavlyamo, — nyemu postenye y dobro ime vzimlyemo, — leta y leta nepriatelyztva vu szerczu nashem hranimo? — *Ah! veli sz. Hilarius: ni némate vèru Evangeliuma, nego jednu vèru vrémen, jednu vèru poleg pokvarjenoga szvéta obechajih.* —

Zpunimo anda, Dragi! na Bermanyu na nasz vzete dusnozi véro! budimo ztalni vu vszakoj priliki vu valuvanyu vére nashe, branimo ovu proti nyenem nepriatelyom vszako vréme, vchinimo ali takaj ovu po dobréh chinih osiveti, — vchinimo dobro, szvétimo vszem lyudem z szvetloztjum nashum, da nashe dobre chine vidiju, y Otcza, koj vu nebu je, díchiju. Amen.

NÁVUK 26.

Od Shakramenta preszvetoga Těla Kriztushevoga.

PITANYE 1.

Kaj je Shakrament preszvetoga Těla Kriztushevoga?

Shakrament preszvetoga Těla Kriztushevoga je najszveteshi Shakrament, je pravo Tělo, y prava Kerv Gozpona nashega Jesusha Kriztusha pod zpodobum kruha, y vina.

Razláganye.

1.

Dusha potrebuje duhovnu hranu kak y tělo tělovnu hranu.

Tělo, akoprem sive, y jako je, vendar za hranu jelo y pilo potrebuje, da vu sívlenyu, y vu jakožti zdersi sze. Y ravno ovak z-dushum pripetchasze. Ona potrebuje hranu, da y ona vu szvojem duhovnem sívlenyu, y vu szvoji jakožti zdersisze; ali ona potrebuje jednu duhovnu hranu, kajti y ona duh je. Kakgoder anda Jesush Kriztush zvelichitely dush nashih Shakramenta duhovnoga preporodyena vu kerztu y Shakramenta jakožti vu Bermanyu poztavil je, ovak takajshe poztavil je on Shakramenta duhovne hrane vu Shakramentu oltarzkem.

Jesush Kriztush vre predi obechal je, da ^{2.} on szvoje télo za duhovnu jeztvinu, y szvoju ^{Jesush Kriztush obe-} kerv za duhovnu pitvinu podati hoche. ^{chal je szvo-} *Kruha*, veli on: *kojega ja vam dal budem, je* ^{ju kerv ka-} *télo moje za stúlenye szvéta.* (Ioan. 6.) ^{kti pravu} Y ^{hranu dushe.} da nebudemo mogli dvojiti, jelì télo nyegvo jedna prava jeztvina, y kerv nyegva jedna prava pitvina je, tak on pridaje: *moje télo zaizto je jeztvina, y moja kerv zaizto je pitvina.* (Ibidem.)

Kaj! Jesush tak szegurno obechal je, to ^{3.} y dan on pred szvojem mukum pri zadnyi ^{Jesush Kriztush podal} ^{je téloy kerv} vecherji zpunil je. Ar kada Vucheniki z-nyim ^{szvoju pri} zadnyu vecherju bi bili jéli, tak ^{zadnyi ve-} *uzel je Je-* ^{cherji nam} *sush Kruh, blagoszlovil gá, lamal y dal vu-* ^{za duhovnu} *chenikom govorechi: Vzemite y jechte, ovo* ^{hranu.} *je telo moje. Y uzel je poszudu, blagoszlovil y dal nyim, ter rekel: pijte iz ove vszi, ar ovo je kerv moja novoga zakona, koja za vnoge prelejana bude na oproztchenye gréhov.* (Matth. 26.)

Télo y kerv Jesusha Kriztusha pod zpo- ^{4.} ^{Jesush Kriztush pri} ^{zadnyi} ^{vecherji po-} ^{ztavil je} ^{oltarzki} ^{Shakrament} *dobum kruha y vina zovesze Shakrament ol-* *tara.* Jesush obernul je Kruha na szvoje télo, ar on rekel je zverhu kruha: *Ovo je telo moje.* On obernul je vino na szvoju kerv, ar on rekel je zverhu vina: *Ovo je kerv moja.* On nè szamo ovo szam vchinil, nego on zapovédal je, da y Apostoli ovo izto najvchiniju, ar rekel je: *ovo vchinite na moj zpomenek.* Jesush Kriztush anda vu szvoji Czírkvi pozta- vil je Oltarzki Shakrament.

Meshniki szlediju Apostole vu mochi y ^{5.} ^{Vezda mo-} ^{reju Mesh-} ^{niki kruh} ^{y vino, na} *jakozi kruh y vino na télo y kerv Jesusha Kriztusha obernuti* (Navuk 34. pit. 1.) *ve-*

*télo y kerv,
vu imenu
Jesusevem,
obernuti.*

zda anda Meshniki to vchiniti moreju. To metemtoga lahko prevideli budete, da chlovek z-laztovitum močjum kruha na télo, vino pako na kerv, obernuti nemore. Meshniki od narave jeszu lyudi, oni anda iz lazto vite szvoje mochi to vchiniti nemreju. Metemtoga kak goder Apostoli moč ovu od Jesusha Krizt. dobili jeszu; ovak y Meshniki szvoju moč Kruha y vino na télo y kerv obernuti od Jesusha Kriztusha dobili jeszu; oni anda ovo pri aldovu sz. Meshe vu imenu, y z-močjum Jesusha Kriztusha chiniju.

6.

*Meshniki
chiniju pri
Meshi ono
izto, kaj
Jesush pri
zadngi ve-
cherji vchi-
nil je.*

Vu ovem vendar Meshniki poleg poztavlenya Jesusevoga ravnati sze moraju. Jesush Kriztush, kada kruha y vino na télo y kerv obernul je, tojezt: kada oltarzki Shakrament poztavil je, vzal je kruha, y poszudu z-vinom; Meshnik takaj kruha y vino vzeti mora. Jesush Kriztush rekel je z-verhu kruha: *Ovo je télo moje*; y zverhu vina: *Ovo je kerv moja*; Meshnik anda to izto zverhu kruha y vina izrechi mora; ne vendar, kak da kruh na télo Meshnika, ali vino na kerv nyegovu obernutisze bi imala; nego Meshnik veli: *ovo je télo moje*; *ovo je kerv moja*; kajti on vu imenu Jesusha Kriztusha govori, y Jesusha Kriztusha pelduje.

7.

*Iz chesza
oltarzki
Shakrament
biva y po-
ztaje.*

Od ovud lahko videti moremo, iz chesza Oltarzki Shakrament biva, y iz chesza je, poklamkam poztal je. Ov poztaje najmre iz kruha y vina, y iz rechi Bosje, koju meshnik zverhu oveh izgovarja. Kak berse pako Oltarzki Shakrament poztal je, tak kruh vre vishe néje kruh, y vino vre vishe néje vino, nego pravo télo, y prava kerv Jesusha Kri-

ztusha; kajti najmre kruh y vino na télo y kerv Jesusha Kriztusha obernula sze jeszu. Metemtoga zpasuju chutenya nasha y po ovem preobernenyu josche vszigdar velikochu, bôju, duhu y téka kruha y vina: ove ztvari ali nészu vishe kruh y vino, nego szamo zpodobe kruha y vina. Potlam Preobrachanya jeszu anda télo y kerv Jesusha Kriztusha pod zpodobum kruha y vina nazochna, ter oltarzki Shakrament, poklamkam poztal je, je pravo télo, y prava kerv Jesusha Kriztusha, pod zpodobum kruha y vina.

Shakrament oltara je pravi Shakrament. Shakrament je jedno vidlyivo znamenye nevidyeneh iliti zkrovneh miloztchih; ali zpodobu kruha y vina vu oltarzkiem Shakramentu jeszu vidlyive, one pokasuju Jesusha Kriztusha pochetnika miloztche, Shakrament oltara je anda jeden pravi Shakrament. Nasha chutenya y nash gingavi razum iztina je, nam nepovedaju, da Jesush Kriztush pod zpodobum kruha y vina nazochen bi bil; ali ravno zato je ov Shakrament jedna zkrovnozt, iliti Shakrament. Bog vszigdar vishe vchiniti more, kak mi preszechi moremo; y Jesush Kriztush odperto je rekel; da pod zpodobami Kruha y vina po Preobrachanyu nyegvo télo y nyegva kerv nazochna jeszu, mi anda ovo véruvati moramo.

8.
*Shakrament
Oltara je
pravi Sha-
krament.*

Drugi Shakramenti iztina je, jeszu szveti, kajti po vszeh nam miloztcha dajesze, ali iztoga Jesusha Kriztusha pochetnika szvetozti nezadersavaju vu szebi. Ali oltarzki Shakrament zadersava Jesusha Kriztusha pochetnika szvetozti vu szebi; Shakrament oltara je an-

9.
*Shakrament
oltara je
najszyeteshi
Shakrament*

da najszyeteshi. Imenujesze pako Shakrament oltarzki zato, kajti na oltaru zvershavasze preobrachanye, pó kojem Jesush Kriztush poztaje nazochni.

R a z g o v o r i.

1.

Kojega Shakramenta poztavil je Kriztush za duhovnu hranu?

Jeli t lo potrebuje hranu da sive, y jak oztane? — Jeli y Dusha hranu potrebuje za ov izti Czily — Jeli ali dusha jednu t lovnu hranu potrebuje? — Je ona kaj t lovnoga? — Koj je Shakrament, po kojem sze mi duhovnem nachinom preporadyamo, y duhovno sivlenye dobivamo? — Koj je Shakrament jakozti? Y kojega Shakramenta je Kriztush za duhovnu hranu nashu poztavil?

2.

Kakvu jeztvinu y pitvinu obechal je Kriztush dushi nashoj?

Jeli je Kriztush vre predi obechal, da nam jednu duhovnu hranu dal bude? Kaj veli Kriztush, kaj je on kruh, kojega on dal bude? — Kakvoga napitka obechal je Kriztush dushi nashi? — Ali morebiti t lo y kerv Jesusha Kriztusha n je vu iztini jeztvina y pitvina? — Zakaj? — Kaj je rekel Kriztush?

3.

Je Kriztush szvoje t lo y szvoju kerv zaiztinu za hranu dushi nashoj dal?

Jeli je Kriztush szvoje obechanye dersal? — Kada je Kriztush t lo szvoje za hranu dal? — Kada kerv? — Kaj je vzel Kriztush kada z-vucheniki szvojemi zadnyu vecherju jel je? — Kaj je on blagoszlovil, kaj lomil? — komu dal je on blagoszlovlyenoga

krùha? — Y kaj je on rekel vuchenikom, kada nyim krùha dal je? — Kaj je Kriztush po podelenem krùhu josche dal vuchenikom? Komu je Kriztush hvalu daval kada poszudu vu ruke vzel je? — Komu je dal poszudu? Y kaj je Kriztush rekel vuchenikom, kada nyim poszudu dal je?

4.

Kaj je Shakrament oltarzki? — Je Kriztush kruha na szvoje télo oberнул? — Odkud to znash? — Kaj je Kriztush rekel zverhu kruha? — Je Kriztush vino na szvoju kerv oberнул? — Odkud to znash? — kaj je Kriztush rekel zverhu vina? — Potlam Preobrachanya kaj je Kriztush rekel szvojem Apostolom? — Jeli je Kriztush y Apostolom ovu iztu moch Preobrachanya dal? — Odkud to znash? — Kojega Shakramenta je anda Kriztush pri zadnyi vecherji poztavil?

Kojega shakramenta poztavil je Kriztush pri zadnyi vecherji?

5.

Gdo szledi Apostolom vu mochi y jakozi Preobrachanya? Gdo vezda Kruh y vino na telo y kerv Jesusha Kriztusha obracha? — Moreli to chlovek z-laztovitum mochjum vchiniti? — Od koga szú Apostoli ovu moch dobili? — Od koga Meshniki dobivaju ovu moch Preobrachanya? Z-chijum mochjum obrachaju anda Meshniki pod aldovom sz. Meshe kruh y vino na telo y kerv Kriztusha Jesusha? — Zakaj z-mochjum Jesusha Kriztusha?

Gdo ima moch preobrachati?

6.

Jeli y Meshnik pri preobrachanyu ono izto vchiniti mora, kaj y Jesush Kriztush vchinil je? — Kaj je vzel Kriztush pri pre-

Kaj chiniyu meshniki pri preobrachanyu?

obrachanyu? — Jeli szam Kruh? — Kaj mora anda Meshnik vzeti? — Kaj je Kriztush rekel zverhu kruha? — Morali y Meshnik ovo izto rechi? — Kaj je Kriztush rekel zverhu vina? — Morali y Meshnik to izto izrechi? — Jeli sze onda Kruh na telo Meshnika preoberne? — Zakaj veli anda Meshnik : ovo je telo moje, ovo je kerv moja? — Vu chijem imenu govori meshnik? Koga on onda pelduje? —

7.

*Iz chesza
poztaje, y
iz chesza je
Shakrament
oltara?*

Znashli anda iz chesza oltarzki Shakrament poztaje? — Iz chesza? — Kaj vzimlye Meshnik k-Preobrachanyu? — Jeli on zverhu oveh izgovarja rech Bosju? Y na kaj sze onda krùh y vino obracha? — Jeli je po Preobrachanyu josche kruh y vino nazochno? Kaj anda? — Zakaj telo y kerv Jesusha Kriztusha? — Ali jeli sze potlam Preobrachanya nevidi vszigdar josche velikocha y bòja kruha? — Jeli sze nechuti y onda josche duha y tèk kruha y vina? — Jeszu ove ztvàri Kruh y vino? — Pod chem je anda telo y kerv Jesusha Kriztusha potlam Preobrachanya nazochna? Iz chesza poztaje Shakrament oltara?

8.

*Je oltarzki
Shakrament
pravi Sha-
krament?*

Jeszu zpodobe Kruha y vina vidlyive? Koga pokasuju ove vidlyive zpodobe? — Je Shakrament oltara jeden pravi Shakrament? Zakaj? — Ali jeli mi vidimo Jesusha Kriztusha pod ovemi zpodobami? — Ali jeli moremo z-razumom preszèchi, kak Jesush Kriztush pod zpodobami kruha y vina nazo-

chen je? — Zakaj moramo vendar verovati da Kriztush pod ovemi zpodobami nazochen je? — Gdo je to rekel? —

9.

Jeli nasz vszi Shakramenti poszvetchuju? *Zakaj je ol-
tarzki Sha-
krament
najszyeteshi
Shakrament*
Ali jeli y vszi Shakramenti Pochetnika szve-
tozti vu szebi zadersavaju? — Koj Shakra-
ment zadersava Pochetnika szvetozti vu szebi?
Koj je anda najszyeteshi Shakrament? — Za-
kaj Oltarzki Shakrament? — Y gde biva Pre-
obrachanye? — Zakaj sze ov Shakrament i-
menuje oltarzki Shakrament?

PITANYE 3.

*Kak je nazochi Télo y kerv Kriztusha Jesusha
vu prěszvetlom ollarzkom Shakramentu?*

1. *Pod zpodobum Kruha je sivo Télo Kriztusha Jesu-
sha, y zato Kerv y Dusha nyegva nazochna je.*

2. *Pod zpodobum vtna ne szama kerv, nego y Té-
lo Kriztusha Jesusha; pod'obodvojum zpodobum,
y vszake zpodobe najmenyshum ztrankum je vesz,
kakti Bog y chlovek nazochni?*

Razlåganye.

Sivo télo ravno tak malo prez kervi kak *1. Jesush Kri-
xtush je pod
obodvojum
zpodobum
kakti Bog
y chlovek
nazochen.*
y prez dushe biti more. Pod zpodobum Kru-
ha je pako sivo télo, anda y kerv y dusha Je-
susha Kriztusha nazochna. Siva kerv takaj
prez téla y prez dushe biti nemre; anda je

5*

pod zpodobum vina ne szamo kerv, nego y
télo y dusha Jesusha Kriztusha nazochna.
Chlovechanstvo je vu Jesushu Kriztushu z-
Bosanstvom zjedinyeno; anda je Kriztush
vesz pod vszakum zpodobum kakti Bog y
chlovek nazochen.

2.

*Takaj pod
vszakum
najmenshum
ztrankum,
je Kriztush
nazochni.*

Zpodobę na najmenshe ztrani razdeliti-
sze moreju, ali Kriztush razdeliti sze nemre,
on anda pod vszakum najmenshum ztrankum
zpodobę vesh nazochen je. Koj anda jednu
malu Hostiu prijemlye, ali szamo jednu ma-
lu ztranku ove prijemlye, on tuliko prijem-
lye, kak drugi, koj veliku Hostiu, ali czelu
prijemlye; kajti Jesush Kriztush pod vsza-
kum najmenshum ztrankum zpodobę vesh na-
zochen je.

3.

*Od ovud iz-
pelyivasse
pervich:*

Iz ovoga nachina nazochnohti Jesusha [Kri-
ztusha pod zpodobami kruha y vina izpelyi-
vasse *pervich*: da sze mi Kriztushu Jesushu
vu preszvetom oltarzkom Shakramentu vkla-
nyati moramo; ar Bogu sze vklanyati mora-
mo; Jesush Kriztush je pako vu [Shakramen-
tu oltara kakti Bog y chlovek nazochen; Je-
sushu Kriztusha anda vu preszvetom oltarzkom
Shakramentu vklanyati sze moramo.

4.

*Od ovud iz-
pelyiva sze
drugoch*

Iz nachina nazochnohti Jesusha Kriztusha
vu oltarzkom Shakramentu szledi *drugoch*:
da oni, koji oltarzkoa Shakramenta takaj pod
jednum szamo zpodobum, ali szamo takaj
pod jednum ztrankum sz. Hostie prijemlyu,
Kriztusha Jesusha czeloga, tojezt, vsze tak
Télo kak kerv prijemlyeju, kajti pod vszakum
zpodobum tak Télo, kak y kerv Jesusha Kri-
ztusha nazochna je.

Perva vrèmena prijeli szû Kerztcheniki ovoga shakramenta pod obodvojum zpodobum; metemtoga iz jedne ztrani nêje potrebno, da gâ pod obodvojum zpodobum prijemlyemo, ar Kriztush akoprem zapovedal je, da nyegvo têlo y nyegvu kerv naj prijemyemo, vendar nêje zapovedal da ovo pod obodvojum prilikum naj chinimo, kada y onak pod vszakum zpodobum têlo y kerv Jesusha Kriztusha nazochna je; iz druge ztrani pripetchale szû sze pri pricheztchanyu pod zpodobum vina zarad zmutnye, nepazlyivozti y nemarnozti lyudztvá vechkrat nedoztojnozti, y zato bila je Czirkva primorana, pricheztchanye szamo pod zpodobum kruha dopuztiti.

5.
Zakaj je
Czirkva pri-
jemanye vi-
na zatergla?

Iz nachina nazochnozti Jesusha Kriztusha vu oltarzkom Shakramentu szledi trejtich: da Jesush Kriztush pod zpodobami tak dugo nazochen je, doklam sze one potroshiju; ar Kriztush zjedinil je szvoju nazochnozt z-zpodobami preobrachanoga kruha; kak dugo anda ove zpodobe sze ne potroshiju tak dugo je Jesush Kriztush nazochen; kada pako ove potroshijusze, tak znikne takaj nyegva nazochnozt. Ali Jesush hotel je pod ovemi zpodobami nazochen biti, prez da ove troshimo. Od toga szegurne nasz chini izpisz poztavlyanya ovoga Shakramenta; ar Kriztush rekel je josche predi, *ovo je têlo moje*, nego Apostoli ovoga vsivali sze jeszu. Od toga nasz szegurne chini takaj nepretergnena navada sz. Matere Czirkve, koja od negda sz. Hostie vu jedni pôszudi chuva, da oszebito betesnike znyimi nahrani. Od ovud lahko videti morete,

6.
Iz nachina
nazochnozti
Jesusha K.
vu oltar-
zkom sha-
kramentu
szledi trej-
tich.

zakaj ov najszveteshi Shakrament tulikoputi na oltáreh van poztavlyasze, z-ovem blagoslov podelujesze, ovomu vklanyasze, y odperto okolo nosziszze; kajti najmre Jesush Kriztush y zvun vsivanya nashega pod zpodobami kruha nazochen je.

R a s g o v o r i.

1.

Kak je nazochi tēlo y kerv Kriztusha vu preszvetom oltarzkom Shakramentu?

Moreli sivo tēlo prez kervi biti? — Jeli je pod zpodobum kruha szamo tēlo Jesusha Kriztusha nazochno? — Zakaj y nyegva kerv? Moreli siva kerv prez tēla biti? — Jeli je pod zpodobami vina szamo kerv Jesusha Kriztusha nazochna? — Zakaj y tēlo? Moreli sivo tēlo y kerv prez dushe biti? — Kaj je anda z-Tēlom y z-kervjum Jesusha Kriztusha josche nazochno? — Zakaj y dusha nyegva? Y z-chem je chlovechautvo Jesusha Kriztusha zjedinyeno? — Jeli je Jesush Kriztush pod zpodobami szamo kakti chlovek nazochen? — Zakaj y kakti Bog? — Kak je anda nazochi tēlo y kerv Kriztusha Jesusha vu preszvetom oltarzkom Shakramentu?

2.

Jeli je Kriztush takaj pod vszakum najmenshum ztrankum zpodobe nazochen?

Morejuli sze zpodobe kruha y vina takaj na male ztrani razdeliti? — Moreli y Kriztush razdeliti sze? — Kak je anda Kriztush y vu najmenshi ztrani zpodobe nazochen? — Czeli, ali razdelen? — Zakaj czeli? — Jeli on neprijemlye Kriztusha, koj szamo jednu

malu hostiu dobiva? — Ali kój szamo jednu malu ztranku hostie dobiva? — Zakaj?

3.

Moramoli sze Bogu vklanyati? — Jeli je Jesush Kriztush vu oltarzkom Shakramentu szamo kakti Bog nazochen? — Kaj szledi anda *pervich*: iz nazochnozi Jesusha Kriztusha vu oltarzkom Shakramentu? — Zakaj moramosze Jesushu Kriztushu vu oltarzkom Shakramentu vklanyati? *Kaj sze iz pelyiva iz nazochnozi Kriztusha vu oltarzkom Shakramentu*

4.

Je Jesush Kriztush szamo pod zpodobum kruha nazochen? — Y kak je Kriztush pod vszakum zpodobum nazochen? — Koj anda szamo z-jednum zpodobum pricheztchasze, kak on Jesusha Kriztusha prijemlye? — Kaj szledi anda *drugoch* iz nazochnozi Jesusha Kriztusha vu oltarzkom Shakramentu? *Drugoch.*

5.

Jeli szû Kerztcheniki perva vremena szamo pod jednum zpodobum pricheztchali sze? Jeli y vezda pod dvemi zpodobani pricheztchamo sze? — Pod kakvum pricheztchamo sze? — Jeli Kriztush né zapovedal, da telo y kerv nyegvu naj prijemlyemo? — Jeli je ali Kriztush y zapovedal, da pod obodvojum zpodobum nyega naj prijemlyemo? — Jeli je pod zpodobum Kruha szamo telo Jesusha Kriztusha nazochno? — Jeli je vsivanye vina potrebno? — Zakaj ne? — Zakaj je anda sz. mati Czirkva potrebuvanye vina zaterla? *Zakaj je Czirkva po-trebuvanye vina zaterla?*

6.

Jeli szû Apostoli Kriztusha vre vsili sze, kada je rekel: *Ovo je telo moje*? — Je Kri- *Kaj sze iz pelyiva iz nazochnozi*

*Krztusha
vu oltar-
zkom Sha-
kramentu
trejtich?*

ztush szamo pri vsivanyu sz. hostie pod zpo-
dobum nazochen? — Zakaj y zvun vsivanya?
Kak dugo oztaje Krztush pod zpodobamina-
zochen? — Kaj szledi anda *trejtich* iz na-
zochnoztí Jesusha Krztusha vu oltarzkom
Shakramentu? — Jeszi ti vre videl poszudu
vu koji sze sz. hostie chuvaju? — Zakaj sze
chuvaju? — Bili ovo vchinili, ako Krztusha
vu ovi nazochnoga nebi veruvali? — Gdo je
anda vu oltarzkom Shakramentu y zvun vsi-
vanya nazochen? — Zakaj anda oltarzki Sha-
krament za naklon van poztavlya sze? — A-
li zakaj sze ov odperto okolo noszi?

PITANYE 3.

*Jeszmoli dusni prijemali preszvetoga oltarskoga
Shakramenta?*

*Dusni jeszmo prijemali preszvetoga oltarskoga Sha-
kramenta, ar szam Krztush Jesush odperto je
zapovedal, y naredil, da nasz z-nyim okrepi na
sitek vekivechni.*

Razláganye.

1.
*Jesush Kri-
ztush je na-
redil oltar-
skoga Sha-
kramenta,
da nasz z-
nyim okrepi
na sitek ve-
kivechni.*

Kaj návadni kruh vu télo zrokuje, to i-
zto zrokuje oltarzki Shakrament vu dushi;
navadni kruh zdersava sívlenye téla, oltarzki
Shakrament zdersava y povekshava sívlenye
dushe; *Koj télo moje je, y keru moju pije,*
veli Krztush, *on ima stívenye vekivechno.*
(Ioan. 6.) Ar miloztcha poszvetchujucha je

nachin, y télo y kerv Jesusha Kriztusha je zviralsche miloztche y zalog vekivechnoga si-
vlenya. Kakgoder kruh po vsivanyu z-télom
chízto zjedini sze, ovak y Jesush po prijema-
nyu oltarzkoğa Shakramenta z-dushum chi-
zto zjediniše. *Koj télo moje je, y kerv moju
pije, veli Kriztush, on oztane vu meni, y ja
vu nyim.* (Joan. 6.) Kruh vzimlye od téla
szlabochu, oltarzki Shakrament pako menshe
gréhe y hman nagnenya. Kakgoder anda kruh
za hranu téla odluchen je, ovak takaj oltar-
zki Shakrament poztavlyen je, da nasz na si-
tek vekivechni okrepi.

Jesush Kriztush odperto je zapovedal, ^{2.} *Mi szmô du-
da oltarzkoğa Shakramenta naj prijemlyemo.* <sup>sni prijema-
ti presz.</sup>
*Ako nebudete jéli Télo szina chlovechjega, y
nebudete pili kerv nyegovu, nebudete imali* <sup>oltarzkoğa
shakramen-
ta.</sup>
si vlenye vu vami (Joan. 6.) Mi szmô anda
dusni prijemati Oltarzkoğa Shakramenta, kaj-
ti ovo Jesush Kriztush odperto zapovedal je,
y kajti nyega zato poztavil je, da nasz na si-
tek vekivechni okrepi.

Poleg naredbe szvete Czírke dusni je- ^{3.} *Kada dusni
szmo prijemati presz. oltarzkoğa Shakramenta* <sup>jeszmo pri-
pervich: kada k-vsivanyu razuma dohadya-</sup> <sup>jeti oltar-
zkoğa Sha-
kramenta.</sup>
mo; ar onda pochimlyeju pogibelyi duhovno-
ga sivlenya, y szlaboche dushe, najmre zlo-
chezta nagnenya vu nami zbuditisze. Dru-
goch, vu pogibelyi szmertí, ar je putna hrana
na sitek vekivechni. Trejtich visheputi vu le-
tu, kajti je duhovna hrana; ter hranu vishe-
puti morati je vzeti. Zato odluchila je Czír-
kva, da najmenye jendenkrat v-letu y to o-
kolo vuzma presz: oltarzkoğa Shakramenta
naj prijemlyemo. (22 Navuk, 2 pitanye.)

Nishtarmanye hoche sz. Mati Czirkva y kru-
to seli, da bi to Kerztcheniki vishe puti vu
leto vchinili, kajti je duhovna hrana dushe.

Razgovori.

1.

*Zakaj je Je-
sush Kri-
ztush nare-
dil presz.
Oltarzkoga
Shakramen-
ta?*

Kaj chini kruh télu? — Jeli Kriztush
oltarzkoga Shakramenta né ozval: *kruha, jez-*
vinu? — Zakaj je anda Kriztush poztavil ol-
tarzkoga Shakramenta? — Szamo na zpome-
nek szvoje mûke? — Jeli kruh jachi télo
chloveka? — Jeli nevchini y oltarzki Shakra-
ment to izto vu dushi? — Na kaj objachuje-
sze anda dusha po Shakramentu oltara? —
Zakaj na sitek vekivechni? —

2.

*Jeszmoli
dusni prije-
mati presz.
oltarzkoga
Shakramen-
ta?*

Jeli je Kriztush odperto zapovedal pri-
jemati presz. oltarzkoga Shakramenta? —
Odkud to znash? — Kaj je Kriztush rekel?
Jeszmoli anda dusni prijemati presz. oltarzkoga
Shakramenta?

3.

*Kada szmô
dusni prije-
mati oltar-
zkoga Sha-
kramenta?*

Kada pochimlyeju pogibelyi duhovnoga
sivlenya, y szlaboche vu chloveku zbuditisze?
Kada jeszmo vu ztalishu gréshiti? — Jeli
predi nego k-razumu dohadyamo? — Kada
moramo anda oltarzkoga Shakramenta prije-
mati *pervich*? — Jeli je hrana onomu po-
trébna, koj sze na dugi put odpravlya? —
Kakvo putuvanye zapochimlyemo mi po szmer-
ti? — Potrebujemoli ovde kakvu hranu? —
Koj Shakrament je za ovu hranu odluchen?

Jeli visheputi vu sivlenyu jeszmo dusni prijemati oltarzkoga Shakramenta? — Zakaj — Kada poleg naredyenia sz. Czirkve moramo prijemati presz: oltarzkoga Shakramenta? — Kaj seli metemtoga ova izta Czirkva? —

I. Dokàunchanye Nàvuka.

Manna Izraelcsev vu puztchini je kip presvètoga oltarzkoga Shakramenta.

Cheterdeszet let morali szû Izraelczy za kastigu zbog szvoje nepokornôzti y nezaufanozti vu obechanya Bosanzka, po puztchinah hoditi, gde vendar putuvanye iz Aegyptusha vu Kanaan vu krajschem vrèmenu dovershiti bi bili mogli. Metemtoga, kak otchinzki zkerbel je dobrotivni Bog za ove! ar akoprem po puztchini hodili jeszu, tak vendar potrebna nyim nigdar pofalela nészu. Vszako jutro nashli szû oni hranu szvoju pred szvojemi shatori na zemlyi; ar kajti priliku y vrèmena szejati imali nészu, tak Bog puztil nyim je iz neba padati Kruha, kojega oni *Manna* ozvali jeszu. Ovoga Kruha pobirali szû, kuliko vszakomu zmed nyih potrebno bilo je; vszaki dan, chez cheterdeszet let, dal nyim je Bog ovoga kruha iz neba. On zapovedal je takaj Mojseshu, koj vodya ovoga lyudztva bil je, da jednu poszudu zovum Mannum najnapuni, y za odvetke naj zachuva, da y oni znali budû, kakvoga kruha on Otczem nyihovem jednoch iz neba padati puztchal je. Mojsesh je vchinil, kaj Bog zapovedal je, y Otczi povedali szû detczy szvoji, na kakov chudnoviti y dobrotivni nachin nye Bog vu puztchini hranil je.

Vi prez dvojmbé chuditesze Dragi! nad dobrotum Bosanzkum! metemtoga kak vnoga veksha je ona, ko-

je kip ova bila je! Hochu rechi: kak vnogo chudnovitesha je dobrota odkupitelya Jesusha Kriztusha, koj nam Kerztchenikom vu sz. oltarzkom Shakramentu ne szamo jednoga kruha, koj télo nashe na jedno vréme jachi y hrani, dal je, nego koj nam jednoga kruha, koj dushu nashu na sitek vekivechni hrani y krepí, oztavil je! Sidovi, koji Mannu vu puztchini jéli jeszu, vendar vumreti jeszu morali, ar ova bila je szamo jedna télovna hrana, koja, kak y télo, prehadyajucha bila je; ali kruh, kojega vu preszvetem oltarzkom Shakramentu prijemlyemo, je jedna duhovna hrana, koja, kak y dusha, za naveke oztaje. *Koj od ovoga kruha jè, ovo jeszu rechi Zvelichitelya: on vekoma sivel bude.* (Joan. 6.) O szrechne nasz! ako mi za ovem vu iztini nebezkem kruhom gladaivali budemo! Ako iz vsze mochi terszili sze budemo, da kruha ovoga, koj ovde vu Oltaru vu szveti poszudi za nasz chivasze, visheputi delnike nasz vchinimo! O kak vnogo szrechnesshi bi mi od Izraelczev bili! Nigdar chez czelo putuvanye sivelnya nashega vu on vekivechni Kanaan nam nikaj nebi pomenkalo; nigdar vu pogibelyi nebi sze nahadyali, da morebiti na putu od szlaboche y gingavoche pogibati bi morali; y mi nigdar czilya putuvanya nashega, koj vekivechno zvelichenye je, nebi zgubili: *ar koj od ovoga kruha jè, on vekoma sivel bude.* Amen.

II. Dokànychanye Nàvuka.

Oni dva Vucheniki od Emmausz xpoznaju Jesusha vu lamanyu kruha.

On izti dan, kada Jesush od mertvéh ztał sze je, pokazal sze je nekojem zmed Vuchenikov szvojih. Med oztalemi pridrusil sze je on vu zpodobi jednoga ztranzkoga onem dvem Vuchenikom, koji vu Emmausz ishli

jeszu. Pozdravljajuchi nye, pita on: *kakvi szû to zpomenki, koje vi med vami imate?* (Lucæ 24). Zaizto nekaj velikoga moralo sze je pripetiti, kajti tak saloztni jезде? Jeden zmed nyih, kojemu ime Kleofash bilo je, odgovoril je nyemu: da sze on chudi, da on ne bi znal, kaj sze ove dneve pripetilo je. *Kaj anda?* pital je Zvelichitely: y Vuchenik odgovori, ti zaizto ztranzki jeszi vu Jeruzalemu! kaj nikaj neznash od Jesusha nazarenzkoga koja z-nyim pripetila sze jeszu, on bil je chlovek Prorok, moguchen vu chinu y navuku, ter Aldovniki y Poglavari nashi obsjudili szû gâ na szmert, y na kris zazpeli? Mi, nyegvi Vucheniki, ufali sze jeszmo, da on odkupil bude Izraela, — Ali danasz zverhu toga vszega je trejti dan, kaj ova vchinyena jeszu: — danasz iztina je, nekoje sene zmed nasheh nasz preztrashile ieszu, povedajuche, da bivshe pri grobu telo nyegvo nashle nészu, nego da szû Angela videle, koj nyim je povedal, da sive. Nekoji zmed nasz takaj ishli szû k-grobu, y nashli szû onak, kak sene povedale jeszu, nyega pako nigde nashli nészu.

Vezda ov nyim nepoznani putnik, koj predi od vszega nikaj znati vchinil sze je, pochel je nyim govoriti y vsza ráztolnachiti, ter nyim nyihovu dvojnozt y nevéernozt zpochitavati: *O bedazti y kesznoga szerdca na véruvanye vu vszeh, koja napervo povedali jeszu Proroki! Néli ovo potrebno bilo terpeti Kriztushu, y ovak vleznuti vu diku szvoju?* (Joan. 6.) Za tém zpomenul je nye iz nekojih prorochantzvih, koja na nyega zpadala jeszu, y pokazal nyim, kak sze vsza vu Jesushu zpunila jeszu. Metemtoga doshli szû k-Kastelu Emmausz, gde vucheniki prenochiti nakanili jeszu, Jesush pako vchinil sze je dalye iti, y nyim sze je zprichaval. Ali oni nyega nészu puztili, kajti sze nyim vu razgovoru dopal je. *Oztani z-nami, rekli szû oni, ar vre mrachi sze, y vre je nagnen dan.* Jesush zad-

volyl je nyihovomu pozivanyu, y nuter zashel z-nyimi. Y ovde vchinyeno je, da szedechi z-nyimi pri ztolu vzel je kruha y blagoszlovil, ter prelomil y daval nyim ravno na on izti nachin, kak on pri zadnyi vecherji vchinil je, y taki odperle szû sze ochi nyihove, y zpoznali szû nyega za Jesusha szvojega Bosanzkoga Navuchitelya, koj ali on hip zpred ochih nyihovih zni-knul je.

Mislite szi Dragi! oszupnozt y veszelje, z-kojem Vucheniki napunyeni bili jeszu! o kak gorûche bilo je szerdce nyihovo! kak razszvetcheni bili szû oni vu szvojem razumu! Josche onu noch hitrili szû oni vu Jeruzalem, y zkupvuchenikom szvojem ochituvali, koja veszelja y radczti puna nyim pripetila sze jeszu. Jeli je potrzebno, da iz ovoga pripetchenya ztoprav nepreczenyenozt presz. oltarzkgoga Shakramenta pokasem? Jeli je potrzebno povedati, da ov Shakrament nam szvetlozt najveksha vu nashih tmiczah, y batrivozt vu nashih teskochah je? *Hodte*, tak krichal je vre negda David, *y puztite sze razszvétiti*. (Psal. 33.) *Hodte*, koji vu tmiczah szedite, koji tolnacha y szvetlozt od zgora potrebujete, *hodte*, jechte kruha, kojega vam Kriztush vu szvojem najszveteshem Shakramentu oztavil je, *y puztite sze razszvétiti*. *Hodte*, ovak krichi y Jesush Kriztush, *hodte o vi vszi*, koji z-teskochami szveta ovoga obtersheni jezte, *ja vasz okrepiti hochu*. (Matth. 11.) Ja vashe szuze obriszati, y vashe teskoche szerdca pretirati hochu. Tak anda Dragi! visheputi k-prijemanyu ovoga bosanzkoga kruha priztupimo; ter po ovom Shakramentu szvetlozt vu nashih tmiczah, y batrivozt vu nashih teskochah ischimo pri onem, koj nasz tak priatelzki k-szebi poziva. Amen.

III. Dokànchanye Nàvuka.

Zroki, sakaj preszvètoga oltarskoga Shakramenta vu pogibelyi szmerti prijemati imamo.

Vnogo znamenujuchi jeszu zroki, koji nasz giblyeju, da preszvètoga oltarskoga Shakramenta vu pogibelyi szmerti prijemlyemo, ar ov je vu zadnyem hipu si-vlenya nash schit; ov nasz jachi proti navalenyam nepriatelya zvelichenya nashega, y nasz mentuje vszega ztraha pred nadojduchem szudom. — Rekel szêm, da ov Shakrament proti navalenyam nepriatelya zvelichenya nashega jachi. Szmert, koja nasz pelya vu veki-vechnozt, je neizmerno zviralsche zkushavanyih; napasztuvanya nepriatelya dushe nashe nigdar nészu veksha, jaksha y pogibelnesha, kak vu ovem zadnyem hipu, ovde on vszu zkerb potrebuje, da Dushe nashe pod szvoju oblazt zpravi; ali vsza ova jeszu zahman nyemu, ako Jesush vu szvojem preszvetem Shakramentu z- nami, y vu nami je. Ov je, veli sz. Hye-ronimus, koj betesnoga jachi, nyemu szerdchenozt, y gyegyernozt daje; ov je, koj nepriatelya pretirava, nyegva napasztuvanya razmeche, y nyegvu gizdozt ponizi; ov je, koj nasz vu szegurnozt poztavlya, y z-schitom téla y kervi nashega Odkupitelya oborusi.

Y kakhoder nasz ov presz. oltarzki Shakrament proti navalenyam duha peklenzkoga objachuje, ovak oborusi on nasz takaj proti ztrahu pred szudom Bosanzkem. Ar kaj sze on pred szudom Bosjem bojati more, kojpo szvéti Prichezti z-ovem szudczem Bosanzkem zjedinyen je! *Vzemi mene*, bude poleg rechih sz. Augustina, vu szerdczu ztanujuchi Jesush vumirajuchemu rekel: *vzemi mene, y daj mene mezto tebe*; ako tuliko

nemash, da tvojega dŭga izplatiti moresh, tak vzemi mene, jech moje tĕlo, pij moju kerv, y alduj tĕlo y kerv moju praviczĭ Bosanzkoj, zplati tvoje dŭge z- mo- jum vřednoztjum. *Vzemi mene, y daj mene mezto tebe; ar koj moje tĕlo jĕ, y moju kerv pije, on ima sivlenye vekivechno.* (Joan. 7.)

Kulike kastige bi anda mi vředni bĭli, Dragi! ako mi iz detchinzke bojazyivozti pred szmertjum, ali iz malovředne nemarnozi nasz ovakvoga schita vu onem zadnyem hipu sivlenya nashega bi mentuvali? Zato, Dragi! neodvlachimo z-prijemanyem ovoga presz. Sha- kramenta do zadnyega vřĕmena, gde tak rekuch, du- sha nam na jeziku vre bi bila; nego terszimosze ovoga vu vřĕmenu josche, kada pri zdravem razumu jeszmo, prijemati; y proszimo Boga vszaki dan za ovu oszebuj- nu miloxtchu, da preszvĕto tĕlo y kerv nyegvu na szmertni poztelyi za ztalno, pri zdravi pameti, y vřĕ- dno primemo. Amen.

NÁVUK 27.

Od oneh, koja pri istom prijěmanju preszvetoga oltarzkoga Shakramenta potrebna jeszu.

PITANYE 1.

Kaj je potrebnno na vrédno prijěmanye oltarzkoga Shakramenta ?

Na vrédno prijěmanye preszvetoga oltarzkoga Shakramenta potrebnno je dobro pripravlyanye.

Razláganye.

Ako mi nasz k-prijemanyu vszakoga Sha-^{1.} Potrebno je
kramenta dobro pripravlyati moramo, po-^{dobro pri-}
kehodob Shakramenti poleg priprave nashe vu^{pravlyanye.}
nami moch y jakozt imaju (Navuk 22. pit. 1.)
tak sze ztem bolye k-prijemanyu presz. ol-
tarzkoga Shakramenta dobro pripraviti mora-
mo, pokedob ov najszveteshi je. Morebiti
jezte vre szami videli, ali chuli, kakva pri-
prava chinisze, ako Kraly ali koj veliki Go-
zpon vu koju hisu navrachasze. Ali nut Je-
sush je kraly kralyev, Gozpon vsze Gozpo-
de; y mi szami jeszmo hisa, vu koju Jesush
po prijemanyu oltarzkoga Shakramenta navra-
cha sze; ako anda preszvetoga oltarzkoga Sha-
kramenta vrédno prijěmati hochemo, tak k-
prijemanyu dobro pripraviti sze moramo.

Schlössnigg Ixtine Vére Del. III.

2.

*Priprava
ova je dvoj-
verztna.*

Hisa, vu koju koj veliki gozt navrachasze, ne priredjuje sze szamo z-nutra, nego takaj iz vana. Chlovek je iz téla y iz dushe. Dusha je nuternya ztran, télo pako je zvunka ztran chloveka. Jesush Kriztush po sz. Prichezti ne dohadya szamo vu dushu nego y vu télo chloveka: mi anda na dushi y na télu k-sz. prichezti dobro pripravitisze moramo. Y zato je priprava k-vrédnomu prijémanyu preszvetoga oltarzkgoga Shakramenta dvojverztna, jedna dushe, druga pako téla.

3.

*Priprava
dushe ztoji
vu chiztochi
dushnoga
zpoznanya,
y pobosnozt
szerdcza.*

Navadno vendar je, da vszigdar nuternya jedne hise lepshe priredimo, kak zvunka. Dusha anda, kakti nuternya ztran chloveka, najlepshe prirediti sze mora. Metem-toga, kaj chinimo, ako nuternya jedne hise lepo prirediti hochemo? Néli, mi ovu najpervich ochiztimò, mi vszu nesznagu iz ove izhitimo, onda ovu vszakoverztnem lepem pohistvom z-zerczali, z-kiپی y zpodobnemi nakinchimo? Y ravno ovak, moji Dragi! ako mi nashega nuternoga ztana, najmre dushu k-sz. prichezti dobro pripraviti hochemo, tak ovu najpervich ochiztiti, y onda nakinchiti moramo. Kajti dusha nasha jeden duh je, tak ovu szamo z-duhovnemi nakinchiti moremo, y ovò jeszu Krépozti. Zvershavanye krepoztnih chinih zbog Boga, zovesze pobosnozt; czela anda priprava Dushe ztoji vu chiztochi dushnoga zpoznanya, y vu pobosnoztzi szerdcza.

4.

*Kaj to zna-
menuje:
imati chizto
dushno zpo-
znanye.*

Dusha szamo po gréhu, y oszebito po velikem gréhu zaszmradyujeszé. Kak dugo koj veliki gréh vu dushi prebiva, tak dugo nemre ona miloztchu poszvetchujuchu imati;

kak berse pako ona od gréhov ochiztchena je, tak nahadya sze ona vu ztalishu miloztche poszvetchujuche. (Návuk 23, pitanye 2.) Jedno chizto dushno zpoznanye imati znamenuje anda, najmenye od vszeh velikih gréhov prozt biti; tojezt vu ztalishu miloztche poszvetchujuche nahadyatisze. Ali ja vre vu perveshem návuku zpomenul jeszem, da szamo po Shakramentu pokore ochiztisisze moremo, ako potlam kerzta jako gréshimo; zato anda, da pred pricheztjum jedno chizto dushno zpoznanye dohimó, predi Shakrament pokore prijemati moramo.

Kada preszvetoga oltarzkgoga Shakramenta prijeti hochemo, tak potrebno je, da jedno chizto dushno zpoznanye imamo, tojezt da vu miloztchi poszvetchujuchi jeszmo; ar nevrédno prijeti oltarzki Shakrament, znamenuje poleg rechih sz. Pavla, szebe krivcza chiniti Téla y kervi Jesusha Kriztusha; ar veli: *koj god bude jel kruha ovoga, y pil bude keliha gozponovoga nevrédno, bude krivecz Téla y kervi Kriztusha Jesusha Gozpona nashega.* (1. Cor. 11.) Mi moramo anda vu miloztchi poszvetchujuchi biti, predi nego sze pricheztimo. *Koj ovoga kruha nevrédno jé, on navaluje szúda y prokletztvo na sze, veli nadalye sz. Pavel.*

Kada vre dushno zpoznanye nashe pred pricheztjum ochiztili jeszmo, tak potrebno je, da sze po pobosnozti szerdcza pripravimo. Mi télo Gozponovo od druge jeztvine dobro razluchiti moramo (1. Cor. 2.) mi vu oltarzkom Shakramentu neprijemlyemo navadnoga kruha, nego télo y kerv Jesusha Kriztusha;

6*

5.
Chiztocha
dushnoga
zpoznanya
je zenszema
potrebna k-
priemanyu
oltarzkgogu
Shakra-
menta.

6.
Pobosnozt
szerdcza
ztoji, per-
vich: vu
chínch vére.

ovoga mi po zvunzkij chutenyih razluchiti neznamo, mi med poszvetchenum y neposzvetchenum hostium nenahadyamo razluku. Szamo po véri moremo mi telo Gozponovo razluchavati, mi anda vu véri objachiti sze moramo, mi navlaztito véruvati moramo, da Jesush Kriztush vu oltarzkom Shakramentu nazochen je.

7.

*Pobornost
szerdca
ztoji, dru-
gock: vu
vklanyanyu
presveto-
mu oltar-
zkomu Sha-
kramentu.*

Mi moramo Jesushu vu presvètom oltarzkom Shakramentu vklanyati sze. Ovo chaztenye y vklanyanye je naravzko poszledje ovoga vére china. Ar kajti iztoga Kriztusha Jesusha prijeti hochemo, tak pravo, y vrédno je, da nyemu vre napervo postenye izkasemo, koje nyemu kakti Gozponu, y Bogu nashemu izkazati dusni jeszmo.

8.

*Pobornost
szerdca
ztoji, trej-
tich: vu
zahvalnom
zpomenku
szmert
Kriztushe-
ve.*

Vi, znam, vre chuli jezte, od kakovoga dara ali prikaza, koj na zpomenek komú davasze. Visheputi prikasuje brat bratu, priately priatelyu, ali Roditelyi detczy kakvo dugovanye za zpomenek. Koj goder za zpomenek komú kaj prikase, on hoche, da sze iz nyega zmiszlimo, iz nyega sze zpomenemo; y ako na nyega nebi miszlili, tak odperto bi pokazali, da nyega nigdar pravo lyubili, ali prestimavali neszmo. Ovak y Jesush Kriztush oztavil nam je oltarzkoga Shakramenta za zpomenek, on nam vu ovem né oztavil kakve zemelzke kinche, nego szebe szamoga; on poztavil je oltarzkoga Shakramenta oszebito na zpomenek szvoje szmert; po kojoj mi miloztchu k-vekivechnomu blasenztvu zadobili jeszmo. Kak nezahvalni bi anda mi bili, ako mi pri sz. Pricheztchanyu iz szmert Jesusha Kriztusha nebi sze zpomenuli? Pobo-

snozt szerdcza ztoji anda *trejtich* vù zahvalnom zpomenku szmertí Kríztusheve.

Najzadnich je Jesushu Kríztushu najdrag-
she zvershavanye krépoztnéh chinéh oneh, koje
on szam pri poztavlanyu presz. oltarzkgoga
Shakramenta zvershaval je. Pri ovem poztav-
lanyu pako navlaztito pokazal je on poni-
znozt, y lyubav proti lyudém. Ako jeden
Kraly szvojega najmenshega podlosnika poho-
dil bude, tak zaizto ovoga Kralya za ponizno-
ga dersali budemo. Ter jeli nészmo mi vnogo
menshi gledech na Kríztusha, nego jeden po-
dlosnik gledech na Kralya? Kak velika je an-
da poniznozt Jesusha Kríztusha, kada on vu
oltarzkom Shakramentu k-nami doйти hoche!
Poleg toga, meritno mi navadno lyubav je-
dnoga chloveka poleg nyegvih prikazéh, koje
od nyega dobivamo. Jeli je nam Jesush kaj bol-
shega dati mogel, kak szamoga szebe? Kuliku
lyubav anda ochituval je Jesush proti nam,
kada on nam szamoga szebe vu oltarzkom Sha-
kramentu dal je! ? Kavgoder anda Jesush vu
poztavlyanyu oltarzkgoga Shakramenta navla-
ztito poniznozt y lyubav proti lyudem ochi-
tuval je, ovak y mi pri prijemanyu ovoga
Shakramenta poniznozt y lyubav proti blisnye-
mu imati moramo.

9.
Poboznozt
szerdcza
ztoji, che-
tertich:
vu ponizno-
zti, y dru-
géh krépoz-
tnéh kerzt-
chanzkeh
chinéh, osze-
bujno pako
vu lyubavi
proti bli-
znyemu.

Priprava téla za vrédno prijemati oltar-
zkoga Shakramenta ztoji *pervich* vu tom, da
od polnochi na tesche jeszmo, tojezt, da niti
vu najmenshem kaj hotoncze jeli ali pili né-
szmo. Ovo, iztina je, Kríztush né zapove-
dal; ar on podelil je Apostolom télo szvoje,
poklamkam vre bi bili jeli y pili. Metemtoga
da sze vnogi nedoztojni chini prepreché, koji

10.
Priprava
potrébna na
télú za vre-
dno prij-
emanye
presz. ol-
tarzkgoga
Shakra-
menta.

pri neteschem prijemanyu oltarzkiego Shakramenta pripetchali sze jeszu, tak Czirkva je zapovedala, da sze na tesche pricheztchamo. Szamo jako betesni vu tom znimlyeju sze. *Drugoch:* potřebno je, da chedno opravlyeni vu najvekshi poniznozti k-ztolu Gozponovomu pritzupimo.

R a z g o v o r i .

1.

Kaj je potrebno na vredno prijemanje oltarzkiego Shakramenta?

Jeli imaju Shakramenti moch y jakozt, ako sze k-prijemanyu ovéh dobro nepripriavimó? — Koj je najszveteshi Shakrament? — K-kojemu Shakramentu anda nasz najbolye pripravití moramo? — Kak vtedyujemo mi hisu, vu koju kraly, ali drugi koj veliki gozt navratcha sze? — Gdo je Kraly kralyev, Gozpon vsze gozpode? — Y vu koju hisu navratcha sze Jesush, kada mi presz. oltarzkiego Shakramenta prijemlyemo? — Kaj moramo anda vchiniti, da oltarzki Shakrament vredno primemo? —

2.

Kuliko verztno je pripravlyanye potrebno za vredno prijemanje oltarzkiego Shakramenta?

Jeli sze hisa za prijemati velikoga gozta szamo iz nutra priredyuje? — Iz chesza biva chlovek, iz chesza je szlosen? — Koja je zvunzka ztran chloveka? — Koja je nuterna? — Jeli Jesush pri prichezti szamo vu داشu chloveka dohadya? — Kulikoverztna je anda priprava za vredno prijemanje presz. oltarzkiego Shakramenta? —

3.

Vu chem ztojt pripravlyanye

Kaj metemtoga vu hisi lepshe priredyuemo, jeli nuternu ali zvunzku ztran? — Ko-

ja je nuterna ztran chloveka? — Kaj anda *xpadajuche na dushu?*
 k-prichezti navlaztito prirediti imamo? —
 Ako jednu kisu iz nutra lepo vrediti hochemo,
 kaj najpervich vchiniti moramo? — Kada ovu
 ochiztili jeszmo, kaj onda chinimo? — Jeli
 ovu kinchimo? — Ako anda dushu k-priche-
 zti prirediti hochemo, kaj moramo najper-
 vich chiniti? — Kada ovu ochiztili jeszmo,
 kaj onda? — Jeli sze dusha z-telovnimi kin-
 chi kinchiti mora? — Z-chem anda? — Koji
 szu duhovni kinchi dushe? — Je za dushu
 vredneshega kaj od krepozti? — Kak sze zove
 zvershavanye krepozti, koje zbog Boga chini-
 sze? — Kaj je pobosnozt? — Vu chem ztoji
 anda priprava dushe? —

4.

Po chem sze dusha zaszmradyuje? — *Kaj zname-
 nuje imati*
 Kak dugo vu dushi koj veliki greh prebiva, *chizto du-
 shno xpo-
 znanye?*
 moreli ona miloztchu poszvetchujuchu imati?
 — Ako pako dusha od grehov ochiztchena
 je, vu kakvem ztalishu sze onda nahadya? —
 Kaj anda to znamenuje: imati chizto dushno
 zpoznanye? — Po chem sze ochizti dushno
 zpoznanye, kada potlam kerzta zagreshili je-
 szmo? — Kaj anda greshnik pred pricheztjum
 vchiniti mora? —

5.

Jeli je potrebno, da pred Pricheztjum *Zakaj mora-
 mo pred Pri-
 cheztjum*
 vu ztalishu miloztche jeszmo? — Kaj veli sz. *imati chizto
 dushno xpo-
 znanye?*
 Pavel od oneh, koji nevredno prijemlyeju te-
 lo Jesusha Kriztusha? —

6.

Kada pako dushno zpoznanye ochiztili je- *Vu chem
 xtoji pobo-
 snozt szerd-*
 szmo, po chem josche k-prichezti pripravi-

*cza per-
vich?*

tisze imamo? — Jeli priprava dushe neztoji takaj vu pobosnoztu szerdca? — Jeli mi vu oltarzkom Shakramentu proztoga kruha prijemlyemo? — Koga prijemlyemo mi pod zpodobum kruha? — Jeli moramo mi oltarzko-ga Shakramenta od navadnoga kruha razluchavati? — Zakaj? — Jeli mi po nashih chutenyih razluchavati moremo poszvetchenu hoztiu od neposzvetchene? — Po chem anda ovu razluchavamo? — Neli po veri? — Moramoli anda veruvati, kada mi k-prichezti idemo? — Zakaj? — Y kaj moramo oszebito veruvati? — Jeli, da gdo vu oltarzkom Shakramentu nazochen je? —

7.

Drugoch?

Kaj chinimo, kada koj veliki Gozpon k-nam dohadya? — Néli mi sze nyemu vklanyamo? — Kaj je anda potrebno vchiniti, kada Jesush vu preszvetom oltarzkom Shakramentu k-nam dohadya? — Gdo dohadya k-nam vu oltarzkem Shakramentu? — Gdo nasz to vuchi? — Odkud anda dohadya naklon, kojega Jesushu vu oltarzkom Shakramentu chinimo? — Iz vere? —

8.

Trejtich?

Jeli priately priatelyu za zpomenek kaj prikasuje? — Zakaj on to chini? — Jeli, da na nyega naj pozabimo? — Jeli je nam y Jesush Kriztush kaj prikazal? — Kojega Shakramenta je on nam za zpomenek oztavil? — Kaj nam je vu ovem Shakramentu za zpomenek oztavil? — Zlato ali szrebro? — Po chem nasz je Jesush Kriztush odkupil? — Za kakov zpomenek je anda Jesush Kriztush ol-

tarzkoga Shakramenta poztavil? — Iz chesza sze moramo pred pricheztjum zpomenuti? —

9.

Jeli je Jesush po poztavlyanyu oltarzkoga Shakramenta veliku poniznozt pokazal? — Ako Kraly podlosnika pohodi, jeli to bi bila poniznozt? — Jeszmo mi menye gledech na Kriztusha, kak jeden podlosnik igledech na kralya? — Vu kojem Shakramentu dohadya Kriztush k-nam? — Jeli pokasuje on lyubav szvoju proti nam, koj nam vnogo prikasuje? — Kaj je Kriztush lyudem vu Shakramentu oltara prikazal? — Jeli je anda Jesush po tom veliku lyubav pokazal? — Zakaj? — Jeli sze Kriztushu dopadaju y pri nami one krepozi, kojé on zvershil je? — Je Jesush pri poztavlyanyu oltarzkoga Shakramenta veliku poniznozt y lyubav proti blisnyemu pokazal? — Jeli y mi pred prichetchanyem ovo izto vchiniti moramo? — Zakaj? — Vu chem ztoji anda pobosnozt szerdca? —

Chetertich?

10.

Kakva priprava potrebna je na telu za vredno prijemanye preszvetoga oltarzkoga Shakramenta? — Kaj to znamenuje: na tesche biti? — Od kojega vremena mora sze na tesche biti? — Jeli szû y Apostoli na tesche bili, kada Kriztush nyim sz. Telo szvoje dal je? — Je Kriztush zapovedal na tesche prijeti presz. oltarzkoga Shakramenta? — Nego gdo? — Zakaj je Czirkva to zapovedala? — Jeli y betesniki na tesche pricheztchati sze moraju? — Koji betesniki nemoraju na tesche pricheztchatisze? — Lehko betesni? —

Kakva priprava je potrebna na telu za vredno prijemanye preszvetoga oltarzkoga Shakramenta?

Da komu postenye vchinimo, jeli zlochezte oprave oblechemo? — Zakaj anda chedno opravlyeni k-szvetoj prichezti pritztupiti moraino? —

PITANYE 2.

Kaj je chiniti, kada sze pred Pricheztchanyem moli obchinzka zpoved?

Kada sze pred Pricheztchanyem obchinzka zpoved moli, mora sze y pak vu szerdczu prebuditi posaluvanye za grehe.

Razláganye.

1.
Zadersa-
vanye pri
molenyu ob-
chinzke
zpovedi?

Pred Pricheztchanyem moli dvorjanik oltara obchinzku zpoved, y to vu imenu vszeh, koji sze pricheztchaju. Ali kaj bi nam valuvanye nashe krivnye hasznilo, ako vu szerdczu nikakva zkrushenozt y iztinzko odurjavanye gréhov nebi sze nahadyalo? Kada anda pred Pricheztjum obchinzka zpoved moli sze, tak josche jedenput posaluvanye za gréhe vu szerdczu zbuditi sze mora, y mi za volyu Jesusha Kriztusha vszem nashem nepriatelyom iz szerdcza oproztiti moramo.

2.
Zadersa-
vanye kada
Meshnik
szvetu Ho-
stiu kase.

Mi znamo pripovedanye ono sz. Evangeliuma od onoga ztotnika, kojega szluga betesen bil je. Ztotnik proszil je Jesusha, da nyegvoga bêtesnoga szlugu naj zvràchi. Jesush obechal je, da szam vu hisu nyegvu doshel bude; ali odgovorivshi ztotnik rekel je: *Gozpone, nészem vréden da dojdesh pod krov*

moj: nego szamo reczi rechjum, y ozdravil bude dechak moj. (Matth. 8.) Ova poniznozt dopadala sze je Jesusu tak jako, da on szlugu on hip zdravoga vchinil je. Ravno ovak moramo y mi, kada Meshnik sz Hostiu lyudztvu kase, ovoj ponizno vklanyati sze, persza tuchi, y rechi: *Gozpone, nészem vrèden, da dojdesh pod krov moj, nego szàmo reczi rèch, y zdrava bude dusha moja?*

Pri prijemanju sz. Hostie doztojno odpirajusze vuzta, ne prevech, niti premalo; jezik poztavi sze na dolynu vuztniczu, y dersi sze mirno y negenyeno. Szveta Hostia nemora sze grizti, kaj nedoztojno bi bilo, nego taki prebaviti.

Po Prichezti visheputi dajesze vino. Ali vi nemorate stimati, da vu oni poszudi kerv Jesusa Kriztusha zadersavasze, nego vu njoj je szàmo vino, koje y zato nepodava sze, kak da vszaki od ovoga piti bi moral; nego szamo zato, da ako morebiti sz, Hostia na vuztah sze je prilepila, da sze lese prebavi.

3.
Zadersavanye pri iztom prijemanju sz. Hostie.

4.
Iz kajega zroka, daje sze po pricheztchanyu vino?

R a s g o v o r i.

1.

Kaj moli dvorjanik oltara pred Pricheztjum? — Vu chijem inenu? — Jeli valya valuvanye krivnye prez zkrushenozti y salozti szerdcza? — Kaj anda moramo vchiniti, kada pred pricheztchanyem obchinzka zpoved moli sze? —

Kaj je chiniti, kada sze pred Pricheztchanyem obchinzka zpoved?

2.

Kaj je evangeliumzki Ztotnik proszil Jesusa? — Da koga zvrachi? — Kam sze je

Kaj je chiniti, kada Meshnik

*lyudztvu
kase sz.
Hostiu?*

Jesush dojtí obechal? — Kaj je na to Zto-
tník rekel? — Y kajsze je on hip pripetilo
z-szlugum? — Jeli sze je anda Jesushu po-
niznozt ztotnika dopadala? — Odkud to szu-
dish? — Kaj je anda chiniti, kada Meshnik
lyudztvu sz. hostiu kase? —

3.

*Kaj je chi-
niti pri
iztom prij-
emanyu sz.
Hostie?*

Kak sze pri iztom prijemanyu sz. Hostie
vuzta odpreti moraju? — Kak sze jezik po-
ztavi? — Jeli je szlobodno z-jezikom szim
tam kretati? — Zakaj ne? — Kak sze mora
sz. Hostia prebaviti? — Jeli je szlobodno nyu
dugo vu vuztih dersati? —

4,

*Iz kojega
zroka daje-
sze po pri-
cheztchanyu
vino?*

Jeli sze visheputi po Prichezti takaj vino
daje? — Jeli je ovo morebiti kerv Jesushu
Kriztusha? — Kaj anda? — Morali vszaki
od ovoga vina piti? — Zakaj sze anda daje?
— Jeli bi sze mogla sz. Hostia na vuztah pri-
lepiti? — Zakaj sze anda po Prichezti vino
daje? —

PITANYE 3.

Kaj je chinili po szvetom Pricheztchanyu?

*Po sz. Pricheztchanyu moramo : 1. Zahvaliti Kristu-
shu Jesushu za nepreszesnu milostchu, koju nam
je iskazal, kada je doztójal k-nam dojtí. 2. Je-
sushu vklanyati sze z-vszum poniznoztjum. 3.
Nyemu nasz szame alduvati. 4. Proszitigâ, da z-
szvojum milostchum vu nami ztálno prebiva. 5.
Zvershavati chine vére, ufanya y lyubavi, ter po-
noviti vchinyena obechanya vu dobrom. 6. Ima-*

mo nyemu napervo pozlaviti vsze potreboche dushe y tela.

Razláganye.

Kak berse jedno veliko dobrochinztvo priieli jeszmo, tak pervo je, da za ovo zahvalimo. Vre pako ovo je jedna neizmerna miloztcha, da Jesush k- nami dohadya; po sz. Pricheztchanyu anda Jesushu Kriztushu najpervich zahvaliti moramo za neizmernu miloztchu, koju nam je izkazal, kada je doztol k- nam dojtí.

Jesush Kriztush dohadya kakti Bog y chlovek k-nam, nyemu anda postenye vklanyanya izkazati moramo. Kak berse koj veliki gozt nuterztupi, tak nyemu vsze postenye izkazati moramo; mi anda po Pricheztchanyu Jesushu z- vszum poniznoztjum vklanyati sze moramo.

Bog vre vu ztarom Zakonu zapovedal je, da Izraelczi vu nazochnozt nyegvu prazni dojtí neszmeju; ovak vnogo bolye priztojisze vu novom Zakonu, da mi Jesusha, koj vu oltarzkom Shakramentu szam k- nami dohadya, prez aldova od nasz nepuztchamo. Jeden Lavavecz takaj od najmenshega podlosnika rad kaj vzeme, ne zato, kajti on ovo potrebuje, nego zato, kajti sze nyemu dobro hotenye podlosnika dopada; ovak y Jesush nashega aldova prijemlye, ne kajti on ovoga potrebuje, nego zato, kajti sze nyemu nasha dobra volya dopada. Dvoja metemtoga szamo imamo, koja Jesushu Kriztushu alduvati moremo, najmre

1.
Po Pricheztchanyu moramo pervich zahvaliti Jesushu.

2.
Po Pricheztchanyu moramo drugoch Jesushu vklanyati sze.

3.
Po Pricheztchanyu moramo trejtich Jesushu alduvati sze.

nashe télo; y nashu dushu; ova dvojja anda Jesushu po Pricheztchanyu alduvati moramo.

4.
*Zoershavati
chine Kre-
pozti.*

Zvelichitely je Gozpon Krépozti, y z-ovemi rad sze zabavlya. Najprestimaneshé krépozti jeszu: Véra, ufanye y lyùbav; ove anda po Pricheztchanyu zbuditi morámo.

5.
*Po Pri-
cheztchanyu
moramo
prosziti.*

Zadnich mi nigdar lepshu priliku néma-mo jednoga velikoga Gozpona kaj prosziti, kak kada szam k-nam dojde. Vu oltarzkom Shakramentu dohadya Jesush Kriztush szam k-nam, *On premoguch je proti vszem, koji nyega zazavaju.* (Rom 10.) Mi moramo anda nyega prosziti; nyega zazavati, y nyemu vsze nashe potreboche dushe y téla napervodonashati. Najpotrebnesha nam je miloztcha Jesusha Kriztusha, ako zvelichiti sze hochemo; mi moramo anda prosziti, da on z-szvojum miloztchum nepreztancze vu nami oztane.

R a z g o v o r i .

1.

*Kaj je chini-
ti po szre-
tom pri-
cheztchanyu
pervich?*

Kaj vchinimo najpervich, kada kakvo dobrochinztvo prijemlyemo? — Jeli je to jedno veliko dobrochinztvo, da Jesush Krizt. k-nam dohadya? — Gdo je pochetnik miloztche? — Jeli Jesush Kriztush prazen k-nam dohadya? — Nego z-chem dohadya? — Zakaj je to jedno neizmerno dobrochinztvo, da Jesush Kriztush k-nam dohadya? — Kaj anda po Pricheztchanyu pervich vchiniti moramo? —

2.

Drugoch?

Kada koj veliki gozt k-nam dohadya, jeli nyemu postenye vklanyanya izkazati mo-

ramo? — Jeli dohadya Kriztush szamo kakti chlovek k-nam? — Kakvo postenye nyemu izkazati moramo? — Kaj anda po pricheztchanyu *drugoch* vchiniti moramo? —

3.

Kada veliki gozt k-nam dojde, jeli nye-*Trejtich?* mu kaj ponudyamo? — Jeszuli Izraelczi szmeli prez aldova vu Czirkvu dojti? — Jeli anda y mi Jesushu kaj alduvati moramo, kada on k-nam dojde? — Jeli jeden Ladavecz takaj od najmenshega podlosnika kakvoga dæra vzeti hoche? — Jeli on ove ali zato vzimlye, kajti oveh potreben je? — Kajsze jednemu Ladavczu bolye dopada, jeli dobro hotenye, ali pako prikaz podlosnika? — Zakaj vzimlye anda Ladavecz takaj od podlosnikov dære? — Jeli potrebuje Jesush nashe dære? — Kaj sze anda Jesushu pri nashih prikazih dopada? — Koji szû pako najbolshi dari, koje nyemu alduvati moramo? — Jeli imamo kaj bolshega od tela y dushe? — Kaj anda Jesushu po Pricheztchanyu alduvati moramo? —

4.

Z-chem sze Zvelichitely najrajshi zabavlya? — Jeli né on Gozpon Krepoztih? — *Cheter-tich?* Koje szû najprestimanesh Krepozti? — Koje krepozti anda po Pricheztchanyu zbuditi moramo? —

5.

Koja je najlepsha prilika, jednoga pre-*Petich, y* moguchega Gozpona kaj prosziti? — Vu kak-*Shextich?* vi priliki dohadya Kriztush k-nam? — Je Kriztush proti vszem dareslyiv y premoguch

koji nyega zazavaju? — Kaj anda po Pri-
cheztchanyu josche vchiniti moramo? — Kaj
je za Zvelichenye najbolye potrebno? — Jeli
imamo mi szamo potreboche telovne? — Kaj
anda Jesusha po Pricheztchanyu prosziti mo-
ramo? —

I. Dokànychanye Nàvuka.

*Navada Izraelczov pri jedyenyu vuzme-
noga Janhecza.*

Poklamkam Bog po Mojseshu Kralya Faraona y
czeli Aegyptush zahman z- najztrahoviteshemi kastiga-
mi bi bil pohodil, da odpuztchenye szvojega izebrano-
ga lyudztva zadobi, chujmo, Dragi! kaj zadnich Bog
vchiniti je dokonchal. Szàmo z-jednum josche kasti-
gum hotel je nye pohoditi; y ova bila je, da vu vsza-
ki hisi najztareshe dete vumreti ima, y da takaj zmed
sivine vszako pervo naj sze mertvo najde, y da to vu
jedni nochi pripetiti sze ima. — Ova noch zaizto je do-
shla, ter salozt y ztrah napunila szû vsze hise; ar néje
bilo hise, gde mertvi nebi sze nahadyali, vsze kaj per-
vorodyeno je, zkonchano bilo je, ter niti iztomu naj-
ztareshemu szinu Kralya Faraona oproztcheno néje bilo.
Josche iztu noch pozval je Kraly Mojsesha, y proszil
gà, da szlobodno z- vszem lyudztvom naj odide, y da
naj moli, da Bog od daleshne kastige odztupi. Zpodo-
bno proszili szû y Aegyptonczy, ar bojali szû sze, da
morebiti vszi vumreti budu morali, ako Izraelczy josche
duse vu orszagu oztanú.

Metemtoga kaj je Bog Izraelczem zapovedal? On
nyim je zapovedal, da vszaki hise gozpodar naj jednoga
janhecza zakolye, z-kervjum ovoga janhecza vrata
hise namase, janhecza pako zpecheju y pojeju tak, da

ako do dana kaj oztane, da ono posgeju. Pri jedyenyu ovoga janchecha morali szû sze Izraelczy kakti putniki zadersavati; oni morali szû ovu vecherju ztojechi, v rukah palicze imajuchi, y na naglom jezti, kajti Gozpon ovu noch czeli Aegyptush, vsze hise prehadyal, y vsze pervorodyeno zmed lyudih y sivine zkonchal, ter szamo ono chuval bude, kojeh vrata z-kervjum janchecha namazana budû. Zadnich zapovedal je Bog, da ovu vecherju poleg prepisanoga nachina okolo iztoga vrémena vszako leto naj obvershavaju, na zpomenek, kak nyihove hise obchuvane, one pako Aegyptonczev tak ztrashnu kastigu póchutile jeszu.

Vi vre znate, Dragi! prez da vam ovo josche jedenput povem, da vuzmeni ov janchech kip presz. oltarzkoza Shakramenta bil je; vi znate da vszi oni, koji od' tela y kervi nashega Bosanzkoza janchecha jéju y piju, ravno tak obchuvani jeszu od vekivechne szmerti, kak y Izraelczy, koji z-kervjum szvogâ janchecha vrata his szvojih namazali jeszu; vi znate, da y mi od Gozpona zapoved imamo, da vszako leto vuzma szvetkujemo, y nasz íz one neizmerne miloztche zpomenemo da on y nasz obchuvati, dapache po prijemanyu szvogâ preszvetoga Shakramenta vu izto mezto nevmertelnozti zapelyati hoche. O terszimo sze ovoga vuzmenoga janchecha tak prijemati, kak nyega Izraelczy prijemali jeszu! — Ovi morali szu pri vsivanyu ovoga ztati; zkerbitesze, da y vi pri prijemanyu preszvetoga Shakramenta vszigdar vu miloztchi Bosji ztali budete. Ovi morali szû jeduchi janchesza paliczu v rukah, kakti na put pripravleni, imati; terszite sze da z-jednum sivum vérum, z-tverdnem ufanyem y z-goruchum lyubavjum vasz prijemanya presz. Shakramenta vredne vchinite. Ovi morali szu vu iztom prehadyanyu gozponovom pripravlenoga janchecha pojezti; prijemajte y vi vu kratkem vrémenu vashega putuvanya pravoga janchecha Bo-

sanzkoga, koj odjimlye gréhe szvéta ; primite ovoga kulikoputi vam jakozt vu vashih szlabochah, szvetlozt vu vashih tmiczah, batrivozt vu vashih teskochah potrebna je, y proszite, da on vasz obchuva, vasz vu miloztchu prime, y jednoch vekoma zvelichi. Amen.

II. Dokànchanye Nàvuka.

Ztotnik vu Kafarnaumu dersisze nevrednoga, da Jesusha vu hisu szvoju prime.

Vu Kafarnaumu ztanuval je jeden rimlyanzki ztotnik, kojemu od sidovov iztoga mezta vnogoverztni chudochini, koje Jesush nazareuzki nad betesnemi vchjnil je, pripovedani bili jeszu. Ovomu ztotniku obetesal je szluga tak, da izti vrachitelyi nyemu sivlenye odpovedali jeszu. Ovo saloztilo je Gozpona, ar prez dvajmbe moral je ov szluga nyegov jeden vérti y dobri szluga biti, y zato odluchil je szam k-Jesushu oditi, da nyega za zdravje szvogá dechaka proszi. Ali kajti on sidov bil néje, y k-nyemu anda iti né sze ufal, zato naproszil je nekoje zmed sidovov, y ovi dojduchi k-Jesushu rekli szû: On vreden je, da ovo nyemu vchinish, ar on lyubi nash narod, y zezidal je nam z-laztovitemi ztroshki jednu Czirkvu. Jesush ishel je taki naprot hisi Ztotnika, vûcheniki nyegvi z-nyim, y vnosina velika.

Kada Jesush vre nedalko od hise bil je, tak ztotnik z-berzem korakom doshel je Jesushu naproti y rekel: *Gozpone!* naj sze truditi, ar ja *neszem vréden*, da dojdesh pod krov moj: zato y ja *nészem mene* za vrédnoga dersal, da bi bil k-tebi doshel; *nego szamo reczi rechjum, y ozdràvil bude dechak moj.* (Marc. 7.) Ti moresh ovo ravno tak lehko vchiniti, kak y ja kada od vojnika kaj imati hochu, y nyemu velim: idi, y on

ide; dojdi y on dojde, vchini to, y on vchini, y ovak ravno y tebe szamo jednu rech ztalo bude, y moj dechak zdrav bude. — Kak jako chudil sze je Jesush, y kuliko veszelje imal je on, da takaj ov chlovek, koj izraelec bil néje, tuliku véru vu nyega poztavil je? Zato obernul sze je k-lyudztvu y rekel: *ztanovito velim vam, tuliku véru nészem nashel vu Izraelu!* k-Ztotniku pako rekel je: *Hodi y kakszi véruval, naj ti bude;* y zdrav vchinyen je dechak onu iztu vuru.

Nut, Dragi! kakvu sivu véru ov rimlyanzki ztotnik imal je, kada on k-Jesushu priztupil je! kak nevrédnoga szebe dersal je, da Jesush vu nyegvi hisi nyega bi bil pohodil! y z-kakvum sivum zaufanoztjum on od Zvelichitelya zdravje szvogâ dechaka izproszil je! Szveta mati Czirkva vzimlye rechi ove ztotnika, y ponavlya ove pred vszemi, koji k-szvetoj ovoj vecherji priztuplyuju. O da zpodobna vèra y nasha szerdca bi napunila! da y mi pred Jesushem, koj vu preszvetem Shakramentu k-nam dohadya, puni poniznozt odperto bi valyuvali, da mi nevrédni jeszmo, da on pod krov nash dojde! Kak dopadna bi onda nasha Prichezt Jesushu bila, y koju obilnu miloztchu bi mi takaj vu vszeh nasheh potrebochah y teskochah dushe y téla zadobili? Amen.

H. Dokànchanye Nàvuka.

Zroki tulikéh falingastih pricheztih.

Vendar je jedno chudno dugovanye, da najszveteshi y zaszlusbih puni chin, kakov Pricheztchanye je, navadno tak malo vu nami zrokuje. Jedna jedina sz. Prichezt, da bi ovu pravo prijemali, mogla bi nasz szvete vchiniti; zakaj nasz tulike sz. Prichezti szvete nechiniju? Perva falinga je pomenkanye priprave. Ali

7*

jeli morebiti sze mi pripravlyamo, kak sze bi priztoja-
lo? Jeli sze mi terszimo, da jedno zversheno posaluvá-
nye za gréhe vu nami zbudimo? Jeli mi oplachujemo
gréhe nashe? Jeli terszimo sze mi zbuditi vu nami je-
dnu sívu véru, jedno ztálno ufanye, y jednu goruchu
lyubav? Vklanyamo sze mi Bogu vu presz: Shakramen-
tu z-pravum pobosnoztjum szerdcza? Jeli sze mi z-
zahvalnóztjum zmishlyavamo iz onoga velikoga dobro-
chinztva, koje nam Jesush po szvoji szmerti izkazol je?
Y z-kakvum poniznoztjum, z-kakvemi krépozjtjami, z-
kakvum lyubavjum blisnyega priztuplujemo mi k-naj
szvéteshemu vszeh szvete? — Jeli je anda chudo, ako
poleg ovakvéh Pricheztih najszveteshi y najpremoguch-
neshi Shakrament nikakvu moch y jakozt néma?

• • Druga falinga je ona premala zkerb, koju noszi-
mo, da Száda pricheztchanya pri nami zadersimo. On
izti dan, kada szrechu imali jeszmo, Boga k-nami pri-
jeti, tak visheputi chizto pozabimo, da pricheztchali sze
jeszmo. Dan ov moral bi biti dan zahvalnoztí, mi bi sze
morali iz one nepreszesne milóztche zpcmenuti, koju
nam Jesush Kriztush po tom izkazol je, da on k-nami
dojti doztojal je. Mi bi sze morali iz dusne Zahvalnoztí
nyemu alduvati, nyega prosziti, da on z-szvojum mi-
lóztchum nepreztancze pri nami oztane, dapache mi bi
morali nyemu vsze nashe teskoche y potreboche dushe
y téla napervodonashati, y za nyegvu pomoch prosziti.
Metemtoga zprevadyamo mi ovoga velikoga dana, dana
Pricheztchanya zkorom tak, kak vsze druge dneve. Chez
nekulike hipe, vu kojeh nekoje raztreshene molitve
zvershili jeszmo, povdavamo sze raztreshenoztí, y ne-
marnoztí. Mi niti nemiszlimo na ono, kaj prijeli jeszmo,
y kaj dapache josche vu szerdczu noszimo. Gdo anda
jósche chuditi sze more, da tak malo od oneh milózt-
chih pochutimo, koje vendar jedna sz. Prichezt vu na-
mi zrokuvati bi morala, y zaizto bi zrokuvala, ako

szaimo nasz za ovu milosztchu, zahvalne bi izkazali? Terszimo sze anda, da k-vrédnomu prijemanya preszvetoga Shakramenta vszigdar nasz pravo pripravimo! y terszimosze, da milosztchu ovoga Shakramenta vu nami zachuvamo. Amen.

NÁVUK 28.

Od Shakramenta Pokore vu obchinskom, y od xpitavanya dushnoga xpoznavanya vu oszebnom.

PITANYE 1.

Kaj je Shakrament Pokore?

Shakrament pokore je, vu kojem Meshnik na ovo odredyen, na mesto Boga gréshniku po szvetom Kerztu vchinyene gréhe odpuztcha, ako nye xkrushe-no, y podpunoma valuje, ter iztinzku volyu ima szebe pobolyszhati, y pravu pokoru vchiniti.

Razláganye.

Kaj pokoru vchiniti znamenuje, najbolye iz pripovezti od razszipnoga szina navchiti sze morete, koju nam Jesush Kriztush szam iz toga czilya pripoveda. (Luc. 15.) Razszipni Szin na jedenput podignul sze je proti Otczu, odishel od nyega vu jeden ztran-

^{1.}
Razszipni szin je kip gréshnika.

zki orszag, potepel tam szvoje odvechtvo, y poklamkam vsze bi bil potroshil, dozpel je vu szlusbu, k-jednomu chloyeku, koj nyemu niti jęzi dozta dal nęje, tak, da od glada zkorom poginul je. Ovo je kip gręshnika. Gręshnik podigava sze proti Bogu, odvra-
chasze od nyega, kada on zapovedi nyegve prekorachuje, potepe odvechtvo miloztche y vekivechnoga sivlenya, dozpe vu szusanztvo vraga, koj nyega z-zemelzkemi Dobri zaszi-
ti nemore, tak, da on duhovnem nachinom vre chizto poginuti pochimlye.

2.

*Razszipni
szin je kip
Pokornika.*

Metemtoga razszipni szin dohadya vu szę, tojezt: on zpoznavo szvoje szziromastvo, szvoju falingu: on povernul sze je nazad k-otczu, govorechi: Otecz! zagreshil szęm pro-
ti nebu, y proti tebi; y imal je iztinzku vo-lyu Otczu szvomę szlusiti y zadovolyschinu vchiniti; ar seli najgorshe dęlo jednoga szlu-
ge zvershavata, kada veli: *vzemi mę, kakti jednoga zmed szlugov tvojeħ.* — Ovo je kip Pokornika? Pokornik dohadya vu szę, kada on saloztnoga ztalisha gręhov zpoznavo; on szę povratcha k-Bogu kada on zapovedi ob-
dersava; on sze posaluje za szvoje gręhe, y iz oveh zpovedasze, ter ima iztinzku volyu pobolyshati sze, y zadovolyschinu vchiniti. Y ovo znamenuje pravu pokoru chiniti, najmre k-Bogu povratchatisze, od kojega po gręhu odvernuli sze jeszmo, szvoje gręhe odurjava-
ti, iztinzki za ove saluvati sze, iz oveh zpovedati sze, y za ove zadovolyschinu vchi-
niti.

3.

*Bog prijem-
lyę pokorno-*

Otecz zverhu povratchanya razszipnoga szina imal je najvekshe veszelje. On vre iz

dalka ishel mû je naprceti, ogerlil gâ, kush-^{ga greshni-}
 nul, vu novu opravu oblekel, ter nyemu ^{ka, kak y}
 goztchenye pripravil. Ravno ovak ima Bog ^{otecz raz-}
 najvekshe veszelje zverhu povratchanya gré-^{szipnoga}
 shnika. Vre vu ztarom zakonu krichal je Bog ^{szina.}
 gréshnikom po Prorókih: *pobolshajtesze, vchi-*
nite pokoru: y vu novem zakonu krichi on po
 Jesusbu Kriztushu szinu szvomû: *ako nebu-*
dete pokoru chînili, tak vszi zkvarili sze bu-
dete. (Luc. 13.) On ide gréshniku vre iz dal-
 ko naproti, kada nyega k-pokori razszvetchu-
 je, y na nyu giblye; on odeva pokornoga
 gréshnika z-miloztchum poszvetchujuchum, y
 podava nyemu za goztchenye têlo y kerv Je-
 susha Kriztusha.

Pokora, koja vu obchinzkom vu posalu-^{4.} *Jesush Kri-*
 vanyu y vu iztinzki volyi pobolyshatisze y za-^{ztush vu no-}
 dovolyschinu vchiniti ztoji, bila je vre vu ^{vom zakonu}
 ztarom zakonu potrebna, y josche vezda po-^{nekoja je}
 trébujesze; ar Bog josche szmilujesze grésh-^{pridal.}
 niku, kakti otecz detetu; ali otecz szmiluje-
 sze szamo onda detetu, koje falelo je, kada
 ovo za falinge szvoje sze saluje y iztinku vo-
 lyu ima pobolyshati sze y zadovolyschinu
 vchiniti, ravno ovak y Bog szamo onda szmi-
 lujesze gréshniku, ako ov szvoje falinge po-
 saluje, y iztinzku volyu ima pobolyshati sze y
 zadozta vchiniti. Vu novem zakonu vendar je
 Jesush pokori nekoja pridal; on najmre k-
 posaluvanyu y k- zadovolyschini pridal je zpo-
 ved y odvezanye Méschnika.

Jesush Kriztush vu novem zakonu dal je ^{5.} *Jesush k-*
 Méschnikom Czirkve szvoje oblazt grêhe od-^{pokori pri-}
 puztchaty y zadersati. (Navuk 10. pit. 1.) ^{dal je zpo-}
 Méschniki anda gréshnikov szudeczy biti mora-^{ved y odve-}
 ju. Metemtoga szudecz nikakvoga izrechka ^{zanye Mésch-}
 nika.

vchiniti nemré, doklam nyemu czelo dugovanye znano néje; Mésnik anda znati mora, kaj gréshnik vchinil je. Bog zvershenó vsza zna, ar vidi szerdcze gréshnika; ali Mésnik szerdcze gréshnika nevidi, on nemre znati, kaj gréshnik vchinil je, ako ovo nyemu gréshnik nepové. Prez zповedi gréshnika, nemre Mésnik naredno odvezati; Jesush Kriztush anda na odpuztchanye gréhov né szamo odvezanye, nego y zповed gréshnikov poztavil.

6.
Izpisz Shakra-
ment Pokore.

Kada Pokora z-zpovedjum y z-odvezanyem zjedinisze, tak sze ona zove *Shakrament Pokore*. Shakrament pokore ztoji anda vu zkrushenom valuvanyu y odvezanyu Mésnika. Ali Mésnik odpuztcha szamo po kerztu vchinyene gréhe; ar pred kerztom vchinyeni gréhi odpuztchajusze po iztom kerztu. Nadalye, kagóder Bog szamo pokornem gréshnikom gréhe odpuztcha, ovak y Mésnik na meztu Boga szamo pokornem gréshnikom gréhe odpuztiti more. Pokora navlaztito ztoji vu posaluvanyu, y vu iztinzki volyi pobolyshati sze, y zadavolyschinu vchiniti; Mésnik anda takaj szamo onda gréshniku gréhe opraztcha, ako on nye zkrusheno valuje, y tverdnu volyu ima pobolyshati sze ter zadavolyschinu vchiniti. Iz vszeh ovéh lehko videli budete, kaj Shakrament Pokore je.

7.
Pokora vu
novom Za-
konu je pra-
vi Shakra-
ment.

Pokora novoga zakona je pravi Shakrament, ar zповed, y znamenya pokore jeszu pri gréshniku vidlyiva; rech Bosja pri odvezanyu po Mésniku biva vidlyivem nachinom; pokora anda novoga zakona je jedno vidlyivo znamenye. Po pokori novoga zakona dobivamo mi oproztchenye gréhov, oprozt-

chenye kastige vékiyechne, miloztchu Bosju, y pokoj dushnoga zpoznanya; ar Kriztush je rekel: *kojem vi odpuztite grehe nyim budu odpuztcheni*, (Joan. 20.) Pokora novoga zakonona je anda jedno vidlyivo znamenye nevidyene miloztche, anda jeden pravi Shakrament.

Shakrament Pokore je vszem potreben, ^{8.} *Potrebocha* koji po kerztu szmertno zagreshili jeszu; ar *Shakramenta Pokore.* sz. Janush odperto veli: *Ako mi nashe gréhe valujemo, tak je on* (najmre Bog) *véren y pravichen, da nam nashe gréhe oprozti.* (1. Joan. 1.) Koj tesko ranyen je, on z-vrachtvom zaizto neodvlachi; ovak y jeden veliki gréshnik Shakrament pokore naj neodvlachi. Ako gdo vishe puti tesko ranisze, tak on visheputi vrachiti puztiti sze mora, y koj visheputi jako gréshi, on takaj visheputi sz. Shakramenta Pokore prijemati mora.

Koj iz szvojih gréhov zpovedati sze hoche, on mora najpervich znati, kaj je zagreshil; ovo more on zezvedati po zpitavanyu dushnoga zpoznanya. Nadalye, k-Shakramentu pokore né zadozta, da sze gréshnik szamo zpovè, nego on mora saloztechy sze zpovedati. Pokora prez posaluvanya, ztalnoga obechanya y prez zadovolyschine ztati nemore. Kakgoder anda k-Shakramentu Pokore od ztrani Méshnika odvezanye potrebujesze, ovak od ztrani gréshnika k-Shakramentu Pokore pet ztranke potrebne jeszu: 1. *Zpitavanye dushnoga zpoznanya.* 2. *Posaluvanye.* 3. *Ztalna obechanye.* 4. *Zpoved.* 5. *Zadovolyschina.* ^{9.} *Potrebne ztranke k-Shakramentu Pokore.* ★

Razgovori.

1.

*Je razszipni
szin pelda
greshnika?*

Znash ti pripovezt od razszipnoga szina? — Gdo je ovu pripovezt povedal? — Kaj sze moramo iz ove pripovezti vuchiti? — Je razszipni szin kip greshnika? — Proti komu podigel sze je szin? — Od koga je odishel? — Kaj je potepel vu ztranzkem orszagu? — Kaj sze je onda z-nyim pripetilo? — Kak je nyemu bilo vu szlusbi? — Je ov szin kip gréshnika? — Proti komu podigavasze gréshnik? — Chiju zapoved on prekorachuje? — Koga anda on oztavlya? — Kakvo odvechtvo poteplye gréshnik? — Kakvo odvechtvo dobili szmô po Kriztushu? — Vu chije szusanztvo dozpe gréshnik? — Z-kakvemi dobri hrani vrag gréshnika? — Morejuli zemelzka dobra dushu vu iztini zaszititi? — Kaj sze anda dushi gréshnika dogadya? —

2.

*Je razszipni
szin pelda
pokornika?*

Ali jeli je razszipni szin vu szê doshel? — Je on zpoznal szvojega saloztnoga ztalisha? — Kam sze je povernul? — Kaj je on Otczu rekel? — Je on z-saloztjum zpoznal szvoju falingu? — Jeli on Otcza proszil, da gâ za szina naj nazad prime? — Nego? — Je anda szin ov iztinzku volyu imal pobolyshatisze? — Odkud to szudish? — Je ov szin kip pokornika? — Chiju zapoved terszi sze pokornik obdersavati? — Komu sze pokornik povratcha? — Zakaj k-Bogu? — Za kakvo dugovanye sze saluje pokornik? — Kaj on valuje? — Kakvu volyu ima jeden Pokornik? —

Nazad gréshiti, ter zadovolyschinu nechiniti?
— Kaj anda to znamenuje, pravu pokoru
chiniti? —

3.

Jeli je Otecz nad povrachanyem szina veszelilsze? — Kaj je vchinil Otecz, kada je szina vre iz dalka videl? — Y kada szin tak rekuch gol doshel je, kaj je Otecz vchinil? — Kaj mú je dal pripraviti? — Kakvo veszelje ima anda Bog nad povratchajuchem gréshnikom? — Kaj je Bog vu ztarom zakonu po prorokih gréshnikom krichal? — Na kaj je Kriztush opominyal gréshnike? — Kaj veli Kriztush, kaj bude vchinyeno, ako gréshniki pokoru nechiniju? — Jeli y Bog greshniku naproti ide? — Kak? — Gdo razszvetchuje y giblye gréshnika na pokoru? — Z-chem opravlya Bog pokornoga gréshnika? — Koja je ona lepa oprava dushe? — Kaj pripravlya Bog za goztchenye pokornomu gréshniku? — Kaj je Kriztush dushi za jeztvinu y za pitvinu odluchil? —

*Prijemlye
Bog greshni-
ka, kak y
Otecz raz-
szipnoga
szina?*

4.

Vu chem ztoji pokora vu obchinzkom? — Jeli onoga dersati moramo za pokornika, koj sze za szvoje grehe nesaluje, y koj iztinzku volyu nema pobolyshati sze y zadovolyschinu chiniti? — Jeli je krépozt vre vu ztarom zakonu potrebna bila Pokori? — Vu novom zakonu né vishe potrebna? — Jeli sze Bog szmiluje gréshniku, kak y Otecz szinu? — Jeli sze Otecz szmiluje detetu, ako vidi da ovo zverhu falingih szvojih veszeli sze? — Kada anda? — Kada sze anda Bog szmiluje gréshniku? — Jeli je ali vu novom zakonu zado-

*Kaj je Kri-
ztush vu
novom za-
konu k-po-
kori pridal?*

zta szamo za gréhe saluvati sze, ztalso obechanye pobolyshanya y zadovolyschinu vchiniti? — Kaj je Kriztush k-pokori josche pridat? — Jeli ne potrebuje Kriztush zpoved y odvezanye Mésznika? —

5.

*Je zpoved od
Jesusha
Kriztusha
poztavljena?*

Komu je Kriztush oblazt dal gréhe odpuztchati, ali zadersati? — Gdo mora anda zverhu gréhov szuditi? — Zakaj Mésznik? — Moreli szudecz predi izrechka vchiniti, nego nyemu czelo dugovanye znano je? — Gdo je szudecz nad gréshnikom? — Morali Meshnik znati, kaj gréshnik vchiril je? — Zakaj? — Moreli Meshnik szerdcze gréshnika videti? — Moreli Meshnik gréhe znati, ako sze gréshnik iz oveh nezpoveda? — More Meshnik gréshnika prez zpovedi odvezati? — Je Kriztush na odpuztchenye gréhov szamo odvezanye Meshnika poztavil? — Zakaj takaj zpoved? —

6.

Kaj je Shakrament Pokore?

Kak sze zove Pokora, ako ona z-zpovedjum y z-odvezanyem Meshnika zjedinyena je? — Je ona onda szamo jedna krépozt? — Vu chem ztoji anda Pokora kakti Shakrament? — Jeli Meshnik na zpovedi gréhe pred kerztom vchinyene odpuztcha? — Po chem sze gréhi pred kerztom vchinyeni odpuztchaju? — Y na meztu koga Meshnik gréhe odpuztcha? — Kojem gréshnikom more anda Meshnik gréhe odpuztchati? — Vu chem ztoji anda pokora vu obchinzkom? — Kada on zkrusheno nezpoveda sze, ali volyu néma pobolyshatisze y pokoru chiniti? — Kaj je anda Shakrament Pokore? —

7.

Je Pokora novoga zakona jeden pravi Shakrament? — Jeli szezpoved vidlyivem nachinom pripetcha? — Jeli gréshnik ne ochituje vidlyiva znamenya Pokore? — Jeli Meshnik neizgovarja rech Bosju pri odvezanyu gréshnika? — Vu chem ztoji Pokora novoga zakona? — Je Pokora novoga zakona jedno vidlyivo znamenye? — Zakaj? — Jeszu onem gréhi odpuztcheni, kojem nye Meshnik odpuztcha? — Gdo-to veli? — Jeli né Kritzush Apostolom rekel: *kojem vi gréhe odpuztite &c.*? — Jeli zadobivamo anda po Pokori novoga zakona odpuztchenye gréhov? — Zakaj? — Kada pako nam gréhi odpuztcheni jeszu, jeli onda vekivechne kastige bojatisze imamo? — Jeli zadobivamo mi miloztchu poszvetchujuchu, kada nam gréhi odpuztcheni jeszu? — Kaj zadobivamo mi po Shakramentu pokore? — Je anda Pokora novoga zakona jedno vidlyivo znamenye nevidyene miloztche? — Zakaj je anda Pokora novoga zakona jeden pravi Shakrament? —

Je Pokora novoga zakona pravi Shakrament?

8.

Je Shakrament pokore vszem potreben? — Kaj veli sz. Janush Apostol? — Kada je Bog véren y pravichen nam gréhe oproztiti? — Zakaj je anda Shakrament Pokore vszem potreben, koji potlam Kerzta zagréshili jeszu? — Kada na télu ranyeni jeszmo, jeli mi zvrachtvom odvlachili budemo? — Jeli duska né prestimanesha od téla? — Kada anda duska szmertno ranyena je, jeli onda vrachtvo odvlachili budemo? — Koje je najpotrebne-

Je Shakrament Pokore vszem potreben?

she vrachtvo za velikoga gréshnika? — Jeli jeden veliki gréshnik pokoru odvlachiti szme? — Zakaj ne? —

9.

Kaj je potrebno k-Shakramentu pokore?

Kada mi iz gréhov zpovedati sze hochemo, jeli je potrebno znati, kaj zagreshili jeszmo? — Moremoli prez zpitavanya dushnoga zpoznanya zpoznati, kaj zagréshili jeszmo? — Jeli valya zpoved prez zkrushenoga szerdca? — Moreli Pokora prez posaluvanya, y prez zadovolyschine ztati? — Kaj je jako k-Shakramentu pokore potrebno od ztrani gréshnika? — Kaj od ztrani Meshnika? —

PITANYE 9.

Kaj je chiniti pri zpitavanyu dushnoga zpoznanya?

Pri zpitavanyu dushnoga zpoznanya moramo zazvati Duha szvetoga, da nam razszveli pamet, y zpoznati vchini, kaj, y po chem zagréshili jeszmo: za tém premishlyavati je potrebno, vu obchinzkom: Jeli z-mishlenyi, y poselenyi, z-rechmi, ali morebiti z-chinom zagréshili jeszmo. Potrebno je takaj zezvedati felu, y broja vekshih gréhov, y izle prilike gréha znamenlyivo povekshavajuche, ali felu premenyajuche. Vu oszebnom: 1. Jeli proti deszetem zapovedjam Bosjem, ali proti petem Ozir-kvenem zagréshili jeszmo. 2. Jeli jednoga, ali vech lastovitéh, ali takaj tudyeh gréhov krivczi jeszmo. 3. Jeli dèla miloszerdnosti blisnyemu v-chiniti, ali kakvo drugo dobro, koje szmò bili dushni zvershili, zamudili jeszmo. 4. Jeli dushnosti ztatisha nashega zpunili jeszmo, ali nè.

Razláganye.

Zpitavati dushno zpoznanye znamenuje zezvedati, kaj od zadnye zpovedi, ali od vrémena, kada gréha poznati navchili sze jeszmo, zagréshili jeszmo. Koj anda vre jedenput, ali vishekrat zpovedal sze je, on oszebito od zadnye zpovedi razmishlyavanye szvoje vchiniti mora; oszebito razmishlyavati sze mora, jeli zadnyu zpoved dobro zvershil je. Dete pako, koje pervikrat zpovedati sze hoche, razmishlyavati sze mora od onoga vrémena, kada gréha perviput zpoznalo je.

1.
*Kaj dushno
zpoznanye
zpitavati
znamenuje.*

Vekivechno blasenz tvo dohadya od jedne dobre zpovedi, dobra zpoved pako dohadya od marlyivoga zpitavanya dushnoga zpoznanya. Zpitavanye dushnoga zpoznanya je anda jeden oszebujni chin, koj vszu marlyivozt potrebuje. Metemtoga nasha marlyivozt prez miloztche Bose k-vekivechnomu sivlenyu nikaj pridonezti nemré, pri zpitavanyu dushnoga zpoznanya moramo anda najpervich zavati Duha szvetoga, da on nasz razszvéti, y zpoznati chini, kaj, y po chem zagréshili jeszmo

2.
*Kaj pri zpi-
tavanyu du-
shnoga zpo-
znanye naj-
pervich
vchiniti
moramo.*

Laztoviti gréhi chinijusze z-mishlenyem, govorenym y chinenyem, ali z-oztavlenyem oneh, koja szmô dusni vchiniti. Nadalye, kak vam od zpovedi raztolnachil budem, morarao takaj félu, broja y okolicze vekshih grehov povedati, koje gréhe ali povekshavaju, ali premenyaju. Vu obchinzkom pri zpitavanyu dushnoga zpoznanya premishlyavati moramo, jeli z-mishlenyi ali z-poselenyi, z-rechmi ali z-chinom zagréshili jeszmo. Potrebnó je takaj zezvedati félu, y broja vekshih

3.
*Kaj pri zpi-
tavanyu du-
shnoga zpo-
znanya vu
obchinzkom
premishlya-
vati mora-
mo.*

gréhov, kak takaj prilike, koje gréha znamenlyivo povekshavaju ali premenyaju.

4.

*Kaj pri xpi-
tavanyu du-
shnoga xpo-
znanya vu
oszebnom
premishlya-
vati mara-
mo.*

Greh vu obchinzkom je dragovolyno prekershenye zapovedi Bosje; mi moramo anda premishlyavati, jeli proti zapovedjam Bosjem zagrëshili jeszmo. Cheterta zapoved Bosja zapoveda, da Predpoztavlyenem pokorni y podlosni budimo; mi moramo anda takaj zezvedati, jeli szuprotivno zapovedjam Czirkve ali drugeh predpoztavlyeneh chinili jeszmo. Mi moremo takaj zrok biti, da drugi grëshiju, y onda takaj tudyeh gréhov krivczi jeszmo, mi moramo anda takaj zezvedati, jeli y lyudzkikh gréhov krivczi nészmo. Proti nashemu blisnyemu negrëshimo mi szamo, kada nyemu skodimo, ali zlo chinimo, nego takaj kada nyemu vu potrebochi ne pomasemo; mi moramo anda zezvedati, jeli gledech na blisnyega chine miloszerdnoztzi zamudili nészmo. Zadnich ima vszaki chlovek szvoje dusnoztzi, koje nyegov ztalish z- szobum donasha, potrebno je anda zezvedati, jeli ove zpunili jeszmo, ali nè.

5.

*Kaj pri zezvedavanyu
zlocheztikh
mishleny y
poseleny paziti
moramo.*

Ako mi vu grëshnih mishlenyih nikakvu dragovolynu radozt nenahadyamo, tak ova nészmo gréh. Ravno ovak, ako prepovedanem poselenyam neprivolimo, tak ova gréh neszu; ar gréh je dragovolyno prekershenye zapovedi Bosje. Pri zezvedavanyu grëshneh mishleny anda paziti moramo, jeli vu oveh dragovolynu radozt imali jeszmo, y pri poselenyih, jeli ovëm privolili jeszmo, akoprem vu chinu dovershena bila nészmo.

6.

*Kaksze iz
broja vek-
shih gréhov*

Kada sze visheputi zpovedamo ali retkokrat jako grëshimo, tak iz broja vekshih gréh-

hov lahko sže zmiszliti moremo. Kada pako retkoputi sže zpovedamo, y visheputi tesko gréshimo, tak je y tesko iz broja gréhov zmiszlitisze. Vu ovakvi priliki najlese sže iz broja vekshih gréhov zmiszlili budemo, ako premishlyavali budemo, jeli gréha vszaki dan, vszaki tjeden ali meszecz vchinili jeszmo, y kulikoputi v-jednem dnevu, tjednu, ali meszeczcu.

*zmiszliti
moremo.*

R a z g o v o r i.

1.

Kaj je zpitavanye dushnoga zpoznanaya? — Koj vre jedenput zpovedal sže je, od kojega vremena zezvedanye vchiniti mora? — Y kaj ovakov gledech na zadnyu zpoved zezvedati mora? — Ako pako jedno dete perviput zpovedasze, od kojega vremena zezvedanye vchiniti mora? — Moremoli predi greshiti, nego greha zpoznati pochimlyemo? —

*Kaj je zpi-
tavanye du-
shnoga zpo-
znanya?*

2.

Jeli od dobre zpovedi visheputi viszi blasenzstvo vekivechno? — Jeli sže mi dobro zpovedali budemo, ako nemarni vu zpitavanyu dushnoga zpoznanaya jeszmo? — Odkud anda dohadya dobra zpoved? — Kak moramo anda zpitavati dushno zpoznanaye? — Zakaj znajvekshum marlyivoztjum? — moreli nasha marlyivozt prez miloztche Bosje k-vekivechnomu blasenzstvu kaj doprinashati? — Kaj je anda pri zpitavanyu dushnoga zpoznanaya najpervich chiniti? —

*Kaj je chi-
niti pri zpi-
tavanyu du-
shnoga zpo-
znanya?*

3.

*Kaj je pri
zpitavanyu
dushnoga
zpoznanya
vu
obchinzkom
chiniti?*

Kak sze chini greh oszební iliti laztočiti?
— Szamo z-chinom? — Moramo takaj fèlu
y broja vekshih grehov povedati? — Koje
okolicze moramo pri vekshih grehah povedati?
Kaj anda pri zpitavanyu dushnoga zpoznanya
vu obchinzkom chiniti moramo? —

4.

*Kaj je pri
zpitavanyu
dushnoga
zpoznanya
vu oszebnom
chiniti?*

Kaj je greh vu obchinzkom? — Jeli za-
poveda cheterta zapoved Bosja, da szamo Ro-
ditelyom pokorni y podlosni budemo? — Ne
takaj Predpozstavlyenem? — Moremoli gre-
shiti, ako zapovedi Czirkve y drugeh predpo-
ztavlyenih prekorachujemo? — Moremoli ta-
kaj zrok biti, da drugi greshiju? — Kak to?
— Jeli szamo proti blisnyemu greshimo, ka-
da nyemu zlo chinimo, ali nyemu skodimo? —
Kada mi chine miloszerdnosti prepuztchamo,
jeli y onda greshimo? — Nema vszaki chlo-
vek oszebujne dusnozi ztalisha szvoga? —
Jeli pravo chinimo, ako ove zamudimo? —
Kaj anda pri zpitavanyu dushnoga zpoznanya
vu oszebnom chiniti moramo? —

5.

*Kaj sze mo-
ra paziti pri
zpitavanyu
greshnih
mishleny
y poseleny?*

Ako mi vu greshnih mishlenyih nikakvu
dragovolynu radozt nenahadyamo, jèli onda
greshimo? — Ali je szû prepovedana pose-
lenya greh, ako ovem neprivolyimo? — Za-
kaj ne? — Kaj je greh? — Kaj je anda pa-
ziti pri zpitavanyu greshnih mishleny y po-
seleny? —

6.

*Kak sze vu
zpitavanyu
dushnoga*

Kada sze visheputi zpovedamo, ter retko-
krat greshimo, jeli onda lahko broja vekshih

gréhov zezvedati moremo? — Kada pako ^{zpoznanyu} retkóputi sze zpovedamo, ter vishekrat ^{broj vekshih} jako ^{gréhov zpo-} greshimo, jeli onda lahko iz broja gréhov zmi- ^{znati more?} szlitisze moremo? — Kak sze vendar vu zpi-
tavanyu dushnoga zpoznanya broj vekshih gre-
hov zpoznati more?

I. Dokànychanye Nàvuka.

*David po Nathanu Proroku k-zpoznanyu
svojih gréhov dopelyan bil je.*

Kak pobosen y nedusen drugach David, ov tak glaszoviti Kraly Izraela, bil je, tak bil je on vendar jeden giugavi y szlahi chlòvek. Jednoch iz Palacheszvo-
je videl je on Bethsabeu, senu Uriasha, vu jednom vertu kupatisze, on zagledel sze je vu nyu, y zagrèshil. Da on ovoga gréha zkrije, tak pizsal je on Joabu szvomú Vodyi, da on Uriasha na takvo mezto proti nepriatelyom naj poztavi, gde poginuti hude moral. Y ovak vchinil je David zvun perveshega gréha takaj lyudomorztvo. Kaj je vchinil anda Bog z-Davidom, koj szebe na meztu za gréshnika, za pravichnoga dersal je, da nyega iz szna gréhov nyegvih zbudi? On zapovedal je Nathanu Proroku, da on k-Davidu naj odide, y nyemu gréha zpochitava; kaj Nathan y vchinil je.

O kraly! rekel je Prorok, ja tebi nekaj povedati imam: dva musi bili szû vu jednom varashu, jeden bil je bogat, drugi szhiromak; bogati imal je veliku chredu, puno pashinczov, y vnogo paztirov. Szhiromak bil je nyegov szuszed, y imal je szamo jednu ovczu; ali zovum tak bil je zadovoljen, da szî nikaj vishe seled néje. Jeden dan doshel je k-bogatomu gozt, komu on vecherju pripraviti bi imal; bogatushu sal sze je videlo,

da nyemu ovczu iz szvoje velike chrede bi bil zaklal, on anda vzel je onu jedinu onoga sziromaka, y dal je ovu pripraviti. Kaj je mogel ov sziromak vchiniti? bogatush bil mû je premoguch; on moral je muchati, y gledeti, kak ovcza nyegva od bogatusha pelana, y zaklana bila je.

David miszlil je, da ova tusba iztinita bi bila, y da dugovanye ovo ravno ovak dogodilo sze je. Razszerdyen anda zverhu hmanyoché ovoga bogatusha izkriknul je: kak iztinito je, da Gozpon sive! tak chlovek ov, koj to vchinil je, je szin szmerti y od nyegve chrede sziromaku nyegva ovcza visheverztno naj szenadomeztcha. (2 Reg. 12.) Ti szam jeszi ov chlovek, odgovori nyemu Prorok, ti Uriashu bolye vchinil nészi, nego bogatush ov sziromaskomu szvomû szuszedu vchinil je; ti szî nyemu jedinu senu vzel, y nyega iztoga zkonchati dal. Szudi, jeli ti kastigu szam nezaszlusish, koju ti bogatushu doszudil jeszi. Bog nad ovem tvojem chinom veliku nedopadnozt ima, y za kastigu dopuztil bude, da vu tvoji detczy spota y neszréchu dosivesh. David za zprichavanye szvoje niti rech pregovoriti né mogel, nego pred Bogom y pred lyudmi zpoznal je falingu szvoju, govorechi: zagréshil jsem proti Gozponu, ja zpoznavam moja zlochinztva, y gréhi moji vsizgdar jeszu proti meni; O! da bi szamo miloszerdni Bog meni szmiluval sze, y moje zkrusheno szerdcze ne zashitil! da bi szamo on meni miloztchu najti dopuztil!

Nut, Dragi! na ovakov chudnoviti nachin dopelyan je David k-zpoznanyu gréhov szvojih; y od vezda, z-kulikum marlyivoztjum premishlyaval je on odurnozt hmanyoché szvoje? Z-kulikum pazlyivoztjum pretreszel je szerdcze szvoje? Nijeden zlochezti chin, nijedna zpachka, nijedna krivichna rech, nijedno greshno poselenye, dapache niti jedna neszramna miszel nyemu né oztala zkrita; broj grehov nyegvih videl sze je nye-

mu vekshi od broja laszih na glavi nyegvi, y hmanyocha nyihova veksha, nego najvisheshe gore. Vuchitesze y vi, Dragi! koji vu gréhih Davida tulikoput naszledovali jezte, vuchitesze velim z-Davidom gréhe vashe zpoznati; vuchitesze z-vszum marlyivoztjum vashe dushno zpoznanye zpitavati, vsza vasha gréshna mishlenya, neszramna poselenya, gréshna govorenja, hmanye chine, z-rechjum vashe, y lyudzke gréhe, kojeh vi zrok jezte, zezvedati, vuchitesze vasz za kastige vredne zpoznati, kak kastige vredni pred ochmi onoga jezte, koj szerdcza vasha pretreszava. Amen.

III. Dokànychane Nàvuka.

Jesush sbudi mertvoga Lazara na novo siolenye.

Vu jednom meztu poleg Jeruzalema ztanuvale szû dve pobosne szeptre Martha, Maria Magdalena y brat oveh Lazar. Jednoch pripetilo sze je, da Lazar na szmert obetesal je; ove pobosne sene zkerblyive za zdravje szvoga brata taki poshilyale szû k-Jesushu, y proszile gâ, da naj bi taki doshel, y Lazara zvrachil. Metem-toga kaj je odgovoril Jesuh: ov beteg, rekel je on, néje szmertni, on je szamo na diku Bosju, da sze Szin Bosji po nyim izvishuje. (Joan. 9.) Akoprem Jesush ove dve pobosne szeptre, oszebito pako Lazara lyubil je, tak oztal je vendar dva dane josche vu onem meztu, gde nyega poszlenik nashel je. Ztoprav za dvemi dnevi rekel je szvojem Vuchenikom: Lazar je vmerl, idmo k-nyemu, da gâ od szmertni zbudimo.

Kada anda Jesush z-szvojemi vucheniki vu Bethaniu bi bil doshel, tak Lazar vre chetiri dane vu grobu nahadyal sze je. Martha, kak berse dosheztka Jesusha

zeznala je, taki derchala je nyemu naproti y rekla: *ah Gozpone! da bi bil ti ovde, tak moj brat nebi bil vmerl. Tvoj brat*, odgovori Jesush: *bude sze nazad goreztal. Ja to znam, veli Martha, na szudnyi dan budesz on zopet goreztal. Ja jeszem goreztajanye y sivlenye, veli Jesush nadalye, ja morem vsze mertve zbuditi. Koj vu mé veruje, on sivel bude, ako taki vre vmerl je. Jeli ti to verujesh? Tak je Gozpone!* veli ona, *ja verujem, da ti szin sivoga Boga jeszi. Na to zapovedal je Jesush Marthi, da szeztru naj dozove; koja dojducha hitila sze je k-nogam Jesusha, y plakalasze govorecha: Gozpone! da szí ti ovde lil; tak brat moj nebi bil vmerl; y vszi nazochni pocheli szû sze plakati. Jesush szam zdersati sze ne mogel od szuz, nego plachuchi pital je: Kam zté mertvoga polosili? Pelali szû anda Jesusha k-grobu, gde Lazar lesal je, y on zapovedal je kamena odvaliti, ter groba odpreti. Ne Gozpone!* krichala je Martha, *on vre szmerdi, ar chetiri dane lesi on vre vu grobu, Nebojsze, odgovoril je nyoj Jesush; veruj szamo; ako véruvala budesh, tak videla budesh velichantzvo Bosje. Odvalili szû anda kamena od groba; Martha, Maria, vucheniki y vnogi zmed Sidovov ztali szû puni chakanya okolo Jesusha. Onda podignul je Jesush ochi proti nebu, molil y krichal najzadnich glaszom velikem: Lazar ztanisze!* Taki izishel je pokojni vesh zavít vu plattu iz groba, koje Jesush oszupnenom odmotati zapovedal je, y ishel je szlohoden. Kuliko chudo bilo je ovo za vsze lyudztvo? Z-kulikem veshelyem napunyene bile szû szeztre y z-kulikum zabvalnoztjum izti Lazar, koj vezda veshelo z-Jesushem y z-szvojemi szeztrami domom ishel je, gde josche puno let sivel je.

Neli, Dragi! ovo je jedno chudnovito pripetchnye? Nut ovo nam pokasuje ono, kaj Jesush tulikoputi na dushi nashi chini. Vi znate, da gréh szmert dúshe je, y da chlovek, koj velikoga gréha chini, duhovnoga

sivlenya, najmre miloztche Bosje mentuvan je. Z-chem duse chlovek vu gréhu oztaje, ztem bolye gniye y szmerdi on pred Bogom. Kajsze onda pripetcha? Pobosni y pravichni lyudi moliju Boga za pobolyshanye ovakvoga gréshnika; Bog sze nyemu szmiluje, on vchini mertvu dushu po rechi Meshnika vu szvetom Shakramentu pokore nazad sivetí, podelyuje nyoj znovich miloztchu poszvetchujuchu, batrivozt y pokoja szerdca. Nut odichenu haszen! koja nasz genuti bi morala, da Bogu ne szamo za poztavlanye ovoga Shakramenta, po kojem on dushu nashu od szmertí na sívlenye miloztche nazad zbudyava zahvalimo, nego kojega mi vszako vréme vredno y hasznovito prijemati tersziti sze bi morali! Amen

III. Dokànychanye Nàvuka.

Zpitavanye dushnoga zpoznanya z-vszum marlyivoztjum y pazlyivoztjum vchinitisze mora.

Pervo, kaj k-Shakramentu pokore potrebno je, je zpitavanye dushnoga zpoznanya. O! z-kulikum marlyivoztjum, y z-kulikum pazlyivoztjum ovo vszigdar vchinitisze bi moralo!? Z-kakvum marlyivoztjum? Zakaj zpitavamo mi nasz szame? Neli zato, Dragi! da nashe vchinyene gréhe zpoznati, za ove sze posaluvati, y iz oveh zversheno zpovedati sze moremo? Ali nut, kulika marlyivozt je k-tomu potrebna? Poglejte szamo Chaztnike, hise gozpodare, na szlusbenike, od kojeh Kraly, ali koj drugi gozpon rachuna od gozpodarztva potrebuje! z-kulikum ostrochum y zvershenoztjum oni y od najmenshega peneza rachuna dati moraju! Jeli mi z-menshum ostrochum rachuna vezti nashe na red poztavlyali budemo? Terszimo sze anda vszigdar, kuliko

puti nashe dushno zpoznanje zpitavali budemo poleg kratkoche vrémena, poleg okolicz, poleg potrebuva-
nya nashih dusnoztih tuliko vréme y marlyivozt potre-
buvati, kulika putrebna je, da ovakov oszebujni po-
szel pravo zvershimo.

Z ovum marlyivoztjum zjedinjena naj bude takaj
iztinitoxt; ar kaj nam bi hasznilo, ako mi nasz za ne-
dusneshe bi dersali, nego vu iztini pred Bogom je-
szmo? Mi bi po tom ne Boga, koj vsza zna y vidi,
ne Meshnika, koj nasz poleg valuvanya nashih gréhov
szudi, nego nasz szame vkanyuvali; mi bi sze zpove-
dali, prez da od nashih gréhov bi sze odvezali; y
akoprem od Meshnika, koj nuterno nashe vezti nevi-
di, bi sze od gréhov od vezali, tak vendar bi nasz on
obszudil, pred kojega nazochnoztjum vsza odperta y
znana jeszu. Amen.

NÀVUK 29.

Od Posaluvanya.

PITANYE 1.

Kakvo mora biti posaluvanye?

*Posaluvanye mora biti 1. Nuterno. 2. Zverhunarav-
zko. 3. Zverhu vszega. 4. Obchinzko.*

Razláganye.

Kaj posaluvanye je, to vi moja Detcza! ^{1.} *Posaluvanye je odurjavanye.* najbolye iz laztovitoga chutenya znati morete; v. p. vi zgubite iz nepazlyivozti peneze, vashu opravu, ali drugo kakvo lepo dugovanye, tak pochimlyete tusitisze, ali takaj plakati sze, y ako vasz gdo popita, zakaj sze plachte, ali tusite, tak budete odgovorili: kajti mî je sal, da ja moje dugovanye zgubil jsem. Vi anda salujetesze zverhu zgubichka vashega dugovanya, y zverhu nepazlyivozti, koja zrok bila je vashega zgubichka. Vi szî anda selite, da sze nepazlyivozt ova nigdar nebi bila pripetila, vi anda merzite na vashu nepazlyivozt. Nut draga detcza! ako sze mi zbog chesza salujemo, tak selimo mi, da sze ovo nigdar nebi bilo pripetilo, mi na ovo merzimo; Posaluvanye je anda jedno odurjavanye, merzenye.

^{2.} *Posaluvanye je jedna nuterna* Salozi je ono, kaj boli; v. p. vi sze *Posaluvanye je jedna nuterna* vbodete gde goder na têlu, tak ovo vasz boli;

salozt zjedi-nyena z-tverdnem obechanyem. ovo je anda salozt. Télo je zvunzka ztran chloveka; kaj anda nasz na télu boli, to jedna zvunzka salozt ozivati sze mora. Ali vi morebiti vre visheputi jezte chuli rechi: ovo mé vu dushi boli; tak anda y dusha salozt chutiti mora. Dusha je nuternya ztran chloveka; kaj anda koga vu dushi boli, to nuternya salozt ozvatisze mora. Vasz zaizto boli, kada vi lepo kakvo dugovanye iz nepazlyivozti zgubite, ali ne na télu, ar nepazlyivozt nemre vasz vréditi na télu, nego na dushi; kada vi zbog vashe nepazlyivozti salujetesze, tak chutite vi ne szamo jedno odurjavanye, nego takaj jednu nuternu salozt. Posaluvanye je anda takaj jedna nuterna salozt. Kaj mi pako odurjavamo, to tverдно obechujemo vishe nechiniti,posaluvanye anda prez tverdnoga obechanya ztati nemoré.

3.

Izpisz Posaluvanya.

Iz ovoga, kaj odposaluvanya vu obchinzkom rekel jeszem, vre lahko videti morete, kajposaluvanye za gréhe je. Gréh je najvekshe zlo (Nāvuk 13. pit. 3.) koj gréha posaluje, on ovoga iz czeloga szerdcza odurjavati mora; on jednu nuternu salozt chutiti mora, y on tvredno napervo szî vzeti mora Boga vishe nezbantuvati. *Posaluvanye anda za gréhe je jedno odurjavanye gréha zverhu vszega zla, y nuterna salozt zbog zbantuvanoga Boga, z-tverdnem obechanyem vech negréshiti, niti Boga zbantuvati.*

4.

Posaluvanye mora biti nuterno.

Vszi gréhi izhadyaju iz szerdcza, veli Kriztush. (Matth. 15.) Szerdcze je zviralische vszeh nashéh chinih; kak dugo szerdcze nashe pobolyshano néje, tak dugo y chini nashi dobri nebudû, Szerdcze gréshnika szamo onda

pobolysha sze, kada salozi iz nutra, tojezt vu szerdczu je; Posaluvanye mora anda biti nuterno. Kada anda szamo z-vuztmi velimo: *meni je sal*; kada mi Posaluvanye szamo z-vuztmi molimo, kada mi szamo z-vuztmi zdi-havamo, ali szamo z-rukum persza tuchemo, tak posaluvanye nashe nikaj nevalya. Mi moramo na zpovedi takaj zvunzka znamenya posaluvanya davati, ali ova zvunzka znamenya szama nészu zadozta; *jedno zkrusheno y ponizno szerdcze ti o Bose! nebudesz zametaval*, veli David. (Psal. 1.)

Zrok posaluvanya je ono, kaj nasz na posaluvanye giblye. Nahadyajusze naravzki y zverhunaravzki zroki posaluvanya; kada mi anda zbog vrémitéh kvarov za gréhe salujemosze, tak imamo naravzkoga zroka posaluvanya. V. p. mi salujemo sze zbog nemertuchlyivozti, kajti zbetesali jeszmo zbog nye: mi salujemo sze zbog nashe nepokornozti, kajti preharjeni bili jeszmo, tak imamo szamo jedno naravzko posaluvanye, kajti ovo szama vrémenita zla bila jeszu. Bog ali je zverhu narave; Bog anda je zverhunaravzki zrok posaluvanya; kada mi anda zbog Boga za gréhe sze posalujemo, tak imamo zverhunaravzkoga zroka posaluvanya. V. p. mi s:e salujemo za gréhe, kajti po tom Boga najvekshe dobro zbantovali jeszmo, ali kajti pravichni Bog gréhe kastiguje, tak imamo zverhunaravzkoga zroka posaluvanya, kajti zbog Boga za gréhe sze salujemo.

5.
Zroki posaluvanya jeszu zverhunaravzki y naravzki.

Ako gréshnik szamo iz naravzkikh zrokov za gréhe szvoje sze saluje, tak je ovo szamo jedno naravzko posaluvanye. Ali ovakvo po-

6.
Posaluvanye mora zverhunaravzko biti.

saluvanye za Shakrament pokore ne zadozta, ar po Shakramentu pokore selimo mi oproztchenye gréhov zadobiti; oproztchenye gréhov je zverhunaravzko, anda mora y posaluvanye k-tomu zverhunaravzko biti. Da pako posaluvanye zverhunaravzko bude, tak ne zadozta, da gréshnik szamo po zverhunaravzkich zrokih na posaluvanye genesze; nego on mora takaj po miloxtchi Duha szvetoga k-tomu gibati sze; ar prez ove miloxtche nemremo mi zverhunaravzke chine poztaviti. (Návuk 2. pit. 2.) *Posaluvanye je anda zverhunaravzko, kada greshnik po miloxtchi Duha szvetoga, ter iz gibanyih zverhunaravzkèh na posaluvanye genesze.*

7.

Posaluvanye mora biti zverhu vszega.

Posaluvanye je zverhu vszega onda, kada gréshnik bolye salajesze da Boga zbantuval je, kak ako vsze na szveta hi bil zgubil. Ako nasz anda v. p. gréhi bolye saloxttiju, kak zgubichek penezov, ali ne bolye kak nashih Roditelyov, tak posaluvanye nashe vre nebi bilo zverhu vszega. Ali ako nasz gréhi bolye saloxttiju, kak zgubichek nashih Roditelyov, ne pako bolye kak zgubichek nashega sivlenya, tak y pak posaluvanye nebi bilo zverhu vszega; z-jednum rechjum, ako nasz zgubichek kakvoga dugovanya bolye saloxti, kak gréh, tak posaluvanye néje zverhu vszega. Zgubichek jednoga velikoga dobra nasz bolye saloxti, kak zgubichek menshega dobra; zgubichek najvekshega dobra saloxti nasz zverhu vszega. Bog je najvekshe dobro; po grehu mi zgubivamo Boga; posaluvanye anda za gréhe mora zverhu vszega biti. Kak berse nam za kakvu ztvar sal néje, tak je to jedno

szegurno znamenye, da mi ovo nelyubimo; ako nam anda za Boga bolye sal néje, kak za vsze drugo, tak je ovo znamenye, da mi nyega zverhu vszega nelyubimo, Jeli ali on oproztenye zadobil bude, koj Boga zverhu vszega nelyubi? Ravno ovak y oproztenye zadobil nebude on, koj gréha zverhu vszega nebude posalual.

8.

Posaluvanye mora obchinzko biti.

Posaluvanye je obchinzko, ako sze ovo na vsze gréhe, ni jednoga neznimluch, pretese. Ako anda gdo szamo zbgog tatbine, ne pako nepriatelztva bi sze salual, — na kratkom ako gdo szamo zbgog nekojih gréhov, ne pako zbgog vszeh bi sze salual, tak ovakvo posaluvanye nebi bilo obchinzko, kajti sze ovo na vsze gréhe nebi pretegnulo. Vré pako miloztcha poszvetchujucha z-nijednem szmertnem gréhom pogadyati sze nemre, posaluvanye anda na vsze gréhe pretegnuti sze mora, ono anda gledech na vsze szmertne gréhe obchinzko biti mora. Ovo anda jeszu vsze laztovitozti pravoga posaluvanya. Posaluvanye mora najmre biti: 1. Nuterno. 2. Zverhunaravzko. 3. Zverhu vszega. 4. Obchinzko.

R a z g o v o r i .

1.

Jeli szí sze kada zbgog chesza salual? — *Je posaluvanye odurjavanye gréha?*
V. p. kada kaj lepoga bi zgubil, jeli bi szé komu tusil, ali morebiti plakal? — Y ako te gdo bi pital, zakaj sze plachesh, kaj bi mú odgovoril? — Jeli anda chutish salozt zbgog kakve zgublene ztvari? — Ali kaj je bilo zrok

tvoga zgubichka? — Jeli nebudesh salozi tvoje nepazlyivozi chutil? — Zakaj? — Jeli budesh ti tvoju nepazlyivozi odurjaval? — Kada nasz kaj salozi kaj szî onda selimo? — Lyubimo ali odurjavamo mi ono, kaj nasz salozi? — Je anda posaluvanye jedno odurjavanye? — Zakaj? —

2.

Je Posaluvanye jedna nuterna salozi ztverdnem obechanyem?

Kaj je salozi? — V. p. ti sze vrazish na tîlu, jeli to tebi godi? — Kak sze ono zove, kaj boli? — Kaj je anda salozi? — Koj je zvunzka ztran chloveka? — Kada koga kaj na tîlu boli, kakva je to salozi? — Nuterna? — Jeszi ti kada rechî chul: *Ovo mî vu dushi boli?* — Jeli anda y dusha salozi chuti? — Zakaj to miszlish? — Je dusha zvunzka ztran chloveka? — Kaj anda vu dushi boli, kakva je to salozi? — Kada ti kakvo lepo dugovanye zgubish, jeli tî nepazlyivozi tvâ na tîlu boli? — Nego gde? — Kada sze anda ti zbog tvoje nepazlyivozi salujesh, jeli chutish onda szamo odurjavanye? — Jeli ne takaj jednu nuternu salozi? — Jeli dokanchamo ono zopet chiniti, kaj mi odurjavamo? — Je Posaluvanye jedno odurjavanye y jedna nuterna salozi? — Moreli posaluvanye prez tverdnoga obechanya ztati? — Zakaj ne? —

3.

Kaj je Posaluvanye za grîha?

Koje je najvekshe zlo? — Odkud dohadja zlo? — Kaj mora grîshnik zverhu vszega odurjavati? — Zbog chesza mora grîshnik jednu nuternu salozi chutiti? — Kaj mora grîshnik obechati? — Kaj je anda Posaluvanye? —

4.

Kaj veli Kriztush, odkud izhadyaju gré- *Morali Po-*
hi? — Kak dugo szerdcze nashe dobro néje, *saluvanye*
morejuli chini dobri biti? — Kak je posalu- *biti nuter-*
vanye nuterno? — Jeli sze szerdcze popra- *no?*
vi, ako salozi vu szerdczu néje? — Mora sa-
lozi nuterna biti? — Jeli je anda zadozta,
ako szamo z-vuztmi velimo: *Salujem sze?*
— Jeli je zadozta, ako szamo z-vuztmi po-
saluvanye z-molimo? — Ali morebiti je vu-
diranye persz szamo vre zadozta? — Jeli ne-
moramo na zpovedi zvunzka znamenya salo-
zti davati? — Na kaj gledi ali Bog bolye, na
zvunzka znamenya, ali na szerdcze? — Jeli
veli David: zkrushena y ponizna vuzta o Bose!
ne budesh zahitil? — Zakaj ova zvunzka zna-
menya salozti nészu zadozta? —

5.

Kak sze ono zove, kaj nasz na salozi gi- *Koji zroki*
blye? — Jeli sze mi prez zroka, prez teme- *Posaluva-*
lya na kaj giblyemo? — Koji szû zroki po- *nya jeszu*
saluvanya vu obchinzkom? — Szamo narav- *naravzki,*
zki? — V. p. ti sze salujesh zbog nemertu- *kaji zverhu*
chlivozti kajti obetesal jeszi, kakvoga zroka *naravzki?*
salozti imash? — Zakaj naravzkoga? — Je-
szu vrémenita zla vu szebi naravzka? — Ka-
kvoga zroka salozti imaju anda vrémenita zla?
— Gdo je pako zverhu narave? — Gdo je
zverhunaravzki zrok salozti? — Kada mi an-
da zbog Boga za gréhe nashe sze salujemo,
kakvoga zroka salozti onda imamo? —

6.

Jeli Meshniki z-laztovitum mochlum gré- *Mora Po-*
he odpuztchaju? — Je oproztchenye gréhov *saluvanye*

zverhunaravzko biti? naravzko? — Morali anda y Posaluvanye zverhunaravzko biti? — Zakaj? — Kak je pako posaluvanye zverhunaravzko? — Je lyubav Bosja jeden zverhunaravzki zrok salozti? — Kada mi anda iz lyubavi proti Bogu za gréhe nashe sze salujemo, kakvo imamo onda posaluvanye? — Zakaj jedno zverhunaravzko? — Jeszu vrémenite neszreche takaj zverhunaravzki zrok zalozti? — Ako anda szamo zbog vrémenite neszreche za gréhe sze salujemo, je onda posaluvanye zverhunaravzko? — Zakaj ne? — Kak je anda Posaluvanye zverhunaravzko? —

7.

Mora Posaluvanye zverhu vszega biti?

Ako tebe gréhi bolye saloztiju, kak zgubichek penězov, ne pako bolye, kak zgubichek tvogâ sivlenya, jeli bi bila onda salozt zverhu vszega? — Ali ako te zgubichek kakve goder ztvari bolye bi saloztil, kak gréh, bi ovo bila salozt zverhu vszega? — Kada je Posaluvanye zverhu vszega? — Kaj inasz bolye salozti, jeli zgubichek jednoga vekshega, ali jednoga menshega dobra? — Kaksze salujemo za zgubichek jednoga najvekshega dobra? — Gdo je najvekshe dobro? — Koga zgubivamo mi po gréhu? — Morali anda salozt za gréhe zverhu vszega biti? — Zakaj? — Ako nam za kakvo dugovanye sal néje, kakvo je to znamenye? — Ako nam anda za Boga bolye sal nebi bilo, kak za vsze drugo, kakvo bi bilo to znamenye? — Budeli ali on oproztchenye zadobil, koj Boga zverhu vszega ne lyubi? — Lyubimo mi Boga zverhu vszega, ako mi za gréhe zverhu vszega sze neposalujemo? — Opraztcha anda Bog, ako mi za

gréhe zverhu vszega sze neposalujemo? —
Zakaj ne? —

8.

Kada je Posaluvanye obchinzko? — Ako gdo za tatbinu, ne pako za nepriatelztvo sze salozti, jeli bi bilo onda posaluvanye obchinzko? — Zakaj ne? — Jeli sze ona na vsze gréhe bi pretegnula? — Za koje gréhe sze oszebito saluvati moramo? — Za male? — Jeli miloztcha poszvetchujucha z-jednem szamo szmertnem gréhom szlagati sze more? — Zakaj mora anda Posaluvanye za szmertne gréhe obchinzko biti? — Kakvo mora anda biti posaluvanye? —

Mora Posaluvanye obchinzko biti?

PITANYE 3.

Kuliko' verzti je posaluvanye zverhunaravsko?

Posaluvanye zverhunaravsko je dvojverztno: Zvershenno y nezvershenno.

Razláganye.

Vre vam raztolnachil jeszem, da posaluvanye nashe iz zverhunaravzkikh gibanyih y zrqkov onda biva, kada ovo zbog Boga pripetchasze. Metemtoga Bog ima vnogoverztno zvershenozti vu szebi; mi anda na vnogoverztno nachine zbog Boga posaluvanye za gréhe vu nami zbuditi moramo. Bog je najvekshe dobro, mi moramo anda iz lyubavi proti Bogu gréhe nashe posaluvati. Bog je najszveteshi, on nikaj bolye neodurjava od gréha; mi mo-

1.
Posaluvanye zverhunaravsko je dvojverztno.

Schloissnigg Iztine Vére Del. III.

9

ramo anda gréhe posaluvati, kajti oni vu sze-
bi odurni; y szvetozti Bosjoj szuprotivni jeszu.
Bog je zevszema pravichen, on kastiguje gré-
ha z-zgubichkom neba, y z-kastigum veki-
vechnum pekla; mi moremo anda za gréhe
saluvati sze, kajti z bog nyih nebo zgubiti, y
vekivechnu kastigu pekla zaszlusiti moremo.
Mi ali vszigdar zversheneshe vchinili budemo,
ako iz lyubavi, ne pako iz ztraha, ali drugo-
ga kojega zroka sze za gréhe saluvali budemo.
Posaluvanye je anda dvojverztno: *Zversheno,*
y nezversheno.

2.
*Lyubav Bo-
sja takaj je
dvojverztna.*

Ali takaj lyubav Bosja né pri vszeh zver-
shena. Nekoji lyubiju Boga z-goruchum y
jakum lyubavjum, drugi menye y szlabeshe.
Ovakva lyubav zovesze zapochetna. Ovak
gréshnik, ako sze zpokori, pochimlye Boga
lyubiti; on ali néma vszigdar jaku y goruchu
lyubav. Kada lyubav proti Bogu jaka y go-
rucha je; onda je ona zvershena; kada ona pa-
ko josche szlaba y zapochetna je, tak onda
je ona nezvershena.

3.
*Kaj je posa-
luvange ne-
zversheno.*

*Posaluvanye nezversheno je zverhuna-
ravzka salozt, y odurjavanye gréha, kajti
ali gréh szam vu szebi je odurjavanya vrèden,
ali kajti za szobum vleche pogublenye neba,
y zaszlusenye pekla. Nezversheno posaluva-
nye izhadya ali od onud, kajti gréh vu szebi
oduren je, ali od onud, kajti gréh za szo-
bum pogublenye neba, y zaszlusenye pekla
vleche. Mi nemoramo anda gréha zato odur-
javati, kajti on pred lyudmi oduren je, ar
onda nebi bilo posaluvanye zverhunaravzko;
nego zato, kajti on szam vu szebi, anda y
pred Bogam oduren je, koj vsze zlo odurja-*

va. Takaj ztrah pred kastigami pekla je hasznovit, ar Kriztush opominya: *Nebojtesze oneh, koji telo vumoriju, dushu pako vumoriti nemreju, nego bojtesze vnogo bolye oneh, koji dushu y telo na zkvarjenye hititi moreju vu pekel.* (Matth. 10.)

More vendar gréshnik, koj posaluvanye nezversheno zvershava, po najemih Jesusha Kriztusha oproztchenye gréhov ufatisze; ar Kriztush nam zapoveda, da vsza vu nyegvem imenu naj sze ufamo, y proszimo. (Joan. 16.) Gréshnik mora takaj Boga kakti pochetnika vsze pravicze, y szvoje pravichnozti lyubiti pocheti; ar sz. Janush veli odperto: *Koj ne lyubi, on oztane vu szmertí*; tojezt: vu gréhu. (1. Joann. 3.) Neversheno posaluvanye, ako ovo gréshnik ztem zjedini, da Boga lyubiti pochimlye, je k-Shakramentu pokore zadozta; ar Shakrament nadomeztcha, kaj nashoj szlabochi pomenka. Vu tom szrechne-shi jeszmo od lyudih vu ztarom zakonu, koji Shakramenta pokore imali nészu, ter pomenkanye Shakramenta po guruchi lyubavi nadomeztiti jeszu morali.

4.
Kaj gréshnik, zvershavajuchi posaluvanye nezversheno, josche vchiniti mora.

Posaluvanye zversheno je zverhunarav- zka saloxt, y odurjavanye gréha, kajti Boga najvekshe dobro, y zverhu vszega najlyubleneshega zbantuvali jeszmo. Zversheno posaluvanye izhadya anda iz zvershene lyubavi Bosje. Koj szamo iz szusnoga ztraha, tojezt iz ztraha kastige za gréhe sze saluje, on nema zversheno posaluvanye. Zversheno posaluvanye vendar dobro szlasesze z-jednem dechin-zkem ztrahom, koj iz lyubavi izhadya; ar do-

5.
Kaj je Posaluvanye zversheno?

bra detcza bojijusze Otcza iz lyubavi, ali ne iz szusnoga ztraha.

6.
*Kaj potre-
bno je, da
sje zvershe-
no posalu-
vanye vchi-
ni.*

Mi jeszmo szlabi lyudi, y zato je tesko, da vu nami zvershenu lyubav Bosju prebudi-
mo; y ravno zato je tesko, da sje zversheno
posaluvanye vchini. Da anda zversheno po-
saluvanye vchinimo, tak je potrebno: 1. Bo-
ga prosziti za miloztchu. 2 Dobro premi-
szliti, gdo je on, koga zbantuvali jeszmo;
najmre, da on najvekshe dobro, nash naj-
vekshi dobrochinitely, nash najbolyshi priately
y Otecz pun lepotih y zvershenoztih je.
3. Moramo mi chin posaluvanya visheputi po-
noviti. Guzteshe zvershavanye vchini vszako
delo lehko, y ako mi nasha vchinili budemo,
tak y Bog nasz ztem predi z-szvojum mi-
loztchum blagoszlovil bude.

7.
*Krépozt
Posaluva-
nya zver-
shenoga.*

*Posaluvanye zversheno ima krépozt o-
proztiti gréhe vszem onem, koji priliku ne-
maju, volyu pako imaju kak naj berse zpo-
vedati sje. Zversheno posaluvanye ima kré-
pozt oproztiti gréhe; ar zvershena lyubav Bo-
ga izbrishuje gréha: opraztchaju sje nyoj
vnogi gréhi, kajti vnogo lyubila je; veli Kri-
ztush od Magdalene (Lucæ 7.) Zversheno Po-
saluvanye izhadya iz zvershene lyubavi. Ako
pako gdo zpovedatisze more, ter neche, ova-
kov zvershenu lyubav y zversheno Posaluva-
nye néma, kajti on zapoved obvershavati ne-
che; anda odvezanye od gréñov zadobiti ne-
mre.*

8.
*Kada chlo-
vek dusen je
zversheno
posaluvanye
vchiniti.*

Jako je hasznovito zversheno posaluva-
nye vszaki dan vchiniti, oszebito predi nego
sje zpati ide. Kuliki szú zpati ishli, ter v-
nochi prez Meshnika y prez Shakramenta po-

kore vmerli? Takaj pri zpovedi moramo vszigdar zversheno posaluvanye vchiniti; ar tesko je vu potrebochi, vu peldi: vu pogibelyi szmertí, zversheno posaluvanye vchiniti, ako predi ovo navadno vchinili nészmo.

R a s g o v o r i .

1.

Znashli josche, kada posaluvanye iz zverhunaravzkik gibanyih y zrokov biva? — Zbog koga ovo vchiniti moramo? — Imali Bog vnogoverztne zvershenozti? — Moremoli anda na vnogoverztne nachine gledech na Boga posaluvanye vchiniti? — Gdo je najvekshe dobro? — Moremoli anda iz lyubavi proti Bogu posaluvanye vchiniti? — Zakaj? — Gdo je najszveteshi? — Kaj Bog najbolye odurjava? — Je anda gréh vu szebi oduren? — Moremoli gréha odurjavati, kajti on vu szebi oduren je? — Gdo je neizmerno pravichen? — Z-chem Bog kastiguje gréha? — Moremoli gréha odurjavati, kajti on zgubichka neba, y kastigu pekla za szobum vleche? — Gdo chini zversheneshe, jeli on, koj iz lyubavi, ali on, koj iz drugéh zrokov chini? — Koje posaluvanye je anda zversheno, jeli ono, koje iz lyubavi, ali ono, koje iz drugeh zrokov izhadya? — Kuliko verzti je anda posaluvanye zverbnaravzko? —

*Kuliko ver-
zti je pos-
luvanye
zverhuna-
ravzko?*

2.

Jeli nekoji lyudi Boga jako lyubiju? — Kak lyubiju pako drugi lyudi Boga? — Kada pochimlye greshnik Boga lyabiti? — Predi nego sze zpokori? — Jeli ima ovakov gresh-

*Kuliko ver-
zti je lyubav
proti Bogu?*

nik koj sze obracha k-Bogu vu obchinzkom jednu jaku y goruchu lyubav? — Zakaj ne? — Kada je lyubav proti Bogu zvershena? — Kada ona szlaba y gingava je? — Kada je pako nezvershena? —

3.

Kaj je posaluvanye nezversheno?

Kaj je posaluvanye nezversheno? — Zakaj posalujesze on za szvoje grehe, koj jedno zversheno posaluvanye ima? — Ako pako on szvoje grehe szamo zato bi odurjaval; kajti oni pred lyudmi odurni jeszu, jeli bi on imal posaluvanye zverhunaravzko? — Zbog Boga anda odurnozi greha nasz na posaluvanye genuti mora? — Komu je greh oszebito oduren? — Jeli je y ztrah pred kastigami pekla hasznovit? — Jeli veli Kriztush, da mi oneh sze naj bojimo, koji telo vmoriti moreju? — Nego koga? — Zakaj je anda ztrah pred kastigami pekla hasznovit? —

4.

Kaj mora josche greshnik vchiniti zvershavajuchi posaluvanye nezversheno?

Kaj mora ali Greshnik zvershavajuchi posaluvanye nezversheno josche chiniti? — Jeli zapoveda Kriztush da vsza vu nyegvem imenu najsze ufamo, y proszimo? — Zakaj sze greshnik po zaszlusbih Jesucha Kriztusha oproztchenye grehov naj nadja? — Kaj veli Janush Apostol? — Koj ne lyubi, gde oztaje? — Kaj to znamenuje: on oztane vu szmerti? — Zakaj mora anda Greshnik Boga pocheti lyubiti? —

5.

Kaj je posaluvanye zversheno?

Kaj je posaluvanye zversheno? — Iz kake lyubavi izhadya posaluvanye zversheno? — Koj anda iz szamoga szusnoga ztraha za

grehe' sje saluje, jeli onakov ima posaluvanye zversheno? — Jeli szusni ztrah iz lyubavi dohadya? — Moreli sje szusni ztrah z-posaluvanyem zvershenom szlagati? — Zakaj ne? — Odkuda izhadya pako ztrah detinzki? — Bojiszje jedno dobro dete szvoje Roditelye zban-tuvati zbog|| kastige? — Jeli sje anda zvershe-no posaluvanye dobro szlase z-detinzkem ztra-hom? — Zakaj? —

6.

Jeli je lahko zversheno posaluvanye vchi-niti? — Zakaj né? — Jeli nészmo mi szlabi lyudi? — Jeli zbudimo mi lahko vu nami zvershenu lyubav proti Bogu? — Kaj je an-da potrebno, da sje zversheno posaluvanye vchini? —

*Kaj je po-
trebno, da
sje zver-
sheno poš-
aluvanye
vchini?*

7.

Kakvu kreposzt ima posaluvanye zvershe-no? — Kaj veli Kriztush od Magdalene? — Zakaj szû nyoj vnogi grehi oproztcheni? — Jeli zvershena lyubav proti Bogu izbrishuje grehe? — Zakaj? — Iz kakve lyubavi iz-hadya zversheno posaluvanye? — Zakaj zver-sheno posaluvanye zrokuje oproztchenye gre-hov? — Jeli zversheno posaluvanye takaj pri oneh oproztchenye grehov zrokuje, koji zpovedati sje moreju, nego szamo necheju? — Pri kojeh anda? —

*Kaj chini,
y kakvu
kreposzt ima
posaluvanye
zversheno?*

8.

Kada je hasznovito zversheno posaluva-nye vchiniti? — Kada je pako chlovek dusen zversheno posaluvanye vchiniti? — Kakvo mora biti posaluvanye na zpovedi? — Jeli je lahko vchiniti posaluvanye zversheno? — Jeli

*Zakaj je ha-
sznovito y
potrebno
zversheno
posaluvanye
vchiniti?*

vu priliki potreboche lahko nam bude vchniti zversheno posaluvanye, ako predi vu navadi bili nészmo, ovo vchniti? —

I. Dokànychanye Nàvuka.

Antiokush is straha vrémenitéh kastig saluje sze za szvoje gréhe, y ne dobiva milostchu.

Antiokush, Dragil bil je jeden nepobosni y zlochezti Kraly; on je onoga nechlovechnoga Menelausha, koj po Antronikushu nedusnoga Oniasha vumoriti dal je, od vszake krivnye odvezal, ter nedusne na szmert obszudil. Iz szumlye, da morebiti sidovi od nyega od drusili sze budeju, razjadyen jednoch oztavil je Aegyptusha, y z-oborusenum rukum predobil Jeruzalema, ter zapovédal szvojem vojnikom, da vsze naj zkonchaju, kaj nyim pod shake doshlo bude, mlade y ztare, senu y detczu; dapache on szam podztupil sze je vu Czirkvu najszveteshu vleztí, ter od onud szvete poszude, koje pobosni Kralyi prikazali jeszu, vzeti. Ztem josche nezadovolyen, hotel je on sidove k-poganinztvu primorati, ter trapil je ove ztalne szlusbenike pravoga Boga vu Izraelu z-neizpiszlyivemi mukami.

Metemtoga Bog nehotejuchi vishe gledati nyegvu hmanyochu, nyega je kastiguval; ar poklamkam Antiokush zopet vu Jeruzalem hitril je, da Varash y ztanovniki szerditozt nyegvu pochutiju, popadyen bil je od jedne nuterne boli vu télu, koja nyega neizmerno trapila je; y kajti on zbog boli na naglom domom hitril je, tak kaj sze je pripetilo? On vu najvekshem besanyu opal je iz kolih, zterl szí vsze kotrige, y ovak bol dushe y téla povekshal. Noshen od szvojéh vojniov

boli téla nyegvoga nikaj né bilo pomorjeno; iz tela nyegvoga chervi izhadyali szû, y meszo na sívem télu gnyiti pochelo je tak, da zbog szmrada szebi y vojnîkom vszem neprilichen bil je.

Tak jako kastiguval je Bog hmanyochu ovoga Kralya vre ovde na zemlyi. Metemtoga kaj szû hasznile ove kastige? Jeli je on dozpel na bolysha mishlenya? Jeli je szerdcze nyegvo napunyeno bilo z-saloztjum za grêhe? On, iztina je, ishel je vu sze, on poztal je ponizen, on navehil sze je szebe szamoga poznati; dapache proszil je Gozpona, da nyemu miloztchu y [miloszerdnozt naj izkase; on selet je Jeruzalema oszloboditi; Czirkvu z-plemenitemi prikazi nakinchiti; on obechal je sidovom vszu szloboztchinu, y zavezal sze je, da szam sidov poztati, vszamoguchnozt Bosju po czelem szvétu nazveztchati hoche, szamo Bog naj nyega boli mentuje, y nyemu perveshe zdravje poverne. Ali, kaj je vchinyeno? Antiokush nikakvu miloszerdnozt ne zadobil, kajti ne zbog Boga, nego zbog szamih oveh vrémenitéh kastig, zbog muke téla, zbog ztraha pred jednum bolipunum szmertjum za szvoje grêhe saluval sze je, on vumerl je vu ztranzkema országu na gorah, y to z-jednum nevolynum szmertjum.

Dragi! da szamo med nami nikakvi Antiokushi vishe nebi sze nahadyali! hochu rechi, da szamo med nami vishe nebi sze nahadyali lyudi, koji hmanyoché Antio-kusha naszleduju; koji na zpodobu Antiokusha za grêhe szvoje iz ztraha pred vremenitémi kastigami sze saluju! Metemtoga kuliki nahadyaju sze, koji, kada Bog nye z-vrémenitemi kastigami pohadya, kada nye z-betegom kastiguje, kada nyim koncza nyihovoga sivlenya po vrachitelyu nazveztcha, na zpodobu jednoga Antio-kusha szamo za grêhe szvoje sze saluju, kajti zla, koja podnashati moraju, bolipuna jeszu — kajti szmert blizu je. Jedno od ztraha zbog vrémenitéh kastig vchi-

nyeno posaluvanye ne zadozta, miloszerdnozt od Boga zadobiti. Zbog Boga szamoga moramo mi za grehe nashe posaluvati sze, ar kak Apostol veli: *Szama salozt zbog Boga, vchini pokoru na vekivechno blasenz tvo.* (2. Cor. 7.) Amen.

II. Dokànychanye Nàvuka.

Peter po milostivnem pogledu Jesusha na posaluvanye genesze.

Kak gyegyeren y drugach Peter, kojega Zvelichitely zbral je, da glava Apostolov, temely Czirkve, y predpozta vlyeni kerztchanzke obchine bude, vu szvojih dokonchkih bil je, y kak velikoszerdchen on vu vertu Getszemani bil je, gde on jèdnomu czelomu sheregu szuprotztavil sze je, y dapache jèdnomu vuho odszekel je, tak vendar bojazlyivoga pokazal je on szebe vu hisi velikoga aldovnika Kajfasha, kam on szvogâ vlovlenoga Mestra zprevodil je; ar vu iztom vrémenu, kada Jesush na szûdu bil je, vchinyeno je, da jedna szluskinya nyega pitala je, jeli y on jeden zmed Vuchenikov Jesushevih bi bil? Ovo pitanye malo potlam od drugoga y od trejtoga ponovlyeno bilo je. Nut! kakov bil je odgovor Petra na ovo triputi vchinyeno pitanye? *Ja nyega nepoznam. — Ja nészem zmed nyegvih vuchenikov. — Ja neznam, kaj vi govorite.*

Metemtoga komaj je Peter ovo izgovoril, tak chulo sze je popevanye kokota, kak Kriztush napervo povedal je. Y nut kulika zrókuvalo je ovo pri Petru! On zmiszlil sze je iz rechih szvogâ Mestra: *Predi nego kokot danasz dvakrat zapopeval bude, ti mene trikrat zatajil budesh.* (Lucæ. 22.) Y Peter izishel je iz dvora. Malo potlam izpelyan bil je Jesush iz dvora Kajfa-

sha. Peter ztal je, y pogledel szvoga vu vusinczih y lanczih od nepriatelyov obkolenoga Mestra josche jedenput, y nut z-kakvem pomilujuchem, z-kakvem kastigujuchem pogledom zpochitava! je nyemu Jesush nyegvu nevénozt! Ov pogled prehadya szerdcze Petra; on zpoznavá velikochu szvoje falinge, on zdihava, on javche, on sze suhko plache. Ah mene gréshnoga chloveka, krichi on iz glubline szerdcza, ah! kajszém vchinil? Ja szém mojega najlyubleneshega Zvelichite-lya, mojega najbolyshega Mestra mojega najvekshega dobrochinitelya, mojega Jesusha, sivoga szina Bosjega trikrat zatajil! Ja zpoznavam zlochéztochu, koju vchinil jeszem; ja zpoznavam, da nészem vréden ochi moje proti nebu podichi, ar jako szém zagréshil. —

Nut, Dragi! ovo bila je salozi, koju Peter potlam pogleda Jesushevoga zbog zatajenja chutil je; y ravno ova je pelda one salozi, koju y mi zbog nashih pregréskih chutiti bi morali. Poglejte Jesusha, ne, kak on od jednoga szudcza k-drugomu pelyasze, nego kak on vre na krisu viszi. Premishlyavajte nyegvoga saloiznoga ztalisha, vu kojega nyega nyegva lyuhav proti nam, y nashi gréhi poztavili jeszu! Premishlyavajte ovo nedusno télo, kak ovo razmerczvarjeno, y z-laztovitum kervjum poskroplyeno med nebom y zemlyum razpeto na krisu viszi! Premishlyavajte ovu z-ternyem korunenu glavu; ova z-ocztom y z-suchem napajana vuzla; ove z-chavli prebodyene ruke y noge; ovo z-kopjem prebodyeno szerdcze! Premishlyavajte z-jednum rechjum onoga zadnyega miloiztche pogleda, kojega nyegve vu szuzah plavajuche ochi na nasz hitaju! o jeli pri ovem pogledu, nebudesze y vu nashem szerdczu saloizt prebudila! budemoli negenyeni oztali? Jeli nebudemo pocheli z-Petrom nashe gréhe oplakati, nasha izlochinzta odurjavati? Jedno pazlyivo premishlyavanye onoga, kojega mi po grébih nashih zbantuvali

jeszmo, naj nasz vu buduchem vszigdar na pravo y zversheno posaluvanye giblye. Amen.

III. Dokànychanye Nàvuka.

Posaluvànye mora iz szerdcza, y sbog Boga vchinitisze.

Posaluvanye Dragi! je druga ztranka, koja k-sz. Shakramentu pokore potrebna je. Y nut kak pomiluvanya vredni jeszu oni lyudi, koji, poklamkam na naglom dushno zpoznanje szvoje zpitavali jeszu, niti vremena szî vzeti necheju, da pravo bi premislili, kada, y kak jako oni Boga zbantuvali jeszu; nego vre ztem zadovoljni jeszu, da ztanovite posaluvanya molitve ali iz knyige, ali na pamet zgovarjaju, prez da vu nuternom szerdcza szvoga salozi kakvu bi chutili! Ovakvo Posaluvanye Dragi! neje pravo posaluvanye; ar kakgod iz szerdcza, poleg szvedochantzva iztoga Zvelichitelya, zlochezte misli, lyudomorztva, praznozi, tatbine, kriva szvedochantzva, blaznozi y vszi drugi grèhi izhadyaju, (Màtt. 15.) ovak takaj iz szerdcza merzenye na grèhe izhadyati mora, da Boga najvekshe, nepreszesno y najlyubleneshe dobro z-nyim zbantuvali jeszmo.

Ali kak? koga zbantujemo mi, kada grèshimo? Jeli nezbantujemo ravno onoga, koj ne szamo vu szebi najlyubleneshi y najzversheneshi je, koj zato vszu lyubav od nasz zaszlusi, nego, koj takaj proti nam zevsهما miloztiven je, koj nam sívlenye dal je, koj nami ovo zdersaya, koj otchinzki za nasz zkerbi, koj dapache iztoga szvogà jednorodnyenoga szina prikazal, y nasz jednoch za naveke blasene vchiniti nakanil je? O Dragi! Ako morebiti do vezda iz nemarnozti razmishlya-

vanye ovakvo vchinili nészmo, tak posalujmó sze za ovu falingu, popravimo ovu, budimo pazlyiveshi vu zbudyavanyu posaluvanya, ter premiszlimo, koga zban-
tuvali jeszmó, ovak nasz sz. Shakrament pokore pravi-
cheshe y szveteshe vchinil bude, nego do vezda mo-
rebiti pripetilo sze je. Amen.

NÁVUK 30.

Od istinzkoga Obechánya.

PITANYE 1.

Kaj je istinzko obechanye?

Obechanye istinzko je tverdna volya svoje siolenye pobolyshati, y vech ne gréshiti.

Razláganye.

• Obechati znamenuje imati volyu kaj ^{1.} *Kaj istinzko obechanye je* vchiniti, ali oztaviti. Ali vnogiput imamo szamo jednu szlabu y neztalnu volyu; tak kak lèni, od kojega Duh szveti govori: *lèni hóche, y nèche*; (Prov, 12.) ali pako mi zszamemi vuztmi szî kaj napervo vzememo, prez da szerdczem ovako miszli; y ovo néje istinzko y tverdno obechanye. Istinzko obechanye nemora szamo z-vuztmi, nego takaj z-szerdczem vchiniti sze; ono nemora lalslyivo nego iztinito biti, y kada chlovek iz-

tinzki vu szerdczu kaj hoche, onda on rechi more: *ja imam ztalnu volyu*. Od ovud vre lahko je videti, kaj iztinzko obechanye je, koje k-Shakramentu pokore potrebno je.

2.

*Da sze nam
gréhi opro-
ztiju, tak
potrebno je
iztinzko o-
bechanye.*

Mi od Boga neproszimo iz shale nego iz iztine oproztchenye gréhov; mi moramo anda *pervich* iztinito obechanye vchiniti, kajti vu iztini oproztchenye gréhom proszimo. Mi szami radi nemamo, ako lyudi z-nami sze shaliju, y mi zaizto zbantuvanye onomu oproztili nebudemo, koj szebe iztinzki pobolyshati neche; kak bi mogel anda Bog komu zbantuvanye oproztiti, koj szebe iztinito pobolyshati neche? Ali morebiti Bog naj dopuzti, da sze z-nyim shalimo y igramo? Mi moramo anda *drugoch* iztinito obechanye vchiniti zato, kajti Bog nedopuzti, da sze z-nyim shalimo y igramo. Zadnich, vendar mi proszimo od Boga jedno ztalno oproztchenye; anda mora y obechanye nashe ztalno biti. Kaj tverdno néje, to né niti jako y ztalno; y ovo sze lahko povda, y porushi. Premiszlimo szamo terztinu; zakaj sze ona od vszakoga vetra szim tam giblye, y prehiti, neli zato kajti ona tverdno neztoji? Ovak takaj y obechanye ztalno nebude, ako ono iztinito y tverdno néje; mi moramo anda *trejtich* jedno iztinito obechanye zato vchiniti, kajti obechanye ztalno néje, ako ovo tverdno y iztinito néje.

3.

*Iztinzko o-
bechanye
kakvo biti
mora.*

Kakgoder posaluvanye nuterno zverhunaravzko, zverhu vszega, y obchinzko biti mora, ovak y iztinzko obechanye takvo biti mora. Ono mora nuterno, tojezt vu szerdczu, y ne szamo vu vuztih biti, ar prava

iztinitozt néje szamo vu vuztih, nego y vu szerdczu. Ono mora zverhunaravzko biti, tojezt: ono mora zbog Boga y po miloztchi Duha sz. vchiniti sze, kajti y oproztchenye gréhov zverhunaravzko je. Koj szî szamo zato napervo zimlye pokorneshi y marlyiveshi biti, da od szvojih Roditelyih kastiguvan nebude, on nema zverhunaravzko obechanye, ar kastiga Roditelyih je szamo jeden naravzki zrok. Obechanye mora biti zverhu vszega, tojezt; gréshnik mora hoteti rajshi vsza zgubiti rajshi vumreti, kak vishe gréshiti; ar drugach nebi gréshnik bolye Boga prestimaval, kak vsza na szvetu. Zadnich mora obechanye biti obchinzko, tojezt ovo mora sze na vsze gréhe prez iznimanya pretegnuti oszebito na vsze szmertne, kajti miloztcha poszvetchujucha z-nijednem szmertnem grehom szlositi sze nemore.

Kak obechanye biti more obchinzko jo-^{4.} *Kak obechanye biti more obchinzko raztolnachujezse.*
sche bolye vam raztolnachiti hochu. V. p. Chlovek vchinil je jednoga, dva ali vishe szmertnih gréhov, tak szî on napervo vzeti mora, da chez czelo sívlenye nijednoga vishe, vchinil nebude. Y ako on szamo jednoga josche vchiniti je nakanil, tak sze nyemu nijeden od vchinyenih oproztîl nebude. Ako pako koj chlovek szamo male gréhe ima, tak on y zverhu oveh jedno iztinzko obechanye vchiniti mora, drugach bi on odvezanye od gréhov prez iztinzkoga obechanya, anda nevalyano zadobil, y z-jednem velikem gréhom íz zpovedalnicze povrachal sze. Kada anda, vi Detcza! y szamo íz maleh gréhov zpovedate sze, tak morate vi vendar iztinzko Obecha-

ti, y oszebito szî napervo vzeti da navadu maleh gréhov oztaviti, ali one male grêhe popravitî hochete, koji vam pogibelneshi vidi-jusze.

5.
*Po chem sze
poznâ jedno
iztinzko o-
bechanye.*

Jedno iztinzko obechanye mora sze vu chinu pokazati, drugach nijeden zpameten chlovek nebude véruval, da mi iztinzku volyu imamo pobolyshati sze. Poztavemo, moja Detcza! jeden vasz pervi ali drugiput shupi, ter obechuje vam pobolyshanye, tak bi vi nyemu véruvali; ako on vasz pako trejti ali chetertiput zopet shupi, tak zaizto nyegvo obechanye za iztinzko dersali nebudete vi nyemu véruvali nebudete, kajti on szvoje obechanye vu chinu pokazal néje, y szebe pobolyshal néje. Ravno ovak, kada gréshnik visheputi obechuje, da sze pobolyshal bude, ter szebe vendar nepobolysha, tak je ovo znamenye, da nyegvo obechanye iztinzko bilo néje. Dobro drevo ochituje sze po szádu, y jedno iztinzko obechanye morasze vu chinu ali vu pobolyshanyu pokazati.

R a z g o v o r i.

1.

*Kaj je iztin-
zko obecha-
nye?*

Kada gdo volyu ima kaj vchiniti ali oztaviti, kak sze ova volya zove? V. p. Kada szî gdo napervo vzeme, da vishe lagati neche? Ako pako kaj szamo szlabo y dvojno hochemo, je to jedno iztinzko obechanye? — Kaj veli Duh szveti od lenoga chloveka? — Kak hoche leni? — Ima leni iztinzku volyu? —

Zakaj ne? — Ali ako sî gdo szamo z-vuzt-mi kaj napervo vzeme, je ovo iztinzka volya? — Mora jedno iztinzko obechanye szamo vu vuztih nahadyati sze? — Kada more jeden chlovek rechi: *ja imam ztalnu volyu?* Ako on kaj vu szerdczu iztinzki neche? — Kaj mora jeden greshnik sî iztinito napervo vzeti, da oproztchenye grehov zadobi? — Kaj je anda iztinzko obechanye, koje k-Shakramentu Pokore potrebujesze?

2.

Jeli mi proszimo od Boga szamo iz sha-
le oproztchenye grehov? — Zakaj moramo
anda *pervich* iztinzko obechanye vchiniti? —
Jeli mi to radi imamo, ako sze lyudi z-nami
shaliju y igraju? — Ali budemo jednomu
oproztili, koj sze pobolyshati neche? — Jeli
Bog onomu zbantuvanye naj oprozti, koj
szê pobolyshati neche? — Ali jeli Bog dopu-
tztcha, da sze z-nyim shalimo y igramo?
Zakaj moramo anda *drugoch* iztinzko obe-
chanye vchiniti? — Y jeli potrebujemo mi
szamo jedno vremenito oproztchenye? Ne
ztalno? — Nemora obechanye ztalno biti?
Zakaj ztalno? — Kaj sze lese prehiti, jeli
jedna terztina, ali jedno drevo? — Zakaj
jedna terztina? — Jeli bude obechanye ztal-
no, y tverdno ztalo, ako ono iztinito néje?
Zakaj moramo anda *trejtich* iztinzko obecha-
nye vchiniti? —

*Zakaj mora
obechanye
iztinzko biti
ako selimo,
da sze nam
grehi opro-
ztiju?*

3.

Kakvo mora biti iztinzko obechanye, ko-
je k-Shakramentu pokore potrebno je? —
Jeli je obechanye nuterno, ako ovo szamo

*Kakvo mora
biti iztinzko
obechanye?*

z-vuztmi chinisze? — Kada anda? — Ali jeli je prava iztina szamo vu vuztih? — Zakaj mora iztinzko obechanye takaj nuterno biti? Je oproztchenye grehov zverhunaravzko? — Zakaj mora iztinzko obechanye takaj zverhunaravzko biti? — Koj anda szamo zato sz napervo vzmlye, da marlyiveshi bude, da od Roditelyih nebude kastiguvan, jeli ovakov ima zverhunaravzko obechanye? — Zakaj ne? — Je kastiga Roditelyih jeden zverhunaravzki zrok? — Zbog koga moramo sz napervo vzeti vishe negreshiti? Kaj szî mora gréshnik predi napervo vzeti, jeli zopet greshiti, ali rajshi vumreti? — Y kaj szî mora greshnik napervo vzeti, jeli rajshi vsze na szvetu zgubiti, nego greshiti? — Kak je anda obechanye zverhu vszega? — Y ako obechanye zverhu vszega nebi bilo, jeli bi onda greshnik Boga zverhu vszega prestimaval? — Morali greshnik Boga zverhu vszega prestimavati? Zakaj mora obechanye biti zverhu vszega? — Kak je obechanye obchinzko? — Jeli nebi bilo dozta szamo zverhu nekojéh grehov obechanye vchiniti? Z-kojem szmertnem grehom szlasesze miloztcha poszvetchujucha? Zakaj sze mora obchanye na vsze szmertne grehe pretegnuti? —

4.

*Moramoli
zakaj zverhu
maléh gre-
hov obecha-
nye vchini-
ti?*

Kada chlovek iz treh ali chetireh szmertnih grehov zpovedasze, kaj mora szî on napervo vzeti? — Nego druge szmertne grehe vchiniti bi szî szlobodno napervo vzel? — Ali za dugem vremenom bi szî on szlobodno napervo vzel zopet greshiti? — Jeli bi sze nyemu zpovedani szmertni grehi oproztili, a-

ko on vu sívlenyu szvojem josche jednoga bi nakanil vchiniti? — Jeli napuni dushu miloztcha poszvetchujucha, ako ona vu szmertnom grehu nahadya sze? — Jeli ti miszlish, da jeden szmertni greh prez drugoga oproztchasz? — Zakaj ne? — Ako pako gdo iz szaméh maléh grehiv sze zpoveda, jeli on mora iztinzko obechanye vchiniti? — Jeli valya odvezanye grehov prez obechanya? — Jeli je to mali greh, ako gdo odvezanye nevredno prijemlye? — Kaj bi mi zakrivelí, ako mi iz malih grehov prez iztinzkoga obechanya bi sze zpovedali? — Jeli sze szmemo iz malih grehov prez obechanye zpovedati? Zakaj ne? — Kaj szí moramo pri maleh grehiv oszebito napervo vzeti? — Jeli nepripetcha sze tuliko puti, da mali grehi nam navadni naztaju? Y jeli szû nam vszi mali grehi jednako pogibelni? — Koje moramo oszebito tersziti sze besati? —

5.

Poztavimo, da tégdo vudri, y on tebe za oproztchenye proszi, bi ti nyemu oproztíl? Ali on to izto vchini trejti y chetertíput, bi ti nyemu oproztíl? — Ako on tebi pako bi obechal, da ovo nigdar vishe vchinil nebude, onda bi ti nyemu prez dvojímbe oproztíl? — Zakaj ne? — Bili ti nyegvomu obechanyu veruval? — Jeli mochi onomu chloveku vu iztini veruvati, koj vsze zmirom obechuje, ter vu chinu nikaj ne dersí? — Kada anda na zpovedi vsze zmirom pobolyshanye obechuje-mo, ter vendar nasz nigdar nepobolyshamo, kakvo je to znamenye? — Po chem sze po-

*Po chem sze
pozna jedno
iztinzko o-
bechanye*

zna jedno dobro drevo? — Y po chem pokasujesze jedno iztinzko obechanye? —

PITANYE 2.

Kak mora biti z-nutra zpravlyen on, koj tverdnu volyu ima pobolyshati sze?

Razlåganye.

1. *Greshnik mora biti zpravlyen, 1. da bude vsze grehe, kakti y blisnye prilike y pogibelyi grehov besal* Blisnya prilika gréha je ona, koja nasz najpredi vu gréh zapelya. V. p. jeden blazni, kuliko puti sze igra; ovde anda je igra blisnya prilika gréha. Nut, kaj stimate, bili on iztinzku volyu imal opadati, koj na zklizkom ledu bi derchal? Ali, imali on iztinzku volyu zgoreti, koj vsze holye ognju pribisavasze? Ravno ovak y on iztinzku volyu néma pobolyshati sze, koj sze vu priliku gréha povdava. *Koj anda tverdnu volyu ima pobolyshati sze, on mora biti z-nutra zpravlyen: da bude vsze gréhe, kakti y blisnye prilike, y pogibelyi grèhov besal.*

2. *Da sze bude vszem nagneniam na gréhe szuprotstavil.* Jedno dugovanye lyubiti y zkupa odurjavati né moguche. Koj k-gréhu josche nagnenye ima, on ovoga lyubi; y koj iztinzki nakanil je ovoga besati, on ovoga odurjava. Ovakvo nakanenye, ovakvo obechanye anda z-nagneniyem k-gréhu szlagati sze nemre. Zvun toga je zlochezto nagnenye koren gréha (1 Timoth. 6.) Moreli drevo dobroga szada nosziti, ako ovo zlochezto korenje ima?

Ravno ovak y chlovek pobolyshal sze nebude koj szvojem zlocheztem nagneniam sze ne szuprotztavlya. Koj anda iztinzku volyu ima pobolyshati sze, mora pripraven biti, da ne szamo gréha vishe vchinil nebude, nego da ovoga vishe nelyubil, vu nyim nikakvu dopadnozt nahadyal nebude y *da vszem nagneniam na grehe szuprotztavil sze bude.*

Mi nigdar nikakvoga czilya zadobili nebudemo, ako nachine k-tomu potrebne poprijeli nebudemo. Gdo more prez knjig, prez navuchitelya, prez razmishlyavanya kaj navchiti sze? — Gdo more prez papira, prez pera, y prez tinte kaj piszati? Ter néli, koj tverdnu volyu vchiti sze ima on za knige y za navuchitelya zkerbel sze bude? Y koj pravu volyu ima piszati, on za potrebna k-tomu zkerbel sze bude? Ravno ovak, koj tverdnu volyu ima pobolyshati sze, y miloztchu Bosju zachuvati, on pripraven biti mora, *vsze potrebne nachine na zachuvanye miloztche poprijeti.* Ovakvi nachini jeszu: molitva, chtenje pobosnih knjig, poszlushanye rechi Bosje vmarijanye chuteny y guzteshe prijemanye sz: Shakramentov.

8.
Y da vsze
potrebne
nachine na
zachuvanye
miloztche
poprijel
bude.

Visheputi iz gréha naztaju vszakoverztni zavezi. Ako gdo lyudzka poszvojil je, tak zavezani su ova povernuti. Je gdo komu na zpachku bil, tak je zavezan ovu zpachku popraviti, ter zpachenoga nazad na pravi put dopelyati. Je gdo komu na postenyu, na imetku, y na kakov drugi nachin kvara vchinil, tak zavezan je ovoga kvara nadomeztiti. Je gdo vu jalu; vu nepriatelztvu zkem sivel tak je zavezan z nyim pomiriti sze, y vszem

4.
Iz gréha vi-
sheputi do-
hadyaju za-
vezi.

szvojem nepriatelyom y zbantujuchem iz szerdcza oproztiti.

8.

Dusnozt je greshnika: vsze iz gréhov dokadyajuche zaveze izpuniti.

Prepuztchanye oveh zavezov je gréh. Koj tverdnu volyu ima pobolyshati sze, on mora pripraven biti, da vsze iz grehov dokadyajuche zaveze izpunil bude. Je gdo lyudzko poszvojil, tak néje zadozta, da szî on napervo vzeme, da vishe nikaj takvoga vchinil ne bude, nego on mora takaj pripraven biti, da vzeto nazad poverne. Je gdo blisnyemu szvojemu na zpachku bil, ali drugach skodil, tak né zadozta, da szî on napervo vzeme, da buduch nikoga vishe zpachil, ali nikomu vishe skodil ne bude, nego on mora pripraven biti, da zpachku, koju gréh zrokuval je, y kvara, koj blisnyemu na postenyu, imetku, ali kakov drugi nachin vchinil je, nazad popravi. Je gdo drugoga zbantual, tak né zadozta, da szî napervo vzéme, da nyega vishe zbantuvati neche; nego on takaj z-nyim pomiriti sze, nyega za oproztchenye prosziti, y nyemu za zbantuvanye dobrochinztva izkazati mora. Je pako gdo od drugoga zbantuvan, tak mora on drugomu oproztiti, nyega kak y predi pozdraviti, nyega vu potrebochi neoztaviti, za nyega Boga moliti.

9.

Grëshnik mora pripraven biti vszem dusnoztjam ztalisha szvoga zadozta vchniti.

Takaj prepuztchanye dusnoztih ztalisha je gréh. Koj tverdnu volyu ima pobolyshati sze, on mora pripraven biti, vsze dusnoztiztalisha szvojega izpuniti. Dusnoztidetcze jeszu, da ova szvoje Roditelye y predpozta-vlyene marlyivo poszluhneju, marlyivo vuchijusze, y marlyivo mezta ona pohadyaju, gde kaj dobroga navchiti sze moreju. Detcza moraju anda pripravna biti, da szvoje Ro-

dítelye, y predpoztaſtavyene vszigdar poſzluhneju, marlyivo ſze vuchiju, y marlyivo vu skolyu, na návuk kerztchanzki dohadajaju, y ovde paziju.

Razgovor i.

1.

Kaj je blisnya prilika gréha? V. p. Jeden blazni kuliko puti ſze igra, koja je blaznoti ovde blisnya prilika? — Jeli ti miſzliſh, *Moramoli pripravni biti blisnyu priliku gréha besati?* da on, koj na zklizkom ledu naglo derchi, néma tverdnu volyu opadati? — Jeli ima on tverdnu volyu zgoreti, koj vsze zmirom bolye k-ognyu pribliſava ſze? — Koj anda najblisneshi priliki gréha ſze povdava, jeli on ima tverdnu volyu gréshiti? — Na kaj naſz giblye blisnya prilika gréha? — Koj anda iztinzku volyu ima pobolyshati ſze, morali on blisnyu priliku greha besati? — Zakaj? — Koj anda pri igri vsze zmirom blazni, kaj mora on hoteti? —

2.

Koj gréha joſche lyubi, jeli on greha odurjava? Kaj mora pako on odurjavati, koj tverdnu volyu ima pobolyshati ſze? — *Moramoli pripravni biti vszem nagnenyam na gréhe szuprotztaviti ſze?* Moreli jedno dugovanye zkupa lyubiti y odurjavati? — Moreli tverdna volya pobolyshanya z-nagnenyem k-grehu szlagati ſze? — Kojemu nagnenyu mora anda on szuprotztaviti ſze, koj pravu volyu ima pobolyshati ſze? Moreli ono drevo dobroga szada noſziti, koje zlochezto korenye ima? — Jeli zlochezto

nagnenye né korenje gréha? — Moremoli anda pripravni biti vszem nagnenjam na grehe szuprotztavitisze? — Zakaj? —

3.

*Moremoli
zpravni
viti vsze po-
trebne na-
chine na za-
chuvanye
milostche
poprijeti?*

Moremoli k-Czilyu dozpeti prez da nachine poprijemlyemo? — Moreshli sze ti vuchiti prez knyige, prez navuchitelya? — Ali piszati prez pera, tinte y papira? — Kada anda gdo kaj navchiti sze hoche, za koja sze on najpervich zkerbeti mora? — Ali ako gdo piszati hoche, kaj najpervich prizkerbetiszi mora? — Jeli sze nahadyaju nachini za zachuvati milostchu Bosju? Koji szû ovi nachini?

4.

*Jeli iz greha
dohadyaju
visheputi
kakvi zave-
zi, tojext
dusnoxti?*

Jeli izhadyaju iz greha visheputi oszebujne dusnoxti? — Koj lyudzka poszvojil je, kaj je on zavezan vchiniti? — Koj drugoga zpachil je? — Koj blisnyemu skodil je, kchemu je on zavezan? — Koj proti komu nepriatelztvo vu szerdczu noszi, kaj mora on chiniti?

5.

*Moremoli
ove zaveze
izpuniti?*

Jeli je greh, ako gdo ove zaveze nezpuniti? — Jeli on ima tverdnu volyu pobolyshati sze, koj obechanye iliti zaveza zpuniti neche? — Ako anda iz grehov zavezi dohadyaju, kaj moramo vchiniti? — Kaj mora on vchiniti, koj lyudzka pri szebi ima? — Koj na zpachku komu bil je? — Koj kvara komu vchinil je? — Koj koga zbantuval je? — Jeli zbantuvani nyega za oproztchenye prosziti mora? — Ako pako mi od drugoga zbantuvani jeszmo, kaj moramo vchiniti? —

6.

Jeli je greh zamuditi dusnoztì ztalisha *Moramoli* szvojega? — Koj anda dusnoztì kakve ima, *prìpravni* k-chemu mora pripraven bìti? — Jeli nema *biti dusnoztì* vszaki chlovek szvojega ztalisha? — Ima an- *ztalisha na-* da y vszaki szvoje dusnoztì? — Zakaj? — *shaga izpu-* Kakve dusnoztì imaju detcza? — Koga mo- *niti?* raju poszluhnuti? — K-chemu vreme po- troshiti? —

I. Dokànychye Nàvuka.

*Szaul sbog szvoje nepokornozti od Boga
zahitava sse.*

Jednoch zapovedal je Bog Kralyu Szaulu po Pro- roku Szamuelu, du on proti Amalektanczom tabora naj podigne; ar ovo bilo je krivoverno lyudztvo, koje Izraelczom, kada vu Aegyptush ishli jeszu, szuprotztavilo sze y vnoga zla vchinilo je; zapovedano je bilo Szaulu, da niti lyudem niti marhi nyihovoj naj neoprozti. Kaj je vchinil Szaul? On szam zezbral je sherega, y znyim raztepel varasha y szela, ter ztanovnike zkonchal. Metemtoga kada on nyihove lepe chrede videl je, tak miszlil je, da kvar bi bilo ove zkonchati; on anda potukel je szamo najgorshe, lepszem pako je oproztil. Dapache, kajti vu ovom boju izti Amalektanzki Kraly Agag vlovlen bil je, tak oproztil je y ovomu.

Ova nepokornozt nésze dopadala Bogu, y zato rekel je Szamuelu: Szaul, neje vréden, da on duse Kraly vu Izraelu bude! on je meni nepokoren poztal, on je mene zametaval, y moju zapoved neizpunil; y ja sze od nyega odvernul budem, ja budem nyega Tronusha men-

tuval y nyega zahitil. O kak jako saloztila je ova nenadjana kastiga za Szaula ovega dobroga Szamuela!? On taki odishel je, y poizkal Szaula vu naztajih vojnickih. Szaul sham szobum zadovolyen, vidi proroka dohadajuchega, ide nyemu naproti, y pozdravlyanyega govorechi: Ja szém zapoved Gozponovu zpunil, ja szém vchinil koja meni Bog zapovedal je. Ali Szamuel koj bechanye ovacz y janczev chul je, kaj je rekel? O Kraly! jeszi ti zapoved Gozponovu zpunil? Jeszi ti vchinil, kaj tebi od Boga zapovedano bilo je? Kaj znamenuje krich ovacz y janczev y oztale sivine? Nikaj drugo, odgovori Szaul z-merzlem zprichavanyem; ja ove zato sive puztil jeszem, da nye Gozponu akduvati morem. Kaj ti miszlish, odgovori nyemu Szamuel: da Bog tak jako na ovakve aldove pazi? Znaj pokornost je vishe kak aldov, y zapoved Gozponovu zpuniti je vishe kak pitane jancze na Oltar donezti (1 Reg. 15.) Tiszti nyega zahitil, nyegvu zapoved ozkrunit, Kralya Agaga y nyegve chrede chuval, vezda je Bog tebe zahitil; ti nebudesh vishe Kraly Izraela, jeden drugi mezto tebe na ztoliczu kralyevzku ztupil bude. — Szaul preztrashil sze je, y zpoznal da je falil, ali on sze né pobolyschal, on zapoved Gozponovu né zpunil, on puztil je Agaga y nyegve lepe chrede sive. Y od ovoga vrémjena, o Bose! vu koje neszreche néje opal? Zchem vishe pako nyega Bog kastiguval je, ztem gorshi poztal je on, doklam on najzadnich pun zdvojnozti sham szebe zkonchal je.

Zpoznajte Dragi! vu ovem neszrechnem od Boga zahichenom kralyu kipa jednoga gréshnika koj poleg vszeh ochiveztih zapovedih Gozponovih, poleg vishe puti ponovlyenih opomenkih szvoga zpovednika; poleg tulikih nuternyih gibanyih szebe nigdar nepobolyscha, nego prepovedano pajdastvo z greshniki, y blisnyu priliku y pogibely gréha vszevdily lyubi; koj krivichno

zpravlyena nigdar ne povracha: szebe zhantujuchem nigdar iz szerdcza neopractcha, y k-pravomu pobolyshanyu potrebne nachine nigdar nepoprijemlye. Ah! kaj sze ima ovakov gréshnik drugo, kak Szaul nadjati? Kajti on zapoved Gozponovu vszevdily prekorachuje, kajti on poleg vszeh szvojih obechanyih vszigdar on ztari gréshnik oztaje, kajti on szvoje szebi najdragshe gréhe od zpovedi do zpovedi vszigdar ponavlya, tak bude Bog y od nyega szê oddrusil, y nyega zahitil; On nyega nyegvem nagneniam, nyegvem gréhom prepuztil, y nyemu vu szvoje porushenye opaztiti dal bude. O! da szamó neszrecha ova nijednoga zmed nasz doztignula nebi! nego da mi k-pravomu pobolyshanyu bi shetuvali; kajti, kak sz. Krizostomus veli: gde nikakvo pobolyshanye néje, niti pravo oproztchenye nadjati sze nemore. Amen.

II. Dokànychanye Nàvuka.

*Shavel obracha sze, y postaje marlyivi
Apostol Jesusha Kriztusha.*

Med nepriatelyi pervih Kerztchenikov najgorshi bil je ztanoviti Shavel, jeden zmed Farizeushev: jednoch putuval je on ravno, da kerztchenike preganya, vu Damaskush, vre preblisaval sze je on varashu, y videl zveszelyem mezto, vu kojem on vsze, kaj ime kerztchanzko noszi, polovil, y vu Jeruzalem na muke pelal bude; kada na jedenput iz neba jedna szvétlozt nyega obzterla y na zemlyu hitila je; preztrashen chuje on glasz iz neba; *Shavel! Shavel! zakaj mé preganyash?* (Actor. 9.) Shavel preztrashen odgovori: *Gozpone gdo szí ti? Ja jeszem Jesush,* odgovori on glasz pun iztinitozti y terplyivnoztí: *Ja szém Jesush koga ti pre-*

ganyash. Ti sze meni zahman szuprotztavlyash, y z-tvojum laztovitum skodum, kada mene preganyash. Miszlimo szî, Dragi! koja Shavel chutil je, kada on Ime Jesusha chul je. Obshanyen, zkrusheno, y od ztraha prevzet veli on vu vszoy poniznozti: *Gozpone! kaj hochesh, da vchinim?* Y Gozpon odgovori: *Ztanisze! hodi vu Varash, y tam ti povedali budeju, kaj vchniti imash*. Shavel ztal sze je, odpiral szvoje ochi, ali nikaj né videl, kajti odoné szvetlozti oszleplyen bil je. Prijeli szû gâ anda nekoji lyudi za ruku, y odpelyali vu Varash. Tri dnî terpela je nyegva szlepota, y chez ovo vréme nikaj né jel niti pil; nego on nepreztancze miszlil je na onu szvetlozt, y na onoga glasza, kojega chul je.

Vu Damaskushu bil je pako jeden Vuchenik Jesusha imenom Ananiash, ovomu bilo je od Gozpona zapovedano, da Shavla naj poische. Ananiash najduchi nyega, poztavil je ruke na Shavla, y rekel: *Shavel Jesush Gozpon, koj sze tebi na putu izkazal je, odkuda ti doshel jeszi, poszlal je menè, da ti pregledish, y pun Duha szvetoga poztanesh*. — Taki opale szû kakti ribje luzke iz ochih nyegoveh; on pregledel je, ztal sze, véruval vu Jesusha, dal sze kerztiti, y poztal iz najvekshega pregonitelya kerztchenikov selni Apostol y nazveztitely evangeliuma. Pregoni, bichuvanya, Vuze, kamenuvanye, glad, sziiromastvo, mech nikaj né bilo vu ztalishu nyega od lyubavi Bosje oddrusiti. *Ja szém szeguren*, veli on szam od szebe: *Ja szém szeguren, da niti sivlenye niti szmert, niti vezdashna niti buducha, niti nebo niti pekel, niti ogeny niti mech, niti bogatzvo niti sziiromastvo mene od lyubavi mogâ Boga razdrusiti moreju; koja vu Jesushu Kriztushu nashem Gozponu utemelyena je.* (Rom. 8.)

O Dragi! da bi obrachanye ovo Shavla, koj vezda Pavel ozivaše, pelda nashega preobernenya bilo! O ku-

liko puti je Bog y nasz po szvetlozti szvoje miloztche razszvetil? Kuliko puti po jednom szvojih szlusbenikov nashemu szerdczu govoril, da mi od nashega gréshnoga sívlenya naj odztupimo, y k-nashemu Bogu sze naj oberremo? Jeszmo ali mi ovoj szvetlozti miloztche nashe ochi odperli? Jeszmo mi glasza Bosanzkoga poszluhnuli? — Ah! tulike miloztche tulika nagovarjanya, ja szmem rechi, tulika obechanya, — malo ali chizto nikaj pri nami zrukuvala nészu! — O dabi anda vu buduchem, kuliko puti k-Shakramentu pokore nasz pripravimo, govorenje Pavla takaj govorenje nashega szerdcza bilo! Vezda, vezda jeszem ja pripraven, predi vszega spota y obshanozt, vszu potrebochu y sziro-mastvo podnezti, dapache izto sívlenje zgubiti, kak po grehu Boga vishe zbantuvati, y od nyega oddrusitisze. Amen.

III. Dokànychanye Nàvuka.

Nachini, vchinyeno Obechanye vérno obdersavati.

Zkoznujte y molite, krichal je jednoch Jesush Kri-ztush na gori Olivetanzki zpèchem vuchenikom: *zkoznujte y molite, da vu zkushavanye neopadnete*: y po oveh rechih, kaj je on nyim y nam drugo zapovedal, kak zkoznuvanye y molitvu? Tak je, zkoznuvanye je pervi nachin, da nazad vu zkushavanye neopadnemo, y da zlatni vu obechanyu oztanemo; zkonznujmo anda vszigdar; zkoznujmo, da szvet nasz nigdar vishe od Boga, y od dusnoztih proti nyemu nebude zdersaval; zkoznujmo, y' chuvajmo sze, da nash obchinzki nepriately nasz po szvoji vkanlyivozti vu zlo nezapelya; zkoznujmo zverhu nasz szameh, da mi prevech nashoj

laztoviti jakozti nevérujemo, ter morebiti hotoncze bli-snyem prilikam y pogibelyam gréhov nasz nepodámo. Zkoznujmo da neopadnemo vu zkushavanye, ter nasha vchinyena obechanya nepreterguemo, y nashu pokoru na nikaj nemechemo.

Molimo ali takaj, ar molitva je drugi nachin izti-nitoga obechanya. Molimo vu szerdczu, zmiszlimosze iz nashéh chetverih poszledyih, miszlimo na szmert, ko-ja, kak szegurna je, tak neszegurnu vuru zverhu nasz doshla bude; szmiszlimosze iz szúda, koj taki iztu szmert szledi, y nashega vekivechnoga ztalisha odluchila bude, miszlimo na pekel, koj vsze gréshnike z- szvojemi ka-stigami y mukami chaka; zmiszlimosze iz neba, koje Bog vszem onem obechal je, koji nyega sze bojiyu, y nyegve zapóvedi obdersavaju! Molimo takaj zvuna to-jezt z- vuztmi, molimo z- jednem Davidom: *Gozpone vchini vu meni jedno novo szerdcze; ponovi duha pravichnozti vu nuternom szerdcza mogá? — Juchi mé z-duhom szerdchenozti, ar onda ja szam gréshnike tvoje pute vuchil budem, y neverniki k-tebi obernuli sze budeju.* (Psal. 50.) Molimo z-onem gréshnikom vu evangeliumu: *Bose! miloztiven budi meni gréshniku!* (Lucæ 18.) Ja nigdar vishe tebe zbantuvati nechú, ja taki vsze lyudzko povernuti, y onem, koje ja vkanil jeszem, ovo vnogoverztuo nadomezítiti hochu. Moli-mo zadnich z- jednem Pavlom: *Gozpone! ti poznash podbod (stimulus) mojega téla, kak jako ov mene pre-ganya; ali ja proszim tebe, daj mî tvoju miloztchu, da on od mene odztupi, y tvoja moch vu mojoj szla-bochi zvershena poztane. Y Bog vashu proshnyu po-szluhnul bude, on vashu szlabochu objachil bude, ter miloztchu dal, da vi vu chinu dovershitè, kaj szî vu szerdczu napervo vzeli jezte. Amen.*

NÀVUK 31.

Od Zpòvedi.

PITANYE 1.

Kak je zpòved czèla.

Razláganye.

Zpovedatisze znamenuje, szebe zbog gré-^{1.} *Kaj je zpò-*
hov tusiti, y mi tusimo sze zato zbog nashih *ved?*
gréhov, da oproztchenye y odvezanye od o-
nèh zadobimo. Jesush Kriztush je szamo me-
shnikom òblazt odvezati od gréhov dal. Gré-
shnik mora anda pred pravedno odredyenem
Meshnikom zbog szvojih grehov tusiti sze, y
ako gréshnik zpokorjeno szvoje gréhe valuje,
onda nyega Meshnik odvesuje. *Zpòved anda*
nikaj né drugo, kak jedno saloztno valuva-
nye, po kojem szebe gréshnik pred Meshni-
kom na poszlushanye zpovedih od Poglavu-
rov odredyenom tusi, da odvezanye od gré-
hov zadobi.

Mali gréhi moreju po posaluvanyu, y po^{2.} *Iz kojch gré-*
chilih pokore izbriszati sze; (Trid. Conc. Sess. *hov navla-*
14. C. 5.) néje anda potrebno, da iz malih *ztito zpòve-*
gréhov zpovedamo szè. Ali szmertni gréhi *datisze mo-*
moreju narednem nachinom szamo po Shakra-
mentu pokore oproztiti sze; potrebno anda
je, da iz szmertnih gréhov zpovedamo sze.
Ako pako dvojimo, jeli jako ali malo gréshili *ramo.*

jeszmo, tak moramo y iz oveh zpovedati sze; ar ako y iz dvojnih szmertnih gréhov zpovedamo sze, tak nészmo vu pogibelyi, da kojega szmertnoga gréha izpuztimo.

3.

*Mi takaj iz
zpovedanih
rre gréhov
josche zpove-
dati sze
moremo.*

Vi vidite, moja Detcza! da lyudi visheputi vu letu szê zpovedaju. Vi szami idete ne szamo okolo vuzma, nego y visheputi vu letu k-zpovedi. Vi ali nemorate miszliti, da lyudi, koji sze zpovedaju, vszigdar na novo tesko grëshiju. Mi dusni szmô visheputi zpovedati sze, ako visheputi jako grëshimo; metemtoga ako sze visheputi zpovedamo, tak neszledi, da visheputi jako takaj grëshili jeszmo; ar mi takaj iz maleh gréhov, y vre iz zpovedanih gréhov zopet zpovedati sze moremo. Jeli nemorete vi Otcza vashega zbog jedne falinge visheputi za oproztchenye prosziti? Y jeli vi nedojdete ztem bolye vu miloztchu Otcza, zchem visheputi vi za oproztchenye proszite? Ravno ovak moremo y iz zpovedanih vre gréhov visheputi zpovedati sze, ter mi vsze bolye vu miloztchu pri Bogu dozveli budemo.

4.

*Kaj je vchi-
niti, ako od
zadnye zpove-
di nikaj
zagreshili
nészmo, ter
vendar zpove-
dati sze
selimo.*

Koj potlam kerzta nikaj nebi bil zagreshil, on takaj zpovedati sze nebi mogel, y Shakramenta pokore prijeti; ar Shakrament pokore je szamo za gréhe, y to za one gréhe, koje potlam kerzta vchinili jeszmo, pozta-vlyen. Vendar more sze pripetiti, da od zadnye zpovedi nikakvoga gréha vchinili nészmo. Vu ovom pripetchenyu, ako Shakrament pokore prijemati hochemo: potrebno bi bilo, da iz ztaroga vre zpovedanoga gréha, zpovedamo sze; takaj, ako sze od zadnye zpovedi szamo kojeh maléh gréhov krivcze znamo, tak jednoga ztaroga vre zpovedanoga gréha

pridati bi morali, szamo, da nashe posaluvanye iztinzkeshe bude.

Meshnik mora gréhe szuditi, y primernu ^{5.} *Kak zpored czela bude.* pokoru nalositi; ovo pako on vchiniti nebi mogel, ako gréshnik zversheno nebi sze zpovedal; zpoved anda mora biti czela. *Zpoved je pako czela onda, kada gréshnik od vszeh gréhov josche nezpovedanih pred zpovednikom zversheno, y iztinzko tuisze, kaksze je znashel krivcza po marlyivom zpitavanyu dushnoga zpoznanya.* Mi sze pako zversheno onda tusili budemo, ako felu, broja y okolicze nashih gréhov na zpovedi ochitujemo; ter vendar ovo né nemoguche. Néli, kada na koga szerdimo sze, y nyega tusimo, onda vsze od nyega povedati znamo, mi znamo, kaj, kulikoputi, y na kakov nachin on to vchinil je. Moremo anda drugoga chloveka tak zversheno tusiti, tak moremo nasz szame takaj zversheno obtusiti.

6. *Kaj to znamenuje: iz fele gréhon zpovedatitze.* Mi moramo iz vekshih gréhov zpovedati sze; pri velikih gréhih moramo anda felu, broja y okolicze gréha ochituvati. Iz fele gréhov zpovedati sze znamenuje, povedati, kaj zagréshili jeszmo. *Gréh je* vu obchinzkom *jedno dragovoljno prekershenye zapovedi Bosje*; zapovedi Bosje pako jeszu razluchne, tak kak y fela gréhov razluchna je. Jeszmo mi vu krivoverztvu, ali nezvershavamo mi vu pravom vrémenu chin vére, úfanya y lyubavi; tak gréshimo proti pervi zapovedi Bosji. Jeszmo nepokorni nasheim ztareshem ali predpoztaulyenem, tak gréshimo proti cheterti zapovedi. Tuchemo ali szerdimo mi blisnyega nashega, tak gréshimo proti peti zapovedi.

Schloissnigg Iztine Vére Del. III.

11

Takaj ako nam szamem po nashi lenozti ali nemarnozti skodimo, tak gréshimo proti peti zapovedi. Vchinimo mi kvara blisnyemu nashemu, tak gréshimo proti szedmi zapovedi. Lasemo, ali govorimò zlo od drugoga, tak gréshimo proti oszmi zapovedi. Da anda iz fele gréhov zversheno sze zpovedamo, tak potrebnò je, da takaj zversheno povemo, kaj vchinili jeszmo.

7.

Kaj to znamenuje: iz broja gréhov zpovedati sze.

Iz broja gréhov zpovedati sze znamenuje povedati, kulikoputi zagréshili jeszmo. Zaizto velika je razluka, ako jedenput, dvaputi ali triputi jako zagréshili jeszmo. V. p. Ako mi bi bili jednoga chloveka pred tremi ali chetiremi postenya mentuvali; tak nemoramo szamo rechi, da blisnyemu postenye vzeli jeszmo, nego mi takaj povedati moramo, pred kulikemi ovo vchinili jeszmo: ali mi bi bili jeden czeli meszez vu nepriatelztvu zkem sivei, tak né zadozta ovo nepriatelztvo ochituvati, nego mi takaj vréme povedati moramo, kak dugo ovo terpelo je. Ako mi broja gréhov za ztalno povedati neznamo, tak barem povedati moramo jeli ovoga ali onoga gréha vszaki dan, vszaki tjedep, ali meszecz, ali morebiti visheputi vu danu, vu tjednu ali meszeczu vchinili jeszmo.

8.

Kaj to znamenuje: iz okolicz gréhov zpovedati sze.

Oholicze gréhov na zpovedi ochituvati znamenuje oszobu, mezto, vréme, nachiná gréhov povedati. Mi moramo ali szamo one okolicze povedati, koje gréhe povekshavaju ali premenyaju. Tathina od shezt forintov je takaj jedna velika tatbina, ali tatbina od dvanaajzt forintov je vnogo veksha; ovde moramo anda povedati kuliko komu vzeli jeszmo,

kajti gréh po tom povekshava sze. Poztavi gdo ruku na szvoga Otcza, tak gréh po okoliczi oszobe vekshi poztaje. Jeszmo mi vu Czirkvi nemirni, tak poztaje gréh vekshi po okoliczi mezta. Zdersavamo mi koga od vuzmene zpovedi, tak premenyasze gréh po okoliczi vréméná. Vzimlyemo mi komu postenye po zmi-shlyeni lasi, tak premenyasze gréh po okoliczi nachina. -- Ovak anda nebi bilo zadozta povedati: ja szém drugoga tukel; ja szém bil nemiren; ja szém drugoga zdersaval od zpovedi; ja szém drugomu postenye vzel; nego morati je rechi: ja szém mogá Otcza tukel; ja szém vu Czirkvi nemiren bil; ja szém jednoga od vuzmene zpovedi zdersaval; ja szém jednoga po laslyivozti postenya mentuval.

Predi, nego iz nashih gréhov zpovedati sze pochimlyemo, tak klekne sze, napravi-sze kris, y prosisze zpovednik za szveti blagoszlov. Onda moli sze, ako vréme dopuztcha, obchinzka zpoved, y povedaju sze gréhi odperto y rozumlyivo tak, da nye szamo zpovednik, ne pako okolo ztojechi chuju. Ako zpovednik kaj pita, tak nyemu odgovoriti moramo. Las nigde né szlobodna, y josche menye na zpovedi. Kada vsze povedali jeszmo, onda moliti sze mora posaluvanye.

9.
Kaj je vchiti na zpovedi?

R a z g o v o r i.

1.

Kaj zoamenuje zpovedati sze? — Jeli sze mi zverhu nashih dobrih chinih tusimo na zpovedi? — Y zakaj sze gréshnik zverhu szvo-

Kaj je zpo-ved?

jih gréhih tusi? — Kaj, da zadobi? — Komu je Kriztush oblazt dal odvezati od gréhov? — Pred kém sze gréshnik tusi? — Y ako gréshnik zkrusheno szvoje gréhe valujé, kaj onda chini Meshnik? — Kaj je anda zpoved? —

2.

*Iz kojéh gré-
hov moramo
sze zpove-
dati?*

Morejuli sze mali gréhi szamo po Shakra-
mentu pokore odpuztiti? — Ne takaj po
posaluvanyu? — Jeli je pótrebno iz malih
gréhov zpovedati sze? — Po chem narednem
nachinom odpuztchajusze szmertni grébi? —
Iz kojéh gréhov navlaztito zpovedati sze mo-
ramo? — Zakaj iz szmertneh? — Ako pako
dvojimo, jeli szmertno gréshili jeszmo, jeli
y onda tusiti sze moramo? — Szmemoli sze
vu pogibely poztaviti, kojega velikoga gréha
izpuztiti? —

3.

*Moremoli
takaj iz vre
jedenput
zpovedanih
gréhov zopet
zpovedati
sze?*

Jeli sze lyudi visheputi vu letu zpoveda-
ju? — Jeli sze zato zpovedaju, kajti vszigdar
jako zagréshili jeszu? — Moramoli sze vishe-
puti zpovedati, ako szmertno gréshimo? —
Moramoli ali zato y visheputi szmertno gré-
shiti, ako zpovedati sze hochémo? — Mora-
moli számo iz szmertnih gréhov zpovedati sze?
— Ali ako sze vre jedenput iz kojega gréha
zpovedali jeszmo, jeli sze iz ovoga visheputi
zpovedati nemremo? — Moreshli ti Otcza
tvoga za oproztchenye jedne falinge visheputi
prosziti? — Jeli po tom bolye vu miloztchu
dozpel budesh? — Jeli pri Bogu bolye vu
miloztchu dozpemo, ako sze iz nashih gréhov
visheputi zpovedamo? — Zakaj moremo sze
anda iz vre zpovedanih gréhov zopet zpove-
dati? —

4.

Koj potlam kerzta chizto nikaj zagréshil nebi bil, jeli ovakov Shakrament pokore prijemati bi mogel? — Zakaj ne? — Je Shakrament pokore za pravichne? — Jeli odhraztcheni lyudi prez vszakoga gréha siveju? — Moreli sze ali pripetiti, da od zadnye zpovedi nikaj zagréshili nészmo? — Ako anda vu ovakvem ztalishu zpovedati sze bi hoteli, kaj bi morali chiniti? — Ali ako od zadnye zpovedi szamo jednoga, ali drugéh maleh gréhov nasz krivcze bi zpoznali, ter bi hoteli zpovedati sze, kaj bi morali vchiniti? — Jeli nashe posaluvanye nebude iztinzkeshe, ako kojega ztaroga vre zpovedanoga gréha pridali budemo? —

*Kada iz vre
zpovedanik
gréhov zopet
zpovedati
sze mora-
mo?*

5.

Gdo mora vu zpovedalniczi gréhe szudití? — Moreli Meshnik pravo szuditi, ako sze gréshnik zversheno nezpoveda? — Kakva mora anda bíti zpoved? — Zakaj czèla? — Kada je zpoved czèla? — Gdo sze pako zversheno tusi? — Jeli on, koj szamo obchinzki veli, ja szém zagréshil; ter niti felu, niti broja niti okolicze gréha nepoveda? — Jeli je to tesko zversheno tusiti sze? — Ako koga iz jala tusimo, jeli onda koju zmed nyegvih falling zamuchali budemo? — Moremoli anda drugoga chloveka zversheno tusiti? — Zakaj anda y nasz szame zversheno tusiti mremo? —

*Kak je xpo-
ved czèla?*

6.

Iz kojeh gréhov moramo sze oszebito zpovedati? — Od kojeh gréhov moramo anda felu, broja y okolicze povedati? — Kaj to

*Kaj to zna-
menuje: iz
fèle gréhov*

*zpovedati
sze?*

znamenuje: iz fele gréhov zpovedati sze? — V. p. Jeden veli: Ja szém zagréshil, nepoveda pako kaj, jeli sze on zpoveda iz fele gréhov? — Kaj je gréh vu obchinzkom? — Jeszu vsze zapovedi jednake? — Jeli sze anda vishe fele gréhov nahadyaju? — Zakaj? — V. p. Ako gdo kune, blazni, proti koji zapovedi greshi? — Ali ako gdo po kakvem vekshem delu szvetka ozkruni, proti koji zapovedi greshi? — Ali ako gdo szvojem ztreshem y predpoztaavljenem pokoren néje? — Ali gdo szvoga blisnyega tuche? — Ali sze na nyega szerdi? — Ali bi bili koga vu imetku vkanili? — Ali bi bili lagali? — Ali komu postenye vzeli? — Ter jeli szamo z-chinom greshiti, moremo? — Jeli moramo anda povedati, jeli z-mishlenyem, z-govorenyem ali z-chinenyem zagreshili jeszmo? —

7.

*Kaj to znamenuje: iz
broja gréhov
zpovedati
sze?*

Kaj to znamenuje, iz broja gréhov zpovedati sze? — V. p. Jeden bi bil zlochezte miszli imal, on pako nebi povedal, kuliko puti, jeli ovakov zpovedasze iz broja gréhov? — Kada Boga vishe zbantujemo, jeli onda kada jedenput, ali kada visheputi greshimo? — Moramoli anda iz broja vekshih gréhov zpovedati sze? — Zakaj? — V. p. Ako gdo zmed nasz komu postenye bi bil vzél pred tremi drugemi, kaj bi on moral na zpovedi rechi? — Jeli szamo to: ja szém postenye vzél mojemu blisnyemu? — Ali mi szmô sze czeli meszecz na blisnyega szerdili, jeli budemo szamo na zpovedi rekli: ja szém sze szerdil na drugoga? — Ako broja gréhov

pravo povedati neznamo, kaj moramo onda vchiniti? —

8.

Kaj sze razmeva po okoliczi gréha? — *Kaj to znamenuje: iz okolicz gréhov xpovedati sze?*
Oszoba, mezto, vreme, nachin, jeszu ovo okolicze? — Koje okolicze gréhov moramo na zpovedi ochituvati? — Povekshavajuche y premenyajuche? — Jeli tatbina od shezt forintov jedna velika tatbina? — Koja tatbina je pako znamenujucha veksha, jedna od shezt ali jedna od dvanaizt forintov? — Jeli je vre dozta, ako jeden tat pove, da on veliku tatbinu vchinil je? — Zakaj mora anda on povedati, kuliko on vkral je? — Jeli sze tatbina po vnosini dugovanya ne povekshava? — Jeli je vsze jedno, ako gdo szvogâ Otza, ali koga drugoga vudri? — Po kakvi okoliczi sze ovde gréh premenya? — Jeli je vsze jedno vu Czirkvi ali na yuliczi nemirnomu biti? — Kakva okolicza ovde gréha premenya? — Kaj bi morali rechi, ako vu Czirkvi nemirni bili jeszmo? — Jeli je vsze jedno, ako koga k-vuzmu, ali koj drugiput od zpovedi zder-savamo? — Po koji okoliczi sze ovde gréh premenya? — Kaj bi morali anda na zpovedi rechi? — Jeli je vsze jedno, ako komu na jeden iztinzki, ali na laslyivi nachin postenye vzimlyemo? — Po kakvi okoliczi sze ovde gréh premenya? — Kaj bi anda morali na zpovedi rechi, ako komu na laslyivi nachin postenye vzeli jeszmo? —

9.

Kaj vchinimo predi nego sze iz nashih *Kak sze moramo pri iztoj xpovedati* gréhov zpovedati hochemo? — Kak mora gréshnik na zpovedi szvoje gréhe povedati?

di zadersa-
vati?

Kada pako nashe gréhe povedali jeszmo, kaj onda vchiniti moramo? — Kak sze zpoved dokancha? —

PITANYE 2.

Kaj mora chiniti gréshnik, koj na zpovedi velikoga gréhu holoncze, all iz gréshne nemarnozti je zalajil?

Razláganye.

1.

Zpoved ja nevalyana, ako gréshnik velikoga gréhu iz gréshne nemarnozti zamuchi.

Ako gdo vu rachunu broja kojega izpuzti, tak vre vchinyena je falinga, y rachun nikaj nevalya; nego znova rachunati sze mora. Zpoved takaj je jeden rachun od gréhov; ako jednoga szmertnoga gréha izpuztimo, tak zpoved nikaj nevalya, mi novu vchiniti moramo. Koj pako jednu nevalyanu zpoved vchini, tak on Shakramenta pokore, y odvezanye Meshnika nevalyano prijemlye, y ozkrunuje po tom szvetoga Shakramenta pokore. Koj anda po gréshni nemarnozti na zpovedi velikoga gréha zamuchi, on vchini novoga velikoga gréha.

2.

Kaj on vchiniti mora, koj nedusnem nachinom velikoga greha na zpovedi zamuchi,

Mi moremo nedusnem nachinom; mi moremo takaj kastige vrednem nachinom velikoga gréha na zpovedi zamuchati. Na nedusni nachin zamuchimo gréha, ako on po marlyivem zpitavanyu dushnoga zpoznanya na pamet nedojde. Na kastige vredni nachin zamuchimo mi gréha, ako ovoga iz gréshne nemarnozti zamuchimo, ali iz szrama nevalyujemo. Koj na nedusni nachin velikoga gréha

na zpovedi zamuchi, on szamo iz zatajenoga gréha, kak on vu vrémenu nyemu na pamet dojde, zpovedati sze ima, y ako ov nyemu pred pricheztjum na pamet dojde, tak sze iz nyega pred pricheztjum zpovedati mora.

Koj pako kastige vrednem nachinom velikoga gréha na zpovedi zataji, on dusen je ne szamo zatajenoga gréha valuvati, nego takaj povedati y ochituvati: *1. Na kuliko zpovedih onoga gréha je zatajil. 2. Mora ponoviti vsze zpovedi po zamuchanom gréhu vuchinyene. 3. Mora ochituvati, jeli, y kulikoputi vu ovem ztalishu szvetoga oltarzskoga Shakramenta prijel, y jeli sze to vu vrémenu vuzmenom pripetilo. 4. Valuvati mora, jeli vu takvom ztalishu koj drugi Shakrament prijel; v. p. Bermanye, Krizmanye, hisni zakon. Ar onda vre ove Shakramente je ozkrunil.*

8.
Kaj on vchniti mora, koj kastige vrednem nachinom velikoga gréha na zpovedi zamuchi.

Zpoved nevalya szamo onda, kada koj szmertni gréh kastige vrednem nachinom zamuchi sze, nego y onda, kada gdo pri zpovedi nikakvu pravu salozt, y nikakvo iztinzko nakanenye pobolyshati sze néma. Koj sze visheputi zpoveda, ter sze nepobolysha, on nema iztinzko obechanye; ar iztinzko obechanye pokasuje sze vu pobolyshanyu (Nàvuk 30. pit. 1.) Veliki navadni gréshniki zpovedaju sze, y opadaju vszigdar vu one izte velike gréhe, oni anda nemaju iztinito nakanenye pobolyshanya, y zato je nyihova zpoved nevalyana. Da anda jeden veliki navadni gréshnik valyano sze zpovè, tak mora on vsze zpovedi, koje on vu navadnom gréshnom ztalishu szvojem vchinil je, ponoviti; kajti vsze

4.
Zpoved takaj nevalya szbog pomenkanya posaluvanya.

ove iz pomenkanya posaluvanya y iztinzkoga obechanya nevalyane bile jeszu.

5.
Kada obchinzka zpoved potrebna je.

Ako od dusešhega vrémena, ali od czeloga sivlenya zpovedi ponovimo, tak sze ovo zove jedna *obchinzka zpoved*, (*Generalis confessio*). Onem, koji duse vrémena, ali morebiti chez czelo sivlenye szvoje nevalyano zpovedali sze jeszu, je obchinzka zpoved jako potrebna; navlaztito je jedna obchinzka zpoved jedenput ali dvaput vu sivlenyu hasznovita, oszebito pri premenanyu ztalisha, iz jedne ztrani, da vsze dvojnoztii preztaju, iz druge ztrani, da posaluvanye gréhov poveksha sze.

R a z g o v o r i.

1.

Jeli zpoved valya, kada iz gréshne nemarnoztii koj veliki gréh zamuchi sze?

Znashli ti kaj zrachunati? — Jeli tvoj rachun valya, ako kojega broja izpuztish? — Kaj morash vchiniti, ako vu rachunu falel jeszi? — Je zpoved takaj jeden rachun? — Kakov? — Jeli valya zpoved ako gdo kastige vrednem nachinom kojega velikoga gréha zamuchi? — Koj Shakrament ozkrunjesze potom? — Y kaj chini on greshnik, koj na zpovedi Shakrament pokore ozkrunuje? —

2.

Kaj mora chiniti on, koj na zpovedi na nedusni nachin kojega velikoga gréha zamuchi?

Moremoli y na nedusni nachin velikoga gréha na zpovedi zatajiti? — V. p. nam po marlyivem zpitavanyu dushnoga zpoznanya veliki koj gréh ne dojde na pamet, kak zamuchamo mi ovoga gréha? — Na kastige vredni nachin? — Koj na nedusni nachin kojega ve-

likoga gréha na zpovedi zatajil je, jeli on czelu zpoved ponoviti mora? — Y ako nyemu zatajeni gréh josche pred pricheztjum na pamet dojde, bili on josche zpovedati sze moral? — Koj pako na kastige vredni nachin, tojezt iz gréshne nemarnozti kojega gréha zataji, jeli je y on nedusen? — Y koj iz szrameslyivozti velikoga gréha zamuchi, je on nedusen? Gdo zamuchi anda gréha na kastige vredni nachin? —

3.

Koj na kastige vredni nachin velikoga gréha zatajil je, mora on szamo iz zatajenoga gréha zpovedati sze? — Kaj mora on *pervich* valuvati? — Poztavimo da on gréha ovoga na vishe zpovedih zatajil je, kaj bi moral on povedati? — Jeli sze né on tulikoputi nevalyano zpovedal, kulikoputi on gréha zatajil je? — Zakaj bi moral anda on povedati, na kuliko zpovedih on gréha zatajil je? — Y ako on vu vishe zpovedih zbog velikih gréhov bi sze bil tusil, kaj bi on moral vchiniti? — Ali poztavimo, da je on vu ovem ztalishu visheputi oltarzki Shakrament prijel, kaj bi moral povedati? — Bili on moral povedati, jeli sze to okolo vuzma pripetilo? — Ali poztavimo, da je on vu ovem ztalishu Bermanye, Krizmu prijel, ali vu hisni zakon ztupil, jeli je on ove Shakramente vredno prijel? — Morali anda on takaj to povedati, jeli on vu ovem ztalishu kojega drugoga Shakramenta prijel? — Zakaj? — Kaj mora anda on chiniti, koj na zpovedi velikoga gréha hotoncze, ali iz greshne nemarnozti je zatajil? —

Kaj mora chiniti gréshnik koj na zpovedi velikoga gréha hotoncze, ali iz gréshne nemarnozti zatajil je?

4.

*Jeli zpoved
szamo onda
nevalya,
kada veliko-
ga gréha na
kastige vre-
dni nachin
zatajimo?*

Jeli zpoved számo onda jedino nevalya, kada kojega velikoga gréha zatajimo? — Potavimo, da nijednoga gréha nezamuchimo, nego da szamo pravo posaluvanye y iztinzko obechanye nam bi pomenkalo, jeli bi valyala zpoved? — Jeli znash ti, kaj to rechi hoche: navadni greshnik? — Kak sze on zove, koj vszigdar vu on izti gréh pada? — Jeli on ima iztinito obechanye, koj vszevdily greshi? — Zakaj ne? — Jeszu anda zpovedi jednoga navadnoga greshnika valyane? — Zakaj ne? — Kaj moramo anda vchiniti, kada nevalyano zpovedali sze jeszmo? — Moramoli nevalyane zpovedi ponavlyati? — Kaj mora anda jeden navadni greshnik gledech na szvoje nevalyane zpovedi vchiniti? —

5.

*Kaj je
obchinzka
zpoved?*

Kaj szém rekel od obchinzke zpovedi? — Kaj je to obchinzka zpoved (Confessio generalis). Komu je pako potrebna? — Onem, koji sze guzto puti zpovedaju? — Ali, koji sze vszigdar zversheno zpovedaju? — Komu je pako obchinzka zpoved navlaztito hasznovita? — Jeli vishe puti vu siviljenu nyu vchiniti moramo? —

I. Dokánochanye Návuka.

*Adam krivnyu pervoga gréha hita na Evu,
Eva pako na kachu.*

Vi znáte, kak szrecchen ztalisz pervih Roditelyih bil je; kak zversheno zdravi, kai. prqzti od vszeh tra-

plényih, kak zadovolyno y veszelo oni vu Paradishu sively jeszu. Vi takaj znate, kak kratko vréme ov nyihov szrechni ztalish terpel je, y kak oni po laztočiti krivnyy iz verhuńcza szvoje prevelike szreche vu glublyinu vsze nevolye opali jeszu. Oni najmre prekeršhili jeszu zapoved Gozponovu, kada od szada prepovedanoga jéli jeszu. Komaj pokushali szû ovoga, tak vre pochutili szû, kak zlo vchinili jeszu; perva neduspozt, vu koji ztvorjeni bili szû, bila je zgublena; mir vezti, proti kojemu vsza veszelja nikaj nészu, je zniknul; oni jeden drugoga neszu szmeli vishe z-veszeljem pogledeti, oni szramovali szû sze jeden pred drugem, dapache, oni pocheli szû sze onoga, koj nye ztulikemi dobrochintvi y veszeljami nadelil je, bojati, kajti nyega poszluhnuli nészu. Na kratkom, oni imali szû jedno zlochezto dushno zpoznanye, kajti zagreshili bili szû, ter zkrivali szû sze pod drevje y germje, da morebiti od Boga nevidiju sze, y zbog szvojih gréhov krivczy nepoztanu.

Metemtoga kaj sze je pripetilo? Kak jako Adam y Eva pred nazochnoztjum Gozponovuń zkriti sze terszili jeszu, tak malo nyegvomu vszevidlyivomu oku vujti jeszu mogli. *Adam!* krichal je Bog: *gde szii?* — Ovo je tvoj glasz, o Gozpone! odgovoril je Adam: ah nezovi me, ja sze nepodufam pred tvoje ochi dojti, kajti gól jeszem, zato szém sze zkril. *Gdo je tebi povedal,* pital je Bog, *da ti gol jeszi? jeszi ti od dreva jel, od kojega tebi prepovedal jeszem?* Zakaj szii to vchinil? — *Sena,* odgovoril je Adam, *koju ti meni za pajdashiczu dal jeszi,* mē je na to napelyala, *ona dala mī je od dreva, y ja szém jel.* Ovde onda rekkel je Bog Evi: *Zakaj szī tò vchinila? Zakaj tergala szī ti od prepovedanoga dreva szada? Zakaj szī dala od ovoga takaj musu tvojemu jēzti?* O Gozpone! odgovorila je Eva: ja zkorom szama neznam, kak sze to

pripetilo je, ja poleg tvoje zapovedi nakanila szêm, da od ovoga dreva nikaj jela nebudem, ali nut, kacha doshla je k- meni, y rekla mî, da ov szâd nebi skodlyiv bil; koj od nyega bi jel, da on tak muder bi postal, kak izti Bog, da szamo naj pogledim drevo, kak ovo lepo je; jedên tak lyubljeni szâd zaizto skodeti nemre. Onda pogledela szêm drevo, y z chem bolye ovo pogledala jeszem, ztem bolye dopadal sze je meni nyegov szâd. Ja véruvala szem kachi, szledela nyenoga tolnacha, prusila ruku, vtergla szâda, jela y dala mojemu musu jezti od ovoga. Kacha anda *mé je vkanila.* (1. Mois. 3.)

Nut! Dragi! ovak vre prvi lyudi zprichavaju szvojega gréha, ovak porinul je Adam krivnyu na Evu, Eva pako na kachu. Da bi Bog dal, da y med nami tuliki sze nebi nahadyali, koji pri valuvanyu szvojih gréhov vu Shakramentu pokore na zpodobu prvih lyudih nepreztancze krivnyu szvojih gréhov na druge hitaju; ter ovak zkorom nigdar ponizno y zversheno zpovedaju sze! Ali morebiti to ponizno y zversheno zpovedatisze znamenuje, kada zbog gréhov nashih vu zpovedalniczi sze tusimo, ter taki jezero zprichavanyih napervodonashamo? Kada zroka szerditozti y kletvih navadno na zlocheztu detczu; na tverdokornu drusinu, na naztorne zkupblisnye hitamo? Ako mus krivnyu vszevdilyne neszloge vu hisi na sènu, sèna na musa hita? Kada mladi lyudi zroka szvojih pregréskih prevelikem zkushavanyam duha peklenzkoga, szlabocham téla szvoga pripishuju? — Ovo zaizto neznamenuje zkrusheno y zversheno zpovedati sze. Terszimo sze anda, da vszigdar ponizno nashe gréhe valujemo, da vszigdar iztinzki sze zpovedamo, y da vszigdar prez szrama povemo, kaj szloga vchinili jeszino, da ovak opravichimo sze. *Ar ako mi nashe gréhe zpoznamo,* veli Janush (1. Epist. c. 1.) *tak je Bog véren y pravi-*

chen, da on nam gréhe oprozti, y nasz od vszake kricze ochizti. Amen.

II. Dokànehanye Nàvuka.

Jesush ochizti Gubavoga, y poshilya nyega k-Aldovnikom.

Kada Zvelichitely vu koj Varash ali mezto doshel je, tak veszelili szû sze sziromaski betesniki, y dali szû sze k-nyemu nosziti, da od nyega zvrachiju sze. Szamo gubavi imali szû oszebujne teskoche, da dobrotivnozti Jesusheve delniki poztanu: ar ovakvi nevolyni nigde vu hisah terpeli sze nészû, vszaki nye je hesal, da szamo od nyih ovoga betega nebi dobil. Jeden ovakov nevolyni videl je jednoch Jesussha czestum iduchega, y prepoznal je nyega. O kak rad bi bil on k-Jesushu priztupil, *ali* on néje szmel; ar z-Jesushem bili szû lyudi, koji nyega blise priztupiti nebi bili puztili. Kaj je anda vchinil? On hitil sze je na kolena, y zdalka krichal je Zvelichitelyu: *Gezpone, ako hochesh, moresh mé ochiztiti.* (Matth. 8.) Jesush, na meztu da odide, priztupil je blise k-nyemu, tak da sze nyega doteknuti je mogel, drugi bisze bili bojali ovo vchiniti; Jesush ne, on doteknul sze je nyega prez ztraha da szè zaszmradi. *Ja hochu*, veli on, *ja hochu, ludi chizt!* y taki zniknul je beteg, nevolyni bil je od szvoje gube ochiztchen, ter niti naj menshega kaj od ove néje bilo vishe videti.

Metemtoga, kajti poleg zapovedi Mojsesheve ovakvi gubavi od Aldovnika pregledavati sze jeszu morali, koj nye, ako nikakva znamenya od gube znashel néje, za chizte ochituval je; tak zapovedal je y Jesush ovumu ochiztchenomu, da naj ide, y da sze naj Aldovniku pokase, ter vu zapovedi Mojseshevi prepiszanoga Aldo-

va naj vchini. *Hodi, pokasi sze Aldovniku, y aldaj dara, kojega zapovedal je Mojsesh.* Ochiztcheni vchinil je, kaj nyemu Jesush zapovedal je, odishel, ochituvav szvojega ztalisha Aldovniku. Aldovnik pregledal je nyega; y valuval nyega chiztoga.

Jeli je potrebno Dragi! da vam obilneje raztolnachim, koja iz ovoga evangeliumzkoga pripetchenya navchiti sze moremo? Vi znate kam ovo czilya, kaj ovo znamenuje; vi znate, da guba tela kip gréha, y da gréshnik vu ochih Bosanzkih jedna odurnozi je. Vi znate, da kagoder gubavi Aldovniku sze pokazati je moral, da ov nyegov beteg pregledi, da izrechka szvogá vchiniti more, da ovák y gréshnik poleg zapovedi Jesushve gubu dushe szvoje Meshniku pokazati, y ochituvati mora, hochu rechi, da on szvoje gréhe zkrusheno pred Meshnikom valuvati, y iz oveh zpovedati sze mora da odvezanya od oveh zadobi. Naj bude takaj, Dragi! da valuvanye ovo gréshniku tesko sze vidi, nyega obshani, y ponizi; zadozta je da ravno ovo valuvanye nyemu blasenzstvo donasha, nyega od gréhov ochizti, y nyemu zgublenu miloztchu nazad podeluje. — Ja vasz opominyam, dapache ja vasz proszim, budite iztiniti kulikoputi k-zpovedalniczi sze priblisavate, y zbog vashih gréhov pred nameztnikom Jesusha sze tusite; ochitujte nyemu najotajneshe rane dushe vashe; ochitujte nyemu najzkrovneshe hmanyoche vashe, nikaj pred nyim nezkrijte, ar koj hmanyochu szvoju zkriva, veli mudri Shalamon, onomu nigdar dobro ishlo nebude; koj pako ove valuje, y od oveh odztupluje, on zadobi miloztchu. (Prov. 28.) Amen.

III. Dokànychane Nàvuka.

Lastovitozi dobre, zpovedi.

Zpoved, kak chuli jezte, mora biti ponizna y zvershena. Zpoved mora biti ponizna; ar ako poleg szvedochantzva szvetoga Petra, szamo poniznem miloztcha Bosja podelyiva sze, kuliko vnogo bolye ova poniznozt nebude sze potrebuvala od jednoga gréshnika, koj po Shakramentu pokore pri Bogu oproztchenye szvojih gréhov zadobiti seli? Vre izto ime jednoga pokoruchinechega gréshnika kaj ovo drugach rechi hoche, kak jednoga zkrushenoga poniznoga chloveka? — Kaj je gréshnik, koj vu zpovedalniczu ztupluje, da gréhe szvoje valuje drugo, kak jeden bogecz, koj pri Bogu, pri ovem nepreszesno velikem vszamoguchem Gozponu, za jednu zmed najveksih y nezaszlusenéh miloztchih proszi: jeden krivecz ozkrunenoga y zbantuvanoga Velichantzva, koj oproztchenye szvojih gréhov izprosziti hoche; — jeden zlotvorecz, jeden sziomaski gréshnik koj od szvojih velikih prekershenyih zversheno vputchen, szvoj lastoviti tusbenik postaje, da po szvojem tusenyu odvezanye y miloztchu sivlenya zadobi. Anda kak ponizno mora nyegvo valuvanye biti, koje on od szvojih gréhov vu zpovedalniczi vchini.

Ali zpoved takaj zvershena tojezt czela biti mora; ar ovo je odperti nàvuk Tridentinzkoga zpravischa; (Sess. 14. 7.) Y kak temeljiti je ov Nàvuk? ar kada Zvelichitely szvojem Apostolom y nyihovem nasljednikom Meshnikom, oblazt dal je, da gréhe odpuztchaju, ali zadersiju, tak prez dvojmbje je hotel, da oni ovu oblazt primerno y zpametno naj potrebuju; Otczi ovoga zpravischa hoteli szû, da Meshniki dobro naj znaju, komu oni gréhe odpuztiti, y komu ove zadersati imaju. Nut pako, kak bi mogli oni to znati, ako gréshnik od vszehr szvojih gréhov jedno razlosno y zversheno

valuvanye vchinil nebi? Ako on takaj iztu felu, broja y okolicze szvojih gréhov iztinito ne ochituje? Ako on ono, kaj od nyegyih grehov iztinito je, kakti iztinito, y ono kaj dvojno je, kakti dvojno na zpovedi povedal nebude?

Zpovedajte sze Dragi! zpovedajte sze vszigdar poznizno, tusite sze z-pravum saloztjum Zpovedniku, zashitavajte vsza nepotrebná zprichavanya, y podlosite sze nyegvomu izrechku tak, kak sze krivecz izrechku szvoga szudcza podlositi mora. Zpovedajte sze zvershenó, tusite sze zverhu vszeh josche nezpovedanih gréhov pred zpovednikom tak podpunoma, iztinito y prez zkazlyivozti, kak vasz po marlyivem zpitavanyu dushnoga zpitavanya krivcze znashli jezte. Vi nemate zroka na zpovedi szramuvati sze, ali bojati sze; ar vi takaj szramuvati sze nezte gréshiti pred Bogom, koj vsza vidi, neztesze bojali Boga, koj vsze naplacha, y anda vasz za naveke odhititi bi bil mogel; k-tomu, jeli néje bolye, gréhe szvoje vu zkrovnóm jednomu zpovedniku valuvati, koj szam z-szlabochami obtershen je, y zato zadovolynoga zroka ima, z-greshnikom pomiluvanye imati, koj vsza, koja na zpovedi chuje, pod szmertni grech y pod najostreshum vrémenitum y vekivechnum kastigum zamuchati dusen je? Jeli ne bolye, velim ja, jednomu takvomu szudczu otajno szvoja prekershenya valuvati, kak vu gréhih nemirno siveti, neszrechno vumreti, y na zadnyem szúdu pred vszem szvetom obshanyenomú poztati? Amen.

NÁVUK 32.

Od zadowolyschine, y Proztchenya.

PITANYE 1.

Kaj sze razmeva po zadowolyschini, koja k-Shakramentu pokore je potrebná?

Po zadowolyschini, koja k-Shakramentu Pokore potrebná je, razmevajusze chini za pokoru, od xpo-vednika pokorniku dani.

Razláganye.

Morebiti ztê vi szami vre zpoznali, ali videli, da jeden, kada od drugoga zbantuje-sze zadowolyschinu potrebuje; y pravo je; zbantuvanomu vchinyena je krivicza, on more anda nadomeztchenye potrebuvatí. Zakaj bi moral gdo spotnicze ali vudarcze dobrovolyno podnashati? On bude potrebuval, da sze za oproztchene proszi, ali da mû sze káj plati, ali bude drugu koju kastigu od krivicza potrebuval. Ovi chini iztina je, nészu kriviczu povolyni, nego teski y nepovolyni; ali zbantuvanomu takaj bilo je zbantuvanye tesko y nepovolyno; tak mora anda y krivecz teske chine zvershiti, y on mora tak dugo y tulike teske chine zvershiti, doklam zbantuvanomu zadowolyno krivicza nadomeztchena je. Ako anda tuliko teskih chinih zvershimo, do-

1.
Kaj po zadowolyschini razmevasze.

klam zbantuvani zadovolyno naplatchen je, tak sže ovo *zadovolyschina* zove, y chini teski, koje za nadomeztchenye krivicze zvershimo, zovú sže *zadovolyschina*.

2.

*Gréshniki
moraju za-
dovolyschini
Kriztusha
pripomagati*

Gréshnik po gréhu chini Bogu kriviczu, kada on zapovedi Bosje zametava, ter krivicza ova neizmerno je velika, kajti zbantuvani Bog neizmerno velik je. Nashe jakozti nészu nepreszesne; mi za gréhe nigdar zadozta vchiniti nebi bili mogli. Jesush Kriztush, kajti on Bog y chlovek je, je za gréhe nashe zadozta vchinil. Metemtoga, ako Otecz duge szina szvogá zplatcha, tak hoche on vendar, da y szin naj platcha, kuliko more, y ovo je dusnozt szina, kajti on duge napravil je. Ravno ovak je Jesush Kriztush nashe duge pri Bogu zplatil; on krivicze nazad je popravil, koje Bogu vchinyene hile szú; metemtoga gréshniki vchinili szú duge pri Bogu, oni vchinili szú kriviczu Bogu, oni moraju anda zadovolyschini Kriztushevi pripomagati, tojezt, oni moraju takaj platiti y zadovolyno vchiniti, kuliko moreju.

3.

*Bog takaj po
oproztcheni
krivnyi jo-
sche vréme-
nitm nachi-
nom kasti-
guje.*

Vu Shakramentu pokore opraztcha nam Bog krivnyu, y vekivechnu kastigu. Metemtoga jeden dobri otecz ako on taki kajajuchemu detetu opraztcha, tak on ovo vendar prez kastige nepuztcha. Ravno ovak ako taki Bog gréshniku vu Shakramentu Pokore krivnyu y vekivechnu kastigu opraztcha, tak kastiguje on vendar po oproztcheni krivnyi josche vrémenitem nachinom. Od toga peldu imamo vu Izraelcizih. Izraelczi visheputi morguvali szú proti Bogu. Bog oproztzil je nyim na proshnyu Mojsesha nyihovu krivnyu, poleg toga

kastiguval je on nye vendar ztem, da cheter-deszet let po puztchini bluditi jeszu morali, y da od obechane zemlye izklenyeni bili jeszu. Y ako Bog y vu ovom sivlenyu vremenitem nachinom nekastiguje, tak kastiguje on vendar gréhe, za koje na ovom szvetu zadovoljili nészmo, vu drugem sivlenyu; ar nahadyasze purgatorium, mezto vremenitéh kastig.

Ove vrémenite kastige moremo mi po zadovolyschini izbriszati. Néli, kada mi szrebernoga peneza zmenyati hochemo, tak tuliko od drugéh penez za ovoga dati moramo, kuliko szrebro chini? Ravno ovak, kada vrémenitu kastigu izbriszati hochemo, tak tuliko chinov pokore zvershavati moramo, kak vrémenite kastige chiniju. Mi metemtoga nemremo znati, kuliko vremeniteh kastig pred Bogom krivczy jeszmo, zato moramo anda zadozta vchiniti, kuliko moremo. Od ovud lehkoprevidetimorete zroka, zakaj gréshnik Bogu zadovolyschinu vchiniti dusen je, akoprem Kriztush za gréhe zadozta vchinil je. Gréshnik je takaj dusen Bogu zadovolyno vchiniti, poklamkam Kriztush vre zadovolyno vchinil je za gréhe, 1. Kajti hotejuchi zadovolyschine Kriztusheve delniki poztati moraju pripomagati y szami, kuliko je moguche, zadozta vchiniti zaradi krivicze Bogu vchinyene. 2. Kajti Bog gréshnike, kojem oproztil je gréhe, y kastigu vekivechnu, visheputi vrémenito kastiguje.

Ako mi nam szamem chine pokore napoztavlyamo, tak je ovo jedna dobrovolyna zadovolyschina. Kada nam pako Meshnik ove vu Shakramentu pokore nalase, tak je ovo

4.
Gréshniki
dusni szu za
gréhe zado-
volyschinu
vchiniti po-
klamkam
Kriztush za
gréhe zado-
volyschinu
vchinil je.

5.
Vu Shakra-
mentu po-
kore napo-
ztavlya chi-

*ne pokore
Meshnik.*

jedna szvetozkrovna (Sacramentalis) zado-
volyschina. Mi moremo nam szamem chine
pokore nalagati, kuliko hochemo, ali vu
Shakramentu pokore nemremo nam szamem
chine pokore napoztavlyati, kajti mi vu Sha-
kramentu pokore nashi szúdczi nészmo. Mesh-
nik je vu Shakramentu pokore szúdecz, on
more pokoru napoztavlyati, ar on chini na
meztu Boga. Bog ali takaj po oproztcheni
kriviczi josche vrémenito kastiguje, on potre-
buje chine pokore, da sze zbantuvanye nado-
meztu, koje nyemu po gréhu vchinyeno je.
Po zadovolyschini anda, koja vu Shakramen-
tu pokore potrebuje sze, razmevaju sze oni
chini, koje zpovednik gréshniku zbog zpove-
danih gréhov za pokoru napoztavlya. Vi mo-
rete ali vre iz oveh, koja vam do vezda po-
vedal jeszem, razmeti, da zadovolyschina Sha-
krementa pokore ne morebiti oproztchenye
gréhov, ali vekivechnéh kastig, nego szamo
vremeniteh kastig zrokuje; ar krivicza y ve-
kivechna kastiga po odvezanyu Meshnika, ali
po Shakramentu pokore odpuztchajusze.

6.
*Chini, koj
vu Shakra-
mentu po-
kore napo-
ztavlyaju-
sze.*

Chini pokore vszigdar poleg mere gréhov
napoztavlyati sze moraju. Koj vishe je zagre-
shil, on takaj vekshu pokoru na sze vzeti mo-
ra, Oszebujneshi chini pokore jeszu: molitva,
pozt, delenye almustva. Pod molitvum nera-
zmeva sze szamo vuztna, nego y nuternya
molitva, oszebito dobro Nekanenye, z-kojem
vsze teskoche iz lyubavi proti Bogu podnasha-
mo. Kriztush szam veli, *da onomu vishe sze
odpuztilo bude, koj vishe lyubil je* (Luc. 7.)
Po poztu razmeva sze vszako vmarjanye téla,

po Almustva davauyu pako razmevaju sze vszi telovni y duhovni chini miloszerdnosti.

Napoztavlyena pokora 1. Z-poniznem szerdczem zvershiti sze mora; tojezt: mi moramo véruvati, da nalosenu pokoru pravo zaszlusili jeszmo. 2. Napoztavlyena pokora verno zvershiti sze mora; tojezt: mi neszmemo nikaj premenyati ali izpuztiti. Mi vu Shakramentu pokore nikakvu pokoru nam szamem nalositi nemremo, tak anda niti kaj premenyati moremo. Ako anda nam pokora nemogucha sze vidi, tak Zpovednika za premenanye ové prosziti moramo. 3. Obdersavati moramo vréme, koje Zpovednik za zvershavanye pokore prepiszal je. Ako anda Zpovednik nam napoztavlya, da chez tri tjedne y pak zpovedati sze moramo, tak zpoved na vishe tjednov odvlachiti neszmemo. Ako pako Zpovednik za zvershavanye pokore nikakvo vréme ne prepishuje, tak onda ovu prez odvlachenya, kak najberse je moguche, zvershiti moramo.

7.
Kak napoztavlyenu pokoru zvershiti moramo.

R a z g o v o r i.

1.

Ako koga prez zroka zbantujemo, jeli on muchal bude? — Jeli sze zbantuvanomu pravo vchini? — Moreli zbantuvani nadomezhtchenye potrebuвати? — Zakaj? — Jeli zbantuvanoga nebudemo morali za oproztchenye prosziti? — Jeli sze nam ova kastiga lehka vidi? Jeli zbantuvani szamo lehke chi-

Kaj sze razmevapo zadovolyschni?

ne za nadomeztchenye potrebuje? Koje chine moramo anda za nadomeztchenye krivicze vchiniti, kada koga zbantovali jeszmo? — Mislizh ti, da sze zbantuvanomu krivnya lehka videla je? — Zakaj mora anda y zbantujuchi teske chine na sze vzeti? — Y ako zbantuvani premalo zadovolyschine ima, jeli on z-ovum zadovolyen bude? — Nego kada? — Kada anda tuliko teskih chinov zvershimo, doklam zbantuvani zadozta zadovolyschine ima, kak sze to zove? — Ne vchinimo zadovolyno? — Kaj razmeva sze anda po zadovolyschini? —

2.

Morali gréshnik pri-pomagati, ako on zadovolyschine Kriztusha delnik pozatati hoche?

Komu Gréshnik chini kriviczu? — Kak je velika krivicza, koja sze Bogu po gréhu chini? — kak velik je zbantuvani Bog? — Jeszu y nashe jakozti neizmerne? — Jeli bi bili mogli mi za gréhe zadozta vchiniti? — Zakaj ne? — Gdo je za nashe gréhe zadozta vchinil? — Zakaj je Kriztush za nashe gréhe zadozta vchiniti mogel? — Jeli je on szamo chlovek bil? — Jeli visheputi dobri Otercz duge szvogâ szina zplacha? — Jeli ali szin nikaj platil nebude, ako on kaj platiti more? Jeli je Otercz duge napravil, ali Szin? — Zakaj mora y Szin platiti, kuliko more? — Gdo je nashe duge na szé vzél, koje mi pri Bogu vchinili jeszmo? — Gdo je kriviczu nadomeztíl, koju mi Bogu vchinili jeszmo? — Gdo je pako pri Bogu duge napravil, y nye-ga zbantoval? — Morali gréshnik pripomagati, ako on Zadovolyschine Kriztusheve delnik pozatati hoche? — Zakaj? —

3.

Kada mi potlam kerzta gréshimo, po kojem Shakramentu Bog nam kriviczu y kastigu opraztcha? — Jeli visheputi jeden dobri Otec szvojemu kojajuchemu detetu opraztcha? Ali jeli on ovo chizto nikaj ne kastiguje? — Kaj chini jeden dobri Otec szvojemu kojajuchemu detetu? — Kaj more anda Bog po oproztcheni kriviczi vchiniti? — Y jeli Bog y vu iztini koga potlam oproztchene krivicze vremenito kastiguje? — koja pelda nasz to vuchi? — Kak szû Izraelczi proti Bogu zagréshili? — Je Bog nyim gréha oproztzil? Y jeli nye chizto nikaj né kastiguval? Kak je Bog Izraelcze kastiguval? — Y ako Bog nasz y vu ovem sivlenyu nekastiguje, jeszmo mi zato vre prez kastege? — Gde kastiguje Bog ako on y vu ovem sivlenyu vremenito nekastiguje? —

Jeli Bog y po oproztcheni kriviczi josche vremenito kastiguje?

4.

Moremoli vendar vremenitu kastigu izbriszati? — Po chem? — Jeli Bog nashu zadovolyschinu ne prijemlye? — Kada mi pako jednoga szrebernoga peneza zmenyati hochemo, kuliko maléh penezov za ovoga dati moramo? — Y ako vremenitu kastigu Bosju izbriszati hochemo, kuliko moramo chinih pokore zvershiti? — Moremoli pako znati, kuliko vremeniteh kastig mi nasz pri Bogu krivicze vchinili jeszmo? — Kuliko moramo anda pokore vchiniti? Zakaž szû anda gréshniki dűsni zadovolyschinu vchiniti, pokedob Kriztush vre zadovolyno je vchinil za gréhe? —

Iz kojega zrpka dűsen je gréshnik zadovolyschinu vchiniti, pokedob Kriztush vre zadovolyno je vchinil za gréhe?

5.

Gdo vu Shakramentu pokore pokoru napoztavlya?

Kada nam Meshnik vu Shakramentu pokore zadovolyschinu napoztavlya, kak sze zove ova zadovolyschina? — Kada mi szami pako nam dobrovolyno jednu zadovolyschinu nalosimo, kak sze ova zove? Moremo mi nam dobrovolyne chine pokore nalositi? — Moremo ali y vu Shakramentu pokore nam szamem chine pokore nalositi? — Zakaj ne? — Jeszmo mi szami nashi szudcz i onda? — Ne go gdo je szudecz? — Gdo more anda chine pokore nalositi vu Shakramentu pokore? — Y jeli Bog nepotrebuje zadovolyschinu, kada on nam opraztcha? Na chijem meztu posztuje Meshnik vu Shakramentu pokore? — Mora Meshnik za zpovedane gréhe chine pokore nalositi? — Zakaj? — Kaj sze anda razmeva po zadovolyschini, koja k-Shakramentu Pokore potrebna je? Jeli ali Meshnik chine pokore na odpuztchanye gréhov napoztavlya? Po chem sze krivicza y vekivechna kastiga opraztchaju? Kaj sze pako po zadovolyschini opraztcha? Zakaj anda Meshnik chine pokore napoztavlya?

6.

Koji chini napoztavlyajusze za pokoru vu Shakramentu pokore?

Gdo mora vishe pokore vchiniti? — Poleg kakve mere moraju sze anda chini pokore nalositi? — Koji chinî napoztavljaju sze vu Shakramentu pokore? — Kaj sze razmeva po molitvi? Szamo vuztna molitva? — Ali ako iz lyubavi proti Bogu vsze teskoche podnashaju sze, je to pokore chin? — Kaj veli Kriztush, komu sze vishe, komu pako meny e odpuztchalo bude? — Moremoli an-

da po goruchi lyubavi vrémenitu kastigu izbri-
szati? — Zakaj? — Kaj še razmeva po po-
ztu? — Moremoli še šamo vu jélu vmarja-
ti? — Vu vidu y chujenyu morebiti ne? —
Kaj še razmeva po davanyu almustva? —
Jeli blisnyemu šamo z-penezi szlusiti more-
mo? — Ne takaj po drugéh chinih miloszer-
dnoztí? —

7.

Kak še mora zvershiti napoztavlyena *Kak še mo-
ra zvershiti
napozta-
vlyena po-
kora?*
pokora? — Jeli on ima ponizno szerdce, koj
stima, da nalosenu pokoru zaszlusil néje? —
Gdo zvershi anda nalosenu pokoru z-poni-
znoztjum szerdca? — Gdo zvershi pokoru
véno? — Koj kaj od ove zpuztcha, ali pre-
meni? — Moremoli mi szami pri zpovedi po-
koru nam nalositi? — Zakaj neszmemo mi na-
losenu pokoru premeniti? — Ako anda komu
nalosena pokora teska še vidi, kaj mora
vchiniti? — Moramoli takaj vréme obdersa-
vati, koje Zpovednik za pokoru prepishuje?
— Ako pako Zpovednik nikakvo vréme ne-
prepishuje, kada moramo onda pokoru zver-
shiti? —

PITANYE 2.

Kaj je Proztchenye?

*Proztchenye je odpuztchenye vrémenite kastige, koja
po odpuztcheneh grehéh ali vu sivlenyu, ali po
szmertí podnezti bisze mòrala.*

Raslaganye.

*Oproztchenye znamenuje tuliko kak od-
puztchenye, y mi potrebujemo odpuztchenye*

1.

*Kaj rech:
Oprozt-*

*chenye
znamenuje.*

onoga, kaj nam tesko y nemoguche je. Ako komu tesko je, dàchu platiti, tak proszi on odpuztchenye dache; ako komu kakvo dèlo pretesko sze vidi, tak potrebuje on odpuztchenye dela; ako komu kastiga, kòju podnezti bi moral, preteska je, tak potrebuje on odpuztchenye kastige, z-jednum rechjum, kak razluchna preteska dugovanya jeszu, ovak razluchna jeszu y odpuztchenya oveh. Neprilichneshega y teseshega nam nikaj videti sze nemré kak gréh y vekivechna kastiga, zato potrebujemo mi navlaztito oproztchenye gréha y vekivechne kastige, koje mi takaj po Shakramentu pokore zadobivamo.

2.

*Razluka
negdashne, y
vezdashne
zadovolys-
schine vu
Shakramen-
tu pokore.*

Metemtoga nam y vremenite kastige, koje potlam oproztchene krivnye podnashati imamo, teske sze vidiju. Bog potlam oproztchene krivnye josche; vremenite kastige za nasz chuva. Czirkva takaj vu Shakramentu pokore kastige nam napoztavlya, da Boga vtishimo, y vremenite kastige Bosanzke izbrishemo, kak vre danasz vu pervom pitanyu chuli jezte; vi morate takaj znati, moja Detca! da zadovolyschina vu Shakramentu pokore negda na daleko drugi nachin bivala je, nego vezda. Vezda zadovolyschina vu Shakramentu pokore vchini sze potlam odvezanya zpovednika; negda pako pred odvezanyem zpuniti sze je morala. Vezda za pokoru ne nalosijusze tak dugi y teski chini; negda pako nalosili szû sze dugi y teski chini. Pokora terpela je poleg mere gréhov vnogiput vishe let, dapache czelo sivlenye, do szmertí. Chez vréme pokore morali szû gréshniki oprave pokore nosziti, moliti, poztiti, almustva dava-

-ti; oni nészu szmeli k-pricheztchanyu pri-
ztupiti, ali takaj odperta mezta razveszele-
nyih y goztchenyih pohadyati. Ov nachin za-
dovolyschine bil je vu Czirkvi chez dvanáizt
ztotin let vu navadi.

3.

Vu ovom ztalishu pokoru chinechi gréshni-
ki proszili szû za odpuztchenye szvoje teske
vrémenite kastige; y ovo visheputi zadobili
jeszu. Vre sz. Pavel je jednuga Korintiancza
zbog prekershenya shezte zapovedi Bosje, z-
ovakvum kastigum nadelil; ali on nyemu za
jednem letom na proshnyu kerzchanskoga
zpravisha vu Korintu odpuztchenye podelil
je. Kaj sz. Pavel vchinil je, to izto vchinili
szû potlam y drugi Biskupi. Oni prekratchu-
vali szû pokoruchinechem gréshnikom gledech
na nyihovu marlyivozt vu zvershavanyu po-
kore, y na proshnyu sz. Muchenikov nyihove
kastige, dapache vu priliki pogibelyi szmerti
ali pregonov odpuztili szû Biskupi takaj vi-
sheputi czelu vremenitu kastigu pokore.

*Pokoru chi-
nechi gré-
shniki dobi-
vali szû ot-
puztchenye
Kastig.*

4.

Nut, ovo odpuztchenye vrémeniteh ka-
stig, koje gréshnik poleg zapovedih Czirkve
podneztí bi bil moral, imenuje sze: *Prozt-
chenye*. Sz Pavel podelyil je nechiztomu ali
pokoruchinechemu Korinthianczu proztchenye.
Biskupi perve Czirkve podelyili szû pokoru-
chinechem gréshnikom visheputi proztchenya,
y Czirkva ima od Kriztusha oblazt zavezati y
odvezati gréhe; ar Kriztush odperto veli szvo-
jem Apoztolom (Matth. 18.) *Vsze, kaj na
zemlyi zavezali budete, to zavezano bude y
na nebu, y vsze, kaj na zemlyi odvezali bu-
dete, to odvezano bude y na nebu.* Tak mo-
re anda Czirkva ne szamo vrémenite kastige

*Prava Czir-
kva Jesusha
K. ima od
Kriztusha
oblazt
proztchenye
podelyiti.*

pokore nalositi, nego y odpuztiti, anda ima prava Czirkva od Kriztusha oblazt proztchenya podeliti.

5.

Kaj kerztcheniki katoliki od Proztchenya veruvati moraju.

Ali Czirkva dobila je vszu szvoju mōch od Kriztusha szamo za vekivechno zvelichenye dush; anda y oblazt proztchenya szamo za vekivechno zvelichenye dushe szlusiti more. Kaj na vekivechno zvelichenye dushe szlusi, to je hasznovito, kruto hasznovito je anda Proztchenya od Czirkve podelyena zadobiti. Nut vu ōveh imate vsza, koja kerztcheniki katoliki od Proztchenya veruvati moraju. Najmre: Kerztcheniki katoliki moraju od proztchenya veruvati, 1. Da prava Czirkva dobila je oblazt od Jesusha Kriztusha Proztchenya deliti. 2. Da kruto hasznovito je Proztchenya od Czirkve podelena zadobiti.

6.

Kaj chini proztchenya jeszu.

Kada pako Czirkva oblazt ima Proztchenya podelyiti, tak more ona takaj pogodbe iliti ztanovite chine prepiszati, koje zpuniti moramo, da Proztchenye zadobimo. Ovakvi chini zoveju sze chini proztchenya, y oni poztavlyeni szû zvekshinum vu ztanovitēh molitvah, poztu, y almustva podelyivanyu. Mi vszigdar lese zvershavamo menshe, kak tese-she chine; chini proztchenya iztina je jeszu takaj chini pokore, ali vendar ne tak teski, kak chini ztarinzkēh pokore naredbih; ovak imamo vszigdar po proztchenyu jednu veliku polekchiczu.

7.

Da proztchenya zadobimo, jak ne zudozta, da szamo napozta-ctiyene chine

Ali Czirkva od negda szamo marlyivem pokornikom proztchenya podelila je, y vezda josche prepishujesze, da proztchenye szamo pravem pokornikom podeliti sze ima. Kriztush nikaj tak jako ne preporuchal, kak vre-

dne chine pokore. Czirkva nasz od zversha-
vanya pokore odvezati nemre. Szamo, kajti
nashe jakozti zadozta nészu, da tuliko po-
kore chinimo, kuliko nashi gréhi zaszlusiju,
tak hoche Czirkva po proztčenyih nashoj ne-
moguchnozti, ne pako nashoj lenozti vu po-
kori, pripomagati Da anda proztčhenya za-
dobimo, tak né zadozta, da szamo chine
proztčhenya zvershimo, nego y mi szami tu-
liko pokore vchiniti moramo, kuliko mogu-
che je.

*proztčhenya
ispunimo.*

Nahadyajusze obilna y neobilna Prozt-
čhenya. Obilno oproztčhenye je odpuztča-
nye vszeh kastig vrémeniteh po gréhih zaszlu-
seneh. Proztčhenye neobilno je ono, po ko-
jem neopraztchaju sze vsze kastige vremenite,
nego szamo jedna ztran oveh: takova prozt-
čhenya jeszu 40 dnevov, jednoga, ali vishe
lét. V. p. Ako gdo za szvoje gréhe jednu
pokoru od czeloga leta bibil za szlusil, ter
nyemu 40 dnevi bi sze prikazali, tak bi bilo
ovo jedno neobilno proztčhenye od 40 dne-
vov. Jednako, ako gdo za szvoje gréhe je-
dnu pokoru od dvadeszet lét bi bil zaszlusil,
ter nyemu szedem lét prikasesze, tak bi bilo
ovo jedno neobilno proztčhenye od szedem
lét. Ovde valyaju anda prepiszani chini prozt-
čhenya tuliko, kuliko Czirkvena kastiga od
cheterdeszet dnevov, ali szedem lét.

*8.
Kaj prozt-
čhenye obil-
no y neobil-
no je.*

R a z g o v o r i .

1.

Kaj je Proztčhenye? — Kaj drugoga kak
odpuztčhenye? — Jeli proszimo mi odpuzt-

*Kaj je
proztče-
nye?*

chenye onoga, kaj nam leško y drago je? — Nego chesza? — V. p. Jednomu tesko sze vidi dachu platiti, kakvo ov odpuztchenye proszi? — Ali jednomusze delo kakvo pretesko vidi, kakvo ov odpuztchenye potrebuje? — Ali tebi sze teska vidi kakva kastiga, kakvo ti odpuztchenye proszish? — Jeszu teska dugovanya vsza jednoverztna? — Jeszuli anda y Proztchenya razluchna? — Zakaj? — Kakvo proztchenye potrebujemo mi navlaztito? — Jeli sze nam kaj teseshega y neprilichneshega vidi od gréha y vekivechne kastige? — Jeli zadobivamo mi ovo proztchenye szamo po nashih chinih pokore? — Po chem anda? —

2.

*Jeli sze zadovolyschi-
na vu Shakra-
mentu pokore jos-
sche na on izti nachin
zvershava,
kak negda?*

Jeli y po oproztczeni krivnyi josche kake vremenite kastige terpeti imamo? — Kaj szî Bog po opröztczeni krivnyi josche zachuva? — Y kaj Czirkva vu Shakramentu pokore nam napoztavlya? — Nikakve pokore ali kastige chine? — Jeli sze ali zadovolyschina vu Shakramentu pokore josche na on izti nachin zvershava kak negdashnih vremen? — Kada navadno vezda nalosenü pokoru zvershavamo? — Kada pako nyu negda greshniki zvershiti jeszu morali? — Jeli vezda duga y teska pokora napoztavlyasze? — Poleg kake mere hila je pokora vszigdar nalosena? — Zbog chesza moramo pokoru chiniti? — Kak dugo moral je negda greshnik pokoru chiniti? — Szamo jeden ali dva dane? — Kake oprave noszili szû pokorniki? — Kakve chine morali szu zvershiti? — Kakvi chini napoztavlyajusze vu Shakramentu pokore? —

Jeszu szmeli greshniki vu iztom vremenu pokore k-pricheztchanyu priztupiti? — Ali k-odpertam razveszelenyam ali goztchenyam iti? — Kak dugo bil je ov nachin pokoru chiniti navaden? — Jeszu dvanaizt ztotin let jedno dugo vreme? —

3.

Kaj miszlish, jeli szû greshniki odpuztchenye szvojih teskih pokore chinih zadobili? — Jeszu ovakvo odpuztchenye y visheputi za dobili? — Odkud to znash? — Je sz. Pavel onoga nechiztoga Korinthiancza jako kastiguvav? — kaj je ali sz. Pavel vchinil za jednem letom? — Zakaj je on nyemu kastigu oproztil? — Gdo szû nameztniki Apostolov? — Morejuli Biskupi takaj vremenite Pokore kastige odpuztiti? — Vu kakvi priliki szû Biskupi czelu kastigu odpuztili? — Vu kakvi priliki szû Biskupi pako vreme pokore prekratili? — Jeszu sz. Mucheniki visheputi za pokorne greshnike molili sze? — Y ako pokorni greshniki k-tomu josche veliku marlyivozt vu pokori pokazali jeszu, kaj szû vchinili Biskupi? —

Jeszu ovakvi pokoru chinechi greshniki visheputi odpuztchenye szro-je kastige zadobili?

4.

Kaksze anda zove ovo odpuztchenye vremeniteh kastig, koje kastige greshnik poleg naredbih Czirkve podnashati je imal? — Jeli je takaj sz. Pavel onomu nechiztomu ali pokoru chinechemu Korinthianczu Proztchenye podelil? — Jeszu Biskupi perveshe Czirkve pokoruchinechem greshnikom visheputi Proztchenye podelili? — Je Czirkva od Jesusha Kriztusha moch zavezati y odvezati od grehov zadobila? — Kaj je rekel Kriztush Aposto-

Jeli ima Czirkva oblazt Proztchenya deliti?

Schloissnigg Iztine Vére Del. III.

13

lom? — Kaj bude na nebu zavezano ali odvezano? — Moreli Czirkva pokore kastige szamo nalositi, ne pako odpuztchati? — Zakaj nalositi y odpuztchati? —

5.

Kaj moraju kerztcheniki katholiki od Proztchenya veruvati? Je ono hasznovito, kaj k-vekivechnomu Dushe zvelichenyu szlusi? — Za chije zvelichenye je Czirkva szvoju oblazt od Kriztusha dobila? — K-chijemu zvelichenyu szlusi anda oblazt Proztchenya podeliti? — Jeli je hasznovito od Czirkve podelyena Proztchenya zadobiti? — Zakaj? — Kaj moraju kerztcheniki Katholiki od Proztchenya veruvati? —

6.

Kaj szû chini Proztchenya? Koj komu kaj odpuztiti more, moreli on takaj pogodbe y chine prepiszati? — More Czirkva Proztchenya podelyiti? — Moreli anda Czirkva takaj chine proztchenya prepishavati? — Zakaj? — Koje chine prepishuje Czirkva navadno, da Proztchenye zadobimo? — Koji chini drugach najvisheputi vu Shakramentu pokore napoztavlyaju sze? — Jeli nezvershavamo mi lese male, kak teske chine? — Koji chini szû leseshi, chini Proztchenya ali chini ztarinzkih pokore prepiszih? — Imamo mi po Proztchenyu jednu malu polehchiczu? — Zakaj jednu veliku? —

7.

Jeli je zadozta zadobiti Proztchenya, ako napoztavlyene chine izpunimo? Jeli nasz Proztchenye takaj od nashih laztovitêh Pokore chinêh oszlobodyuje? — Kakvem Pokornikom je Czirkva Proztchenye podelyila? — Lenem? — Kaj sze josh dan danashi vu liztih Proztchenya prepishuje? — Kakve chine pokore je Kriztush zvershiti za-

povedal? — Moreli anda Czirkva pokoru odpuztiti? — Zakaj ne? — Moremoli ali mi vszigdar tuliko pokore vchiniti, kak nashi gréhi zaszlusiju? — Kaj hoche Czirkva po Proztchenyu pri nami vchiniti? — nashoj lenozti pripomagati? — Jeli je za zadobiti Proztchenya zadozta, da chine Proztchenya izpunimo? — Zakaj moramo poleg chinih Proztchenya takaj pokoru vchiniti, kuliko moremo? —

8.

Jeli je vishe felih Proztchenya? — Kaj je Proztchenye obilno? — Kaj je Proztchenye neobilno? — V. p. Jeden bi zaszlusil zbog szvojih gréhov pokoru od jednoga leta, ter nyemu vendar 40 dnevih bisze oproztilo, kakvo bi bilo to Proztchenye? — Zakaj jedno neobilno? — Jeli sze nyemu czela kastiga opraztcha? — Kuliko valyaju anda chini Proztchenya 40 dnevoj? — Menyè kak pokora od 40 dnevoj? — Ali kuliko valyaju Proztchenya chini od szedem lét? —

*Kuliko ver-
zti je Prozt-
chenye?*

I. Dokànychanye Nàvuka.

Jonash prodekuje, y Ninivitancki chiniju Pokoru.

Bog jednoch zapovedal je Proroku Jonashu, da vu *Ninive* naj ide, y onde ztanovnike ovoga velíkoga varasha Aszirianzkoga na pokoru naj opominya. Jonash odpravil sze je, ali na meztu da vu *Ninive* bi putuval, hotel je on rajshi vu *Tharsish* pobegnuti, da sze ovak zvanyu Gozponòvomu vmekne. Vu *Joppè* nashel je on

ladyu, koja vu Tharsish ishla je, ovde platil je on, y ztupil vu nyu. Chez kratko vreme naztalo je ztrahovito burkanye Morja, y ladja nahadyala sze je vu najvekshi pogibelyi vtaplyati sze. Lyudi na ladji bojali szû sze, y zazavali Boga. Vre pocheli szû dugovanya iz ladye vu vodu hitati, da po tom ladja lesesha poztane; Jonash metemtoga lesal je vu najdolnésbi ztranki ladje vu najglibshem sznû. Zapovednik ladje priztupil je knyemu, zbudil gâ, y zapovedal mû, da haj y on szvogâ Boga zazava. Halabuka metemtoga vszevdily poztala je veksha, y najzadnich doshli szû na tû miszel, da negdo vu ladji biti mora, zbg kojega Bog tu nesrechu na nye poshilya; oni anda hitali szû koczku, y ova opala je na Jonasha. Kaj anda z-tobum vchinili budemo, rekli szû oni, da sze morje nazad vtishi? Vzemite mê, odgovoril je on: y hitite mê vu vodu, tak nazad vtishila sze bude; ar znam, da zhog mene ova halabuka naztala je. Bog mene zbg moje nepokornozti kastiguje. (Jon. 1) Oni zgrabih szû anda Jonasha, hitili gâ vu morje, y morje preztalo je burkati sze.

Gdo nebi bil stimal, Dragi! da Jonash vu szlapih takî sze vtopil nebude? Ali Bog hotel je nyega zadersati, y nyemu josche priliku k-pobolyshanyu dati. On vchinil je, da jedna velika riba Proroka poserla je. Tri dni y tri nochi lesal je on vu terbuhu ribe. Pri ovem chudnovitem pripetchenyu zpoznal je Jonash, kak velika nyegva pregréska, ali takaj kak velika dobrotivnozt y miloszerdnozt Gozpona je; on posaluvaj je szvoju nepokornozt, zpoznal szvojega gréha, obechal pobolyshanye, prozsil za miloztchu y oszlobodyenye. Gozpon prijel je posaluvanye y molitvu Proroka; zapovedal ribi, y ova izhitila je Jonasha van na szuho; vezda zapovedal je nyemu Gozpon drugoch, da vu Ninive naj ide, y pokoru nazveztcha Jonash poszluhnul je; on ishel je, y krichal po varashu: Cheterdeszet

dnevov josche, y Ninive zkonchal sze bude. Jonash josche poloviczu puta chez ov tri dnî dugi varash néje dovershil, tak vre vszi, najvekszi do najmenshega pripravlyali szû sze k-pokori. Kraly bil je pervi, koj vsem z-szvojum peldum napervo ishel je; on poztil je, on izkrichati dal je dneve pokore, opominyal vszakoga na pozt y molitvu, ztupil iz szvojega kralyevzkoga tronusha, oblekel opravu pokore, y hitil sze pred Boga na zemlyu! Bog, koj szamo kastiguje, da sze pobolyshamo, pogledel je na chine pokore ztanovnikov Ninive, y kajti od szvojéh hman putéh odztupili jeszu, szmilyuval sze je nyim, y odvernul porushenye od nyih. Ninive nésze zkonchal.

Vidite, Dragi! vu ovoj návuka puni pripovezti dvoje fele gréshnikov, y razluchne kastige, z-kojemi Bog nye pohadyal je. Jonash zagréshil je, Bog kastiguval je nyega tri dni y tri nochi, kada on tak dugo vu terbuhu jedne ribe zakopan lesal je. Ninivitanczi zagréshili szû, Bog potrebuval je 40 dni dugu pokoru, koju oni zvershavati szû morali, da szvojega porushenya sze oszlobodiju. Jeli nevidite od ovud potrebochu pokoru chiniti, poklamkam y vi jednako Jonashu y Ninivitanczem gréshniki jezte?! Ali jeli je nasz Jesush Kriztush, poklamkam on za nasz zadózta vchinil je, od daleshne pokore oszlobodil y odvezal? Jeli on nasz ne opominya vnogobolye sham, da mi vrédnoga szàda pokore najvchinimo? Jeli on nam neveli po Apostolu, da, koj nyegve zadovolyschine delnik poztati hoche, sham pripomagati, y ono na szebi nadomezтити mora, kaj muki Jesusha josche pomenka? Y jeli neopominya on nasz josche vszigdar po vuztili Czirke szvoje, da mi po molitvi, po poztu, po almustvu y po zvershavanyu dobréh chinih, y po dobrovolyuem y pokornem podnashanyu teskoch y nevolý Bogu za nashe gréhe naj zadovolýimo, y nad nami kastigujemo,

kaj proti nyemu zagreshili jeszmo? Vpucheni anda od potreboche Bogu dusne zadovolyschine terszimo sze, kuliko móguche je, pokoru vchiniti! Na zpodobu jednoga Jonasha vu terbuhu ribe, y Ninivitanczev Boga proszimo, y k-nyemu krichimo, ter na nashem télu po poztu sze zfantimo, kaj z-ovem zagreshili jeszmo! Vsze szuprotivchine y teskoche iz ruk Bosanzkih ponizno primimo, y dobrovolyno podnashajmo, da ovak y mi jednako Jonashu y Ninivitanczem miłoztchu y opróztchenye pri Bogu zadobimo. Amen.

II. Dokànyché Nàvuka.

Pavel podelyuje Rodogreshniku od Korintha odpúztchenye zaslužene kastige.

Vu Korinthu, vu glaszovitem glavnom varashu vu *Achaji*, bil je ztanoviti chlovek, koj proti shezti zapovedi Bosji jako je bil zagreshil; nyegov gréh zeznal sze je, y vszigde bilo je govorjeno od ovoga hmanyoga Rodogreshnika. Sz. Pavel, koj ztanovnike ovoga varasha na kerztchanzku véru obernul je, zeznal je to. O kak velika bila je salózt, koju on vu szerdczu szvojem chutil je! Jeden tak veliki gréh, y jeden kerztchenik biti, ova dvojja on nikak szlositi né zual. Kaj je anda vchinil? Kajti on oblázt odvezati y zavezati gréhe jednako z-drugemi Apostoli imal je, tak potrebuval je ovu; on izklenul je nyega iz obchine szvete, on izhitil je nyega iz Czirkve Jesusha, y on vishe né zpadal med vérne Jesusha Kriztusha, nego on predal je nyega Duhu nechiztomu, od kojega obszedyen bil je, y od kojega vnoge muke na szvojem télu podnashati je imal. Ova vchinil je Pavel zato, da ovakov odurni zlotvorecz vu sze ide, szvoje gréhe iz szerdcza pošaluje, y zvershenu

pokoru vchini. Ovo takaj je vchinyeno. Ov neszrechni, vezda iz Czirkve izhitcheni gréshnik chez jedno leto tak oshtru pokoru je vchinil, da sze bojati je hilo, da on morebiti zdvojil, ali poleg toga sivlenye zgubil bude.

Kada anda Kerztcheniki vu Korinthu nyegvu tak veliku salozi y pokoru videli jeszu, tak pomilovali szû gâ, y dokonchali, da gâ vu drustvo szvoje nazad prijeti hocheju, ako Apostolu pravo sze videlo bude. Oni dali szû mû to na znanye. O zkulikem veszeljem chul je Pavel glasza ovoga!? Kak veszelilo je to nyega, da ov tak veliki gréshnik z-tulikum marlyivoztjum y osh-trochum pokoru zvershaval je! On anda na Korinthi-ancze piszal je lizta, y opominyal nye, da mû naj oproztiju, da gâ vu pokori poztavlyenoga naj batriveju, y vu szvoje drustvo primeju; pokedob y on nyemu vu Jesushu Kriztushu oztalu kastigu opraztcha.

Ova oblazi vu Jesushu Kriztushu pokornem gréshnikom zaszlusene kastinge odpuztiti, josche vszigdar vu pravoj Czirkvi nahadyasze; ovu imaju rimzki Papi y Biskupi. Y o kak hasznovito y blasenztvo donashajuche je potrebuwanye ove? Ar ako taki vre Czirkva nasz chizto od dusnozi za gréha zadozta vchiniti neoszlobadya, tak vendar dohadya ona nashi szlabochi y gingavochi na pomoch, koja nasz tulikoputi zvun ztalisha poztavlya Bogu onak zadozta vchiniti, kak bi morali; dapache ona hoche vu nami duha pokore zbuditi, y naplatiti marlyivozt, z-kojum mi od Zpovednika nalousene chine pokore zvershavamo. O terszimo sze anda, da velike ove miloztche delniki poztanemo; vchinimo nasz ove miloztche po jednom pokore pripravnom sivlenyu vrédne, y neprepuztchajmo nijednu priliku, iz ovoga miloztchih kincha nashe prevelike duge izplatiti, y iz oveh nadomeztiti, kaj z laztovitum mochi-jum vchiniti nemoremo. Amen.

III. Dokànchanye Nàvuka.

Zadovolyschina naj bude primerna velikochi y kakvochi gréhov.

Kak oshtri y teski bili szú chini pokore, koje Czirkva perveshih vrémen greshnikom nalosila je? Chujte Dragi! ja vam ove vezda pripovedal budem. Koj véru zatajil je, on moral je deszet lét pokoru chiniti. Koj krivo priszegel je, on moral je cheterdeszet dnevo pri kruhu y vodi, y szedem lét vu pokori zprevoditi. Koj proti Imenu Bosjemu, blasene devicze Mariae, ali kojega szvetcza blaznil je, on moral je szedem petkov ob vodi y kruhu poztiti, y szedem nedely z-vúsem na vratu pred Czirkvenemi vrati odperto pokoru vchiniti. Koj v-nedelyi ali szvetku kaj delal je, on moral je tri dni ob vodi y kruhu pokoru vchiniti. Koj zapovedane pozte Czirkve prekershil je, on moral je dvadeszet dni vu vodi y kruhu pokoru vchiniti. Koj vu Korizmi dnevnoga pozta prekershil je, on moral je za vszaki dan szedem drugih vu vodi y kruhu prepoztiti. Koj szvojega Otcza y Mater prekel je, on moral je cheterdeszet dni vu vodi y kruhu pokoru vchiniti. Koj szvoje ztareshe zbantuval je, on moral je tri leta, koj nye vudril je, on moral je szedem lét vu vodi y kruhu poztiti. Koj od szvojega Biskupa, ali od szvojega duhovnoga pztira, od redovnichtva zlo govoril je, on moral je chez czelo sivlenye szvoje pokoru chiniti. Koj z-szvojem blisnyem vu nepriatelztvu sivel je, on moral je zto dni, ali tak dugo pokoru vchiniti, kak dugo on vu nepriatelztvu sivel je. Koj drugoga vubil je, on moral je dvadeszet let pokoru vchiniti. Koj sze zopil je, on moral je petnaizt dni pokoru vchiniti. Praznik moral je szedem lét, neverni vu tovarustvu pako petnaizt lét, pokoru vchiniti, Sena, koja sze malala y kin-

chila je, morala je tri léta pokoru vchiniti. Koj tatbinu vchinil je; koj Czirkvu okral je, on moral je chetvero-verztno povratchati, y szedem lét pokoru vchiniti. Koj vu méri ali vagi vkanil je, on moral je dvadeszet dni vu vodi y kruhu poztiti. Koj najdyeno dugovanye pover-nul néje, on moral je jedno leto pokoru vchiniti. Koj szvojega blisnyega postenye vrazil je, on moral je tri leta pokoru vchiniti, y t. d.

Prizpodobimo mi vezda, Dragi! ovem oshtrem pokore chinom Czirkve pokoru onu, koja vezda od Meshnikov nam napoztavlya sze; tak zaizto chuditi sze moramo, kak vuhka, puna lyubavi y terplyivna ona je. Nekuliko Otecz nashev, nekuliko Almustva, nekulika lesesha traplenya téla jeszu zkorom obchinzki chini pokore, koji nalosiju sze. Metemtoga, kada Czirkva vezdashnih vrémen tak miloztivna je, o tak vi po vashem duhu pokore nadomeztchajte nyeno poterple-nye! Vnogoverztno nepovolynozti vashega ztalisha da-ju vam vszaki dan prlíku, za vashe gréhe pokoru vchi-niti; ar kaj je sivlenye vashe drugo, kak jeden lanecz teskoch? — Vszevdilyni poszli, vszakdashno po-menkanye télovne hrane, zlochezta polya, nevugodna letina, vruchina leta, zima, szlaboche téla, ztizke du-she, y ztotina drugéh nepovolynéh ztvarih jeszu, vu kojeh vi sivlenye vashe zprevadyate. Ova vsza duha pokore vu vami naj zbudiju, ova k- pokori za vashe gréhe, k-povekshavanyu vashih zaszlusbih za nebo naj-pripomaseju. Amen.

NÀVUK 33.

Od Shakramenta Krizmanya, itili poszlednyega Mázanya.

PITANYE 1.

Kaj je Krizmanyé?

Razlàganye.

1.
*Jesush Kri-
ztush pozta-
vil je takaj
Shakramen-
ta za bete-
sne.*

Do vezda, draga Detcza! vre vnoga od szveteš Shakramentov navchili sze jezte; vi znate, da po Shakramentu Kerzta na vekivečno sivlenye preporadyamo sze, da po Bermanyu objachimo szé, da po Shakramentu Oltara hranimo sze, da po Pokori od szmertí dushe zbudyavamo sze. Vezda nam nikaj vishe nefali k-zvelichenyu, kak dugo sivi y zdravi jeszmo. Ali kak onda, kada obetesamo, kada vumreti bi morali? Jeli vi miszlite, da szmert kaj lehkoga je? O moja Detcza! ako szmert tak nekaj lehkoga bi bila, tak zaizto nash Odkupitely od ztizke szmertí nebi sze bil kervavem potom potil. — Ali nebojmo sze, nash Odkupitely, koj vsze nashe potreboche y szlaboche zna, y ovde za nasz je zkerbel, on za pripetchenye ono, ako obetesamo, za našu pomoch poztavil je Shakramenta poszlednyega Mazanya.

2.
*Nàvuk sz.
Jakoba od
poszlednye-*

Od poszlednyega Mazanya chtejemo mi odperto vu liztu sz. Apostola Jakoba, gde on

veli: *Ako koj zmed vasz je betesen, naj do- ga Maza-*
zove k-szebi Meshnike Czirkve, ovi naj zver-
hu nyega molé, y vu imenu Gozpona nyega
naj namaseju z-oljem. Molitva Vére hoche
betesniku pomochi, Gozpon hoche nyega zleh-
koti, y ako je vu gréheh, hocheju sze nyemu
oproztiti. (Jacob 5.)

Od ovud navchimo sze 1. da poszlednye Mazanye szamo betesnem podelyiti sze more; ar Apostol veli: *Ako koj zmed vasz je bete-*
sen, od ovud vuchimo sze. 2. da podelyitely poszlednyega Mazanye Meshnik je; ar Apostol veli: *naj dozove k-szebi Meshnike Czirkve*. Od ovud vuchimo sze 3. da poszlednye Mazanye vu mazanyu z-sz. Oljem, y vu ztanoviteh molitvah ztoji, ar Apostol veli: *Ovi (Meshniki) naj zverhu nyega molé, y nu imenu Gozpona nyega naj namaseju z-Oljem*. Od ovud vuchimo sze 4. da Jesush Kriztush poszlednye Mazanye poztavil je; ar Apostol veli: da mazanye vchiniti sze ima *vu Imenu Gozpona*.

Poszlednye mazanye je pravi Shakrament, ar ovo je jedno vidlyivo znamenye; kajti iz mazanya z-Oljem, y iz molitve Meshnika szloseno je. Oko zrokuje miloztchu Bosju, kajti po nyim gréhi odpuztchaju sze. *Poszlednye Mazanye je anda Shakrament, vu ko-*
jem betesnik po mazanyu z-sz. Oljem, y mo-
litvah prepiszaneh Meshnika, zadobiva mi-
loztchu Bosju na szrechnu szmert, y takaj
visheputi na zdravje tela.

Gozpon, Zvelichitely nash, vu szvoji Czirkvi vishe mazanyih z-sz. Oljem je preporachal. Vre pri Kerztu masemo sze mi z-Oljem y z-Krizmum. Meshniki, kada sze rediju,

3.

Vu chem poszlednyo Mazanye ztoji.

4.

Kaj poszlednye Mazanye je.

5.

Zakaj ov Shakrament poszlednye mazanye imenuje sze.

takaj z-sz: Oljem maseju sze. Ali vsza ova mazanya bivaju predi kak mazanye betesneh. Od ovud vre lahko szami szuditi morete, zakaj mazanye betesneh *poszlednye Mazanye* imenuje sze. Ovo mazanye nezove sze poszledaye mazanye zato, kak da chlovek na ovo vumreti bi moral, nego kajti ovo zmed vszeh szvetéh mazanyih, koja nash Zvelichitely szvoji Czírkví izruchil je, najzadnich podeliti sze mora.

R a z g o v o r i.

1.

Kojega Shakramenta je Kriztush na pomoch betesneh y vumirajuchek poztavil?

Jeli ti vre vnogo znash od Shakramentov? — Po kojem Shakramentu preporadyamo sze mi na novo sivlenye? — Po kojem Shakramentu objachujemo sze mi proti nepriatelyom dushe? — Po kojem Shakramentu hranimo sze mi na sitek vekivechni? — Y kada mi potlam kerzta zagreshili jeszmo, po kojem Shakramentu zbudyavamo sze vu sivlenye miloztche? — Jeli nam vezda kaj fali k-Zvelichenyu, kak dugo sivemo, y zdravi jeszmo? — Kada pako obtesamo, ali vumreti bi morali, jeli onda nikakvu pomoch nepotrebujeemo? — Zakaj sze je Kriztush na gori olevitanzki kervavemu potom potil? — Je anda szmert vugodna? — Zakaj né? — Jeli je ali Kriztush takaj za betesne y vumirajuche zkerbel? — Kojega Shakramenta je Kriztush za pomoch betesneh y vumirajuchek poztavil? —

2.

Gde chtejemo kaj od poszlednyega Mazanya? Vu chijem liztu? — Jeli Apostol Jakob nikaj od toga nepishe? — Ako gdo betesen je, koga naj dozove? — Y gdo naj moli zverhu betesnoga? — Zchem naj Meshniki betesne maseju? — Vu chijem imenu naj Meshniki betesnoga z-Oljem maseju? — Komu bude molitva Vere hasznila? — Kaj bude betesnoga zlehkotiło? — Y ako betesni vu grehéh je, kaj onda pripetilo sze bude?

Kaj pishe sz. Apostol Jakob od poszlednyega mazanya?

3.

Komu anda poszlednye mazanye podelitisze ima? — Zdravem? — Zakaj betesnem? — Kaj veli sz. Jakob? — Kada sze Meshnik pozvati ima? — Gdo je podelyitel poszlednyega Mazanya? — Zakaj Meshnik? kaj veli Apostol? — Koga naj pozove betesni? — Vu chem ztoji poszlednye mazanye? — Vu chiji molitvi, y vu kakvem mazanyu? — Zakaj ztoji poszlednye mazanye vu molitvi Meshnika, y vu mazanyu z-Oljem, kaj veli sz. Jakob: kaj mora Meshnik zverhu betesnoga vchiniti? — Gdo je poszlednye mazanye poztavil? — Zakaj miszlish to, da Kriztush ovo poztavil je? — Kaj veli sz. Jakob, vu chijem Imenu naj Meshnik betesnoga mase? —

Vu chem ztoji poszlednye mazanye?

4.

Je poszlednye mazanye jeden Shakrament? — Vu chem ztoji poszlednye mazanye? — Je anda poszlednye mazanye jedno vidlyivo znamenye? Zakaj? — Kaj vchini Krizmanye ako betesnik vu grehéh je? — Je.

Kaj je poszlednye mazanye?

li zrokuje krizmanyje pri betesnîku miloztchu Bosju? — Zakaj? — Kak sze pako zove jedno vidlyivo znamenye nevidyene miloztche? Ne Shakrament? Kaj je anda poszlednye mazanye?

5.

*Zakaj ov
Shakrament
imenuje sze
poszlednye
mazanye?*

Jeli je Gozpon, Zvelichitely nash szvojoj Czirkvi vishe mazanyih z-sz. Oljem preporuchal? — Z-chem sze mi masemo na sz. Kerztu? — Zchem pri Bermanyu? — Z-chem sze namaseju Meshniki pri redyenyu? Jeli sze namazanye betesneh pred drugemi mazanyi pripetcha? — Komu sze mora poszlednye mazanye podeliti? — Zakaj anda ov Shakrament imenuje sze poszlednye mazanye? —

PITANYE 3.

Kaj zrokuje Krizmanyje?

Razláganye.

1.
*Krizmanyje
zrokuje o-
proztchenye
gréhov.*

Poszlednye mazanye iliti Krizmanyje zrokuje zkoro ono izto vu dushi, kaj olje na télu. Koj sze vhodne ali vraži, on mase ranu z-oljem, y olje jako je hasznovito za rane téla. Gréhi jeszu rane dushe; ove rane po poszlednyem mazanyu vrachiju sze; ar sz. Apostol Jakob odperto veli; da po poszlednyem mazanyu betesnomu, ako vu gréhéh je, ovi

oproztiti sze hocheju. Iztina je, narednem nachinom veliki gréhi szamo po Shakramentu pokore opraztchaju sze; metemtoga more sze pripetiti, da betesni gréshnik vishe zpovedati sze nemre, da on prez szvoje krivnye velikoga gréha na zpovedi pozabi: vu ovem pripetchenyu bi gréshniku po Shakramentu poszlednyega mazanya takaj veliki gréhi oproztili sze. Poszlednye mazanye zrokuje anda odpuztchenye lehko odpuztlyiveh, iliti maleh gréhov, kak takaj y szmertneh, koje betesnik iz negreshne pozablyivozti, ali nemoguchnozti na zpovedi né valuval. —

Odpuztchenye gréhov nigdar nebiva prez podelivanya miloztche poszvetchujuche. Kada betesniku po poszlednyem mazanyu gréhi odpuztchaju sze, tak vlevasze vu nyega takaj miloztcha poszvetchujucha. — Metemtoga kada sze gdo zpovedati more, nego sze zpovedati neche, ali ako gdo iz gréshne pozablyivozti kojega velikoga gréha na zpovedi nebi bîl valuval, tak ovakvomu veliki grehi po Shakramentu Krizmanya ne bi sze odpuztchali. Poszlednye mazanye ne zrokuje narednem nachinom odpuztchenye velikih gréhov, nego szamo vu pripetchenyu, ako greshnik iz negreshne pozablyivozti ali nemoguchnozti iz szmertnoga gréha nebi sze bîl zpovedal; anda y poszlednye mazanye narednem nachinom ne zrokuje podelivanye, nego szamo povekshavanye miloztche poszvetchujuche.

Koj sze iz velikoga betegaztaje, on zaizto je josche szlah; vszigdar za velikem betegom oztaju ztanovite szlaboche vu télu, koje zato oztanke betegov ozvati moremo. Po velikih

2.
Krizmanye zrokuje povekshavanye miloztche poszvetchujuche.

3.
Poszlednye mazanye zrokuje o-szlobodyenye od zléh poszledjih

*gréhov, y
nyihovik o-
ztankov.*

gréhih dusha jako obeteguje, ona iztina je po Shakramentu pokore od szvojega betega ztaja sze, ali koj jedenput gréha pokushal je, on josche vszigdar volyu k-nyemu chuti. Mi imamo potlam vchinyenoga gréha vekshe nagnenye k-nyemu, kak predi. Ova zlochezta nagnenya zaoztaju vu dushi, ákoprem sze ona iz grehov ztaje; ova ozivamo mi poszledja iliti oztanzke gréhov. Shakrament pokore ne- oszlobadya nasz od oztankov gréha. Ovo zpa- sujemo mi nad nami szamemi, kada vishepu- ti sze zpovedamo, y po zpovedi nazad nagne- nye imamo ravno ono chiniti, iz chesza sze zpovedali jeszmo. Kajti pako Jesush Kriztush vrachitely dush, y takov *Meshnik je, koj z- nashemi szlabochami pomiluvanye noszi,* (Hebr. 4.) tak hoche on takaj nashe szlabo- che y oztanke gréhov zvrachiti; on poszled- nye mazanye poztavil je za szlabe y betesne; poszlednye mazanye zrokuje anda takaj oszlo- bodyenye od zléh poszledjih y oztankov gréh- hov.

4.
*Zkushava-
nya y zti-
zka vumira-
jucheh.*

Vi zaizto jezte josche szlabi vu jakoztih, Detcza moja! ako vasz koj jaki chlovek bi zgrabil, kak frisko bi morali nyemu sze po- vdati! Ali ja znam, kaj vi bi vchinili; vi bi krichali iz czeloga gerla za pomoch. Nut ra- vno ovak je z-betesnem greshnikom; on ta- kajshe potlam zpovedi je josche szlab, on ali na szmertni poztelyi kak najjakshe zkushava sze od vraga, kajti ovde nyega josche zadnyiput zkushavati more. Betesnik takaj na szmertni poztelyi zkushavasze od prevelikih ztizkih szmertí; mi szmò vre puni ztraha y ztizke, ako nam szamo jeden kotrig od téla odrezati

sze ima; kulika ztizka nasz ztoprav popazti mora, kada dusha od téla oddrusiti sze ima! Najzadnich za szmertjum szledi szùd. Mi sze bojimo vnogiput pred jednoga chlovechanzkoga szudcza dojti; jeli morebiti szudecz Bosanzki tak ztrahovit nebude? Naj bude, da nam y dushno zpoznanye nashe nikaj nezpochitava; ali poleg vszega toga popada nasz vendar ztrah. Szveti Pavel nikakvoga gréha szebe krivcza né znal, ter vendar rekel je on: *Ja vu tom josche na szem opravichen; ar koj mene szùdi, je Gozpon.* (1 Cor. 6.) Jeszmo mi morebiti szveteshi od Pavla? Ako anda szvetoga Pavla ztrah pred szudom popal je, kuliko vnogo bolye nebude on nasz popal? —

Ali batrivemo sze Detcza moja! poszle-^{5.} *Krizma ob-*
dnye mazanye podeluje jakozt y polehchiczu-^{jachuje pro-}
szuprot zkushavanyu y ztizki. Tak, kak Olje-^{ti zkushava-}
kotrige téla jachi; y bol zlehkoti, ovak jachi-^{nyu orastje-}
y poszlednye mazanye nasz szuprot. vszem-^{mu.}
zkushavanyam vraga, y potishi vsze bolyi,
vsze ztizke dushe. Poszlednye mazanye jachi
nasz na szmertni poztelyi szuprot vszem zku-
shavanyam vrasjem, ar kada Bog betesniku
pomase, tak vrag nyemu skodeti nemore;
ali szveti Apostol Jakob veli: *molitva Vére*
hoche betesniku pomochi; poszlednye maza-
nye objachuje anda szuprot vszem zkushava-
nyam vrasjem.

Poszlednye mazanye zlehkoti takaj vszu-^{6.} *Krizmany*
ztizku szmertí y dojduchega szùda; ar sz. A-^{zrokuje po-}
postol Jakob nasz szegurne chini, da Gozpon-^{moch szu-}
betesnika pri Krizmanyu zlehkotil bude. Y-^{prot veliki}
mi zaizto mirni y zadovolyni poztajemo, kak-^{ztizki pri-}
^{blisavajuche} szmertí y

*dojduchega
szuda.*

berse nam terh zlehkotchen je. Nashemu Od-
kupitelyu, kada sze z-kervjum potil je, izka-
zal sze je angel, koj nyega objachil je; y
Noemu po potopu szveta doneszel je golub
szversh olikovu, na znamenye, da Bog z-
szvetom pomirjen je. Ako taki nam Bog pri
poszlednyem mazanyu Angela neposhilya,
tak poshilya nam vendar nuterna razszvetch-
nya, koja nasz szegurne chiniju, *da muka
ovoga szveta prizpodobiti sze nemre z-budu-
chum zmosnoztjum, koja vu nami ochituva-
la sze bude.* (Rom. 8.) Y vi vre znate, da
Duh sz. pri Kerztu Jesusha Kriztusha vu zpo-
dobi goluba izkazal sze je, ov dohadya po
poszlednyem mazanyu takaj k-nam, zbudya-
va nasz na ufanye miloszerdnosti, y donasha
nam anda znamenye pomirenja y mira.

*7.
Krizmany
z rokuje vi-
sheputi ta-
kaj zdravje
tela.*

Zadnich Czirkva od negda za ztanovito
je dèrsala, da poszlednye mazanye ne szamo
dushi nego y télu polehchiczu y ozdravljenje
zrokuje. Krizmany zrokuje anda takaj télo-
vno ozdravljenje. Ali kada dobrotivni Bog
nashe pravo dobro povekshati hoche, tak
gledi on vishe na dushu, kak na télo. Ako
télo vno zdravje na zvelichenye dushe néje,
tak krizmany nezrokuje zdravje téla, —
vendar pako, ako ovo na zvelichenye dushe
hasznovito je. Ako anda gdo potlam Krizma-
nya vumre, tak ne szmemo miszliti, da Kri-
zmanye nikakvu moch néma; nego da zdrav-
je téla k-zvelichenyu dushe betesnika haszni-
lo néje.

Razgovori.

1.

Koje je vidljivo znamenje posljednyega mazanya? — Jeli Krizma ono izto zrokuje vu dushi, kaj olje na télu? — Jeli sze z-oljem rane maseju? — Y kaj pripetcha sze z-rapami, ako nye z-oljem masemo? — Jeli y dusha visheputi rani sze? — Po chem? Jeli posljednye mazanye zvrachi rane dushe? Kada betesnik vu grehah je, kaj sze pripetcha po posljednyem mazanyu? — Gdo veli, da sze po posljednyem mazanyu betesniku grehi odpuztchaju? — Zakaj anda mislzish, da po Krizmanyu rane dushe vrachiju sze? — Kojega Shakramenta poztavil je Kriztush za odpuztchenye velikih iliti szmertnih grehov? — Moreli sze pako pripetiti, da gdo szmertnoga greha iz negreshne pozablyivozti na zpovedi ne pové? — Moreli sze pripetiti, da iz nemoguchnozti iz szmertnoga greha nezpovedamo sze? — V. p. betesnoga guta vudri, moreli sze on zpovedati? — Po chem anda vu takvem ztalishu grehi odpuztchajusze? — Koji szmertni grehi anda po Krizmanyu odpuztchaju sze? —

Koji grehi odpuztchaju sze po posljednyem mazanyu?

2.

Jeli sze pripetcha odpuztchanye grehov prez zlevanya miloztche poszvetchujuche? — Jeli sze Greshniku odpuztchaju grehi po Krizmanyu? — Jeli zrokuje Krizmanyne miloztchu poszvetchujuchu? — Zakaj? — Ako pako gdo zpovedati sze more, ter zpovedati sze neche, jeli y ovakvomu po posljednyem ma-

Jeli zrokuje Krizmanyne miloztchu poszvetchujuchu?

zanyu grehi odpuztchaju sze? — Ali ako gdo iz greshne nemarnozti kojega szmertnoga greha na zpovedi zataji, jeli ovakov po Krizmanyu odpuztcha sze? — Jeli szmertni grehi narednem nachinom po Shakramentu poszlednyega mazanya odpuztchaju sze? — Jeli Krizmanye narednem nachinom zrokuje podelyivanye miloztche poszvetchtujuche ali povekshavanye? — Zakaj povekshavanye? —

3.

Jeli oszlobadya nasz Krizmanye od zleh poszlednjih y oztankov grehov?

Je gdo taki jak kak berse sze, od kojega velikoga betega ztal je? — Jeli po velikem betegu josche kakve szlaboche tela zaoztaju? Kak sze zovu ove szlaboche? — Kak sze zoveju one ztvary, koje zaoztaju? — Po kojeh grehéh dusha jako obeteguje? — Po chem sze dusha iz szvojega betega ztaje? — Koj pako jedenput greha pokushal je, jeli on ne chuti josh vekshe nagnenye k-nyemu? — Jeli anda po vchinyenem grehu oztaju vu dushi zlochezta nagnenya? — Kak sze zoveju ova zlochezta nagnenya? — Jeli sze mi nezpovedamo visheputi? — Jeli ali potlam zpovedi nechutimo takaj zlochezta nagnenya? — Jeli Shakrament pokore nasz oszlobadya od oztankov greshnéh? — Zakaj ne? — Jeli ima Kriztush z-nashemi szlabochami pomiluvanye? Hoche on y oztankov greshnéh nasz oszloboditi? — Je Kriztush poszlednye mazanye za zdrave y jake poztavil? — Za koga anda? Jeli oszlobadya nasz anda Krizmanya od oztankov grehov? Zakaj? —

4.

Kak sze besnitsnik na szmertni

Jeszi ti vre jak? — Ako te koj jaki chlovek bi pograbil, kaj bi sze z-tobum pri-

petilo? — Kaj bi ti pako vchinil? — More-
 biti z-nyim sze boril? — Kada sze betesnik
 zpovedal je, je on taki jak? — Je vrag je-
 den szlabi nepriately? — Kada more vrag
 chloveka najboljze zkushavati? — Zakaj na
 szmertni poztelyi? — Kak bi nam bilo, ako
 nam gdo jednu ruku odrezati bi hotel? —
 Kak bude nam, kada sze dusha od tela od-
 drusila bude? — Y kaj szledi za szmertjum?
 Jeli dohadyamo mi radi pred chlovechanzko-
 ga szudcza? — Jeli Bosanzki szudecz ne tak
 ztrahovit kak chlovechanzki? — Ako nam pa-
 ko dushno zpoznanye nikaj ne zpochitava, tak
 barem onda nikakvoga ztraha imali nebude-
 mo? — Jeli sz. Pavel chutil szé krivcza ka-
 kvoga greha? — Kaj je vendar rekel? — Je-
 li on rekel: ja szem opravitchen? — Jeszmo
 mi szveteshi od Pavla? Néje szvetoga Pa-
 vla Poleg nyegvoga dobroga dushnoga zpo-
 znanya nikakov ztrah popal? — Kaj sze an-
 da nam pripetilo bude?

*poztelyi
zkushava?*

5.

Jeli ali zato zdvojili budemo? Kakvi po-
 ztaju kotrigi tela, kada sze z-oljem namase-
 ju? — Kakva poztaje nasha dusha po Kri-
 zmanyu? — Ako nam Bog pomore, moreli
 nam vrag naskodeti? — Budeli pako molitva
 Vere betesniku pomogla? — Zakaj nasz an-
 da poszlednye mazanye proti zkushavanyu
 vrasjemu objachuje? —

*Jeli poszle-
dnye maza-
nye zrokuje
objachenye
szuprot
zkushava-
nyu vrasje-
mu?*

6.

Jeli nam poszlednye mazanye pomore
 szuprot preveliki ztizki szmertni y szùda? —
 Kaj veli sz. Jakob, kaj bude Gozpon pri Kri-

*Jeli poszle-
dnye maza-
nye zrokuje
pomoch szu-*

*prot veliki
ztizki
szmertí?* zmanyu vchinil betesniku? — Zakaj nam je poszlednye mazanye pomoch szuprot ztizki szmertí y szúda? — Gdo je Kriztushu na gori Olivetanzki na pomoch doshel? — Jeli Bog vszigdar Angele poshilya? — Jeli nebezka razszvetchenya nészu ravno mezto Angelov? Y od chesza budú nash nebezka razszvetchenya vputila? — Da muke ovoga szveta k-buduchi zmosnozti prizpodobiti sze moreju? — Kaj je doneszel golub Noemu po potopu? — Jeli szversh olikovú né znamenye mira? — Vu kakvi zpodobí je Duh szveti pri Kerztu Jesusha Kriztusha izkazal sze? — Jeli dohadya Duh szveti po Krizmanyu k-nam? Jeli on nebude nasz z-znamenyem mira zaznamenuval? — Y na kakvo ufanye nasz Duh szveti zbudil bude po Krizmanyu? —

7.

*Jeli zrokuje
Krizmanye
visheputi
zdravje te-
la?*

Gdo bude betesnika pri Krizmanyu zlehkotil? — Mislísh ti, da Gozpon szamo dushu betesnika zlehkotil bude? Y jeli je Czirkva od negda verovala, da Gozpon szamo dushu betesnika zlehkoti? — Jeli zrokuje anda Krizmanye takaj telovno zdravje? — Zakaj? Na kaj Bog vendar belye pazi, na dushu, ali na telo? — Kada zrokuje Krizmanye zdravje tela? — Kada ovo k-zvelichenyu dushe nezslusi? — Kada anda vnogi potlam Krizmanya vumiraju, kaj miszliti morámo? — Da Krizmanye moch y jakozt néma? — Kaj zrokuje anda poszlednye mazanye, gdo zna povedati? —

PITANYE 3.

*Kak sze mora betesnik pripraviti za prijeti
Krizmanye?*

Razláganye.

Vi znate vre vezda moja Detcza! koja ^{1.} *Pred prijemanyem* Shakrament poszlednyega mazanya pri betesniku zrokuvati mora, y kak otchinzki Jesush *Krizmanya mora betesnik vu ztalishu miloztche biti.* Kriztush za vsze dogodyaje zkerbel je. Ova zrokuvanya poszlednyega mazanya metemto-ga betesnik ztem bolye pochutil bude, zchem bolye on szebe k-prijemanyu ovoga pripravil bude. Pred vszem mora sze on po jedni zkrusheni zpovedi vu ztalish miloztche poztaviti, ali ako on v. p. zbog pomenkanya govorenja zpovedati sze nebi mogel, tak mora on za gréhe iztinzki sze posaluvati, ar poszlednye mazanye je Shakrament siveh, y potrebuje, da chlovek, koj ovoga prijemlye, vu ztalishu miloztche je.

Zatem mora sze betesnik k-poszlednyemu ^{2.} *Betesnik takaj z-sivum verum y z-terdnem zaufanyem vu Boga, y z-vszum podlosnoat-jum volyi Bosanzkoj pripraviti sze mora.* mazanyu z-sivum verum y z-terdnem zaufanyem vu Boga pripraviti. On mora vsza za iztinita dersati, koja Bog oszebito od zrokuvanyih Krizmanya nazveztil je, y zato vu miloztchu y miloszerdnozt Bcsanzku ufati sze, kajti ovu Bog po Krizmanyu podeliti obechal je. Evangeliumzka sena, koja dvanaizt lét kervnoga otoka imala je, ztupila je odzada k-Jesushu, toteknula sze skricza halye nyegve, y rekla: *Ako sze szamo halye nyegve doteknem, tak zdrava budem.* (Matth. 9.) Ova

véra dopadala sze je Jesushu tak jako, da on se-
nu on hip zdravu vchinil je. *Zaufaj sze, kchi!*
véra tvoja je tebe zdravu vchinila. Ravno ovak
poszlednye mazanye ztem vekshu moch imalo
bude, ako mi ovo z-sivum vérum y zaufanyem
vu Boga prijemali budemo. Zadnich zna Bog
najbolye, jeli sivlenye ali szmert za nasz boly-
sha je, on z-nami najbolysha miszli, y zato mo-
ramo mi poszlednye mazanye z-vszum povda-
noztjum vu volyu Bosanzku prijemati.

3.

*Betesnik ne-
mora zamu-
diti poszle-
dnye maza-
nye.*

Zvun toga, ako taki poszlednye maza-
nye k-Zvelichenyu zevszema potrebno néje,
tak vendar kerztchenik vu pogibelnom betegu
ovo prijeti zkratiti sze nemora. Mi zaizto ne-
zkratimo sze potrebuvasi vrachtva téla, zato
ztem menye jeden kerztchenik zkratiti sze
szme Krizmanyje prijemati, koje jedno tak
oszebujno vrachtvo dushe y téla je. Kuliko
goder puti anda pogibelyno betesni jeszmo,
tak vrachtvo ovo potrebujmo: ali vu onem iztem
betegu poszlednye mazanye szamo jedenput
prijeti szmemo.

R a z g o v o r i.

1.

*Vu kakoe
xtalish mo-
ramo sze
pred prij-
manyem
Krizmánya
postaviti?*

Znashli koja Krizmanyje zrokuje? — Jeli
miszlish, da Jesush Kriztush otchinzki za nasz
zkerbi? — Je Jesush K. szamo za pravichne
postavil Krizmanyje? — Je Jesush za vsze do-
godyaje lyudih zkerbel? — Zakaj miszlish
anda, da Jesush K otchinzki za nasz zkerbel
je? — Jeli ali Shakramenti imaju szvoju moch
poleg mere nashe priprave? — Ako anda
moch y jakost poszlednyega mazanya pochut-
titi hochemo, kaj moramo vchiniti? — Je

Shakrament Krizmanya Shakrament mertvéh? Vu kakvem ztalishu moramo sze anda pred Krizmanyem nahadyati? — Zakaj vu ztalishu miloztche? — Po chem sze pako poztavlyamo vu ztalish miloztche? — Ako pako vishe govoriti nemremo, niti zpovedati sze, kaj onda pred Krizmanyem vchiniti moramo?

2.

Kaj chtějemo mi vu Evangeliumu od sene, koja 12 lèt kervnoga oтока imala je? — Kaj je govorila szama vu szebi? — Kaj je stimala, da sze pripetilo bude, ako sze opravve Jesusha deteknula bude? — Jeli sze je Jesushu vera ove sene dopadala? — Kaj je rekel Jesush k-nyoj? — Z-kakvum verum, y z-kakvem zaufanyem moramo anda mi poszlednye mazanye prijemati? — Zakaj z-sivum verum y zaufanyem? — Gdo zna najbolye, kaj za nashe dobro je? — Y kak Bog z-nami miszli? — Vu chiju volyu anda pri Krizmanyu povdati sze imamo? — Zakaj vu Bosanzku? Kak sze anda betesnik k-poszlednyemu mazanyu pripraviti mora?

Kak sze betesnik k-prijemanyu Krizmanya josche pripraviti mora.

3.

Je poszlednye mazanye k-zvelichenyu zevszema potrebno? — Jeli sze zato betesnik zkratiti mora ovo prijemati? — Jeli sze zkratimo potrebuvati vrachtva téla, kada pogibelno betesni jeszmo? — Jeli poszlednye-mazanye né jedno oszebujno vrachtvo dushe y tela? — Zakaj sze anda zkratiti neszmemo prijemati poszlednye mazanye? Moremoli poszlednye mazanye takaj visheputi prijemati? Takaj vu onem iztem betegu? —

Je Krizmanye na zvelichenye potrebno.

I. Dokànychye Nàvuka.

*Noe iz Barke poshilya jednoga Goluba, koj
z-zelenum szversjum olikovum povratcha
sze.*

Jeli sze josche, draga Detcza! zmishlyavate iz one pripovezti, koju vam od Noema y od barke povedal jsem? (Navuk 9. Dok. 1.) jeli sze zmishlyavate josche iz onoga ztrashnoga desgya, koj czelih 40 dan y 40 no-
chih padal je? Jeli josche znate, da zvun Noema, nyegve sene, nyegvih treh szinov y nyihoveh sen, koji sze vu barki nahadyali jeszu, czelo drugo chlovechanzko pokolenye potopilo je? Vezda vam josche povedati moram, da, poklamkam ov ztrashni desgy preztal, y povodnye vsze menshe y menshe poztale jeszu, Noe od vrémena do vrémena pticze izpuztchal je, da vidi, na kuliko vode sze pomenshale, y zemlya sze poszushila je. Kak dugo najmre pticze nazad povratchale sze jeszu, tak szudil je od ovud, da one josche tverdu zemlyu nashle nészu. On izpuztil je takaj jednoga goluba, da zpodobna zkusha, ali y ov sze je povernul. Najzadnich zpuztil je ovoga drugiput iz barke, y nut kuliko veszel-
je za ovoga pobosnoga chloveka! on povernul sze je z-jednum zelenum szversjum olikovum vu klunu; od-
kud Noe taki szudil je, da Gozpon vezda vtishen je, kajti drevja zopet iz zemlye vanglediju.

Nepitajte dugo, Dragi! kaj ov golub z-szversjum olikovum pelduje? On je pelda Duha szvetoga, Duha vsze batrizovzti, y vszega mira, koj nam vu Shakramentu poszlednyega mazanya podelyiva sze. O kulike Dare, kuliko veszelje y kulikoga mira zleva on onda zverhu dushe, koja vezda szveta, ovu veliku barku oztaviti, y k-Bogu povernuti sze îma; ar po ovom Shakramentu zadobivamo mi, na zpodobu pobosnoga Noema, jedno

znamenye, da Bog z-nami sze pomiril, y da mi ne szamo szmerti, nego y iztomu duhu peklenzkomu gyegyerno naprot gledeti szmemo. O! proszim vasz, nechakajte z-prijemanyem ovoga, doklam szmert vre chizto pri vami je; nego kak berse ztlish vashega betega vre jedenput pogibelyen je, tak ne zamudite ovoga taki prijeti, ar ov Shakrament bude vasz, ako ovo vami hasznovito je, nazad zdrave vchinil, y ako ozdravlenye za vasz skodlyivo bi hilo, rane dushe vashe zvrachil; ov vam jakozt podelyil bude, da zkushavanyam vrasjem sze szuprotztavite, dopache ov vam moguchu pomoch proti vszem ztizkam priblisavajuche szmerti y nadojduchega szûda podelyil bude. *Ako koj zmed vasz je betesen, velim josche jedenput z-sz. Apostolom: naj dozove k-szebi Meshnike Czirkve; ovi naj zverhu nyega mole, y vu imenu Gospona nyega naj namaseju z-oljem.* Y onda kulika batrivozt za vasz, ako y vam golub, kak Noemu predi nego iz barke izishel je, jednu zelenu olivkovu szvers, tojezt jedno znamenye donesze, da Bog pomirjen, y z-vami vu miru je! Amen.

II. Dokànchanye Nàvuka

Jesush potisze na gori olivetanzki z-keravavem potom, y od Angela objachuje sze.

Poklamkam vréme muke y szmerti Jesusha pribli-savalo sze je, tak vzal je tri zmed vuchenikov z-szobum, najmre Petra, Janusha y Jakoba, y ishel je z-nyimi na goru olivetanzku. Ovde popala je nyega na jedenput jedna tak suhka szmertna ztizka, da on szvojem vuchenikom rekel je: *dusha moja turobna je do szmertí; oztanite ovde, y zkoznujte z-monum.* (Matth. 26.) Oni oztali szû. On na nekuliko odztupil je chizto

szam od nyih, opal na zemlyu, molil k-Otczu: *Otecz! ako je moguche, tak vzemi keliha ovoga od mene; ali ne kak ja hochu, nego kak ti hochesh.* Ztizka, vu koji on molitvu ovu zvershaval je, tak velika je bila, da ova nyemu pota kakti kervi kaplye izrinula je; ovde izkazal sze je nyemu Angel iz neba, koj nyega jachil je. Vezda ishel je on plashlyivem korakom k-szvojem trem vuchenikom, kak da on od nyih batrivozt bi hotel izkati. Ovi szlabi lyudi bili szû zadremali, y zpali szû chverzto. Ali Jesush nyim rad je oproztal; ar on znal je, da oni od salozti tak szlabi y pozpani bili jeszu, ali vendar opominyal je nye. *Zkoznujte*, rekel je on: *da neopadne te vu zkushavanye*, molite, kak pripraven y duh je, tak vendar gingavo je telo. Predi kak nyemu odgovoriti jeszu mogli, odishel je zopet pun ztizke na perveshe mezto, opal na kolena, y molil: *Otecz, ako ti keliha nemore minuti mene, nego da pijem nyega, naj bude volya tvoja.* On ztaja sze drugoch y odide k-onem trem vuchenikom, y najde nye gingave, podremane, da nyemu nijednu rech odgovoriti nészu mogli. Od vszeh lyudih oztavlyen, odhadya on y trejtich, y vojuje tak dugo, doklam sze on ztizke oszlobodil, y mir vu nyim naztanil je. Vezda pripraven je on vsza terpeti, koja nyemu Otecz nalosil bude; vezda pripraven je on keliha muke do zadnye kaplye izpiti, muku terpeti y vumreti.

Gdo zmed nasz, ne nahadya vu ovem pripetchenyu najleshega návuka? Doshlo bude, y morebiti na zko-ro vréme, kada y mi od szmerti popadyeni budemo. Merzli pot y ztizke szmerti budú nasz prevzele, izti nashi priatelyi budú nasz oztavili, y zverhu nashega ztalisha nechutlyivi y merzli poztali. Gde budemo mi onda vu onakvem saloztnem ztalishu pomoch, batrivozt y jakozt vzeli? Gde budemo gyegyernozt vzeli, da sze vszem navalenyam y zkushavanyam vraga szuprotzlavi-

mo, koj oszebito vu zadnyi vuri vszu szvoju moch potrebuval bude, da nasz plashi y vu zdvojnozt zapelya? O nepitajte dugo; hitrite, kak berse ztalish vash pogibelen poztaje, hitrite z-Jesushem na goru olivetanzku, hochu rechi, prijemajte szvetoga Shakramenta poslednyega mazanya, prijemajte ovoga josche vu prigodnem hipu zdrave pameti, prijemajte ovoga z-sivum vérum, z-ztálnem zaufanyem vu Boga, z-zvershenum povdanoztjum vu volyu Bosanzku, z-zjedenyem vashe boli z-zaszlushbami Kriztusha. Y o! kulike czene zrokuvanya ov pri vami vchinil bude? Vi po tom proti vszem navalenyam y zkushavanyam duha nechiztoga jakozt od zgoro zadobili budete; vu szredini vashe boli pune ztízke szmertí jeden tihi mir, y jedna vugodna zaufanozt vu Bosju miloztchu y miloszerdnozt vu vashe szerdcze ztupila bude, dapache Bog nevidlyivoga Angela iz neba poszlal bude, koj vasz na szmertni poztelyi na gyegyer-nozt, terplivnozt, zaufanozt y ztalnozt nagovarjal bude, da y vi, Jesushu na zpodobu pripravni budete terpeti y vumreti, vojuvati y obladatai. Amen.

III. Dokànychye Nàvuka.

Szveti obichaji poszlednyega mazanya raztolnachiju sze.

Kak nàvuka puni szû szveti obichaji, koji pri podelyivanyu szvetoga Shakramenta poszlednyega mazanya vidiju sze!? Szlushajte, Dragi! ja vam ove na konczu danashnyega nàvuka raztolnachiti hochu. Kak berse duhovni paztir vu hisu betesnika ztupi da nyemu ovo vrachtvo podeli, tak veli on: *mir naj bude hisi ovoj, y vszem vu nyoj ztanujuchem.* Ovo chini poleg zapovedi Kriztusha Jesusha, koju on dal je Apostolom,

govorechi: *Kada vi vu koju hisu vleznete, reczite najpervich, mir naj bude ovoj hisi*, (Luc. 10.) Betesnik po tom navucha sze, da sze zarad dosheztki y nazochnoztu duhovnoga Paztira nemora plashiti, pokedob knyemu vu miru dohadya, y nyemu radozt y veszelje donasha; onda poskropi duhovni Paztir betesnika y okoloztojeche z-szvetum vodom, izgovarjajuch one rechi Davida: *Poskropi mene o Gozpone z-hisopom, y budem ochiztchen, operi mene, y budem od sznaga beleshi*. (Psal. 50.) Po oveh rechih opominya sze betesnik z-kakvum chiztochum dushnoga zpoznanya ovoga Shakra-menta prijeti mora, y da, ako dusha nyegva od gré-hov nebi bila chizta, on nyu po pravoj, y zkrushenoj pokori ochiztiti ima. Na to duhovni Paztir moli z-odgovarjanyem oneh, koji pri ovem szvetem chinu jeszu nazochni, zvan nekojéh drugéh molitvih Lytanie Po tom zazava on vu imenu Czírkve po obrambi szetczev Boga, da betesniku szmiluvati sze, y potrebnu pomoch podeliti doztoja.

Po dokonchaneh Lytaniah pritztupi duhovni Paztir k-poztelyi betesnika, napravi szveti kris zverhu nyega za opomenuti gâ, da Kris Jesusha Kriztusha schit, je z-kojem on objachiti sze mora, y da z-ovem schitom oborusen vu szmertnom borenyu bojati sze néma Zatem poztavlya betesniku ruku na glavu, y zazava zverhu nyega vsze szvete Angele, Arkangele, Patriarke, Proroke, Apostole, Muchenike, Zpovednike, Devicze y zkupa vsze Szvetcze, da sze-szuprot szilnem zkushavanyam vrasjem objachi; y pochimlye taki betesnika mazati z-szvetem oljem na obodveh ochih, vuhah, na noszu, vùztah, rukah y nogah. Pri vszakem poszebnoga chutenya mazanyu zgovarjaju sze ove rechi Meshnika: *Po ovem szvetem mazanyu, y po szvojoj prezmosnoj miloszerdnoztu naj tî Gozpon oprozti vsze, kaj szí z-ochmi, — vuhi, — z-dihanyem, — z-kushanyem,*

y z-govorenjem, — z-chutlyivoztjum, y hodenjem zagreshil.

Poklamkam Meshnik josche nekoje molitve bi bil zvershil, po kojeh Boga proszi, da ova pomoč zvelichenya betesniku tak na télu, kak na dushi hasznovita bude, napralya z-Razpelom Kris zverhu nyega, y nyemu za kushnuti preda gâ, da gâ po tom obatrive, y opomene, da vszu szvoju zaufanozt vu nepreszesne najeme, y zaszlusenya szvogâ Zvelichitelya, koj ua krisu za zvelichenye dushe nashe je vumerl, poztavi.

Ova, Dragi! naj vasz zhudyavaju, da sz. Sha&ra-menta poszlednyega mazanya na vashi betesnichki pozte-lyi z-selyum y z veszeljem primete. Ali morebiti josche vnoga k-tomu potrebna budû, da vu vrêmenu k-prije-manyu ovoga vasz gdo vputiti bude mogel? Jeli nebi vi szami poleg pelde perveshih kerztchenikov Meshnika potrebuvati morali, da on y vasz vu Imenu Gozpono-
vem z szvetem oljem namase? O zaizto! ovo szii ja od vashe pobosnozti obechujem. Amen.

NÁVUK 34.

*Od Shakramentov : szvétoga Rêda,
y hisnoga Zákona.*

PITANYE 1.

Kaj je Shakrament szvetoga Rêda?

Razláganye.

1.
*Kaj Shakra-
ment szve-
togo Rêda
vu obchin-
zkom je?*

Vszaka obchina mora szvoje szlusbeni-
ke y chaztnike imati. Kerztchanzka katholi-
chanzka Czirkva je jedna jako velika Obchi-
na, ali ne szvetzka nego duhovna; ona mo-
ra anda takaj szvoje duhovne szlusbenike y
chaztnike imati. Szvetzki szlusbeniki moraju
za vrémenito dobro chazt szvoju pravo y
dobro obnashati. Duhovni szusbeniki pako
moraju za vekivechno dobro dush szvoju chazt
pravo y dobro obnashati. Vi ali prevedeli bu-
dete, draga Detcza! da nigdo szebe szamoga
vu odpertu chazt poztaviti nemre; nego da
vszaki pravdeno od drugeh poztaviti sze mo-
ra; ravno ovak nemrejusze niti szlusbeniki
Czirkve szami szebe za Otcze Czirkvih pozt-
aviti, nego oni moraju jednu duhovnu oblazt
ali moch k-tomu dobiti. Podelyivanye ove
duhovne mochi imenuje sze szveti Rêd; y na
kuliko sz. Rêd z-jednum oszebujnum milozt-

chum Bosjum zjedinyen je, tak zovesze ov *Shakrament sz. Reda. Shakrament sz. Reda* *vu obchinzkom je anda Shakrament, po ko-*
jem szlusbenikom Czirkve daje sze duhovna
oblazt y oszebujna milozicha, da nekoje Cztr-
kvene szlusbe na hvalu Bosju, y zvelichenye
dush vredno, y szveto obnashaju.

Jesush Kriztush poztavil je duhovne szlus- ² *Jesush Kri-*
lbenike Czirkve. On neje vsze pravoverne *ztush dal je*
kerztchenike na obnashanye chaztih Czirkve *Apostolom*
pozval, nego szamo szvoje Apostole y, vuche- *vszu duhov-*
nike; zato nahadyaju sze Redovniki y szvet- *nu oblazt.*
zki vu Czirkvi. Ali szvojem Apostolom dal je
Kriztush vszu duhovnu oblazt. On dal je nyim
meshnichku oblazt kruha y vino na telo y
kerv obernuti, y od gréhov odvezati. On dal
je nyim biskupzku oblazt; kada on nyim moch
rediti, bermati, y Czirkvu ravnati dal je.
Poleg toga dal je on nyim moch prodékuvati
y Shakramente podelyiti.

Apostoli nészu za naveke siveli; Jesush ^{3.} *Apostoli zo-*
Kriztush metemtoga hotel je, da nyegva Czír- *pet drugem*
kva do koncza szvéta obztoji, tak mora takaj *dali szu du-*
duhovna oblazt obztati. Nigdo nemre vu ob- *hovnu o-*
chini odperte chazti podelyiti, kak Poglavari. *blazt.*
Po szmerti Jesusha Kriztusha bili szú Aposto-
li kakti Poglavari poztavlyeni, oni morali szú
anda y drugem duhovnu oblazt vu Czirkve-
nih chaztih podelyiti. Ovo oni takaj vchinili
jeszu, oni poszvetili szu Biskupe, Meshnike,
y druge duhovne szlusbenike.

Morate ali znati; draga Détcza! da vszi ^{4.} *Raztuch-*
szlusbeniki Czirkve jednake Chazti, y jedna- *nozt duhov-*
ku oblazt nemaju. Pervu duhovnu Chazt ima- *néh Chaztih,*
ju Biskupi; ovi moreju vsze Shakramente *y duhovne*
oblazti.

Schloissnigg Ixtine Vére Del. III.

podelyiti, anda y druge za Biskupe y Meshnike rediti, oni moreju vu Czirŕkvi odrediti y zapovedati; ar szveti Pavel veli: *Duh szveti poztavil je Biskupe, da Czirŕkvu Bosju ravnaju.* (Actor. 20.) — Drugu duhovnu chazt vu Czirŕkvi imaju Meshniki; ovi moreju kruh y vino na t lo y kerv Jesusha Kriztusha obernuti, y gr he odpuztiti, ter Shakramente podelyiti; oni vendar nemreju Shakramenta szvetoga Reda y Bermanya podelyiti, niti vu Czirŕkvi zapovedi davati. Zvun oveh morebiti pri vekshi szlusbi Bosji videli jezte takaj druge Duhovnike, koji jos he Meshniki n szu. Ovi zvershavaju pri vekshi szlusbi Bosji razluchne szlusbe; jeden chteje Evangeliuma, drugi Chtejenya iliti Epistolu; drugi nosziju szvetchnake; takaj k-ovem Chaztjam dobivaju oni szvoje Rede, iliti duhovnu oblazt; y oni moraju predi shezt drug h Redov prijeti, kak reda Meshnichtva zadobiju.

5.

Chazt meshnichka je-
dnu oszebuj-
nu milozt-
chu potre-
buje.

Szveti Red meshnichki vu oszebnom je Shakrament, po kojem redyenem na Meshnichtvo daje sze oblazt tak zverhu pravoga Tela Kriztushevoga, kak zverhu duhovnoga, koje jeszu verni Kerztcheniki. Premiszlite vezda, Dragi! ovu tesku y oszebujnu Chazt, koja Meshniku pri redyenyu nalasasze. On mora kruha y vino na pravo t lo y kerv Jesusha Kriztusha obernuti, y ovo vu rukah nosziti; on mora gr he szuditi, y drugem prodekuvati. Jeli nemiszlite vi, da Meshnik k-tomu jednu oszebujnu miloztchu potrebuje? —

6.

Szveti Red
meshnichki

Ali nut ovu oszebujnu miloztchu zadobiva on po Redu meshnichtva. Szveti Pavel od-

perto veli vu liztu na Timotheusha, kojega on redil je; *ja tebe opominyam, da miloztchu Bosju zopet zbudish, koja po poztavlyanyu mojih ruk vu tebi je* (2 Timoth. 1.) *podeljuje jednu oszebujnu miloztchu y je pravi Shakrament.*
 Poztavlyanye ruk je jedno vidlyivo znamenýe szveti Red pako biva po poztavlyanyu ruk Biskupzkih; ar szveti Pavel redil je Timotheusha po poztavlyanyu szvojih ruk. Ovo poztavlyanye ruk Biskupa vchini vu Meshniku miloztchu; ar po poztavlyanyu ruk Pavla, bila je vu Timotheushu miloztcha Szveti Red je anda pravi Shakrament.

R a z g o v o r i.

1.

Jeli ima vszaka Obchina szvoje szlusbenike y chaztnike? — Je kerztchanzka katholicanzka Czirkva takaj jedna obchina? Jedna szvetzka? — Idemoli zbg telovnih dobrih k-Czirkvi kerztchanzki? — Jeli Czirkva potrebuje szlusbenike ali Chaztnike? — Potrebujje ona takaj szvetzke szlusbenike? — Y na chije dobro moraju duhovni szlusbeniki szvoju chazt obvershavati? — Moreli szegdo szam za Chaztnika poztaviti? — Morejuli sze szlusbeniki Czirkve taki szami vu Chazt Czirkve poztaviti? — Kaj mora sze nyim podeleti k-tomu? — Kak sze zove podelyivanye ove duhovne oblazti? — Y na kuliko szveti red z miloztchum zjedinyen je, kaj je on onda? — Kaj je anda Shakrament sz. Reda vu obchinzkom?

Kaj je Shakrament sz. Reda vu obchinzkom?

2.

*Koju oblazt
je Kriztush
szvojem A-
postolom
podelyil?*

Je Jesush Kriztush duhovne szlusbenike Czirkve poztavil? — Je Kriztush vsze pravovernike na Chazti Czirkve pozval? — Nego koje? — Kakva razluka je anda med Kerzcheniki? — Jeszu vszi Redovniki? — Zakaj sze nahadyaju Redovniki y szvetzki? — Komu je pako Kriztush vszu duhovnu oblazt dal? — Je Kriztush szvojem Apostolom oblazt y moch kruha y vino na telo y kerv Jesusha Kriztusha obernuti, y grehe odpuztiti dal? — Je anda Kriztush nyim meshnichku oblazt dal? — Zakaj? — Y komu podelyil je Kriztush moch ravnati, rediti y bermati? Komu je anda Kriztush Biskupzku oblazt dal? Zakaj Apostolom? — komu je rekel Kriztush: *vuchite vsze narode, y kerztite nye?* Komu je Kriztush moch dal prodekuvati, y Shakramente podelyiti? — Zakaj Apostolom? —

3.

*Jeli szu A-
postoli zo-
pet drugem
omu duhovnu
Oblazt po-
delyili?*

Jeszu Apostoli vszigdar sivali? — Kak dugo pako hotel je Kriztush, da Czirkva nye-gva oztane? — Jeli je morala y duhovna oblazt do koncza obztati? — Zakaj? — Gdo more vu jedni obchini Chazti podelyiti? — Gdo more vu obchini zapovedati? — Gdo je po szmertí Jesusha Kriztusha Poglavar Czirkve bil? — Gdo je mogel anda oblazt vu Chaztih Czirkve podelyiti? — Jeszu Apostoli y vu iztini duhovne szlusbenike redili? — Jeli szu szame Biskupe redili? —

4.

*Koje szu
razluchne*

Imaju vszi szlusbeniki Czirkve jednake Chazti y jednaku oblazt? — Meshnik kak

Biskup? — Gdo ima pervu Chazt vu Czír-
kvi? — Koje Shakramente moreju Biskupi
pedelyiti? — Koga je Duh szveti poztavil
ravnati Czírkvu Bosju? — Morejuli anda Bi-
skupi vu Czírkvi zapovedati? — Zakaj? —
Gdo ima drugu prestimanu chazt vu Czírkvi?
Kakvu oblazt imaju Meshniki? — Jeli imaju
oblazt vsze Shakramente podelyiti? — Ali
morejuli Meshniki vu Czírkvi zapovedi dava-
ti? — Gdo je anda vekshi, Biskupi ali Mesh-
niki? — Je szí ti vre kada pri veliki szlusbi
Bosji bil? — Jeli je oyde Meshnik szam pri
Oltaru? — Jeszu nyemu vszigdar szami Mesh-
niki na dvorbu? — Kaj chteje jeden, kaj dru-
gi? Jeli dobivaju y k-tomu szvoje Rede? —
Y Kuliko Redov oni dobivaju predi kak
Meshniki poztaju? —

*Chazti vu
Czírkvi?*

5.

Kaj je szveti Red vu oszebnom? — Je
ovo jedna oszebujna chazt kruh y vino preo-
brachati, y Jesussha Kriztusha vu rukah no-
sziti? — Ali jeli je to jedno lehko dugova-
nye prodekuvati, grehe szuditi? — Kaj po-
trebuje anda Meshnik k-tomu? —

*Jeli Chazt
Meshnickka
jednu osze-
bujnu mi-
loztchu po-
trebuje?*

6.

Po chem zadobiva Meshnik oszebujnu
miloztchu k-szvoji chazti? — Gdo to szvedo-
chi, da sz. Red ovu oszebujnu miloztchu po-
delyuje? — Kaj opominya sz. Pavel Timo-
theusha? — Da koju miloztchu naj zbudi?
Gdo je Timotheusha redil? — Po chem je
Pavel Timotheusha redil? — Je sz. Red je-
dno vidlyivo znamenye? — Zakaj? — Y
kaj je bilo po poztavlanyu ruk vu Timotheu-

*Je szreti
Red jeden
pravi Sha-
krament?*

shu? — Kaj vchini anda szveti Red? — Je szveti Red jeden pravi Shakrament? — Zakaj? — Kakvo je ov znamenye? — Kaj zrokuje on? —

PITANYE 2.

Kaj je Shakrament hisnoga Zakona?

Razláganye.

1.
*Jesush Kri-
ztush po-
ztavil je
Shakramen-
ta hisnoga
zakona na
zlekkotye-
nye prete-
skih dusno-
stik Tova-
rustva.*

Najpervich, Dragi! vam povedal jeszem da duhovni szlusbeniki jednu oszebujnu miloztchu potrebuju, da Chazti Czirkve na diku Bosju y na dobro dush pravo y szveto obnashaju. Jeli nemislite vi, da y Roditelyi vashi jednu oszebujnu miloztchu Bosju potrebuju? Ako Roditelyi pobosno y szveto zku-pa nesiveju, szvoju Detczu od mladozti pobosno neodhraniju, tak szamo zlochezta det-cza y lyudi vu szvet doshli budû, y ovak na drugem szvetu ne nebo, nego pekel napunil sze hude. Metemtoga vendar neje lehko, da Roditelyi do szmertí pobosno y szveto siveju; najbolysha szerdcza razdrusuju sze, oszebito ako teskoche y nevolye qva pohadyaju; y kak tesko je z-jednem neszlosnem y malovrednem chlovekom sivetí! Ravno ovak ne lehko takaj Detczu kerztchanzki odhraniti. Detcza nepreztancze potrebuju, da za nye zkerbiju y na ovu paziju, kajti szi szama

čajto nikaj pomoči neznaju. Vnogiput szû ona zla y razvuzdana, y zrokuju Roditelyom szamo salozt y szerditozt. Ovak anda zaizto vashem Roditelyom potrebna je jedna oszebujna miloztcha; y nut ova miloztcha podeľyiva sze nyim po Shakramentu hisnoga zakona.

Kaj hisni Zakon je, to vi pri vashih Roditelyih videti morete. Oni siveju zkupa, pomaseju jeden drugomu y zkerbiju za szvoju detczu. Ovakvoga ztalisha, vu kojem mus y sena zkupa siveju, y za szvoju detczu zkerbiju, zovemo mi *hisni zakon*; y lyudi, koji zkupa siveju, ozivamo mi *Tovarushe* ali *zakonzke*. Hisni zakon bil je vre od pochetka szvêta; ar ví znate vre iz izpisza ztvarjanya szvêta (Nâvuk 5. pit. 1.) da pèrvi chlovek jeden mus bil je, y *Adam* zval sze je Bog vchinil je Evu za pomochniczu Adama; Bog szam anda poztavil je hisnoga zakona. On ali zapovedal je, da mus vszevdily z-szvojum senum naj sive. Kaj Bog zjedinil je, to chlovek razdrusiti neszme. Hisni zakon je anda jedno *vezilo nerazdruslyivo*.

8.
Kaj hisni Zakon je.

Pred dosheztkom Jesusha Kriztusha hisni Zakon né bil Shakrament; ar Jesush Kriztush ztoprav poztavil je Shakramente. Y vezda pri sidovih, Turchinih y poganinih hisni Zakon né je Shakrament; ar vszi ovi nêszu kerztche ni, y prez kerzta nemremo druge Shakramente prijemati. Ali vu Kerztchanzkoj Czîrkvi je hisni Zakon jeden veliki Shakrament; ar sz. Pavel veli od hisnoga Zakona: *Ov je jeden veliki Shakrament, velim pako vu Kriztushu y vu Czîrkvi.* (Ephes. 5.) Kakgoder Kriztush

8.
Hisni Zakon je vu Czîrkvi kerztchanzki katholicanzki jeden Shakrament.

z szvojum Czirkvum zaruchil sze je, ovak y chlovek oztavi Otcza y mater y zaruchisze zsenum. Kak Kríztush glava Czirkve je, ovak y mus je glava sene. Kak vszi verni vu Kríztushu szamo jedno szerdcze y jedna dusha jeszu, tak moraju y zakonzki zjedinenyi y jednake miszli biti. Kak Kríztush szvoju Czirkvu lyubi, y Czirkva Kríztusha, tak mora y mus senu, y ova musa lyubiti. Kak Kríztush szvoju Czirkvu vu nijedni szuprotivchini neoztavlya, tak neoztavlyaju niti zakonzki vu szuprotivchini jeden drugoga. Po hisnem Zakonu pelduje sze anda zjedinenye Kríztusha z-Czirkvum, y zato szveti Apostol Pavel ozi-
va hisni Zakon jeden veliki Shakrament.

4.
Vu chem
Shakrament
hisnoga Zakona
ztoji
y kaj on
zrokuje.

Kada mus y sena sze vzimlyeju; tak obechuje jeden drugomu, da posteno zkupa sivetí hocheju; ná to blagoszlavlya nye Meshnik. Shakrament hisnoga Zakona ztoji anda vu povrachnom obechanyu zakonzkich, y vu blagoszlovu Meshnika. Ovakov hisni zakon ime-
nuje Pavel jeden veliki Shakrament, tak mora anda hisni zakon miloztchu Bosju zrokovati. - Hisni zakon ali né Shakrament mertveh, nego siveh, po Shakramentu hisnoga Zakona anda miloztcha poszvetchujucha povekshava sze; mi moramo anda, ako vu ztali-
shu gréha jeszmo, predi Shakrament pokore prijemati. Kajti metemtoga tesko je z-jednum pershonum nerazdvojeno do szmerti sivetí, y detczu kerztchanzki odhraniti, tak podeluje hisni Zakon josche ovu oszebujnu miloztchu:
1. Da zakonzki lyudi zkupa pobosno siveju tija do szmerti. 2. Da detczu szvoju vu ztrahu Bosjem odhraniju.

Vezda vre razmeti morete, kaj Shakra-
ment hisnoga Zakona je. Najmre *Shakra-*
ment hisnoga Zakona je vezilo nerazdruslyi-
vo, z-kojem dve szlebodne kerztchanzke per-
shone, inus y sèna pravichno zkupa jemlyu
sze, y miloztche od Boga prijemlyu, da vu
szvojem zakonzkem ztalishu do szmertí, po-
bosno obztojè, y detczu kerztchanzki od-
hraniju. Vi takaj od ovud one velike du-
snoztí Zakonzkéh videti morete, koje je-
den proti drugomu, y proti szvojoj detczy
obvershavati imaju. Dusnoztí tovarushev je-
dnoga proti drugomu jeszu: 1. Da mirno
y kerztchanzki med szobum siveju. 2 Da
tovarush szvoju tovarushiczu kakti szvoje la-
ztovito télo lyubi, hrani y brani; tovarushi-
cza pako szvojemu tovarushu vu vszeh prav-
depeh dugovanyih pokorna bude. 3. Da je-
den drugoga vu potrebochi, y nevolji ne-
oztavi, nego obodva do szmertí zkupa vérno
prebivaju. Dusnoztí zakonzkéh lyudih proti
szvojoj detczy jeszu; da nyu kerztchanzki
odhraniju, ter za nyihovo vekivechno y vré-
menito dobro zkerbiju. Dobro odhranenyé
oszebito pripetchasze, ako Roditelyi detczu
szvoju marlyivo vu skolu poshilyaju, nyu vu
ztrahu Bosjem obdersiju, nyu od vszeh, ko-
ja nyu pokvariti bi mogla, odvratčaju, ter
nyim z-laztovitum dobrum sivlenya peldum
szvetiju.

R a z g o v o r i.

1.

Znashli josche, zakaj Meshniki oszebuj- *Po chem za-*
nu miloztchu potrebuju? — Imaju oni lehkú *dobivaju Ro-*

*ditelyi mi-
loztchu da
zkupa po-
bosno siveti,
y detczu
szvoju
kerztchan-
zki odhra-
niti moğu?*

chazt? — Miszlishli ti, da y Roditelyi tvoji oszebujnu miloztchu Bosju potrebuju? — Ako Roditelyi pobosno ne siveju, kakvi lyudi budu detcza nyihova poztala? — Kak moraju Roditelyi siveti? — Y kak moraju oni detczu szvoju odhraniti? — Zakaj moraju Roditelyi pobosno siveti, y detczu szvoju dobro odhraniti? — Je to kaj lehkoga z-jednum pershonum do szmerti pobosno siveti? — Jeli sze vnogiput najbolsha szerdcza nerazdrusuju? Nemoreli jedno saloztno pri-petchenye jedna nevugodnozt merzenye zro-kuvati? — Zakaj nêje lehkø z-jednum persho-num do szmerti siveti? — Znaju szî detcza szama pomochi? — Imajuli detcza vszigdar jedno dobro szerdcze? — Jeli je lehkø detczu dobro odhranyuvati? — Zakaj potrebuju anda Roditelyi jednu oszebujnu miloztchu? — Po kojem Shakramentu dobivaju pako Rodi-telyi ovu oszebujnu miloztchu? —

2.

*Kaj je hisni
Zakon?*

Imash ti josche Roditelye? — Jeli siveju zkupa vu jedni hisi? — Jeli jeden drugomu pomase? — Zkerbijusze obodvoji za detczu? — Kak sze zove on ztalish, vu kojem mus y sena zkupa siveju? — Jeli je hisni zakon ztoprav vezda vpelyan? — Kak sze zval per-vi chlovek szveta? — Y kak perva sena? — Gdo je Evu za pomochniczu Adama vchinil? — Kaj je Bog zapovedal Zakonzkem? — Je on nyim dopuztil raziti sze? — Kaj Bog zje-dinil je, szmeli ono chlovek razdrusiti? — Kakvo vezilo je anda hisni Zakon? —

3.

Jeli je hisni Zakon vre pred dosheztkom Kriztusha bil Shakrament? — Zakaj ne? — Gdo je hisni Zakon poztavil? — Ali je vezda pri Sidovih, Turchinih y poganinih hisni Zakon Shakrament? — Zakaj né? — Moremoli prez Kerzta drugoga kojega Shakramenta prijetî? — Jezuli Sidovi, Turchini y poganini kerztcheni? — Vu koji Czirkvi je hisni Zakon jeden veliki Shakrament? Zakaj vu Kerztchanki? — Kaj veli sz. Pavel od hisnoga Zakona? — Z-kojum zaruchniczum sze je Kriztush poruchil? — Néje Czirkva zaruchnicza Jesusha Kriztusha? — Z-kem sze pako mus poruchi? — Gdo je glava Czirkve? — Gdo je pako glava sene? — Lyubili Czirkva Kriztusha, y on Czirkvu? — Y kak sze zadersava mus y sena jeden proti drugomu? — Oztavili Kriztush vu szuprotivchini szvoju Czirkvu? — Szmeli mus senu vu szuprotivchini oztaviti? — Chije zjedinjenje pelduje sze po hisnom zakonu? — Zakaj imenuje sz. Pavel hisnoga Zakona jeden veliki Shakrament? —

Je hisni Zakon jeden Shakrament?

4.

Kada mus y sena sze vzimlyeju, kaj szî onda obechuju? — Da sze razishli budû? — Kaj chini onda Meshnik? — Vu chem ztoji anda Shakrament hisnoga Zakona? — Y kak oziva sz, Pavel hisnoga Zakona vu Czirkvi kerztchanki? — Jeli zrokuje anda Shakrament hisnoga Zakona miloxtchu Bosju? — Je hisni Zakon Shakrament mertveh? — Ali siveh? — Jeli zrokuje hisni Zakon podelyivanye ali povekshavanye miloxtche poszvet-

Vu chem ztoji Shakrament hisnoga Zakona, y zrokovanye ovoga?

chujuche? — Zakaj povekshavanye? — Ako anda vu ztalishu gréha jeszmo, kaj moramo pred prijemanyem hisnoga Zakona vchiniti? Kaj zrokuje pako Shakrament hisnoga Zakona zvun povekshavanya miloztche poszvetchujuche.

5.

Koje szû dusnoztí zakonzkéh lyudíh proti szvojoj detczi?

Znashli vezda, kaj Shakrament hisnoga Zakona je? — Y koje szû dusnoztí zakonzkéh lyudíh proti szvojoj detczi? — Imaju oni vszigdar vreme y nachine szvoju detczu dobro odhraniti? — Znashli, zakaj Roditelyi szvoju detczu marlyivo vu skolu poshilyati moraju? —

I. Dokànchanye Návuka.

Tobiash y Szara jeszu pelda dobrih zakonzkéh lyudíh.

Pobosni Roditelyi odhraniju dobru y pobosnu detczu; ovakvi pobosni Roditelyi bili szû oszebito ztari Tobiash y Anna, koji szvojega mladoga Tobiasha vu ztráhu Bosjem od pervo mladoztí odhranili jeszu. Tobiash bil je jeden vrední szín szvojuh Roditelyov, kak jako lyubil je on nye? kak frisko y pripravno zpunil je on nyihovu najmenshu zapoved? kak rad y pobosno molil je on Boga? y kak dragovolyno vchinil je on vsza, koja Roditelyi nyegviseleli jeszu? Zato y vchinyeno je, da Bog, poklamkam jednoch Otecz nyega vu *Ragesh* v-Mediu poszlal bi bil, da tam ztanovitoga dŭga od nekakvoga *Gabela* ztérja, nyemu szam Angela Rafaela za pajdasha dal je, koj nyega na putuvanyu zprevodil, pred pogibelyum chuval, y na senitbu z-Szarum, kcherjum Raguela, nagovarjal je. Szara takaj bila je

jedna vrédna kchi, koja nigdar nikaj zlocheztoga vchini-
nila, dapache niti pomiszlila néje, vszigdar oztala je
rada pri szvojih Roditelyih vu hisi; vnogiput zaperla
sze je vu szvoju komoru, y ovde molila je ona zasgano
y pobosno, kak ovo negda najszveteshe sene vchinile
jeszu. Zato je y vchinyeno, da, poklamkam nyoj Ro-
ditelyi musa bi bili prizkerbeli, da ov zklupa z-druge-
mi sheztemi szledechemi musmi, vre pervu noch od
duha nechiztoga zkonchan bil je: ar kajti vszi odurni
y nepobosni lyudi bili jeszu, tak nészu bili vredni, da
ovakvu pobosnu y Bogabojechu pershonu za tovarushi-
czu imaju. Szamo Tobias, kajti on Bogabojechi y chi-
ztochu lyubechi bil je, bil je vréden, da z-nyum vu
Zakon ztupi, y szveto sive.

O! da szamo bi bil vu ztalishu, vam Dragi! onu
szlogu szerdcz, onu chiztochu zakonczke lyubavi nyiho-
vé, onu ztalnu vérnózt vu vszakoverztnih dogodyajih
sivlenya ovoga vam izpiszati! — Kak zbudyaval je je-
den drugoga na dobro! kak terszili szû sze oni mira,
ovo zviralische vsze szreche, vsze bolje y bolje vtver-
diti! neszramne spotnicze, suhka y nevugodna zpochi-
tavanya, bila szû dalko nyih. Z-iztinizkum lyubavjum
pomogel je jeden drugomu tak dobro vu szrechnéh kak
y vu neszrechnéh dogodyajih. Zadnich z- kulikum
zkerbjum odhranili szû oni detczu, koju nyim Bog pri-
kazal je! Ne szamo zadovolyni, da detczu imaju, tak
terszili szû sze oni taki od pochetka ovu privchiti Bo-
ga bojati sze, pobosno sivet, y od vszega sze zdersa-
vati, kaj nye vremenito y vekivechno neszrechne vchi-
niti bi bilo moglo.

Szrechni jeszu ztareshi, koji ovu lepu peldu je-
dnoga Tobiasa y jedne Szare naszleduju, y jednako
ovem dusnozti szvoga ztalisha szveto izpunuju! O nyi-
hov ztalish je Nebo na zemlyi! Ali takaj szrechna jeszu
detcza, koja jednako Tobiasu y Szari szebe od mlado-

zti ovakvoga ztalisha vrédne vchiniju, y jedno chizto pobosno sivlenye vodiju! O! nyihova szrecha je vu Nebu vre odluchena, ar *dobra Sena*, veli mudri Szirak: *bude musu placha za nyegova dobra dèla*. (Sir. 26,) Jedno pobosno kerztchanzko sivlenye bude Bog z-jednem szrechnem y dobrozgodnem Zakonom naplatil. Terszite sze anda, Dragi! da vszigdar posteno, chedno, chizto y ztegneno sze zadersavali budete; terszite sze, da napredujuch vu pokornozti, poniznozti, lyubavi vsze vekshe y vekshe veszelje vashem Roditeljom vchinite, terszite sze zadnich, Boga vszigdar pred ochmi imati, nyega vu vszeh vashéh potrebochah y zkushavanyih za pomoch y tolnach prosziti, y od nyega vsze dobro nadjati sze. Amen.

II. Dokànychanye Nàvuka.

Pavel y Barnabash svrachili szû Shantavoga, y bili szû za Boge skrichani.

Pavel imal je jednoga vernoga lyublenoga pajdasha y zkupapostala vu Barnabashu, z-ovem putuval je chez vnoge varashe. Kam doshli jeszu, tam pripovedali szû od Jesusha, ter ovak vnogi sidovi y poganini, koji nyim véruvali jeszu, bratinzki zjédinili sze jeszu. — Jednoch prodekuval je Pavel vu *Lyztri* v-Likaonii nàvuka Jesushevoga, gde med oztalemi chloveka za poszlushitelya imal je, koj od szvogâ narodyenya shantav, y oszebito na nogah tak szlab y gingav bil je, da nigdar korachaja vchiniti, ali szamo na noge ztati néje mogel. Pavel zpazil je, da ov nyegvo prodechtvo zvelikum selyum y vérum poszlusha; y je rekel nyemu; *ztani jednako na tvoje noge!* (Actor. 14.) Y na ove rechi Pavla, Bose! kakva jakozt doshla je vu ovoga

chloveka? On ne szamo ztal sze je, nego on pochel je, kakti najzdraveshi chlovek hoditi, derchati y zkakati.

Ovo vchinyeno je vu nazochnoztí vnogeh pogani-
nov, koji vu ovom varashu ztanuvali jeszu; ovi, po-
klamkam bi bili videli, da na rech Pavla ov betesnik
na jedenput ozdravél je, nészu sze mogli zadozta chu-
diti; oni vu szvojem likaonzkem jeziku oszupnyeni iz-
krichali jeszu Pavla y Barnabasha za Boge; Bogi szû
ovi, rekli szû oni, Bogi vu chlovechanzki zpodobi, oni
iz oszebujne miloztche iz Olympa doshli szû k-nam.
Oszebito Barnabasha, morebiti zbog nyegve zvunzke
vnogoznamenujuche zpodobe, ozvali szû za *Jupitra*;
Pavla pako, koj govoril je, za *Merkuriusha*. Dapache
Aldovnik Jupitra, kojega kip y Czirkva na pochetku
ovoga varasha bila je; dopelyal je vu iztini z- venci
nakinchenoga vola, y hotel je zkupa z-lyudztvom ova-
ga ovom dvem Apostolom kakti Bogom alduvati, kaj
y zaizto bi bilo vchinyeno, ako Barnabash y Pavel
szvoje balye nebi bili tergáli, med lyudztvo zkochili,
y krichali: *lyudi! kaj delate! y mi szmô vmertelni
lyudi, kak vi, mi prodekujemo vam, da vasz od oveh
nishchetnoztih k-sivomu Bogu obernete, koj nebo y
zemlyu, y vsza koja na nyi jeszu, ztvoril je.* (Ibi-
dem.) Ovoga molite, ovomu szamomu aldujte! y ko-
maj z-ovemi rechmi opravili jeszu, da ovi lyudi nye za
Boge dersali, y nyim alduvali nészu.

Kakov, Dragi! vu ovom pripetchenyu návuk za
nasz nahadya sze?! Ako ztanovniki Lystre Pavla y Bar-
nabasha za Boge dersali jeszu, kajti ovi jednoga Shan-
tavoga zvrachili jeszu, za koga bud mo mi dersali one,
koji tuliko puti nashe dushe zvrachiju, dapache ove
takaj po jakozti puneh réchih od szmertí na sivlenye
nazad prebudiju? Za koga bi morali Kerztchenihi Me-
shoike szvoje izkrichati? Jeli nészu ovi oni, koji, kada
duhovnem nachinom mertvi rodili sze jeszmo, nasz po

vodi y rechi Bosje na sivlenye miloztche preporodili jeszu? Jeli nészu Meshniki, koji, kada neszrechni bili jeszmo sivlenye dushe nashe po szmertnem gréhu zgubiti, nam po Shakramentu pokore ovo nazad podelyili jeszu? Jeli nészu Meshniki, koji, kada nam szmert priblisava sze, nasz po szvetem Shakramentu poslednyega mazanya jachiju, y poszvetchuju? Jeli nészu Meshniki, koji tam na Oltaru kruha y vino preobrachaju, y télo y kerv gozpona nashega Jesusha Kriztusha za nasz Otczu nebezkómu alduju? Jeli nészu Meshniki, koji nam josche vszigdar návuke Evangeliuma nazvevchuju, y nasz vu vére iztinah, y dusnoztih podvuchaju, ter nam puta vu nehu kaseju? Jeli ovakvi lyudi nezashlusijú vsze nashe prestimavanye? Jeli nezashlusiju oni postenye y lyubav? Postujte anda nye, Dragi! prestimavajte nye kakti poszlenike Bosje, kakti razdelitelje najveksheh zkrovnoztih, kakti vashe pomiritelje: zpoznajte vnogóverztna dobrochinztva, koja vi po nyihovi szlusbi od Boga zadobite z-zahvalnoztjum, y molite selno Boga, da on vam vszigdar pobosne, marlyive y vredne Meshnike dati bi hotel. Amen.

III. Dokànchanye Návuka.

Dùsnozti Zakonskéh proti szvojoj detczy.

Kak teske szú dusnozti, koje vi o kerztchanzki Roditelyi gledech na vashu detczu za zpuniti imate? Vi zté dusni za nyihovo vrémenito, vi zté dusni za nyihovo vekivechno dobro zkerbeti. Néje zadozta, da vi detczu rodité nego vi nyim takaj dusnu hranu, priztojnu opravu, y potrebno podvuchanye prizkerbeti morate; hochu rechi, vi zté dusni one hraniti, koji od vasz sívlenye dobili jeszu; one priztojno odevati, koje gole y

bosze na szvet porodili jezte; one vu potrebnih podvuchiti, ali podvuchiti dati; po kojeh szebi y vam jednoch kruha zaszlusiju, y vam diku vchinili budú. Ar od vszega toga viszi vrémenito dobro detcze vashe. Jaj onem Roditelyom, koji ovu pervu dusnozt zapuztiju, koji sze szramuju ono odhranyuvati, kaj sze poroditi szramuvali nészu, koji Detczu na pol odevaju, y po tom nyihovomu zdravju ochivezto skodiju, ter nyu kakti divje drevo prez potrebnoga návuka odrasztiti puztchaju! Oni gréshiju proti naravi, proti detczy szvojoj, proti orszagu.

Ako anda dusnozt ova, za vrémenito dobro detcze zkerbeti, vre tak teska je, kuliko tesesha y oszebujnesha je ona, za dobro vekivechno zkerbeti sze? *Vi otczi!* chujte ovak krichi vam Apostol Pavel: *Vi otczi! odhranyuvajte vashu detczu vu Návuku y vu ztrahu Gozponovem.* (Ephes. 6.) Vuchite detczu vashu od mladozti Boga poznati, Boga sze bojati, podvuchajte nyu vu kerztchanztvu, pridersite nyu vszaki dan k-pobosni molitvi, ponavljajte visheputi z-nyimi, kaj jedenput dobroga navchili sze jeszu, szvetite detczy vashoj z-dobrum peldum, y neprepuztchajte hmanyochu nyihovu prez kastige, imajte vszigdar shibu proti nyim podignenu, da morebiti poleg vashega kastige vrednoga prepuztchanya, josche vu mladozti veliki hudodelniki nepoztanu, y vi nyim y szebi vekivechno zkvarjenje zadnich ne pripravite. Jaj anda zopet onem Roditelyom koji ovu tak oshtru dusnozt za nemar mecheju, y na meztu dobreh Kerztchenikov y buducheh odvetkov neba, szamo vnogo bolye szusne gréha y detczu Beliala odhranjuju! Ovaki greshiju proti véri, proti Czírkví, y proti szebe szamem.

O da szamo vi kerztchanzki Roditelyi! ovakvih teshkih gréhov vash nigdar krivcze nebi vchinili! da vi

Schloissnigg Iztine Vere Del. III.

vszigdar tak za vrémenito, kak za vekivechno dobro vashe detcze bi sze zkerbeli! ter vi pravi kerztchanski Otczi y matere vashe detcze bi bili! o kuliku neszrechu bi vi od nyih odvernuli, y kulikoga obilnoga blagoszlova za vasz y za vashu detczu bi sze mogli od onoga nadjati, koj Otecz vszeh nasz je?! Amen.

(Konecz Ztrani III.)

Österreichische Nationalbibliothek



+Z183066007

